

ARISTOTELIS

DE REIP. BENE ADMINISTRAN-
DÆ RATIONE; LIBRI OCTO, A DIONYS.
Lambino Monstrolienti, litterarum Græcarum Lutetiæ docto-
re Regio, olim Latini facti: nuper ab auctore recogniti, & notis
ad oram libri adscriptis aucti.

AD ERRICVM⁸ VALESIVM,

Errici II. Gallorum regis F. Karoli IX.

Gallorum Regis Fratrem,

Andium ducem.







AD ERRICVM VALESIVM,

ERRICI II. GALLORVM REGIS F. KAROLI IX.

Gallorum Regis. Fratrem, Andium ducem,

D. Lambini Monstroliensis

Praefatio.



LEXANDRVM Magnum, regem Macedonum, ferunt audito primum Timotheo, praestanti & claro tibicine, cum modum quendam cecinisset non mollem, neque remissum, neque imbellem, sed fortem, & incitatum, & militarem: (Orthium appellant Graeci) quem sciebat ille eius ingenio & moribus maxime conuenire, usque adeo commotum esse, ut continuo, quasi afflatu quodam diuino concitatus, ad arma exsilierit, eaque arripuerit: & primum quemque sibi oblatum ultro lacestierit, ac prouocarit. tanta fuit cum cantus illius, tum artificis praestantia, tum ingenij Alexandri ad cantum illum suscipiendum facilitas, atque opportunitas. Verum Alexandro, regi bellicoso natura, neque Timotheo, neque alio quouam simili artifice, qui eum ad arma excitaret, opus erat: sed aliquo pacis suae fore potius, otiique praecone ac buccinatore, qui eum, ad bellum sponte sua satis procliuem ac propensum, ad animi moderationem, ad iustitiam, ad pacis artis denique, atque ad pacem ipsam reuocaret. Namque omnino, quod de Lacedaemoniis traditum est, omnem Lacedaemoniorum indolem ac naturam cupiditate vincendi esse inflammatam, idem de regibus generosis dici potest. ferè enim in omnium regum animus, nisi sint Sardanapali, & Heliogabali similes, gloriae militariae amor innatus est: à pacis studio autem, arriumque ad pacem accommodatarum cognitione plerumque abhorrent vel natura, vel consilio, & instituta ratione vitae: quasi verò ars militaris sola sit regalis. Facile porro nos quoque, qui mille ducentos fere annos regibus

paruimus, quorūque maximè intereſt, reges eſſe iuſtos, temperan-
teis, moderatos, clementeis, ſapientē, omni denique virtute præſtan-
teis, belli, præſertim domeſtici, atque interni hortatoribus carere poſ-
ſemus: neque deſunt nobis hodie, qui bellicum aſſiduè canant, quam-
vis ipſi ignaviſſimi ſint, ſperantes fore ſcilicet, ut ſint huius fabulæ
ſpectatores tantum, non etiam actores, & ut ſine ſuo periculo dimi-
cetur: quibus utinam deus immortalis meliorem mentem daret.
Tantum igitur abeſt, ut ſalium tibicinum ſeu tubicinum potius, pæ-
nuria laboremus, ut etiam eorum multitudine & turba vrbes re-
dundent, eorūque voceteſta omnia perſonent. Illorum hominum
magna ubique gentium pænuria eſt, qui regum Chriſtianorum ani-
mos ad ſtadium pacis & concordie, carum denique artium, quibus
in pace maximè opus eſt, cohortentur. Præclare enim dictum eſt à
Platone, regem illum eſſe veluti mancum ac debilem, qui bellum
quidem gerere ſciat, pacem autem agitare neſciat. Itaque & hic, &
eius auditor Ariſtoteles Lycurgum grauiter reprehendunt, quòd
Lacedæmoniorum leges omneis, quarum ille ſcriptor & auctor fuit,
ad bellum, & ad bellicam virtutem retulerit, nullas fere ad vitam
in otio, ac pace degendam compararit: & quòd reipub. adminiſtran-
dæ formam conſtituerit, ciuibz, quandiu quidem militabant, &
arma tractabant, facilem, commodam, opportunam, atque expedi-
tam: inermibus verò & bello deſunctis difficilem, incommodam,
ineptam, atque impeditam. Itaque tantisper dum bellum gerebant,
atque in caſtris, & ſub pellibus erant, reipub. ſuam bene admini-
ſtrabant, fortunaque ſecunda florebant: ubi verò bellum gerere
deſierant: partim otio diſfluebant, partim diſcordiis inteſtinis con-
ſiſtebantur, partim ſuperbia, & iniuſtitia ſocios ac fœderatos à ſe
alienabant: neque tamen id ipſum, ad quod eos ſcriptor legum eru-
dierat, in quo eos exercuerat, in quo denique illi non ceteris modò
populus præſtabant, ſed etiam ſeiſis ſuperiores erant, potuit eos ad-
modum diu incolumeis conſeruare. Ad extremum enim cū
Cleombrotius temerè cum Epaminonda confluiſſet, eorum opes
funditus corruerunt. Ita neque artes urbanae, paciſque & otij pro-
priae, quas non didicerant: neque externae & bellicae, quae ſine alteri-
us claudicant, eos ab interitione vindicarunt. Quòd ſi popu-
lus ille, cuius tanta erat priuati & publicè paſſionia, frugalitas,
& continentia, tam ſeuera domi non ſolū in viris, & ſeni-

bus, verum etiam in pueris disciplina: tanta militiae fortitudo, durities, & laborum tolerantia, non potuit sine pacis artibus suam rempublicam diutius incolumem tueri ac retinere: quæ spes est fore, ut populus rebus secundus ferox, & omnium rerum ubertate circumfluens, fortunaque dulci (ut poeta quidam loquitur) ebrius, sine institutione ad pacem agitandam, otiumque rectè ponendum apposita diu incolumis permanere possit? Nam si homo singularis priuatus, qui non primum eximia quadam nature bonitate præditus, deinde egregia institutione, atque accurata educatione expolitus sit, non facile potest se regionibus officij continere, & res secundas ferre: quid de ciuitate fortunata, & gente opulenta sentiendum, in qua quo maior est multitudo, hoc plures homines esse insolentis, contumeliosos, & perulantes credibile est? Omnis insigni quadam iustitia, & temperantia, & moderatione animi, & sapientia iis opus est, qui res suas optimè gerere, summaque prosperitate frui videntur. Quod si qui populi (ut est in fabulis) reapse fortunatas insulas incoherent, in eisque omnium rerum quæ in bonis ducuntur, copia abundarent: tamen quo beatiore essent, eo præstantiore virtute, maiorèque sapientia ad suas res moderatè ferendas, otiumque suum rectè ponendum eis opus esset. Nam sine tali virtute, talique sapientia hæc rerum secundarum magnitudo breui tempore vel rerum omnium perturbationem eis importaret, quæ hanc omnem felicitatem horribili calamitate, & miserabili clade funestaret: vel vinendi genus in ciuitatem induceret seruile, minimèque liberale, neque ciuile, & vix homine dignum, sed plane belinum. Quid enim humanitatis esset, nedum libertatis, atque ingenuitatis in hominum vita assidue potantium, semper epulantium, sine intermissione saltantium, perpetuò bacchantium quotidie rebus venereis operam dantium? numquam siccorum, numquam sobriorum, numquam rem aliquam seriam aut cogitantium aut agentium? Itaque cum in rebus secundis maximè virtus requiratur: res aduersæ autem vel ignauissimos, ac nequissimos homines exacuant, atque exsuscitent: & ad pietatem, ceterasque virtutes acerrimos stimulos admovent: pacis tempus porro, & otium publicum cum rebus secundis maximè sit coniunctum, neque ab iis facile diuelli queat: non est satis reipublicæ moderatori, legumque scriptori ad id, ut respubl. rectè

administretur & ciues sint fortunati ac beati (quod munus est boni reip. gubernatoris) operam dare, ut sui ciues sint in arte militari exercitati: sed eius hæc præcipua cura esse debet, ut iis artibus sint instructi, quibus in pace viuere, & rectè otuari possint. Hæ autem artes sunt iustitia, temperantia, moderatio, clementia, prudentia, sapientia, & similes. Verissimè autem à Platone dictum est, quales sunt principum & magistratum, tales eorum, qui imperio parent, esse mores. Quoniam igitur omnium reipub. administrandæ generum, sententia Aristotelis, cuius nunc libros politicos interpretati sumus, regnum est optimum: hodie autem ciuitates, & nationes fere omnes regibus, aut regulis parent: (de tyrannide verò, quæ deterrima est reip. administrandæ forma, & de tyrannis, qui, cum ipsi miseri sint, numquam ea, quibus iniuste imperant, ciuitates, erunt beatæ, nihil attinet dicere) si volunt reges præclare suum munus explere, & opus suis omnibus numeris ac partibus absolutum efficere: eas arteis didicerint necesse est, sine quibus otium rectè collocari nequit. Nam si erant ipsi iniusti, intemperantes, libidinosi, auari, crudeles, importuni: non est sperandum, eorum ciueis, iustos, temperanteis, continenteis, liberales, humanos, clementeis futuros. Iam verò si quis rex hoc vno contentus erit, atque hoc vnum regale munus esse existimabit, scire bellum gerere, pacem agitare, & in pace se, suosque ciueis regere nesciet: similis erit illi medico, qui, ut corpus sit in speciem decorum & venustum, fūco assequitur: ut sit validum autem ac robustum, & à morbo, quoad eius fieri potest, tutū, ac sincerum, arte mendi perficere non potest, sed id vel mala scabie erodi, vel diuturna tabe liquefcere, vel morbo acuto repente exanimari sinit: aut illi pastori, qui lupum quem à grege arcere potest, gregem verò bene pascere nescit: sed vel propter incuriam, & negligentiam suam, vel propter inscientiam macrescere, contabescere, atque interire patitur. Quamquam si reges tum denique belli gerendi consilium caperent, cum lacefferentur: reprehendendi non essent, immo verò laudandi. nunc autem cum otium cum dignitate coniunctum, pacemque honestam consecuti, pacis bono uti frui, otiumque sibi oblatum rectè ponere nesciant, sæpèque nulla iniuria accepta imperij propagandi cupiditate inflammati populis quiescentibus vtrò bellum inferant: grauissimè à clarissimis philosophis, meritoque accusantur: ut taceam quòd interea non modò neque suæ, neque suorum tranquillitati consulunt,

neque suo bono utuntur, sed interdum suas opes, suumque imperium in summum discrimen adducunt, sibi & aliis molestias struunt. Quod Cineas illum, suæ ætatis hominum eloquentissimum, ac prudentissimum virum, Pyrrhi regis familiarem, vidisse, eique prudenter & acutè demonstrasse, atque ostendisse ferunt. Cum enim Pyrrhus bellum Romanis inferre cogitaret, ille autem eum ab hac sententia demouere cuperet: tempore captato, quo tempore Pyrrhus & vacuus, & solus esset: Bellicosi, inquit, Pyrrhe, Romani dicuntur esse, multarumque gentium bellicosarum compotes: verumtamen si deorum beneficio superiores viris illis discefferimus, quid nobis hæc victoria proderit? Rem, inquit Pyrrhus, haud sanè ad respondendum difficilem, & valde in promptu positam rogas. Romanis enim superatis ac subactis, nulla iam neque barbariæ, neque Græciæ ciuitas nobiscum pedem conferre audebit, sed tota Italia continuo nostra erit: cuius magnitudinem, & ubertatem, & potentiam quemuis potius, quàm se ignorare decet. Tum Cineas aliquanto tempore intermisso. At posteaquàm Italiam ceperimus (inquit) Pyrrhe, quid faciemus? ibi Pyrrhus nondum quid sibi Cineas vellet, quòue intenderet, videns, Sicilia (inquit ille) non longo ab ea distans interuallo manus nobis porrigit, insula cum fortunata, & bonis omnibus repleta, & hominibus frequens, tum ad expugnandum, & capiendum facilis. seditionibus enim & discordiis intestinis tota conflctatur, & imperij vacuitas est in ciuitatibus, & leuium populi ductorum acrimonia & calliditas in dicendo, ad populos huc & illuc impellendos accommodata est, Agathocle mortuo. Probabilia sunt quæ dicis, inquit Cineas. Sed si ita est, eritne nobis expeditionum & castrorum finis Siciliæ expugnatio? Dū faciant (inquit Pyrrhus) ut victoria potiamur, remque bene geramus. Hæ enim prolusiones nobis ad res magnas aditum patefaciēt. Quis enim iam se ab Africa & Karthagine aggredienda ac petenda continnerit, ut quæ iam, pene dicam, manu tangi & prehēdi possit? quam Agathocles, cum ex Sicilia clam profugisset, & paucis nauibus in eam tranectus esset, propemodum cepit? Iam verò cui dubium est, quin, ubi nos harum rerum potiti fuerimus, eorum hostium, qui nunc nobis insultant, ac molesti sunt, nullus nobis obsistere ausurus sit? Nemini, inquit Cineas. Perspicuum enim est, nobis tantam potentiam nactis expeditum ac facile fore & Macedoniam recuperare, & cunctæ Græciæ sine contro-

uersa imperare. At cum omnia in nostram potestatem, ditionemque redacta fuerint, quid faciemus? Tum Pyrrhus videns, cessabimus, inquit, atque otia bimur, & dies festos, & conuiuia agitabimus, & compositabimus, totamque reliquam aetatem hilariter & iucunde traducemus. Cum Cineas Pyrrhum huc adduxisset: & quid nos vetat, inquit, Pyrrhe, nunc, si velimus, otari, & conuiuia agitare, & compositare, praesertim cum haec iam habeamus, cumque ea nobis sine ulla molestia, ulloque periculo suppetant, ad quae multo humano sanguine profuso, & magnis laboribus susceptis, periculisque aditu perueniendum nobis est, postquam & nos ipsos, & alios magnis detrimentis illatis vexauerimus? Hac oratione Cineas Pyrrhum (ut historici memoria prodiderunt) offendit potius, quam de sententia sua deduxit. Sic sunt reges: (de insipientibus regibus loquor) oratione dulci magis, quam vera, delectantur: & assentatores libentius audiunt, quam veros amicos. Quod non oportebat: sed contra, iis, qui libere, quod recte sentiunt, & quod salutariter cogitant, apud eos loquuntur, praemia decernere: iis vero, qui oratione non solum vana, verum etiam perniciose anreis eorum demulcere conantur, poenam consistnere. Sic rex ille regum Agamemnon, quamquam non usquequaque perfectus, neque omni ex parte laudabilis, Diomedem libere apud se loquentem, tamen libenter audiebat: neque senis Nestoris modo consilium prudentiae plenum admirabatur, & sequebatur, verum etiam Diomedis iuuenis libertatem fidelem simul & animosam approbat, eodem apud Priamum loco Antenor fuit, apud Hectorem Polydamas, apud Cyrum Chrysantas, apud Xerxem Artabazus, apud Philippum Parmenio, apud Alexandrum Callisthenes, apud alios alij: quamuis non semper quod illi dixerunt, regibus probarunt. Nam neque Antenor, cum Priamo suaderet, ut Helenam Graecis redderet, ei fidem fecit: neque Polydamas Hectorem, ne in stationem nauium fossa & vallo munitam irrumperet, deterrevit potuit: neque Artabazus Xerxi exercitum in Graciam adormanti, persuasit quod suadebat, cum illum ab incepto reuocaret: neque Callisthenes Alexandrum magnum Asia iam potitum, & multis secundis praeliis elatum, Macedonica, & patria instituta mutare cogitantem, cum ei dissuaderet ne faceret, de sua sententia demouit. Itaque & Priamum, & Hectorem, & Xerxem, & Alexandrum suae temeritatis & contumaciae poenituit. Aut eximia igitur

tur in regibus sapientia inesse debet, ut eis ipsis, quod opus sit, veniat in mentem si futurum est, ut probe suo munere fungantur, & civitates eæ, quæ eorum imperio parent, sint beatæ: aut tali ceterè ingenio, iudicioque præditos esse optabile est, & sapientium virorum recte suadentium consilium obtemperent. Quare hoc quoque, ut pleraque alia, præclare dictum est à Platone, tum demum civitates & nationes, beatæ futuras, cum aut philosophi, hoc est sapientes, rerumpublicarum moderatores, aut rerumpub. moderatores, erunt sapientes. Neque verò quemquam existimare oportet regnum esse aut excellentiam secundæ fortunæ, aut copiam fruendarum voluptatum, aut ingentem auri atque argenti acervos: sed præstantiam virtutis. Euenire enim casu aliquo potest, ut priuatus aliquis homo ampliores opes, vimque pecuniæ maiorem habeat, aut plus auri possideat, aut plureis ac maiores voluptates corporis percipiat, quàm rex aliquis generosus ac legitimus, idemque virtutibus omnibus ornatus: neque ideo tamen illè rex erit dicendus. Contrà neque Midas rex Phrygiæ, qui optauit, ut, quicquid tangeret, aurum fieret: neque Polykrates Samius, cui usque adeò fortuna fauit, ut, cum de Amasis sententia placare Nemese vellet propter multitudinem & magnitudinem rerum secundarum, eaque gratia gemmam sibi carissimam, & qua maximè delectabatur, in mare deiecisset, eam paullo post in piscis ad se delati ventre repperit: neque Sardanapalus, aut Helio-gabalus, qui assidue in voluptatibus volutabantur, quorum alter perpetuò cum mulierculis versabatur, & lanam digiti carpebat colūmque tractabat: alter, cum cum voluptatum virilium odium cepisset, muliebrius contra naturalem usum consecretabatur: reapse illi reges fuerunt, sed regum larvæ, atque adeò portenta naturæ. Regum igitur institutio tanto accuratior sit oportet, quanto eum, qui alios homines consilio & prudentia regere debet, ceteris omnibus, quibus præfuturus est, virum meliorem esse par est. Nam quid fieri potest, ut, qui non fuerit optimè institutus, alios regat, cumne se ipse quidem regere possit? Quamuis enim regum filios credibile sit ingenio & natura aliis præstare, nulla tamen naturæ bonitas usque adeò excellit, ut disciplinæ adiumenta non requirat. Nam si pueros in domo priuata natos ac sublatos, neque admodum interdum rebus ad victum necessariis instructos, quantumuis licet naturæ bono valeant, sepe tamen deprauant domesticorum & familiarium sermones,

hominumque vitiosorum consuetudo, nisi summa diligentia in eis instituentis, & ab improborum congressu arcendus adhibeatur, quid regis pueris futurum est, qui ab incunabulis molitia & luxu imbuuntur? quibus in omni genere deliciarum quotidie versari licet? quibus omnes fere blandiuntur, & palpantur? aduersari audent pauci ac vix preceptores? ad quos faciliorem sibi rerum uicundarum ministri, quam virtutis, & doctrinae magistri patere accessum volunt? Atque haec intelligi velim esse dicta de stultorum, non de nostrorum regum filiis. Nam ut omittam de superioribus nostris regibus dicere, pluribusque verbis demonstrare, quanto semper studio doctissimos viros exquisierint, quibus filios suos erudiendos traderent, quod testantur Fabri Stapulenses, Maini, Theocreni, Danesij, alij, quorum nomina longum sit referre: regi nostro Karolo fratri tuo, adolescenti egregia ad omnes virtutes indole praedito, atque ad res maximas nato, ingenio acerrimo, iudicio subtilissimo, praceptor contigit singulari doctrina ornatus, Iacobus Amiotus, magnus eius eleemosynarius, & diui Cornelij cenobiarcha. Tu quoque, fraterque tuus minor natus, dux Alenconensium, pari uterque indole praeditus, parique ingenio natus, praceptores doctissimos consecuti es: & tibi quidem Io. Paulus Selua, nuper episcopus ecclesiae diui Flori creatus: fratri tuo vero duci Alenconensium, primò quidē P. Valla, antistes ecclesiae Sagiensis, vir omnium laudatarum atque ingenuarum artium duarumque linguarum eruditarum, Graeca & Latinae, & praeterea Syriacae peritissimus: deinde eo morte immatura exstincto, Robertus Furnerius Ambianensis, homo eloquentissimus, & theologus acutissimus ac politissimus contigerunt: ita ut verendum non sit, ne non vos ad omnes liberales & regias disciplinas dociles, idoneique natura, partim ingenij vestri bonitate freti, partim talium virorum opera, diligentiaque directi atque adiuti, tale in bonis litteris ac doctrinis progressus faciatis, ut nemo vos ignorantiae, atque inscientiae merito arguere queat: quae notae cum in omni homine indecorae sunt, tum in principibus viris eo sunt deformiores, quo turpius eis est labi, falli, errare: quae mala ex ignoracione fere atque inscientia nascuntur. Iam vero cum homines vel natura, vel consuetudine, vel ratione, seu disciplina boni fiant: natura porro & consuetudo nobis sint cum aliis animantibus communes: disciplina autem & ratio solius hominis sit propria: optabile hoc quidem est, ut

hæc tria in rege, qui ceteris omnibus hominibus, quibus imperat, antecellere debet, conspirent atque concurrant: sed si hoc non contigerit, videndum est, ut consuetudo & institutio vitia naturæ, si qua sunt, sanent & corrigant. Institutione autem regia continentur sex potissimum virtutes, pietas in Deum Opt. Max. iustitia, fortitudo, temperantia, clementia, liberalitas. Ac pietas quidem in Deum, eò regibus colenda est, quia, quem regem ciues pium esse existimant, hunc maximè verentur, deoque carissimum esse arbitrantur. quare cum ei libentius parent, tum minus audent rebus novis contra eius voluntatem studere, quem sibi persuaservnt Deo immortalī in rebus suis omnibus adiutore & custode niti: iustitia verò, quia hic talis non modò nemini iniuriam inferet, verum etiam ab altero alteri illatam propulsabit ac defendet: fortitudo autem, quia talem virum nullius aut laboris fuga, aut periculi metus à fortibus consiliis deterrebit: temperantia, quia qui temperans est, non est metuendum nequa ab eo domus, ulla infamiae, aut turpitudinis macula per stuprum ac libidinem aspergatur: clementia, quia talem principem nihil durius aut immanius iracundia incitatum in quemquam ciuem statuturum, aut omnino facturum credibile est: liberalitas, quia qui talis sit, non solum ciuis bonis aut labore atque industria partis, aut patriis atque auiis non est spoliaturus, verum etiam in viros bonos de se, & de rep. benè meritos beneficus & benignus est futurus. Ita præterquam quòd præclara suis ciuibz ad imitandum exempla proponet, duo etiam mala maximè regibus horrenda, ac pertimescenda declinabit, idum & contentum. Nam cum ceteræ virtutes omnes multitudinis benivolentiam conciliant, tum maximè iustitia & liberalitas: pietas autem & fortitudo, maximè vindicant à contentu. Omnium porrò præsidiorum, quibus regum opes stabiliri possunt, firmissimum, & validissimum est benivolentia ciuium, & bona eorum dcm de suo rege existimatio: quemadmodum contrà nihil ad tyrannicam potentiam euertendam acriores stimulos admouet, quam odium & contentus. Declarant hoc quod dico, interitus tyrannorum, Sardanapali, Dionysij posterioris, Phalaridis, Alexandri rheræi, Demetrii, Iulij Caesaris, Neronis, aliorum innumerabilium: à quo periculo cum longè absunt regna omnia, hoc est imperia iusta ac legitima, tum longissimè abest regnum Galliae propter incredibilem videlicet illam, qua septum ac munitum est, populi in suum regem :

beniuolentiam. Itaque cum ceteri reges custodia corporis externa potius, quam domestica & ciuili utantur, suisque ciuibus disident, neque se nudos atque inermos eis committere audeant: regi Gallorum per totam suam Galliam inermis inter suos armatos sine ullo metu ac periculo iter facere licet. Nam quod etiam Heluetios hodie stipatores sui corporis habet, id ab illo primum tempore institutum atque inductum est, postquam illi nobiscum belli societate & fœdere iuncti fuerunt: antea centum nobilium virorum, & aliquot sagittariorum Gallorum præsidio reclusus ac septus incedebat. Atque utinam, ut reges Gallie & olim custodia corporis domestica contenti erant, & nunc contentis eis esse licet: ita & ciuilibus copiis niterentur, exercitūque externo carere possent, quod assequerentur, si non solum suis omnibus præterquam agricola, & ceteris, quibus vacatio militiæ concessa est, usum armorum, exercitationemque rei militaris permitterent, verum etiam eos præmiis ad hoc studium inuitarent. hoc si fieret, nulla vis, nulla iniuria externa regno Gallico metuenda esset: Nunc autem ea omnia, quæ eos circumuenire solent incommoda, qui in exercitus externi robore præsidium suum collocant, nos quoque persequuntur. primum ingens pecuniæ vis in eum insumitur, quam ille bello finito secum à Gallia exhaustis priuatorum loculis exportat. deinde non potest simili animi alacritate pro regis incolumitate, Galliæque salute decertare atque ciues. præterea non sine periculo ei creditur. accidere enim potest, ut maiore pecunia ab hostibus ostentata ac promissa, sese repente illis adiungat, victoriamque adiudicet. præterea si quod flagitium militare in se admittat, non facile in eum animaduerti potest. cum fit quodammodo regnum Gallicum nationibus illis, quarum præsidio & subsidio rei cogitur, uectigale ac stipendiarium. præterea alienantur à principe ciuium animi cum vident maiorem fidem haberi alienigenis, quam sibi: se spoliari atque exhauriri, illos ornari, ac locupletari. deinde non contenti illi interdum suis stipendiis vrbes & agros Galliæ diripiunt, atque expilant. postremo cum accidere possit, ut repente bellum nobis inferatur, hoc est, non ante indictum, neque denuntiatum, & ita præter spem, opinionemque nostram, & nobis imparatis hostes in finibus regni irrumpant, illorum autem aduentum, auxiliumque expectare longum sit: ciues in arte militari non exercitati, neque armis assue-

facti iniuriam externam repellere nequibunt. ita poterit in sum-
mum discrimen vocari respublica, utpote & à subsidio externo nu-
da, atque inermis: & domestico praesidio non satis instructa. Nam
quòd in nobilibus solis totius belli robur, & firmamentum collo-
camus: cum hi fere omnes sint equites, equitatus autem sine peditatu
in acie & praelio parum valeat: intelligere licet, copias & vires Gal-
licas, nisi alij quoque ciues praeter nobiles, arma tractent, artemque
militarem exerceant, inualidas atque imbecillas esse. Quòd si etiam
illis arti militari operam dare liceret: gens Gallica primum ipsa suis
opibus polleret: deinde omnibus aliis nationibus esset formidolosa,
horribilis, atque innicta. Nunc autem dum ceteram iuuentutem à
studio rei militaris auocamus, atque arcemus, nobis ad externa auxi-
lia necessariò confugiendum est: unde ea mala, quæ paullo antè à no-
bis cõmemorata sunt, multaque alia, quæ doctissimi, clarissimique
viri collegerunt, litterisque mandarunt, oriuntur: quæ quando neque
huius loci, neque mei instituti est hac de re disputare, praetermitto. Ve-
rùm cum Aristotelis libros de optima reip. administrandæ ratione in
Latinum sermonem à multis claris quidem illis, & eruditis viris
iam antè conuersos, sed tamen illi suo, ego meo more, meoque arbi-
tratu cõuertissem: in quibus hic philosophus regnum omnibus reipub.
administrandæ formis anteponit: voluissimque in hac mea ad te si-
ue epistola, siue totius operis præfatione, huius philosophorum princi-
pis sententiam, & quasi vestigia secutus, eorum, quæ de regno, regni-
que firmamento, quod in beniuolentia ciuium potissimum ait consi-
stere, & de artibus pacis & belli, quarum alteræ domi, & ad otium
rectè collocandum, alteræ foris, & ad externam iniuriam repellen-
dam sunt utiles, prudentissimè differt, semina quædam spar-
gere: me in eam, quam dixi, de beniuolentia ciuium orationem
ingressum, quam sciunt omnes nationes Gallis erga reges suos
esse singularem, ita ut sine externa custodia, amore suorum & fide
sæpti totam suam Galliam tutò perlustrare ac peragrarè possint, pro-
uexit rei similitudo, ut adderem illud, quod à sapientissimis (ut paullo
antè dixi) clarissimisque viris, iisque Gallis, Gul. Bellaio Langæo, no-
bilis. viro, rei militaris peritis, imperatorique optimo: Claudio Se-
sello, doctis. & prudentis, viro, regis Ludonici XII. consiliario, & ad
extremum ecclesie Massiliensis antistite facto, & sæpe in senatu
disputatum, & litteris mandatum est, regnum Gallia suis domesticis
e ij

copiis satis esse ab omni externa iniuria munitum, si reges non solum equitatu, verum etiam peditatu Gallico, sine externo, uti vellent: neque vel tempora reip. vel temporum ipsorum inclinationes aliud consilium sequi cogerent. Hæc mihi huius sermonis ansa data est: quo prætermisso, redeo ad hos Aristotelis de optima reipub. administranda ratione libros: quos tibi potissimum, Errice, non temere (nisi fallor) dicandos esse existimaui. Quamvis enim scirem, te ad hanc civilem, quam politicam appellant Græci, scientiam assiduo usu, & quotidiana exercitatione erudiri, utpote quem Karolus frater tuus senatui, consilioque suo ei, in quo de summa rep. quotidie agitur, preposuit: putavi tamen me tibi gratum facturum, si, quæ tu quotidie sparsim, & confusè, & singulatim audis, & cognoscis, & tractas, ea universa ab Aristotele his libris comprehensa, & quasi sub uno aspectu posita, & incredibili docendi via ac ratione tradita, atque explicata, & à me Latina facta tibi donarem. Sæpe enim audisti, opinor, à Io. Paulo Selua, viro doctissimo, ecclesiæ diui Flori Episcopo, præceptore tuo, neque parcius à Francisco Carnaualeto, equite aurato, custode & rectore tuo, homine militari quidem illo, & artium bellicarum peritissimo, sed tamen ita bonarum litterarum, & omnis liberalis doctrinæ studioso, ut & in his studiis totam superiorem ætatem contriuisse videatur, & quotidie meliores diei horas in eisdem consumat: ab his igitur sæpe audisti, quantus sit philosophus Aristoteles, quam elegans scriptor, quam acutus, quam subtilis, quam aptus ad docendum, quam copiosus, quam omnium rerum cognitione refertus. Neque tamen me fugit nonnulla esse apud eum partim difficilia atque obscura, (quemadmodum & apud omnes scriptores) partim à nostris temporibus & moribus aliena. Sed quod ad prius illud attinet, nulla est difficultas aut obscuritas, quæ non improbo labore, & acri studio, & crebra lectione pervincatur: qua tamen opera & molestia (si legere ac discere molestum est, & non potius iucundum,) te Selua, & Carnaualetus tui lenabunt. Si qua autem à nostra consuetudine in his libris reperientur abhorrere, nihil tamen fere erit, quod non ingeniosus & prudens lector ad hæc tempora atque ad usum nostræ reipub. accommodare possit. Reliquum est ut te duo orem atque obsecrem, Errice: primam ut ne inducas in animum, quod quibusdam nobilibus hominibus, qui tamen nihil habent nobile præter nomen inutile,

& iactantiam verborum inanem, & prædicationem generis ven-
 tosam, persuasum est, quodque habent assidue in ore, litteras & do-
 ctrinam ad artem militarem nihil conferre, atque etiam ad animos
 effeminandos valere. Numquam scilicet de Pallade armata, num-
 quam de Marte rogato quicquam audierunt: quæ quid aliud signi-
 ficiant, quàm neque sapientiam & doctrinam sine armis & viribus
 multum, neque vireus & arma sine sapietia & doctrina quicquam
 posse? Itaque magni & præstantes imperatores, doctrina exculsi &
 eruditi fuerunt. Epaminondas, Alcibeades, Alcæus, Xenophon, Diô,
 Philippus Macedo, eius filius Alexander Magnus, Scipio Africa-
 nus, L. Lucullus, Cn. Pompeius, Iulius Cæsar, M. Brutus, Asinius
 Pollio, A. Hircius, & ne longè exempla petantur, Bellaius Langæus,
 & qui tibi vnus instar multorum esse debet Franciscus, hoc nomine
 Rex Gallorum primus, auus tuus bellator acerrimus, idemque litte-
 rarum parens, & omnis liberalis doctrinæ instaurator cognomēto
 dictus: & clari philosophi, aut exercitus duxerunt, rei que militari
 præfuerunt, aut strenui, bonique milites fuerunt: aut consilio remp.
 iuuarunt. Contra non pauci imperatores, & viri militares, laudes
 imperatorias, & gloriam ex arte militari partam, siqua forte porta
 sit, ignoratiōe litterarum inquinarunt, & propterea quod non ha-
 buerunt adiumenta doctrinæ, permulta peccarunt. Caue igitur, Er-
 rice, te auferant praua talium hominum consilia: caue te cōmoneant
 voces ad speciem quidem fortes, & viriles, & magnificæ, & utiles,
 atque opportune: sed reapse molles & muliebres & humiles, & ca-
 pitales, & pernitiōse, litteras ab arte militari alienas esse. Quin exē-
 plo clarissimorum & præstantissimorum imperatorum, exemplo
 aui tui, Francisci primi, doctrinam cum sciētia rei militaris, & im-
 peratoria virtute coniunge: atque hoc tibi persuade, litteras non ad
 artem militarem tantum, verum etiam ad actiones omneis huma-
 nas, esse veras, certas, & fideleis duces: contra sine his eos, qui alioqui
 ingenio & natura valent, in rebus gerendis plerumque fœdissimè
 labi atque errare. Alterum est, quod abs te etiam, atque etiam peto,
 vehementerque contendo, cōtendit collegium professorum regionum
 ab auo tuo Francisco primò institutum: contendit denique vniuersa
 hæc schola Parisiensis, vt rectarum disciplinarum, bonarumque lit-
 terarum, atque artium, quas olim auus tuus Franciscus Interimor-
 tuas ac sepultas propè ab inferis excitauit, atque in tota Gallia sua

instituant: pater tuus Erricus II. constanter retinuit, ac stabilivit: quæ nunc partim ab ijs hominibus, qui maiorum tuorum beneficio eruditi, doctrinisque exculti, ad magnos honores, amplasque diuitias per litteras etiam sibi munierunt, aditumque sibi patefecerunt: partim ab iis, qui tam prompta & parata descendendi facultate neglecta ac repudiata per omnem vitam summo suo cum dedecore rudes, atque indocti, quam doctrius ornati, litterisque excoliti esse maluerunt, acerrime oppugnantur: quæ nunc orbæ reliæ solitæ dñm suam lugent, vicemque miserabilem queruntur: harum te fidelem tuorem profitear. Hoc cum facies, primum maiorum tuorum monumentum gloriosissimum tueberis, & consuabis: deinde karolum regem, fratrem tuum, tui facti approbatorem, & M. Hospitalem, cancellarium, virum doctiss. sapienss. atque integerrimum, adiuuorem habebis: deinde gratos homines, & qui beneficium abis te acceptum verbis amplissimis commemorare, ac prædicare poterunt, tibi obligabis: postremò iuuentutis Gallicæ à litteris prope iam alienatæ propterea quod non modò nullus eis nunc habetur honos, verum etiam turpissimæ ignominie timor denuntiatur, periculūque intetatur, animum iacentem ac languentem reficis atque excitabis. Vale: Lutetie, idibus Iuniis. Anno à gente humana servata.



ARISTOTELIS DE
REIPVBL. ADMINI-
STRANDÆ RATIONE,
Liber Primus.

DIONYS. LAMBINO INTERPRETE.



QUANDOQVIDEM videmus,
omnem ciuitatem, societatem quādam esse,
omnemque societatem, boni alicuius gra-
tia coiri: (eius enim, quod boni speciem præ-
se fert, causa agunt omnes omnia) appā-
ret, omneis quidem societates, bonum ali-
quod, veluti scopum, petere, ac destinare: eam verò, quæ est
omnium maxime princeps ac domina, quæq; ceteras continet,
id sibi bonum propositum habere, quod sit omnium summum ac
præstantissimum. hæc autem est ea, quæ ciuitas appellatur, &
societas ciuilis. Iti igitur omnes, qui existimant, politicum, id est,
virum ad ciuitatem moderandam idoneum: & hominem ad
regalem potestatem aptum, quem basilicum Græci nominant:
& eum, qui rei familiaris tuendæ facultate sit præditus, quem
æconomicum: & eum, qui seruis imperare sciat, quem despo-
ticum, eundem esse, minus recte dicunt. Putant enim, vnum-
quemque horum multitudine & paucitate, non genere, aut
specie differre: verbi gratia, si paucis præesse atque imperare
possit, esse despoticum, hoc est, ad herile imperium idoneum na-

ARISTOTELIS

tura: si pluribus, & economicum: si aliquanto pluribus, vel politicum, id est, ad ciuitatem moderandam aptum: vel basilicum, hoc est, ad regalem potestatem idoneum: quasi verò nihil intersit inter magnam domum, & paruum ciuitatem: & cum ipse quidem solus præest, ad regalem potestatem idoneum: ubi verò ex rationibus talis scientia vicissim imperat, ac paret, politicum. Sed hæc non sunt vera. atque id, quod à nobis dicitur, iis planum est, qui hoc spectabunt ex ea institutione, ac docendi ratione quam nos antea secuti atque ingressi sumus. Quemadmodum enim in aliis rebus compositum usque ad simplicia, & compositionis expertia, diuidere necesse est: (hæ enim sunt particule totius minimæ) sic & si, quibus ex partibus constet ciuitas, videamus, eadem opera & quid hæc inter se differant, cognoscemus, & fieri ne possit, ut quippiam, quod sub artem cadat in vnoquoque eorum, quæ dicta sunt, sumamus, intelligemus. Itaque si quis à principio res orientis ac nascentis inspexerit, quemadmodum in aliis, sic & in his hoc modo optime rei veritatem perspexerit. Necesse igitur est primum, eos coniungi, & copulari, quorum alter sine altero esse non potest, ut marem & feminam procreationis causa: atque hoc non ex consilio proficiscitur, sed, quemadmodum & in aliis animantibus, & stirpibus, naturale est, tale alterum, quale ipsum sit, cupere relinquere. Copulantur autem etiam natura id, quod imperat, & id, quod imperio paret, propter salutem. Nam quod mentis agitatione providere potest, imperandi ius habet natura, & dominatur natura. quod autem potest corpore imperata facere, id imperio alterius parere, & seruire debet natura. Quapropter domino & seruo idem expedit. Femina igitur & seruus distincta sunt natura. nihil enim tale efficit natura,

quale fabri ferrarij, gladium Delphicum, parçè, tenuiter, & angustè, sed singula ad singulos vsus. sic enim absolutissimum & perfectissimum fuerit unumquodque instrumentum, si non multis operibus, sed uni asserviat. Apud barbaros autem semina & seruus eodem sunt ordine & loco. Cuius rei causa est, quod non habent quod imperet natura, sed eorum societas ex seruo & ancilla constat. Quocirca par esse aiunt poëtae, barbaris Græcos imperare, proinde quasi idem sint barbarus ac seruus, natura. Ex his igitur duabus societatibus prima domus constituitur: rectèque Hesiodus scripsit,

Esto domus primùm, & mulier tibi, bos & arator. bos enim pauperibus pro seruo est. Societas igitur in omneis vitæ dies constituta, naturæ conueniens & consentanea, domus est: cuius societatis participes & consortes, ὁμοσιπύους, Charondas appellat: id est, ex eodem panario, seu ex eadem apotheca victum sumentes, nos conuictores appellemus: Epimenides autem Cretensis, ὁμοκἀπύους, id est, uno & communi foco, seu fumo utentis: dicamus, si placet, contubernales. Societas autem prima ex pluribus domibus conflata, non diurni vsus gratia, vicus est, seu vicinitas. Maximè verò videtur esse naturæ consentanea vicinitas, veluti quadam domus colonia, quos nonnulli collactaneos appellant, & filios, & filiorum filios. Itaque & principio ciuitates sub regum imperio erant, & nunc etiam gentes, quia ex iis, qui sub regno vivebant, conuenerunt. Omnis enim domus, eius, qui ætate antecedit, regno subiecta est. ergo & colonia, id est familia plures, quæ ab una domo fluxerunt, propter cognationem. atque hoc illud est, quod ait Homerus,

-iura autem vxoribus vnus

ἡ γένεσις
ἔνεχεν μὴ
ἐφ' ἑτέρου

Quisque dat, & natis. Nam hoc modo fusi per agros & dispersi primis illis temporibus vitam colebant. Atque idcirco omnes aiunt, deos sub regno atatem agere, quia partim ipsi quoque etiam nunc, partim primis illis & priscis temporibus sub regibus erant. quemadmodum enim formas, ita & viuendi genera decorum, sibi similia faciunt homines.

2 Perfecta autem societas, ex pluribus vicis conflata, ciuitas est, quæ ad summum iam, ut ita dicam, omnis copię bonis omnibus cumulata, nihilque praterea requirentis fastigium peruenit, oriens quidem viuendi causa, constans autem bene viuendi gratia. Quapropter ciuitas omnis natura constat, siquidem & primæ societates constant natura. Finis enim illarum hæc est. At natura, finis est. Quale enim quicque est ortu eius absoluto atque perfecto, hanc cuiusque naturam esse dicimus, ut hominis, equi, domus. Praterea id, cuius gratia res sit, & cuiusque rei finis, optimum quiddam est. At copia ipsa suis opibus pollens & contenta, & nihil extra se desiderans, finis est, & optimum. Ex his igitur perspicuum est, ciuitatem in iis rebus, quæ natura constant, esse numerandam: & hominem, ciuile animal esse natura, & eum, qui naturæ impulsu, non fortunæ culpa, ciuitatis sit expers, aut esse improbum, aut homine meliorem: qualis est is, in quem ab Homero hoc maledictum coniectum est.

Cui neque curia, nec lex est, neque Vesta, Larēsque. Non enim potest quisquam talis esse, quin vno, eodémque tempore sit & belli cupidus, utpote, qui nullum iugum ferre velit, quemadmodum contingit in quibusdam volatilibus. Hominem autem esse animal ciuile magis, quàm quamuis apem, & quoduis animal congregabile, perspicuum est. Nihil enim frustra facit natura, ut dicimus. Homini autem so-

li ex animantibus sermo tributus est. vox igitur iucundi & molesti signum est. Quapropter etiam aliis animantibus suppetit. Nam huc usque progressa est, earum natura, ut molestum & iucundum sentiant, & inter se hæc significant. Sermo autem ad id, quod prodest, & id, quod nocet, declarandum, valet. ergo etiam ad id, quod iustum, atque ad id, quod iniustum est. Hoc enim præter ceteras animanteis hominis est proprium, ut solus boni & mali, iusti & iniusti, & aliorum similitum sensum habeat. At horum societas & communio domum facit & civitatem. Prius igitur est civitas, quam domus, & unusquisque nostrum. Totum enim parte prius esse necesse est. Nam si homo, qui totum quiddam est, intereat, neque pes, neque manus erit, nisi ex communiione nominis, non rationis: quemadmodum si quis manum lapideam, manum esse dicat, corrupta enim manus, talis erit. Omnia autem, opere definita ac distincta sunt, & potestate. Quare posteaquam talia esse desierunt, non iam sunt re aut forma eadem dicenda, sed homonyma, id est, nominis communitate, tantum similia. Civitatem igitur singulis hominibus, esse priorem natura, perspicuum est. Si enim singuli separati, & seiuncti, non sunt instructi copia per se suis bonis cumulata, & nihil præterea requirente: similiter atque alie partes à suo toto separate, ad civitatem, quæ est totum, erunt affecti. Qui autem non potest res suas communicare, aut societatem contrahere cum aliis, aut qui non eget communicatione, propterea quod ipse, suis pollet opibus, suisque bonis contentus est, nihil, præterea desiderans, nulla pars civitatis est. Itaque aut fera, aut Deus est. Omnes igitur ad hanc societatem omni animi impetu feruntur natura. Qui autem, primus eam instituit, maximorum bonorum auctor & causa fuit. Quemadmodum enim homo suis omnibus numeris absolutus,

animal est animalium optimum: ita à lege, & iure semotus ac seiunctus, omnium deterrimum. Saevissima enim & asperissima iniustitia est armis instructa. At homo armis instructus nascitur, prudentia & virtute: quibus ad res contrarias maximè uti licet. Quapropter sceleratissimum, & immanissimum animal est sine virtute, & ad res Venereas, cibumque proiectissimum. Iustitia verò, civilis res est. Nam iudicium, societatis civilis ordo est. iuris autem disceptatio, iudicium est.

3 Quando autem perspicuum est quibus ex partibus constet civitas, necessario de domo prius dicendum est. Omnis enim civitas ex domibus & familiis componitur. domus porro partes sunt, ex quibus domus constituitur. At domus perfecta atque integra, ex servis & liberis constat. Quoniam autem primum quicque in una quaque re explicanda vel in minimis quaerendum est, ab iisque initium ducendum: primæ autem & minimæ domus partes sunt dominus & servus, vir & uxor, pater & liberi: de his tribus, quid & quale unumquidque esse debeat, considerandum videatur. Sunt autem hæc, herilis coniunctio, seu disciplina servis præcipiendi atque imperandi: & nuptialis, (nomine enim vacat uxoris & viri coniugatio) & ea, quæ ad imperium patris in liberos à se procreatos pertinet. nam neque huic proprium nomen impositum est. Atque hæ tres coniunctiones, siue coniugationes sunt, quas diximus. Est porro quedam præterea pars, quæ videtur aliis quidem rei familiaris administratio, aliis verò pars eius maxima. quomodo autem res se habeat posterius erit cognoscendum. dico autem de ea, quæ appellatur rei nummarie paranda, seu pecunia quaerenda ratio, quæ à Græcis chrematistica nominatur. Sed primum de domino & servo dicamus, ut & quæ ad necessarium usum pertinent, videamus, & si-

quid ad ea cognoscenda melius consequi possimus, quàm quæ nunc in communi hominum existimatione atque opinione versantur, experiamur. Quibusdam enim scientia quædam videtur esse domini imperium, seu herilis potestas: eadẽque domus administrandæ ratio, & herilis potestas, & civilis, & regia, quemadmodum initio diximus: aliis præter naturam esse in alterum dominari. lege enim alium esse servum, alium liberum: natura autem nihil interesse. quocirca neque iustum esse, quia sit violentum. Quoniam igitur rerum siue partarum & quasitarum, siue etiam relictarum possessio, quam totam rem familiarem dicere licet, pars domus est: ergo & ratio rei quærendæ, rationis rei familiaris administrandæ pars est. nam sine rebus ad victum necessariis neque vivi, neque bene vivi potest. Quemadmodum autem in artibus definitis ac terminatis, sua cuique arti accommodata instrumenta suppetere necesse est, si futurum est, ut opus ab artifice absolvatur: ita & rei familiari administrandæ rationi sua præstò debent esse instrumenta. Jam instrumentorum alia sunt inanima, alia animata: verbi gratia, navis gubernatori, clauus quidem, instrumentum est inanimatum: proræ præfectus verò, animatum. minister enim artibus similitudinem familiaris quandam speciemque gerit instrumenti: sic & res aliqua parta & quasita, siue etiam relictæ, instrumentum est ad vitam degendam comparatum: rerum autem partarum, seu relictarum possessio, multitudo instrumentorum est: & servus, res quædam possessa animata est: & minister omnis, veluti instrumentum est alia instrumenta antecedens. Nam si, ut ferunt Dædali simulacra, aut Vulcani tripodas, quos ait poëta, 'Diuinũ vel sponte sua' I LIXVIII certamen inisse: ita & unumquodque instrumentorum vel id. ad.

artificis, dominique iussu, vel praesentiens domini voluntatem, & ultro, suum opus posset absolvere: & si radij textoris per se texerent, & plectra citharam pulsarent: non opus esset neque opificibus opera ministrorum, neque dominis, servorum. Instrumenta igitur quae appellantur, instrumenta sunt ad efficiendum valentia: res parta & possessa verò, ad agendum valet. Nam à radio aliud quiddam efficitur praeter eius usum: ex veste autem & lecto usus duntaxat profiscitur. Praeterea, quoniam effectio & actio inter se specie differunt, & utrique instrumentis opus est, necesse etiam est haec eodem modo inter se differre. Vita porro, actio, non effectio est. Quocirca & servus, eorum, quae ad actionem pertinent, minister est. Iam res possessa sic dicitur, ut & pars. Nam & pars non solum alterius est pars, sed, etiam simpliciter alterius est. & res possessa similiter. Quapropter dominus servi quidem dominus est tantum, sed illius non est. Servus autem non modo domini servus est, sed etiam absolute & omnino illius est. Quae sit igitur servi natura, quaeque vis ac potestas, ex his perspicuum est. Nam qui non est suus natura, sed alterius, & praeterea verò homo est, hic servus est natura. alterius porro homo est, qui cum homo sit, res possessa est. Jam verò res possessa, instrumentum est ad agendum accommodatum, & separabile. Vtrum autem sit aliquis talis natura, necne, & utrumne praestat, & iustum sit alicui servire, necne; sed potius, omnis servitus sit praeter naturam, posterius erit considerandum. Verumtamen non est difficile etiam ratione hoc contemplari, & ex iis, quae fiunt, intelligere. Imperare enim & imperio parere non solum ex numero rerum necessariorum sunt, verum etiam ex utilium. Et statim ab ortu primo nonnulla inter se distiterunt, alia ut parerent imperio,

perio, alia ut imperarent. Tum plura sunt & imperantium, & imperio subiectorum genera: semperque id melius imperium est, quod obtinetur in res imperio subiectas meliores ac præstantiores: verbi gratia, melius est imperium in hominem, quam in feram. Nam quo unumquodque opus ex melioribus absoluitur, eo est melius. ubi autem aliud imperat, aliud imperio paret, aliquod horum opus exstat. Quæcunque enim ex pluribus constant, & unum quiddam commune sunt, siue ex continuis, siue ex disiunctis, in eis omnibus elucet atque apparet id, quod imperat, & id, quod imperio subiectum est. atque hoc ex omni natura in animatis inest maxime. nam etiam in iis, quæ sunt vitæ expertia, aliquod imperium est, verbi gratia, in concentibus, seu harmoniis. Sed hæc fortasse minus sunt huius questionis propria, atque aliquanto alieniora, & extra rem. Animal autem primum ex animo & corpore constat: quorum alter imperium gerit natura, alterum imperio paret. Oportet autem in iis, quæ natura conueniunt & congruunt, spectare naturæ vim, non in corruptis ac deprauatis. Quare contemplari debemus hominem, & animo & corpore optimè affectum: in quo hoc apparet. Nam vitiosorum, & vitiose affectorum sæpenumero videatur corpus animo præesse atque imperare, propterea quod male, & præter naturam affecti sunt. Licet igitur, quemadmodum dicimus, in animali primum cernere & herile imperium, & ciuile. Animus enim in corpus imperium herile obtinet: mens autem in appetitum, ciuile & regium. in quibus perspicuum est, consentaneum esse naturæ, atque expedire & corpori, animo seruire: & ei animi particula, quæ ad motus suscipiendos valet, mentis, eiusque particula, quæ ratione prædita est, imperio parere: iuris æqualitatem

autem aut contrarium eius, quod diximus, omnibus esse detrimentosum. Rursum in homine, & in aliis animantibus similiter se res habet. Cicures enim bestia, feris sunt meliores natura. his autem omnibus melius est hominis imperio subiectas esse, ita enim salutem adipiscuntur. Præterea mas cum femina comparatus, melior est: hæc autem deterior. & ille quidem imperare hæc autem imperio parere debet. Eodem modo se res habeat etiam in omnibus hominibus necesse est. Quicunque igitur ceteris hominibus sunt inferiores ac deteriores, quanto animus corpori, & homo feræ præstat (tales autem sunt ij, quorum opus in usu corporis positum est, quorumque hoc unum est, quod ab eis optimum proficisci potest) hi sunt serui natura, quibus melius est huic imperio parere: siquidem & iis, quæ supra dicta sunt. natura enim seruus est is, qui alterius esse potest: ideoque & alterius est: & qui eo usque rationis est particeps, quoad eam sentiat quidem ille ab alio acceptam, sed ex se non habeat, neque per se uti possit. Nam alia animalia cum ratione non sentiant, affectibus inserviunt. Et verò seruorum, & animantium mutarum usus parum admodum inter se differt. ab utrisque enim, à seruis, & à bestiis cicuribus, ad res necessarias adiumenta corpore nobis afferuntur. Vult igitur natura etiam corpora liberorum & seruorum dissimilia efficere: hæc quidem ad usum necessarium valida: illa autem erecta, & ad taleis quidem operas inutilia, ad vitam civilem verò utilia atque oportuna: atque hæc etiam diuisa est in usum pacis & belli: sed accidit sæpenumero etiam contrarium, nempe alios quidem corpora, alios autem animos habere liberorum. Nam hoc quidem in promptu est, si qui nascantur tanto aliis corpore excellentiores, quanto simulacris hominum antecellunt deorum imagines, reliquos ab omni-

bus dignos pronuntiatum iri, qui his seruiant. Quòd si in corpore hoc verum est, multo iustius est hoc in animo definitum esse. Sed non aequè facile est, animi pulchritudinem, atque corporis cernere. Esse igitur nonnullos alios liberos, alios seruos natura, perspicuum est: quibus expediat, quòsque iustum sit seruire.

Eos autem, qui contrà dicunt, quodammodo rectè dicere, non est difficile videre. Duobus enim modis dicuntur seruire, & seruus. Est enim aliquis lege seruus, & homo seruiens. Lex enim pactum conuentum quoddam est: qua lege bello capta, eorum, qui vicerunt, eaque ceperunt, esse dicunt. Hoc igitur ius multi ex iis, qui in legibus versantur, tanquam rhetorem, ¹ vocant in iudicium & crimen rogationis contra leges latae, quasi graue sit, minimèque ferendum, si ei, quod vim afferre possit, quòdque viribus antecellat, seruum & subiectum erit id, cui vis allata fuerit. Atque, his quidem ita videtur, illis aliter, & ex numero, quidem sapientum. Huius autem controuersiae causa, & quod facit rationes variare, est, quia cùm quodammodo virtus commeatu instructa, & adiumentis freta vim afferre maximè possit: tum id, quod victoria potitur, bono aliquo semper antecellit. quo fit ut non sine virtute vis esse, sed de iure tantùm ambigi videatur. Propterea enim aliis ius videtur esse ² bonarum legum constitutio: aliis hoc ipsum ius esse, ut, qui viribus sit superior, ac potentior, is praesit atque imperet. Nam dissidentibus, & pugnantibus inter se his rationibus, neque firmum quicquam, neque probabile habent alterae rationes, quin oporteat, id, quod virtute praestat, dominari atque imperare. In summa autem nonnulli iure quodam, ut arbitrantur, nitètes (lex enim ius quoddam est) seruitutem bellicam statuunt

¹ ῥηδ-
φοιται
παρὰ νό-
μων. trala-
tio est à
rebus fo-
rensisibus,
& more
iudiciorū
Videndum
autē est,
quid sit.
ῥηδφὴ πα-
ρανομων.

² εὐνομία.
sic rest.
mendosè
autē vul-
gati libri
habēt εὐ-
νομία.

esse iustam, sed simpliciter & absolute iustam esse negant. Nam primum contingere potest, ut principium bellorum non sit iustum: deinde indignum qui seruiat, nemo ullo modo dixerit esse seruum. Alioqui eueniet, ut, qui honestissimo, & clarissimo loco nati existimentur, serui sint, & ex seruis nati, si fortè acciderit, ut capti venierint. Quapropter non eos dicere seruos volunt, sed barbaros. Atqui cum hoc dicunt, nihil aliud querunt, quàm natura seruum: qua de re nobis initio sermo institutus est. Necesse enim est fateri aliquos esse alios ubique locorum seruos, alios nusquam. Eodem autem modo & de nobilitate sentiendū. eos enim non solum domi nobiles, sed ubique gentium claros arbitrantur: barbaros verò domi tantum, proinde quasi aliquid sit simpliciter nobile & liberum, aliud non simpliciter: quemadmodum ait & Theodecta Helena,

Diuina ab vtraque stirpe progenerata, quis hanc Seruam vocare non iniquum censeat?

Cum autem hoc dicunt, nulla alia re, quàm virtute & vicio seruum & liberum, nobilesque, & ignobiles definiunt. Par enim esse censent, ut ex homine homo, & ex feris fera nascitur, sic ex bonis bonum nasci. natura autem vult illa quidem hoc facere: sed saepenumero non potest. Huius igitur controuersiae rationem esse aliquam & alios esse natura seruos, alios liberos, ex iis, quae supra explicata sunt, intelligere licet. Ne hoc quidem obscurum est, hoc in quibusdam esse definitum ac distinctum: quorum huic quidem expedit seruire, illi autem imperare: & iustum est, atque oportet hunc imperio alterius parere: illum, imperium obtinere, id imperium scilicet, quod vtriusque natura conuenit: ergo & dominari, malè autem imperare, id est non eiusmodi imperium, ad quod

1 lib. vet.
 & Cetera
 & cet.
 sed vide-
 tur delenda
 nega-
 tio: vel sic
 legendum,
 ei si non oi
 pld, &c.
 id est vtrū
 alij sint
 natura ser-
 ui, alij li-
 beri, nec-
 ne, ex iis,
 &c.

Uterque sit aptus natura, exercere, est utrique inutiliter imperare. Idem enim expedit parti & toti, idemque corpori & animo. at seruus, pars quaedam domini est, veluti animata quaedam corporis, sed tamen separata pars. Quare etiam utilitas quaedam & amicitia seruo & domino inter ipsos intercedit, iis, quibus hæc contigerunt natura. Iis autem, qui non ita dominantur & seruiunt, sed lege & vi coacti, contraria. Perspicuum est autem etiam ex his non idem esse dominium, seu herile imperium; atque ciuilem principatum: neque omnia imperia inter se esse paria, aut eadem, quemadmodum aiunt quidam. Ciuilis enim principatus, est liberorum natura: herile imperium verò, seruorum: & domesticum quidem imperium, monarchia, id est, vnius principatus, est. Domus enim omnis vnius imperio regitur: ciuilis principatus autem, liberorum, & equalium imperium est. Dominus igitur non appellatur ex eo, quòd scientiam habeat, sed quòd talis sit: itemque seruus & liber. scientia tamen aliqua esse possit & herilis, & seruilis. Seruilis quidem, qualis ea, quam ludimagister ille, qui Syracusis commorabatur, tradebat. Illic enim quidam mercede accepta pueros vsitata & vulgaria ministeria docebat. Possit autem etiam latius manare talium ministeriorum disciplina, ut ea, quæ ad opsonia coquenda, atque apparanda pertinet, & cetera huiusmodi ministerij genera. Sunt enim munera alia aliis honoratiora, alia magis necessaria, & (ut est in prouerbio)

Dominus domino, seruusq; præferendus est Seruo. Tales igitur sunt omnes scientiæ seruilis: herilis autem, seu domino conueniens scientia est, quæ ad vsum seruorum pertinet. Dominus enim non in possessione, sed in vsum seruorum cernitur. hæc porro scientia nihil habet magnum, nihil am-

ARISTOTELIS

plum. Nam quæ seruum scire facere oportet, hæc illum scire præcipere cōuenit. Quapropter quibus licet hac molestia solutus & vacuis esse, apud eos curator rei domesticæ has partes agit, atque hoc onus gerit. ipsi autem domini remp. administrant, aut philosophantur. Ars porrò rei quærendæ ab utraque harum differt, ut quæ sit veluti quædam ars rei militaris iusta, aut ars venandi. De seruo igitur & domino hoc modo explicatum sit. Vniuersè autem de omni rei familiaris possessione, reique nummaria quærendæ ratione, quemadmodum instituimus, videamus: quandoquidem etiam seruum rerum partarum possessionis, & totius rei familiaris partem quandam esse diximus. Primum igitur dubitauerit aliquis, utrùm ratio pecuniæ quærendæ eadem sit, atque rei familiaris tuendæ ratio, an pars aliqua, an eius administra, & si administra, utrùm ut ars conficiendorum radiorum, textoria, seu textrina, an ut ars araria, statuaria. non enim eodẽ modo asserviunt ac ministrant. sed illa quidem arti textoria instrumenta prabet, hæc statuaria materiam. materiam autem appello, rem subiectam, unde opus aliquod efficitur atque absoluitur: ut est textori quidem, lana: statuarum autem fictori, æs. Non esse igitur idem, rationem tuendæ rei familiaris, atque artem pecuniæ quærendæ, hinc licet intelligere. huius enim est suppeditare, illius uti. quæ enim alia erit ars, quæ usura sit rebus domesticis, præter rationem tuendæ rei familiaris? sed utrùm pars eius sit, an alia forma, seu species, controuersia est. nam si est eius, qui ad pecuniam quærendam aptus sit, unde pecunia, & rei familiaris facultates, rerumque partarum & quæsitarum possessio suppetat, providere: rerum autem possessio, siue res familiaris, & diuitiæ multas partes complectuntur: ergo quærendum est primum, utrùm agri-

cultura, & vniuersè vtrum curatio in victu parando occupata, & rerum querendarum studium, pars aliqua sit rationis tuenda rei familiaris, an alia quadam species. Atqui multa sunt victus, seu alimenti genera. quapropter etiam multa sunt vitæ colendæ rationes & in multis animantibus, & in hominibus. sine alimento enim & pabulo viui non potest. Itaque alimenti, victusque differentiæ, vitæ colendæ rationes in animantibus effecerunt dissimileis ac diuersas. Bestiarum enim alia gregatim, alia sparsim, & vagè viuunt, utroque modo eis ad pastum expedit, propterea quòd earum alia animantibus, alia fructibus, alia quouis pabuli genere vescuntur. Itaque ad facilitatem, commoditatēque victus, & harum rerum electidnem, earum vitæ genera natura distinxit. Quoniam autem non est idem cuique iucundum natura, sed alia aliis: etiam bestiarum tum earum, quæ animantibus vescuntur, tum earum, quæ fructibus, viuendi genera inter se distant: itēque hominum. multis enim rebus differunt horum vitæ genera. Omnium autem pigerrimi ac desidiosissimi sunt pecuarij, quos Græci nomadas appellāt. victus enim ab animantibus cicuribus sine labore eis contingit, & cessantibus. Cùm porrò necesse sit pecoribus locum mutare propter pascua, ipsi quoque vnà sequi coguntur, veluti viuæ agricultura operam dantes. Alij ex venatione viuunt: sed alij ex alia, exempli gratia, hi ex latrocinio, illi ex piscatu, quicunque lacus, & paludes, & flumines, aut mare piscationi opportunum accolunt. Alij ex aucupio, aut præda ferarum bestiarum. Pleriq; autem homines è terra viuunt, & ex fructibus mansuetis. Viuēdi igitur genera, quæ quidē opera natia consistunt, & non permutatione, aut cauponatione victū suppedient, hæc fere sunt, pecuarius, in agro colendo occupa-

tum, in latrocinando positum, piscatorium, venaticum, & aucupatorium. Nonnulli porro hæc inter se miscentes iunctim viuunt, ut quæque vita egentissima est, ita eam qua parte ei aliqua desunt, supplentes, ut sint ipsi omnibus copiis cumulati, ac crescent, nihilque præterea desiderant: verbi gratia, hi pecuariam vitam cum latrocinio coniungunt: illi agriculturam cum venatione, aut aucupio, itemque alia vitæ genera, quemadmodum usus flagitauerit, tractant ac persequuntur. Talis igitur rerum parandarum ratio ab ipsa natura videtur omnibus tribui, ut statim ab ortu primo, sic & iam adultis ac perfectis. Etenim principio, & ab ipsa origine prima alia quidem animantes tantum victum unum cum fetu pariunt, ut satis esse possit ad alendum id, quod natum est, donec ipsum sibi suppeditare alimentum possit: exempli gratia, quacunque vermis, aut ova pariunt. quacunque verò animalia edunt, ea genitis alimentum in seipsis continent usque ad aliquod tempus, eius, quod lac appellatur, naturam. Itaque similiter atque fatuum recentium ac tenerorum gratia aliquid à natura comparatum est, unde alantur, existimare oportet scilicet etiam animalium causa stirpis ac plantæ esse natas, & hominum gratia cetera animalia, mansueta quidem tum propter usum, tum propter victum: fera autem & agrestia, si non omnia, at certè plurima, victus, & ceteri subsidij atque adiumenti causa, ut & vestitus, & alia instrumenta ex iis comparentur. Si igitur natura nihil neque imperfectum, neque frustra facit, necesse est ea omnia hominum causa fecisse naturam. Quapropter etiam scientia rei militaris, ars erit quodammodo ad quærendum ac parandum appposita natura. Venatoria enim, pars eius est, qua utendum est & in feras, & in eos homines, qui ad parendum imperio natura facti, pãrere

rere nolunt, tanquam hoc bellum iustum sit natura. Vna igitur species artis ad quarendum comparata, quæ natura congruat, rationis tuendæ rei familiaris pars est: cui quidem aut suppetere oportet res necessarias, aut ipsam suppeditare, ut eæ pecunia suppetant ac præsto sint, quæ recondi, ac reponi solent, tanquam ad vitam degendam necessaria, & ad communionem ciuitatis, aut domus vtilis. Et verò ex his veræ diuitiæ videntur constare. Talis enim rerum partiarum & quæsitiarum copia bonis omnibus cumulata, nihilque præterea desiderans, ad bene viuendum non est infinita, quemadmodum ait Solon hoc versu,

Nulla homini finis certa hæret diuitiarum.

hæret enim diuitiis certus aliquis finis ac terminus, quemadmodum & aliis artibus. nullum enim cuiusquæ artis instrumentum, neque multitudine infinitum est, neque magnitudine immensum. Diuitiæ autem instrumentorum domesticorum, & ciuiliū sunt multitudo. Esse igitur genus aliquod artis querendi naturæ congruens, & iis, qui rei domestica tuendæ rationem tractant, & iis, qui reip. administrant, & propter quam causam, ex superioribus intelligere licet.

Est autem genus aliud artis querendi, quam appellant 6 maximè, & meritissimò artem pecuniæ querendæ, propter quam nullus videtur diuitiarum, & rerum quæsitiarum finis esse: quam vnā & eandem esse, atque eam, quæ à nobis modo dicta est, multi existimant propter similitudinem atq; affinitatem. Sed neque eadem est atque ea, quam diximus, neque longo ab illa distat intervallo. Constat autem earum altera, natura: altera, non natura, sed usu quodam potius, & arte tractatur, atque exercetur. Atque hinc de ea disputandi exordiū sumamus. Vniuscuiusque rei, quæ paratur ac possi-

detur, duplex usus est. Vterque autem per se quidem est, verum non similiter per se: sed alter rei accommodatus, ac proprius: alter alienus, neque proprius: verbi gratia, calceum induere, & calceum permutare, utroque enim modo calceo uti licet. Nam etiam qui calceum nummo, aut victu permutat cum eo, qui eget calceo: utitur ille quidem calceo, qua ratione calceus est: sed non ex usu proprio. Non enim permutationis causa factus calceus est. idemque de aliis rebus, quae parantur, ac possidentur, sentiendum. Nam permutandi ratio omnibus in rebus locum habet: eaque primum quidem duxit initium ex eo, quod est naturae consentaneum, quia homines aliarum rerum maiorem, aliarum minorem copiam, quam satis esset, habebant. Ex quo licet intelligere, pecuniae quaerendae rationem cauponariam, seu mercaturam sordidam, quam profitentur, atque exercent ij, qui ab aliis emunt, quod pluris reuendant, non esse propriam artis pecuniae quaerendae naturam. Nam quoad eis satis esset, eatenus rerum commutationem necessario facerent. In prima igitur societate, hoc est in domo, perspicuum est, commutatione non opus esse, sed tum denique cum iam maior societas est. inter illos enim eorundem omnium erat communio. hi autem seiuncti, multa rursus, & dissimilia communiter inter se possidebant: quae pro cuiusque egestatibus necesse erat inter se impertiri, quemadmodum etiam nunc multae faciunt barbara nationes. ipsa enim utilia cum utilibus commutant, nihil amplius: ut vinum pro frumento dantes, & accipientes: & unumquicquid aliud tale. Talis igitur permutandi ratio neque auersa à natura est, neque ulla est artis pecuniae quaerendae species. ad supplendam enim copiam suis opibus instructam & cumulatam, naturae consentaneam, valebat. Ex hac tamen nata illa est conuenienter

ι οἱ δὲ
 κεχρησ-
 μένοι,
 πολλῶν
 πάλιν, καὶ
 ἑτέρων.
 subintell.
 ἐχομένων

rationi. Cum enim subsidium illud fieret magis ac magis externum ac longinquum, partim supportandis iis, quibus egebant, partim exportandis, quibus abundabant: necessario nummi usus comparatus est. Non enim facilis est ad portandum unaquæque earum rerum, quæ sunt necessariae natura. Quapropter ad res contrahendas tale quiddam de communi sententia constituerunt inter se dare & accipere, quod cum esset e numero rerum utilium, usum haberet tractabilem ac facilem ad vitam degendam, quale est ferrum, & argentum, & siquid tale aliud est, primò quidem simpliciter magnitudine & pondere definitum: ad extremum verò etiam ab iis nota signatum, ut labore metiendi ac ponderandi defungerentur. Nota enim impressa est ad quantum significandum. Nummo igitur ex necessaria permutatione comparato ac suppeditato, alia species artis pecunie querenda orta est, mercatura sordida, & cauponaria, quæ initio quidem fortasse simpliciter factitabatur: postea verò propter usum & peritiam calidius iam, atque artificiosius, cum quareret unde, & quomodo permutando plurimum lucri faceret. Quocirca videtur ars pecunie querenda maximè in nummo versari, & eius esse munus, unde maxima vis pecunie suppetat, videre ac dispicere posse. Existimatur enim diuitiarum, & pecuniarum causa efficiens esse. Diuitias enim sæpenumero statuunt nummorum vim, ac multitudinem, propterea quòd ars pecunie querenda, & mercatura cauponaria in hac re versentur. Interdum verò contrà nugatorium quiddam videtur esse nummus, & lege prorsus constare, nullus autem natura, quia ubi qui eo utuntur, eum immutarunt, nihili est, neque ad ullam rem necessariam parandam est utilis: & sæpe eucnire potest, ut is, qui nummis circumfluit, rebus ad vi-

1 ἡ γὰρ νό-
μοι παντὶ
παισι. φύ-
σει δ', &c
mendosè
quidā lib.
vulg. ἡ γὰρ
νόμος, &c

Etum necessariis egeat. Atqui absurdum est talcis esse diuitias, quibus qui abundat, fame periturus est: quemadmodum & Midam illum fabulantur, cum omnia, quæ ei apponebantur, propter optatum inexplabile, aurea fierent. Quocirca alias quærent diuitias, aliâque pecuniæ querenda rationem: & meritò quærent. Alia enim pecuniæ querenda ratio est, aliæq; diuitiæ: nempe naturæ cōgruentes & consentanea. Atque hæc quidem ad rationem rei familiaris tuendæ pertinet: illa autem cauponaria est, quæ pecuniæ effectrix est, non omni modo, sed pecuniæ permutatione: & videtur hæc in nummo versari. Nummus enim elementum, & extremum est permutationis. Infinitæ igitur sunt hæc diuitiæ, quæ ab hac pecuniæ quærendæ ratione proficiuntur. Quemadmodum enim medicina sanandi cupida est vsque in infinitum, & vnaquæque ars finem suum expetit in immensum. quàm maximè enim illum consequi, & efficere vult. ea autem, quæ ad finem pertinent, non persequitur infinitè. omnibus enim artibus finis, est extremum. Ita & huius rationis pecuniæ quærendæ finis nullum habet extremum. Eius autem rationis finis sunt tales diuitiæ, & pecuniarum possessio. Rationis autem tuendæ rei familiaris, non rationis pecuniæ quærendæ, aliquod est extremum. Non enim est hoc rationis tuendæ rei familiaris munus, rem augere. Quapropter huic quidè necessarius videtur esse omnium diuitiarum terminus. Sed in iis, quæ in vita quotidiana fiunt, cōtrarium video vsueneri. Omnes enim ij, qui pecuniæ querendæ student, nummū augēt infinitè. Causa autem huius rei est, earum inter se propinquitas & similitudo. 'usus enim vtriusque artis pecuniæ querendæ, quamuis in eadem re versetur, ita similis est, ut alter ab altero agrè internoscatur. Ad eundem enim vsu

x Licet
etiam sic
interpretari. Alter-
nat enim
vtriusque
rationis
pecuniæ
queren-
dæ vsus,
cū sit
eiusdem
rei.

pertinet rerum partarum possessio, Verum non eodem modo: sed huius quidem alius finis est: illius autē, amplificatio. Itaque videtur quibusdā hoc esse rationis tuendæ rei familiaris munus: & in hac sententiā perseuerant, aut seruare, aut auzere infinitè rem nummariam oportere. Causa autem huius affectionis est, quod viuendi cupiditate ducatur, non bene viuendi. Cùm sit igitur infinita cupiditas illa, fit vt etiam efficiētia vita infinita concupiscant. Quicunque autem etiam ad bene viuendum suas cogitationes, & curas conferunt, quarunt vnde suas cupiditates explere, & voluptatibus corporis perfrui possint. Itaque quoniam etiam hoc in rerum partarum possessione inesse videtur, omnis eorum opera, atque adeò tota ætas in pecunia querenda consumitur: & propter hanc causam altera pecuniæ querēda ratio introducta est. Nam cùm fruendæ voluptatis nullus sit modus, rationem, quæ efficiat immoderationem voluptatum fruendarum, conquirunt. quod si per artem pecuniæ querendæ comparare non possint, alia experiuntur via, vnaquaque facultate præter naturam ad questum abutentes. Fortitudinis enim est non pecuniam conficere, sed fiduciam gignere: neque artis imperatoris, aut medicis: sed illius quidem victoriam, huius autem bonam valetudinem, seu sanitatem efficere. Homines autem has omnēs virtutes ac facultates faciunt pecuniis querendæ rationes, proinde ac si hic sit finis: ad finem autem omnia referri oporteat. De ratione igitur pecuniis querendæ tum non necessaria, quæ sit, & quā ob causam eam requiramus: tum necessaria, hanc quidem esse ab ea diuersam: eam autem, quæ ad rem familiarem tuendam pertinet, quæq; in rebus ad victum necessariis parandis occupata est, esse naturæ consentaneam, neque, vt illam, esse interminatā, atque infinitam,

sed finitam ac terminatam, dictum est.

- 7 Perspicuum autem est etiam illud, de quo initio querebatur, utrum ars pecunie querende sit hominis ad rem familiarem administrandam apti, & viri reip. administrande periti, necne: sed hoc oporteat suppetere ac praesto esse. Quemadmodum enim homines non procreat scientia reip. administrande, sed iis à natura acceptis utitur: ita & victum natura subministret oportet, nempe terra, aut mare, aut aliud quippiam: quomodo autem hæc sint procuranda & tractanda, ad parteis eius, qui rem domesticam administrat, ac procurat, pertinet. Non est enim artis textoriae lanam facere, sed ea uti, & præterea qualis sit bona, & apta, qualisue mala, atque inepta, cognoscere ac iudicare. Etenim dubitare possit aliquis, quamobrem ars pecunie querende quidem, rei domesticæ administrationis particula sit, medicina autem non sit. Atqui bene valere oportet eos, qui domi sunt: quemadmodum vivere, & aliud quippiam necessarium. Quoniam autem aliquo modo est eius, qui rem domesticam administrat, & eius, qui civitati præest, etiam bonæ valetudinis suorum curam habere, aliquomodo non est, sed medici: sic & videre, ut pecunia suppetat, aliqua ratione est eius, qui rem familiarem tuetur atque administrat, aliqua ratione non est, sed artis ministræ, & subseruientis. Maximè autem, quemadmodum antè dictum est, eam præsto esse oportet natura. Naturæ enim munus est, victum ei, quod procreatum est, præbere. Omni enim, eius, unde oritur, reliquum victus est. Quare ea pecunie querende ratio, naturæ cõsentanea omnibus est, quæ est à fructibus, & animalibus. Cum sit autem ea duplex, quemadmodum diximus, & altera quidem sit cauponaria, altera ad rem familiarem tuendam pertinens: & hæc qui-

dem necessaria sit, & laudetur : illa autem, quæ in permutatione nummi consistit, meritò vituperetur : (nō enim naturæ consentanea est, sed in ea alter ab altero lucrum aucupatur :) optima ratione omnibus odiosa atque inuisa est ratio faneratrix, quod ab ipso nummo quaestus fiat, & non ad quam rem paratus est, usurpetur. permutationis enim gratia natus est. fenus autem cum auget, & multiplicat : Unde etiam apud Græcos hoc nomen reperit. τὸχος enim à pariendo, quod illi dicunt τῆχτειν, manauit : (& apud Latinos fanus à fetu) similia enim sunt ea, quæ pariuntur, iis, quæ gignunt, & procreant. In fenore autem pecunia, pecuniæ partus ac fetus est. Quapropter maximè omnium querendæ pecuniæ rationum abhorret hæc à natura. Quoniā autem, quæ ad cognitionem pertinent, satis explicauimus, ac distinximus : quæ ad usum referuntur, persequi nos oportet. Omnia porro hæc huiusmodi, cognitionem quidem & contemplationem habent liberalem, usum verò atque experiētiam necessariam. Sunt igitur rationis pecuniæ querendæ partes utiles hæ, primum usu atque experientia didicisse, quales res possesse, sint utilissima, atque opportunissima, & ubi, & quomodo : Verbi gratia, equorum, aut bouum, aut pecorum qualis sit possessio, itēque aliorum animalium. oportet enim usu didicisse, & quæ nam horum inter se comparata, sint utilissima, & qualia qualibus in locis. aliorum enim aliis in locis vbertas & prosperitas est. deinde de agricultura cognouisse, eaque tum nuda, tum consita : & de apum curandarum, aliarumque animantium aut aquatiliū, aut volatiliū, ex quibus aliquid opis, aut adiumenti consequi licet, ratione. Artis igitur pecuniæ querendæ, nobis coniunctissima, maximèque propria, hæ sunt primæ partes, primæque pri-

mordia. Eius autem pecunie querendae rationis, quae in permutatione posita est, pars prima, & maxima, est mercatura: atque huius partes sunt tres, una, quae sit nauibus: altera, quae plaustris, aut iumentis: tertia, quae sine labore, aut periculo vecturae, iisdem in locis, ubi merx nata est, facitatur, quam *Πόσσα* & *σιν* vocant Graeci, Latine statariam mercaturam licet nominare. Differunt autem haec inter se, quod aliae sint tutiores, minusque periculosa, aliae maiorem fructum ferant. Secunda pecuniae querendae rationis pars, est generatio: tertia operae locatio, siue opera mercenaria, eorum hominum propria, qui laborem corporis vendunt. Huius autem duae sunt partes, altera artium sordidarum, atque illiberalium: altera earum, quae sunt artis expertes, & corpore duntaxat utiles sunt. quarta autem rationis pecuniae querendae species, inter hanc & primam interiecta est. habet enim & partem aliquam eius, quae consentanea natura est, & eius, quae permutatione constat, eam dico, quae pecunia est terra, atque ex iis, quae terra nata sunt, quarit, fructus carentibus quidem illis, sed tamen utilibus: qualis est siluae, siue materiae excisio, & ars omnis, quae ad metallorum effossionem pertinet. Haec autem multa iam complectitur genera. Multae enim sunt eorum, quae à terra effodiuntur, rerum forma, multaque species. De unaquaque porro harum, dictum quidem est uniuersè etiam nunc. subtiliter autem, & tenuiter singulas parteis persequendo de iis disputare, utile illud quidem est ad operas & effectiones, sed in eis immorari, ineptum, ac putidum. Sunt autem ea opera artificiosissima, in quibus minimum fortunae relictum est loci, sordidissima verò, in quibus corpora maxime deformantur & corrumpuntur. seruilissima porro, in quibus corporum plurimus est usus, ignobilissima denique, in quibus minimum praeterea virtutis requiritur. Quoniam

autem

autem his de rebus à nonnullis scriptum est, ut à Charetide Pario, & ab Apollodoro Lemnio de agricultura tum, nuda, tum confita ac vestita, itémque ab aliis de aliis: hæc quidem ex his cognoscat cui ea scire curæ est: præterea verò etiam quæ dispersè dicuntur, quibus aliqui pecuniæ quærendæ studentes, rem suam benè, & ex sententia gesserunt, ea colligere oportet. hæc enim omnia iis vtilia sunt, qui studium pecuniæ quærendæ magnificiunt: cuiusmodi est etiam illud Thaletis Milesij. nam hoc inuentum quoddam acutum est ad pecuniam parandam accommodatum. quamquam illi quidem id propter sapiëntiam attribuunt, verumtamen aliquid est vniuersè fortasse præceptum. Cùm enim ei paupertatem vitio verterent, atque exprobrarent, tanquam sapientiæ studium inutile sit: aiunt eum, cùm ex astrologia intellexisset olearum ubertatem fore, hieme nondum exacta, paucorum nummorum copia instructum, omnia olei conficiendi loca & quæ Mileti, & quæ in Chio essent, datis arrhabonibus paruo cõduxisse, quippe cùm licitator nullus, qui mercedem augeret, exstitisset: ubi autem tempus venit, cùm multa simul & subito quærentur, illis suo arbitratu, & quanti vellet, elocatis & traditis, multis pecuniis coactis, ostendisse, facile esse philosophis, si velint, ditescere: sed hoc non esse, in quod studium suum conferunt. Thales igitur hoc modo dicitur sapientiæ suæ specimen dedisse. Est autem quemadmodum diximus, vniuersè hoc tale genus ad pecuniam faciendam accommodatum, si quis possit sibi vni singularem vendendi facultatem conciliare. Quare & nonnullæ ciuitates hæc sibi viam ad pecuniam parandam, cùm eius indigent, muniunt. assequuntur enim ut singularem rerum venalium vendendarum facultatem solæ habeant. In Sicilia autem quidam num-

1 Omneis
olei offi-
cinas, græ-
cū exēpl.
habet, ἐ-
λαίουρ-
χών.

mis apud eum cōditis ac positis ferrum omne ex ferrariis officinis conuerit & cōēmit. Postea ubi ex mercatibus conuerunt mercatores: ferrum omne solus vendebat, non ita immoderatē aucto pretio. verumtamen talentis quinquaginta expensis, centum lucrificet. Quod cū audisset Dionysius, pecuniæ quidem secum exportandæ ei potestatem fecit, verū Syracusis eum amplius manere vetuit, tanquam qui vias pecuniæ faciendæ reperisset suis rebus ac rationibus inutileis. Thaleti tamen, & huic, de quo proximè locuti sumus, idem propositum fuit, quod intuerentur ac spectarent. uterque enim callidè excogitauit, & machinatus est, quo pacto solus vendendi potestatem haberet. Utile autem est hæc cognoscere ciuitatum rectoribus. Multis enim ciuitatibus opus est pecuniæ faciendæ ratione, & talibus rei nummariæ facultatibus, quemadmodum & domui, atque adeò magis. Quapropter nonnulli ex iis, qui ciuitates regunt, ac moderantur, hæc duntaxat in rep. administranda prouident, ac procurant.

8 Quoniam autem treis partis rationis tuendæ rei familiaris esse diximus, vnā, rationem herilem, seu ad imperium domini in seruos pertinentem, de qua antea dictum est: alteram, patriam, quæ spectat ad auctoritatem patris in liberos: tertiam, nuptialem, quæ refertur ad principatum viri in uxorem: Etenim vir in uxorem, & in filios imperium habet: atque in utrosque sanè ut in personas liberas, verū non eodem genere imperij: sed in uxorem quidem ciuilitè, in filios verò, regiè. nam & mas ad principatum obtinendum aptior est, q̃ fæmina natura: nisi fortè ita comparatus est, ut à natura descuerit: & natu grandior, & iam adultus, atque ætate corroborata, quàm iunior & adolescens

atate immatura: In ciuilibus igitur magistratibus muta-
 tur, atque alternat id, quod imperat, & quod imperio pâ-
 ret. ciuis enim æqualis debet esse natura, nihilque differre.
 Verumtamen cum aliud imperat, aliud imperio pâret, postu-
 lant, ut inter se differant & vestitu, & sermonibus, & ho-
 noribus, quemadmodum is, quem habuit Amasis de vase, in
 quo lauabantur pedes, sermo declarat. at mas ad feminâ sem-
 per hoc modo se habet. imperium autem in liberos est regium.
 Nam quod procreauit, tum amoris abundantia, tum tēporis
 antiquitate, debet imperare: quod est regij imperij genus.
 Quocirca præclare Homerus Iouem hoc nomine appellauit,
 his verbis, hominum pater atque deorum: qui horum
 omniū rex est. Regem enim natura quidem differre oportet,
 sed genere eundem esse, quod accidit grandiori natu cum eo,
 qui iunior sit, comparato: & ei, qui procreauit, cū filio. Per-
 spicuum igitur est, domus administrationem plus studij pone-
 re, maioremq; diligentia adhibere debere in hominibus, quàm
 in inanimorū possessione: & in horum virtute, quàm in pos-
 sessionis, quas diuitias appellamus: & in liberis, quàm in ser-
 uis. Primū igitur de seruis dubitare possit aliquis, sitne ser-
 ui virtus aliqua alia præter eas, quæ ad instrumenta, & quæ
 ad ministeria pertinent, his honoratior: verbi gratia, tempe-
 rantia, & fortitudo, & iustitia, & aliquis ex aliis talibus
 habitibus, an verò nulla sit, præter ministeria ad corpus perti-
 nentia. Dubitationē porro habet utrumcunq; dixeris. Nam
 siue est, quid à liberis different? siue non est, cum sint homines,
 & rationis participes, dictu absurdum est. Propemodum au-
 tem idem est, quod quæritur in vxore, & filio, utrum etiam
 horum sint virtutes, & oporteatne uxorem esse temperan-
 tem, & fortem, & iustam: & utrum puer sit intemperans,

ARISTOTELIS

Et temperans, necne. Et uniuersè igitur hoc est consideran-
 dum de eo, qui pâret imperio natura, Et eo, qui præest atque
 imperat, utrùm sit eadem utriusque virtus, an alia. Nam
 si utrumque oportet præstantis probitatis esse participem,
 quamobrem oporteat modis omnibus, Et perpetuò hunc præ-
 esse, illum imperio subiectum esse? Neque enim fieri potest,
 ut eo inter se differant quòd magis, Et minus probitatis sint
 participes. Parère imperio enim, Et imperare, specie diffè-
 runt: magis Et minus autem nihil specie differunt. Quod si
 alterum quidem probitatis esse participem oportet, alterum
 non oportet: dictu mirum. Nam siue is, qui debet imperare,
 non erit temperans Et iustus, quomodo bene imperabit? siue
 qui imperio subiectus esse debet, non erit, quomodo imperio
 benè parebit? Cùm sit enim intemperans Et nequam, nihil
 faciet eorum, quæ facere cónuenit. Perspicuum igitur est, ne-
 cessariò utrumq; virtutis participem esse debere: sed eius esse
 quasdam differèntias, quemadmodum ij, qui præsunt natura,
 Et subiecti sunt imperio natura, inter se differunt. atque hoc
 statim in anima promptum atque explicatum est. in ea enim
 alterum est, quod præsit natura: alterum, quod imperio sub-
 iectum sit: quorum virtutes dispares inter se ac dissimileis esse
 dicimus, videlicet eius, quod rationis est compos: Et eius,
 quod rationis expers est. Licet igitur intelligere ita rem se
 habere etiam in aliis, Et esse plura, quæ imperant natura,
 Et quæ imperio parent. Alio enim modo liber seruo præest,
 Et mas femina, Et vir puero. Et in omnibus insunt animi
 particule: sed dissimili modo insunt. Seruus enim omnino, Et
 uniuersè non habet consultandi facultatem: femina habet
 illa quidem, sed irritam Et imbecillam: puer habet ille qui-
 dem, sed imperfectam. Similiter igitur Et in virtutibus mo-

ralibus rem se habere necesse est: atque existimandum est, omnibus quidem earum particeps esse oportere, verum non eodem modo, sed quantum quisque postulat ad munus suum obeundum. Quapropter eum quidem, qui praeest, virtute morali perfecta praeditum esse oportet. opus enim, eius est simpliciter & absolute, qui aliis praecipit, ac praescribit quod faciant. at ratio, praecipendi & praescribendi ius obtinet. aliorum verò unumquemque, tanta, quanta in eos cadit, quantaque ad eos pervenire potest. Itaque perspicuum est, ad eos omnes, qui à nobis dicti sunt, virtutem moralem pertinere: neque eandem mulieris & Viri esse temperantiam, neque fortitudinem, neque iustitiam, quemadmodum putabat Socrates: sed hanc quidem esse ad imperandum accommodatam, illam ad parendum ac ministrandum. Similiter porrò se res habet & in aliis. hoc autem iis erit in promptu, & patebit, qui singillatim potius, & in partibus rem considerabunt. nam qui uniuerse dicunt, virtutem esse bonum animi habitum, aut rectam rationem, aut aliquid tale, ij se ipsi fallunt. Multi enim, qui virtutes enumerant, quemadmodum Gorgias, melius dicunt, quàm qui hoc modo definiunt. Quapropter existimare oportet, quemadmodum de muliere dixit poeta, item rem se habere de omnibus. Affert decus omni fæminæ silentium. sed non iam hoc idem viro cõuenit. Quoniam autem puer, imperfectus est, huius virtus scilicet non in ipso ad ipsum relata cernitur, sed ad perfectum, seu adultum, & cum, qui ei praefectus, & custos appositus est: itemq; virtus serui ad dominum refertur. Posuimus autem, seruum ad res necessarias esse utilem. Ex quo intelligere licet ei exigua virtute opus esse, nimirum tanta, quanta fretus neque propter intemperantiam, neque propter ignauiam

munus sibi à domino assignatum defugiat, aut minus cumulate expleat. Dubitare autem possit aliquis, si id, quod à nobis est dictum, verum est, utrum etiam artifices virtute praeditos esse oporteat, necne. Sæpenumerò enim propter intemperantiam minus perfecte sua opera explent. An plurimum inter hos interest? nam servus quidem vitæ socius est. ille autem distat longius, & tantum ad eum virtutis attinet, quantum & servitutis. Nam sordidus, & illiberalis artifex definitam, & terminatam quandam servit servitutem. Tum servus ex eorum numero est, quæ natura constant. At nullus sutor, neque quisquam alius artifex, natura est artifex. Perspicuum igitur est, talis virtutis effectorem & causam servo dominum esse oportere, non quemquam, qui habeat scientiam quandam herilem, ad docenda munera servilia accommodatam. Quapropter non rectè dicunt, qui servos ratione spoliant, & domini præceptum sequi, nihil præterea, fatentur. Monēdi enim sunt servi, multo magis, quàm filij. Sed hæc quidem hoc modo distincta, atque explicata sint. De uxore autem, & viro: de liberis, & patre, & cuiusque eorum virtute, & quo modo alter cum altero versari, & congruere debeant quid pulchrè, quid non pulchrè fiat, & quo pacto virtutem quidem persequi atque expetere, vitium autem fugere, atque aspernari oporteat, in eis, quæ ad rerumpub. formas pertinent, necesse erit disputare atque explicare. Quoniam enim domus quidem omnis, pars civitatis est: hæc autem domus partes: partis autem virtutem ad totius virtutem intuituri oportet: necesse est magistratus ad civitatis statum intuentes, pueros & mulieres erudire, siquidem aliquid refert ad id, ut civitas bona, & benè morata sit, tum pueros bonos esse, tum mulieres bonas. At necessario refert. Nam mulie-

res quidem hominum liberorum pars dimidia sunt. Ex pueris verò participes & socij fiunt reip. & ciuitatis administrationis. Quare quoniam de his quidem explicatum ac distinctum est, de reliquis autem in aliis libris dicendum est, omissa hac disputatione, tanquam absoluta, atque ad finem perducta, aliud dicendi initium faciamus: & primùm eorum, qui aliquid de optimo reip. administranda genere dixerunt, aut tradiderunt, sententiam videamus.

LIB. 2.

Quoniam consilium, atque institutum nostrum est, de societate ciuili considerare, quæ sit omnium optima iis, qui possunt quàm maximè ex sententia viuere: oportet nos etiam alias reip. administrandæ formas inspicere, & quibus utuntur nonnullæ ciuitates, quæ benè moratæ, bonisq; legibus temperatæ dicuntur, & si quæ fortè aliæ, aut ab aliquibus dictæ sint, aut videantur esse bonæ, primùm ut & id, quod rectum, & id, quod vtile est, sit in promptu, atque in oculis omnium positum: deinde ut aliquid ab iis diuersum querere, non prorsus hominum sapientiam, & ingenium suum ostentare volentium esse videatur: sed propterea quod hæ, quæ nunc sunt, minus bonæ ac rectæ sint, iccirco hanc disputationem suscepisse atque instituisse videamur. Sumendum autem initium est, quod est huius disputationis maximè proprium natura. Neesse igitur est, aut ciuicis omneis omnium rerum esse participeis ac socios, aut nullius, aut quorundam esse, quorundam non. Atque ut nullius quidem rei inter eos sit communio, fieri non posse in promptu est. ciuitatis enim, aut reip. administrandæ ratio, quam politiam Græci nominant, societas quadam est. Ac primùm sanè neesse est, loci

inter eos esse communionem. Locus enim unius ciuitatis unus est. At ciues, unius urbis acciuitatis participes & socij sunt. Sed utrũ præstat, quorumcumque communitas esse potest, ea omnia esse communia in ea ciuitate, quæ sit bonis institutis usura, ciueisq; bonos, ac beatos habitura, an aliqua esse, aliqua non esse melius est? Fieri enim potest, ut liberi, & uxores, & possessiones sint ciuib; inter ipsos communes, quemadmodum in reip. administrandæ forma Platonis. Ait enim ibi Socrates oportere, liberos, & uxores, & rei familiaris facultates ac fortunas esse communeis. Hoc igitur utrũ, ut nunc usurpatur, ita esse melius est, an ad legem in libris Platonis de rep. scriptam accommodatè? Cũ

1 Id est
nō sequi-
tur, oportere uxores esse communeis, ex eo, quòd ciues debeant iisdē rebus gaudere, & dolere: & quòd cōcordia sit vinculum ciuitatum: & optandũ esse ciuitatib⁹, ut omnes ciues dicāt idē meũ & tuum.

multas autem alias habeat difficultates uxorum inter omneis ciueis communitas, tum id, propter quod ait oportere Socrates huiusmodi legem esse latam, non efficitur, neque euenit ex rationibus. Præterea ad eum finem, quem ait ciuitatibus propositum esse oportere, quemadmodum nunc quidem dictum est, hoc institutum nullo modo peruenire potest. quomodo autem hoc sit distinguendum, quòue modo intelligendum, nihil est definitum, neque explicatum. dico autem, unam esse totam ciuitatem, proinde quasi res sit longè optima. hoc enim supponit, & à se suppositum sumit Socrates. Atqui perspicuum est, ciuitatem longius progressam, & magis ac magis unam effectam, ne ciuitatem quidem futuram. Multitudo enim quedam est ciuitas natura. Quòd si magis fiat una: & ex ciuitate domus, & ex domo homo existet. domum enim magis unam, quàm ciuitatem, & hominem magis unum, quàm domũ, dixerimus. Itaq; quamuis possit aliquis hoc efficere, non est faciendum tamen. ciuitatem enim tollet, funditúsq; delebit. Nō enim solũ ex pluribus

bus hominibus constat ciuitas, verum etiam ex specie, id est, ordine, & fortuna, & instituto vitæ differentibus. Nam non fit ciuitas ex similibus. aliud enim est belli societas, aliud ciuitas. illa enim magnitudine & numero utilis est, etiam si specie sit eadem. auxiliij enim causa belli societas comparata est natura, quemadmodum si maius pondus plus trahat atque auferat. Tali autem re differet & ciuitas à gente, vbi vnius gentis multitudo non per vicos diuisa erit, sed Arcadum more dispersa. Ex quibus autem rebus vnum fieri oportet, ea res specie inter se differunt. Quapropter aequalitas mutua & reciproca ciuitates tuetur & conseruat incolumis, quemadmodum in libris de Moribus antea dictum est: quoniam & in liberis hominibus atque aequalibus necesse est hoc inesse. Fieri enim non potest, ut simul gerant magistratus, sed aut singuli annuos, aut alio quodam ordine, aut tempore. Atque hoc modo euenit, ut omnes reip. præ sint, gerantque magistratum, quemadmodum si sutores, & fabri inter se alternarent: & non semper sutores essent, & fabri. Quoniam autem præstat artifices omnes ita esse, ut sunt: in iis quoque, quæ ad societatem ciuilem pertinent, nimirum satius est, eosdem semper præesse, si fieri possit. apud quos autem hoc fieri non potest, quia omnes sunt æquales natura, simulq; quia iustum est, siue bonum, siue malum sit reip. præesse, & magistratum gerere, omnes eius esse particeps: apud eos præstat vicissitudinem imitari, ut æquales vicissim cedant nouis magistratibus similiter atque ij, qui initio præ fuerunt, alij concesserunt. alij enim gerunt magistratum, alij parent vicissim, veluti alij facti. Ad eundem igitur modum eorum, qui reip. præ sunt, alij alios magistratus gerunt. Licet igitur ex his intelligere, neque ciuitatis naturam fer-

re, ut ita fiat una, que madmodum dicunt quidam: & id, quod ab illis quàm maximum bonum in ciuitatibus dictum est, ciuitates perdere ac delere. Atqui cuiusque rei bonum, unamquamque rem conseruat. Perspicuum etiam ex alia ratione est, studere ciuitatem plus nimio unam facere, non esse utilius. Domus enim res quaedam est suis ipsa copiis magis contenta, quàm homo unus: ciuitas quàm domus. Et verò videtur tum demum propriè ciuitas esse, cum euenit, ut multitudinis societas suis ipsa opibus & copiis cumulata, atque contenta uiuat. Si igitur quod suis ipsum opibus magis contentum est, optabilius eo est, quod est minus: ergo & quod minus est unum, eo, quod est magis, optabilius est.

- ² Neque porro si demus hoc esse optimum, societatem esse quàm maximè unam, hoc ea ratione videtur demonstrari, si omnes simul dicant meum, & non meum. Hoc enim signum atque argumentum esse putat Socrates, ciuitatem perfectè esse unam. nam vox omnes, duobus modis intelligi potest. si igitur ita accipiatur, ut singuli, seu unusquisque, fortasse magis id fuerit, quod vult efficere Socrates. unusquisque enim filium suum dicit eundem, & uxorem suam, eandem: & de facultatibus ac fortunis, de que iis, que hominibus euenire solent, similiter sentiet. Nunc autem non ita dicent, qui communibus vxoribus, & liberis vtuntur: verum omnes quidem dicent, sed non singuli: itèmq; rem familiarè omnes quidem suam esse dicent, sed non unusquisque eorum singulatim. Esse igitur fallacem ratiocinationem in voce omnes, appàret. omnes enim, & vtrunque, paria & imparia sunt, propterea quòd dupliciter dicuntur: & in disputationibus ac sermonibus rationes gignunt litigiosas ac fallaces. Quapropter omneis idem dicere, eandemque vo-

cem mittere, vno quidem modo præclarum est, sed non est fas: altero autem modo nihil valet ad concordiam concilandam. Præterea aliud malum inest in eo, quod à Socrate dicitur. nam quod plurimorum commune est, in eo procurando minima diligentia adhibetur. rerum enim propriarum maximam curam habent, communium aut minorem, aut quanta ad quemque attinet. Nam præter alias causas, eò sunt in rebus communibus negligentiores, quòd eas aliis curæ esse existiment, quemadmodum euenire solet in ministeriis vernalibus ac seruilibus. multi enim famuli interdum deterius famulantur ac ministrant, quàm pauciores. Fiunt autem unicuique ciui mille filij: atque hi non cuiusque filij sunt, sed cuiuslibet quilibet æquè filius est. Itaque omnes similiter liberos negligunt. Præterea hoc modo unusquisque ciuem siue bene rem suam gerentem, siue male gerentem, quotuscumque numero sit, filium suum esse dicit, verbi gratia, hic filius meus, aut illius est: atque hoc modo appellat unumquemq; ex mille ciuibus, aut quotquot ciuibus constat ciuitas: idque dubitans & hæsitans. Obscurum enim est cui acciderit, vt procreatus ab eo sit filius, & cum procreatus est, fuerit seruatus. Atquæ utrùm melius est ita meum dicere unumquemque, idem appellanteis, quod sit vnum de duobus hominum millibus, aut de decies mille hominibus, an potius vt nunc in ciuitatibus meum dicunt? Alius enim filium suum, alius fratrem suum, eundem appellat, alius patruelem, seu consobrinum, aut alio quodam cognationis, seu propinquitatis nomine, vel ex sanguine, vel ex alia coniunctione, & affinitate primum sua, deinde suorum. Præterea alium curialem, aut tribulem. Satiùs est enim aliquem mihi priuum ac proprium cōsobrinum esse, quàm hoc modo filiū. Verumtamen ne hoc quidem effu-

ARISTOTELIS

gi potest, quin nonnulli existiment suos fratres esse, & filios, & patres & matres. Ex similitudinibus enim filiorum cum parentibus necesse est eis fidem fieri mutua cognationis ac propinquitatis. Quod etiam fatetur quidam eorum, qui terra circuitus studiosè tractant, eucnire. Esse enim, quibusdam superioris Libyæ gentibus communeis uxores tradiderunt: filios porro natos dividere inter se ex formatum similitudinibus. Sunt autem nonnullæ etiam aliarum animantium femina, ut equa, & vacca, quæ valde simileis patribus filios edere solent suapte natura, quemadmodum equa illa Pharsalica, quæ iusta appellata est. Præterea etiam huiusmodi incommoda & difficultates non est facile vitare iis, qui hanc communitatem comparant, verbi gratia, verbera contumeliosa, & cæcis, alias inuitè admissas, alias sponte, & pugnas, & maledicta: quorum aliquid fieri in patres & matres, & eos, qui non longè absunt à cognatione, & communione sanguinis impium ac nefarium est, non item in eos, qui longius remoti sunt. Quin etiam necesse est huiusmodi facinoræ esse crebriora apud eos, qui inter se ignorant, quàm apud eos, qui inter se noti sunt: & cum admissa sunt, apud eos quidem, qui inter se noti sunt, natura rerum fert, ut expiationes & satisfactiones usitata, legibusque ac moribus receptæ fiant:

1. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

apud eos verò, qui inter se ignoti sunt, nulla. Absurdum verò est eum, qui filios fecit cōmuneis, concubitum solum amantibus ademisse: neque amandi licentiam, & alios usus, aliásque consuetudines patri cum filio, fratrique cum fratre & sorore, omnium maximè indecoras, quoniam & amare solum turpissimum est, vetuisse ac prohibuisse. Absurdum illud quoque, concubitum quidem abstulisse, nullam aliam ob causam, quàm quòd acris & valida ex re venerea nascitur.

voluptas: utrum autem hic sit pater, aut filius, necne: utrum hi fratres inter se, necne, nihil referre existimasse. Videtur porro expedire, agricolis potius communeis esse inter ipsos uxores, & liberos, quam custodibus. Minus enim contrahetur inter eos amicitia, si communes sint liberi & uxores. At taleis oportet esse eos, qui imperio subiecti sunt, ut pareant magistratibus, & ne rebus novis studeant. Omnino autem necesse est contrarium earum rerum, quarum effectrices convenit esse leges recte constitutas, contrariumque eius cause, propter quam causam Socrates putat oportere ea, que ad liberos & uxores pertinent, ita esse edicenda, ac statuenda, ex tali lege evenire. Nam & amicitiam, bonorum maximum esse civitatibus arbitramur. sic enim ad seditionem faciendam minime impellantur: & civitatem esse unam maxime laudat Socrates: quod & videtur, & ille dicit esse amicitie munus, quemadmodum in sermonibus amatoris scimus dicere Aristophanem, amanteis, propterea quod vehementer amant, cupere coagmentari & coalescere, & ambos ex duobus unum effici. Necesse igitur est, hic quidem vel ambos, vel unum interisse: in civitate vero amicitiam quasi nimia aqua dilutam esse, propter talem communionem: minimeque dicere aut meum filium, patrem: aut meum patrem, filium. Quemadmodum enim exiguum dulce ad multam aquam admixtum, temperationem efficit incognitam, & sub sensum non cadentem: sic evenit, ut propter coniunctionem & propinquitatem mutuam ex his nominibus proficiscentem, minimam curam habeat in tali reip. administrande forma, aut pater tanquam filiorum, aut filius tanquam patris, aut fratres tanquam fratrum, cum sit hoc tamen necessarium. Duo enim sunt, que homines ad curan-

dum atque amandum maximè impellunt, proprium aliquid esse, & unicum: quorum neutrum iis suppetere potest, qui in rep. ita instituta versantur. Iam verò de filiis, qui nascuntur, aliis quidem ab agricolis & opificibus ad custodes, aliis autem à custodibus ad opifices transferendis, magnam habet confusionem ac perturbationem, quónam modo hoc sit futurum. Tum necesse est eos, qui tradunt ac transferunt, quibus quos tradant non ignorare. Præterea quæ iam pridem dicta sunt, in his magis eueniant necesse est, nempe inhonesta & contumeliosa verbera, amores, cædes. non enim amplius fratres, & liberos, & patres, & matres appellât ij, qui aliis ciuibus traditi sunt, puta custodibus: neque rursus ij, qui apud custodes nati sunt, aliis ciuibus traditi, ut vereantur, aut caueant, ne quid tale admittant propter cognationem. De liberorum igitur & vxorum communione hoc modo distinctum atque explicatum sit.

- 3 Sequitur deinceps, ut de ciuium bonis ac facultatibus rei familiaris videamus, quomodo eas constitui oporteat iis, qui optima reip. administratione vsuri sunt, utrùm communeis, necne. Possit autem hæc aliquis etiam seorsum ab iis, quæ sunt de liberis & vxoribus lege Socratis sancita, considerare: ea dico, quæ ad facultates & fortunas pertinent: Utrùm etiam si propria & separata sint illa de vxoribus & liberis, quemadmodum nũc sunt apud omneis, possessiones & vsusfructum communeis esse melius sit, verbi gratia, agros & fundos seorsum possideri, fructus autem in commune collatos consumi, quod nonnullæ nationes faciunt: an contrà, agros quidem esse communeis, & arari communiter, fructus autem diuidi ad proprios cuiusque vsus: (dicuntur autem nonnulli barbari etiam hoc modo inter se res communicare) an

Et fundos, Et fructus esse communis. Si igitur alij sint, qui agros colant, alius modus fuerit, isque facilius atque expeditior. Sin ipsi sibi colant, Et laborem perferant in iis, quæ ad agros, Et ceteras possessiones pertinent, pluribus hoc affert difficultates. Nam cum in fruendo, Et in opere faciendo, laborque sufferendo non est æqualitas, sed inæqualitas, necesse est criminationes Et querelas oriri aduersus eos, qui fruuntur quidem multis, aut percipiunt multa, paruos autem labores capiunt, ab iis, qui pauciora quidem percipiunt, pluribus autem labores sufferunt. In summa, cum unâ vivere, Et rerum omnium humanarum communionem habere difficile sit, tum maxime talium. idque declarant eorum, qui unâ peregrinantur, communitates. propemodum enim plurimi dissidentes de rebus ante pedes positis, Et paruis, grauis inter se offensiones atque inimicitias suscipiunt. Præterea vero in eos famulos maxime offendimur, quorum operis ad ministeria visitata Et quotidiana plurimum utimur. Bonorum igitur, quæ à quoque possidentur, communicatio Et has, Et alias habet difficultates: quo modo autem nunc uiuitur, hoc si Et bonis moribus ornatum, atque in ordinem adductum, Et rectis legibus temperatum fuerit, non paullo præstiterit. habebit enim id, quod ex utroque profiscitur, commodi. Commodum autem ex utroque profiscens dico, Et quod ex bonorum communionem, Et quod ex proprietate oritur. Oportet enim bona quodam modo esse communia, simpliciter Et uniuersè propria. Curationes enim bonorum diuise, criminationes Et querelas inter eos non gignent, sed potius illa amplificabuntur Et crescent, unoquoque tanquam rei propria affixo atque incumbente. propter virtutem. verò ad utendi facultatem bona, ut est in prouerbio, amicorum erunt.

communis. Cum autem etiam nunc in quibusdam ciuitati-
bz huiusmodi consuetudinis informata descriptio est, quasi
hoc non fieri non possit, tum verò maxime in urbz celebres,
et ciuitates, quæ benè gubernantur, partim huiusmodi vi-
uendi consuetudo introducta est, partim introduci possit.
proprio enim quisque et priuato iure bona possidens, par-
tim ea commendat amicis, partim iis utitur, ut communi-
bz: exempli gratia etiam Lacedæmone et seruis utitur al-
ter alterius, pæne dicam, ut suis: et præterea equis, et ca-
nibus, et viatico, si quis fortè in agris inanis et minus in-
structus opprimatur. Perspicuum igitur est, esse commodius
ac præstabilius, bona quidem esse propria, vsum autem eo-
rum communem. Quomodo autem ciues sic animati reddi
possint, hæ sunt partes latoris legum. Præterea nemo dicendo
consequi possit, quantum referat ad voluptatem, existima-
re aliquid esse propriè suum. non enim frustra ipse erga se a-
micitiã unusquisque gerit: sed hoc à natura est insitum.
Esse autem sui amante, quod dicunt Græci φιλαυτον εἶναι,
meritò vituperatur. At non est hoc seipsum amare, sed ma-
gis, quàm oporteat amare, quemadmodum pecuniæ esse amā-
tem. Namque amant ferè omnes unumquicque talium re-
rum. verumtamen munificentiam conferre in amicos, eisque
opem ferre, aut hospitibus, aut sodalibus, iucundissimum est:
quod tum fit cum bona propriè à singulis possidentur. hæc igitur
iis non contingunt, qui ciuitatem nimis vnã faciunt.
Et præterea duarum virtutum munera perspicuè tollunt:
quod ad uxores quidem attinet, temperantiæ: honesta enim
actio est, ab ea, quæ aliena est, propter temperantiã se ab-
stinere: quod ad fortunas autem, liberalitatis. nam neque
apparebit quis sit liberalis, neque vllam actionem expromet
libe-

liberalem. In usu enim bonorum, quæ possidentur, liberalitatis munus situm est. Huius igitur legis rogatio speciosa quidem, & humanâ videri possit. nam qui eam audit, libenter & cupide amplectitur atque approbat, existimans admirabilem quandam omnibus inter omnes amicitiam futuram, præsertim ubi quis mala, quæ nunc sunt in his reip. administranda formis accuset, quasi ex eo nascantur, quod non sint omnium civium facultates communes: dico autem liteis & controuersias inter ipsos de rebus contractis, & falsorum testimoniorum iudicia, & diuitum assentationes: quorum nihil sit propterea quod bonorû non sit communicatio, sed propter improbitatem. Nam etiam eos, qui bona communiter possident, atque inter se communicant, multo magis inter se dissidere videmus, quàm qui seorsum facultates habent. Sed paucos spectamus ex communicatione bonorû inter se dissidenteis, cum multis propriè rem familiarem possidentibus comparantes. Præterea verum est, non solum quot malis carituri sint, qui bonorum communicationem fecerint, sed etiam quot bonis, exponere. Videtur autem prorsus fieri non posse, ut hic vitæ cultus consistat. Causam autem & originem fraudis atque erroris Socrati fuisse existimare oportet id, quod ab eo suppositum est, quasi verum ac rectum, cum aliter sit. Debet enim quadam ex parte, & quodammodo una esse & domus, & ciuitas, sed non omni ex parte, neque omnibus modis. Futurum enim est aliquo modo, ut longius progressa non sit ciuitas: aliquo modo erit illa quidem ciuitas, sed cum parum ab eo afuerit, ut non sit ciuitas, deterior erit ciuitas: quemadmodum si quis concentum ex multis vocibus constantem, quam symphoniam vocant Greci, eo redigat, ut sit unius vocis sonus: & ser-

monem numerosum, ut sit pes unus. Verum oportet civitatem, cum sit multitudo, quemadmodum antea dictum est, disciplina, & institutione communem, atque unam efficere. Et verò eum, qui disciplinam sit introducturus, existimans eius opera, atque adiumento civitatem bonam futuram, absurdum est sperare se talibus institutis eam corrigere, & meliorem facere posse: & non moribus, & philosophia, & legibus, quemadmodum quæ ad fortunas, & rem familiarem pertinent, Lacedæmone, & in Creta conuiuiis ac sodaliitiis scriptor legis communia fecit. Ne hoc quidem ignorare oportet, ad longum tempus, & ad multos annos, in quibus, si hæc rectè essent statuta, non fuisset obscurum, animum esse attendendum. Omnia enim propemodum reperta sunt quidem illa, sed alia non sunt in unum collecta: aliis, cum ea collegerint, & cognouerint, non utuntur. Maxime autem tota res in promptu sit, si quis talem reip. administrandæ formam re constantem, & usu receptam cernat. Non enim poterit, nisi bona partiatur & separet, aliæque in sodalitia, & conuiuia publica, alia in curias, & tribus diuidat, facere civitatem. Itaque eueniet, ut nihil aliud lege Socratis sit institutum, nisi ut ne custodes agros colant: quod & nunc Lacedæmonij facere conantur. Verum enim verò, quis totius reip. administrandæ modus sit futurus, bona omnia inter se communicatibus, neque exposuit Socrates, neque facile explicari potest. Atqui multitudo civitatis, ex ciuium, qui inter se differunt, multitudine conflatur, de quibus nihil distinctum, neque decisum est, utrum etiam agricolis inter ipsos commune esse facultates oporteat, an singillatim proprias. Et præterea, utrum uxores & liberos esse proprios, an communeis. Nam si eodem modo communia erunt omnium omnia, quid

agricola different à custodibus? aut quid præmij consequentur qui gerunt magistratum? aut qua spe, quòue pretio adducti magistratum gerent? nisi forte aliquid tale callidè exco-
gitent, quale Cretes. Illi enim cetera eadem seruis concedentes ac permittentes, duntaxat eis exercitationum usu, & armorum possessione interdixerunt, Quòd si qualia in aliis ciuitatibus, talia etiam apud illos erunt, quis erit communio-
nis modus? In vna enim ciuitate duas esse ciuitates erit ne-
cesse, easque inter se aliquantum contrarias. Facit enim cus-
todes quidem veluti praesidiarios milites & propugna-
tores: agricolas autem, & artifices, & alios cinctis. Crimina-
tiones autem, & querela, & iudicia, seu actiones, & quæ-
cunque alia in ciuitatibus habere mala dicit, ea omnia in his
quoque habebunt. Atqui ait idem Socrates, suis ciuibus
paucis omnino legibus opus futurum propter disciplinam,
atque institutionem, verbi gratia, adilitiis, & forensibus, &
ad res venaleis pertinentibus, & aliis talibus, cum discipli-
nam tribuat custodibus tantum. Præterea verò agricolas bo-
norum, & possessionum finit esse dominos, dum modò vecti-
gal impositum pensitent. At multo probabilius est, eos aspe-
ros, & elatos, & superbos fore, quam apud Lacedæmonios
elotéas, apud Thessalos penestéas, & similia apud alios ser-
uitia. Sed enim utrùm sint hac aquè necessaria, necne sint,
nunc quidem nihil ab eo definitum est. Tum neque de ceteris
proximis & deinceps sequentibus, quæ sit horum reip. admi-
nistrande ratio, & disciplina, quæ leges. Neque autem est
ad inueniendum facile, neque parum refert, quomodo sint con-
formati ad custodum communitatem trandam & conser-
uandam. Iam porro si mulieres quidem faciet communeis,
possessiones autem & facultates proprias, etiam si sint com-

1 quæ mu-
lier rem f.

munes agrorum possessiones, atque uxores: quis rem familiarem administrabit, ac procurabit, quemadmodum rem rusticam viri administrant? Absurdum autem etiam est, facta cum bestiis comparatione, probare eadem studia sequi, eademque munera obire mulieres, atque viros oportere, cum ad bestias nullum rei domestica studium pertineat. Periculosa porro est etiam magistratuum creandorum ratio, quo modo quidem Socrates creat. perpetuo enim vult ab eisdem obtineri magistratus. At hinc seditionis causa oritur etiam apud homines contemtissimos, atque abiectissimos: multo magis apud animosos & bellicosos viros. Necessarium esse enim, perpetuos & semper eosdem facere magistratus, perspicuum est. Non enim nunc horum, nunc illorum animis admistum est aurum illud diuinum: sed semper eorundem. Ait autem deum aliis statim nascētibz aurum admiscuisse, aliis argentum: as autem & ferrum iis, qui futuri sunt artifices, & agricola. Præterea verò cum beatitudinem custodibus adimat, ait latorem legis totam ciuitatem efficere beatam oportere. Atqui fieri non potest, ut tota ciuitas sit beata, nisi aut plurimi, aut omnes, aut nonnulli beatitudinem sint consecuti. Non enim eorundem est beata vita, quorum numerus par. Contingere enim potest, ut totum quidem aliquod, sit numerus par: neutra verò eius pars, sit numerus par: sed ut totum aliquod sit beatum, partes autem eius non sint beatæ, fieri non potest. At si custodes non erūt beati, quinam alij erunt? non enim artifices, & opificum illiberalium, ac sordidorum multitudo. Reip. igitur administranda ratio, quam exposuit Socrates, taleis habet dubitationes, ac difficultates inexplicabileis, & his alias non pauciores.

Propemodum autem similiter se habet legum, quæ poste-

rius scripta sunt, descriptio. Quapropter & de reipub. administranda forma hic expressa, pauca considerare praestiterit. Nam in libris de republ. de paucis omnino decidit Socrates, nempe de uxorum & liberorum communione, quo modo serres tota habere debeat, & de facultatibus communicandis, & de tota rep. ordinanda. Diuidit autem in duas parteis habitatorum multitudinem, alteram agricolarum, alteram propugnatorum. tertiam ex his sumpsit, eam, quae consultat, quae totius ciuitatis dominatum, & potestatem obtinet. de agricolis autem & artificibus, utrum nullius magistratus, an aliquis sint participes: & utrum hos quoque arma gestare, & belli gerendi communiter onus sustinere, necne, his de rebus nihil distincte explicauit: sed mulieres quidem existimat unam cum uiris belli munus sustinere, & eiusdem atque custodes, institutionis participes esse oportere: ceteroqui sermonibus à re alienis disputationem totam refert, & qualis debeat esse custodum disciplina, exposuit. Libri autem de legibus maxima ex parte leges sunt: pauca in eis de reip. administranda ratione verba fecit. atque hanc dum vult communio- rem ciuitatibus efficere, paulatim eam in² aliam reip. formam circumagēs flectit, ac detorquet. Excepto enim quod uxores, & liberos, & facultates vult esse communeis, cetera eadem utrique reip. administranda forma attribuit. Namque cum utrique ascribat eandem disciplinam, tum immunitatem necessariorum dat munerum, utramque ab omni operis functione vacuam ac solutam, & de conuiuiis ac sodalitiis eodem modo statuit: nisi quod in hac ait mulierum quoque sodalitia esse oportere: & in illa quidem mille homines, qui arma gerant, esse vult: in hac quinque. Eximium igitur quiddam continent Socratis sermones, & gloriosum, &

1 id est
talem, ut
ea uti pos-
sint ciui-
tates.

2 altera.

magnificum, & nouitatis plenum, & quæstionibus refertum. Pulchrè autem omnia in eis esse tradita ac descripta, fortasse difficile est. Etenim quòd ad illam, quæ nunc à me dicta est, multitudinem attinet, nemini obscurum esse debet, tot hominibus agro Babylonio, aut aliquo alio immenso opus futurum, vnde quinque millia virorum otiosorum alantur, & præter hos altera mulierum & famulorum turba multis partibus maior. Oportet igitur optatum quoddam supponi, nihil tamen eiusmodi, quod fieri non possit. Dicitur autem ab eo, latorem legis in scribendis & ferendis legibus duo spectare oportere, locum, & homines. Præterea verò par est ad-

1 si ciuitas vitam bellicam, & militarem cultura est.

Gr. βίον πολέμου. al. πολὺν πόλιν

2 legendum fort.

in Græc.

τῷ μὲν τὸ πρῶτον ἀπολαύσει, τῷ δὲ τὸ ὀπίσθως. id est, alterū quidē luxuriosa, alterum verò laboriosa vita sequetur.

dere, etiam loca finitima ac vicina, si ciuitas ciuilem vitæ cultum retinere debet. Non enim necesse solū est, eam talibus ad bellum gerendum armis vti, quæ in domesticis finibus vtilia sint, verū etiam quæ in externis locis. Quod si quis talem vitæ rationem neque priuatam, neque publicam & communem ciuitatis probat, nihilo minus tamen formidolosos, & horribileis esse oportet hostibus, non solū in proprios sineis incurrentibus, sed etiam posteaquam discesserunt. Tum multitudinem bonorum, & magnitudinem rei familiaris videndum est, num quid melius fuerit aliter definire, hoc est, planius, atque apertius. Tantas enim cuique rei familiaris facultates suppetere dicit oportere, vt frugaliter, & temperanter viuere queat, proinde ac si quis diceret, vt bene viuere queat. Hoc enim magis vniuersum est, & latius patet. Præterea verò licet viuere frugaliter, & tamen ærumnosè, & laboriosè. At melior erat definitio, vt frugaliter, & liberaliter viuere queat. Vtrumque enim separatim positum, 2 alterum quidem luxuriam, alterum laboriosam vitam sequetur. Namque hi soli habitus in vsu rei fa-

miliaris sunt optabiles & expetendi: verbi gratia, re familiarari non licet leniter uti, aut fortiter: temperanter verò & liberaliter licet. Quare & hos usus in facultatibus, & pecunia versari necesse est. Absurdum porro est cum æquationem bonorum introducat, de iis, quæ ad ciuium multitudinē pertinent, nihil statuere, sed liberorum procreationi neque modum constituere, neque finem certum imponere, proinde quasi futurum sit, ut satis exæquetur cum eadem multitudinē, quæ initio fuerit, propter orbitates, aut propter liberos non susceptos, quantumuis multi nascantur, quia hoc videtur etiam nunc in ciuitatibus vsuuenire. Sed deberet hæc res longè iustioribus, & accuratioribus ponderibus in ciuitatibus examinari seruata lege Socratis, quàm nunc. Nunc enim nemo egestate laborat, quia bona multitudini diuisa sunt, quantacunque illa sit. Tunc autē cum diuisa non essent, necesse esset eos, qui præter numerum, & extra ordinem accessissent, nihil habere, siue pauciores essent numero, siue plures. Existimari autem aliquis debuisse procreandis liberis certum modum cōstitui magis, quàm facultatibus, ut ne quis plureis filios procrearet. In hac autem multitudine præfinitenda, & varios mortis casus considerandos ac spectandos esse, si qui fortè eorum, qui procreati sunt, moriantur, & aliorum ciuium orbitatis habendam esse rationem. hoc verò si cuique relinquatur liberum ac solutum, paupertatis causam ciuibz afferat necesse est. At paupertas seditionem in urbe ingenerat, & maleficium. Itaque Phidon Corinthius. lator legum cum primis antiquus, & domos æqualeis permanere oportere existimauit, & multitudinem ciuiū: quamuis omnibus ab initio sortitō obtigissent partes bonorum magnitudine inæquales. At in his legibus contrarium est. Sed

his quidem de rebus quónam modo se melius esse habituras arbitremur, posterius erit differendum. Omissa sunt porro in his legibus & ea, quæ ad magistratus pertinent, quomodo iis, qui sub imperio sunt, præstituri sunt. Ait enim quemadmodum ex alia lana fit stamen, quàm subtemen: sic & magistratus, & reipub. præfectos ab iis, qui imperio subiecti sunt differre oportere. Quoniam autem rem omnem familiarem amplificari permittit usque ad quincuplum, cur non hoc idem in terra valeat aliquatenus? Tum verò verendum etiam est, ne aræ ædificiorum non satis utiliter, aut accommodatè ad rei domesticæ administrationem diuise sint. binas enim ædium areas cuique tribuit, seorsum diuisas, ac distinctas. At difficile est, in binis ædibus unum habitare. Tota autem reip. descriptio videtur eò referri, ut neque sit potestas popularis, quam democratiæ appellant Græci, neque paucorum principatus, quem oligarchiam, sed harum media reip. administrande forma, quam politiam nominant, siue remp. siue populi libertatem. Ex his enim constat, qui arma gerunt. Si igitur hanc reip. administrandæ rationem, ut aliarum omnium maximè ciuitatibus communem probat, fortasse rectè dixit: sin ut omnium optimam secundum primam, non rectè. Fortasse enim aliquis Laconicam reip. administrandæ rationem, aut aliquam aliam, in qua magis optimatum principatus vigeat, magis laudarit. Quidam igitur dicunt optimam reip. administrandæ formam omnibus reip. administrandæ generibus permixtam ac temperatam esse oportere. Idcirco Lacedæmoniorum reip. administrandæ rationem laudant. Alij enim aiunt, eam ex paucorum potentatu, seu oligarchia, & vnius dominatu, seu monarchia, & populi potestate, seu democratiâ constare. re-

gnum enim esse unius dominatum: senatorum imperium, esse paucorum potestatem: penes populum autem esse potestatem per Ephorum magistratum, propterea quod Ephori quasi tribuni plebis è plebe sumuntur. Alij autem Ephoriã, hoc est Ephorum magistratum, quasi tribunatum plebis, aiunt esse tyrannidem: populi potestati autem, imperioque eos subiectos esse per sodalitia, & cõuiuia publica, reliquamque vitam quotidianam. In his porro libris de legibus scriptum est, optimam reipub. administrandæ formam ex populi potestate, & tyrannide constare oportere, quas aut omnino nullus reip. administrandæ formas esse dixerit, aut omnium deterrimas esse pronuntiarit. Dicunt igitur i rectius, qui pluris inter se permiscet. ex pluribus enim temperata reip. administrandæ forma, præstabilior est. Deinde Socratica ista reip. administrandæ forma nihil, quod ad monarchiam, seu unius dominatum pertineat, habere reperitur, sed omnia oligarchiæ, hoc est paucorum principatus, & democratiæ, hoc est popularis potestatis propria: & tamen ad paucorum principatum magis propendere videtur natura. quod ex magistratuum constituendorum ratione intelligere licet. Nam electionem ad sortem reuocari, electosque sorti permitti, utriusque commune est. sed locupletioribus necesse esse contionibus interesse, & magistratus renuntiare ac declarare, aut aliud aliquod munus ciuile obire: alios esse ab his muneribus liberos ac solutos, hoc paucorum potentatus proprium est. Hoc etiam ad paucorum potentatum pertinet, quod vult operam dari, ut maior pars eorum, qui ciuitati præsunt, sumatur ex locupletibus, & ut iis, quorum cõsus est maximus, magistratus amplissimi mandentur. Facit verò & senatus electionem paucorum principatui consentaneam. Eligunt

enim omnes quidem necessariò, sed primum ex primo sensu: deinde iterum æqualeis numero ex secundo, deinde ex iis, qui sunt tertij census: deinde ex classe quarti census, nisi quòd non iis omnibus, qui sunt tertij, aut quarti census imposita necessitas est eligendi, sed iis, qui sunt quarti census, primis tantum & secundis. Deinde ex his parem ex unoquoque censu efficere numerum ait oportere. Erunt igitur plures ex maximis censibus, & meliores, quia nonnulli ex popularibus non eligant: non eligunt autem quia non sit eis imposita necessitas eligendi. Talem igitur reip. formam ex populari potestate, & unius principatu, seu monarchia constare, non esse dicendam, cum ex his perspicuum sit, tum ex iis, quæ posterius dicentur intelligere licebit, ubi de tali reip. administrandæ forma erit considerandi & disputandi locus. Iam verò illud, quod ad electionem magistratuum pertinet, ubi electos ad aliam electionem reuocat, periculo non vacat. Si qui enim vel mediocri numero coire, & conspirare volent, semper ex eorum voluntate, & pro eorum arbitratu eligentur. Quæ igitur ad reip. administrandæ rationem in libris de legibus expositam pertinent, huiusmodi sunt.

5° Sunt autem quedam & alia reip. administrandæ formæ, aliæ ab indoctis, aliæ à philosophis, & civitatis regendæ peritis inuenta, atque instituta: quæ omnes propius, quàm hæc ambæ Socraticæ, ad eas, quæ nunc cõstitutæ sunt, & quibus nunc utuntur, accedunt. nullus enim neque novum istud de communione liberorum & vxorum, neque alterum de sodalitiis, & conuiuiis mulierum commentum reperit, sed à necessariis ordiuntur potius. Videtur enim quibusdam esse maximum, id, quod ad facultates rei familiaris pertinet, in ordinem rectum esse adductum. De his enim seditiones ab

omnibus commoueri dicunt. Quapropter Phaleas Chalcedonius hoc induxit primus. Ait enim ciuium bona equalia esse oportere. Atque hoc quidem eo statim tempore, quo tempore primum urbes conduntur, & habitantur, facere non difficile esse existimabat. conditis autem iam urbibus, & constitutis ciuitatibus, maioris hoc quidem fore negotij, sed tamen celerrimè facultates ciuium ad equalitatem redactum iri, si diuites quidem filias suas collocantes dent dotes, ipsi verò uxorem ducentes non accipiant: & contra, pauperes non dent, accipiant ipsi. Plato verò cum leges scriberet, quadamtenus existimabat facultates augere sinere oportere: amplius autem acceptas augere, atque amplificare querendo, quàm ut essent quincuplæ minimarum; nemini ex ciuibus licere, quemadmodum & antea dictum est. Non debent autem hoc ignorare, qui taleis leges ferunt, quod nunc ignoratur, eos, qui facultatum magnitudinem præfiniunt, etiam liberorum numerum præfinire conuenire. Si enim facultatum magnitudinem superet liberorū numerus, ac multitudo, primum lex antiquetur necesse est: deinde præter legis antiquationem, multos ex diuitibus pauperes fieri malum est. Difficile enim est taleis homines res nouas non moliri. Bonorum igitur equalitatem vim aliquam habere ad societatem ciuilem nonnulli ex veteribus videntur intellexisse: cuiusmodi & Solon legem composuit: & apud alios lex lata est, quæ vetat tantum agri comparare, quantum quisque velit. Itémque rem suam familiarem vendere leges vetant, quemadmodum apud Locros lex sancita est, ne quis patrimonium suum vendat, nisi manifestam calamitatem sibi ostendat accidisse. Præterea verò iubet patrimonia hereditaria antiqua, quæ cuique sortitione facta obuenerunt, seruari.

ARISTOTELIS

Hoc autem Leucade conuulsum ac sublatum, Leucadiorum remp. nimis popularem reddidit. Nō enim iam amplius eueniebat, ut ex censibus præfinitis, ac descriptis ad magistratus prouherentur. Sed fieri potest, ut bonorum quidem sit æqualitas: verū hęc aut sint nimis multa, ut profusè ac luxuriose uiuant: aut nimis pauca, ut tenuiter, & sordide. Perspicuum igitur est, non satis esse latorem legis bona ciuium æquare, sed medium animo esse destinandum. Præterea verò etiam si quis certas omnibus rei familiaris facultates descripserit, ac præfinierit, nihil proficiet. Cupiditates enim exæquandæ sunt potius, quàm facultates. Hoc autem esse non potest, nisi ciues tantum, quantum satis est fuerint à legibus eruditi, atque instituti. Sed fortasse dicat Phaleas hęc à se ipso cōmemorari ac prouideri. Existimat enim horum duorum ciuitatibus æqualitatem esse oportere, possessionis, & institutionis. Sed primū quæ sit futura institutio, dicendum erat. deinde nihil prodest vnā; & eandem esse. Fieri enim potest, ut vna quidem & eadem sit: sed hęc sit talis tamen, ut ex ea facile consilium capiant appetēdi, sibi que arrogandi vel pecunias, vel honores, vel vtraque iusto ampliora. Præterea seditionem solent facere ciues propter inæqualitatem non solū bonorum, verū etiam honorum: sed contrario vtrumque modo. Vulgus enim propter fortunarum, & rei familiaris inæqualitatem concitatur: politiores & venustiores homines de honoribus contendunt & concertāt cum vulgo, si sint æquales. ex quo etiam illud,

Fortis & ignauus parili afficiuntur honore.

Non solū autem propter res ad victum necessarias homines iniuriā faciunt, cuius remedium esse putat fortunarum æqualitatē, ut ne quem frigore, aut fame coacti, vestitu, bo-

nisque spolient, verum etiam propter voluptatem, ac dolorem ex cupiditate manantem: ut & voluptatibus perfruantur, & doloribus cupiditatum careant, libidinesque suas expleant. Nam si cupiditatem maiorem habeant, quam res necessariae postulent: ut huic cupiditati medeantur, iniuriam facient. neque propter huius cupiditatis medicinam tantum ad iniuriam inferendam adducentur, verum etiam si non concupiscant, ut voluptates percipiant dolorum experteis. Quodnam igitur horum trium malorum remedium? illis quidem rem familiarem exiguam habere, & ex labore atque opera questum facere: alteris autem temperantia. tertium porro remedium, si qui per se gaudere velint, non est quod aliunde, quam à philosophia requirant. Nam ceterae voluptates sine hominum opera contingere non possunt. Præterea maximas iniurias inferunt homines propter cupiditates immoderatas, & non propter res necessarias: verbi gratia, tyrannidem occupant, populumque impio dominatu opprimunt, non ut ne algeant, sed ut suas libidines impunè expleant. Itcirco magna præmia proposita sunt non ei, qui firem, sed ei, qui tyrannum occiderit. Quare ad paruas, leuesque iniurias repellendas ac defendendas solum vim habet reip. administranda modus à Phalea inuentus. Præterea multa ex iis, quæ ab eo excogitata & inducta sunt, eò spectant, eoque referuntur, ut ciues quidem inter se ciuitatem habeant bene constitutam: sed oportebat etiam aduersus finitimos, & externos omneis. Nimirum necesse est, omnem reip. administrandæ formam ita esse descriptam, atque ordinatam, ut viribus, & copiis bellicis instructa sit, de quibus ille nè verbum quidem fecit: similiter verò & de facultatibus rei familiaris: non enim satis magnas suppetere oportet ad usus ci-

legedū
ἀλλὰ καὶ
μὴ ὄντι
μοίη, ἀβ-
εστ nega-
tio à libr.
omnibus
vulg. mē-
dos.

uileis tantum, verum etiam ad pericula externa. Quapropter neque tanta bonorum copia præstò esse debet, ut ea finitimi quidem & potentiores concupiscant: qui habent autem, ab iniuria incurrentium hostium tueri non possint: neque tanta angustia, ut bellum sustinere non queant, ne à paribus quidem & similibus illatum. Ille igitur de his nihil definit. At obscurum esse non debet, quanta rei familiaris cuiusque ciuium copia ciuitati conducant. Fortassis igitur definitio fuerit earum optima, non propter facultatum magnitudinem immensam, & immoderatam, finitimorum potentiorum interesse, bellum his inferre, sed rationes illorum postulare, ut his bellum inferant etiam si tantas facultates, & diuitias non habeant: quemadmodum Eubulus cum Autophradates Atarneam obsidere atque oppugnare cogitaret, suasisit ei, ut complexus animo temporis spatium, quod in urbe capienda consumeret, huius temporis sumtus rationem subduceret. Minore enim pecunia accepta adductum iri, ut obsidionem Atarnei relinqueret. Hac oratione fecit, ut Autophradates re diligenter & attentè considerata, urbis oppugnandæ finem fecerit consiliūque abiecerit. Aliquantum igitur utile est, facultates rei familiaris ciuibus inter ipsos æquales esse, ne seditionem inter se faciant: non tamen admodum magna hæc utilitas est, ut id, quod sentio, dicam. nam politi, & virtute aliqua ornati homines hoc indignè ferant & querantur, quasi digni sint bonis amplioribus, non æqualibus. Quapropter etiam eos sæpe videmus in alios ciueis inuadere, & seditionem excitare. Præterea verò inexcipibile quiddam est hominum improbitas. Ac primum satis habent duos obolos duntaxat accipere: ubi autem hoc patrum, & auitū fuerit, semper eo amplius concupiscunt donec

ἡ ὅσον συμ
 φέρει πλῆ
 ρος ὁσίων.
 sic legendū,
 dum, non
 ut est in
 libr. vulg.
 ἐπὶ συμφ.

in immenssum progressi fuerint. Infinita enim & immensa est cupiditatis natura: ad quam explendam plerique homines omne studium, atque adeò omnes vitæ rationes conferunt. Talium igitur rerum remedium est, eos quidem, qui natura modesti & boni sunt, taleis efficere, ut plus iusto habere nolint: malos autem & improbos, ut non possint, potius quàm bona ciuium exæquare. non poterunt autem si & gradu sint inferiores, & non afficiantur iniuria. Sed ne hanc quidem bonorum æquationem rectè exposuit. Nam in agrorum possessione duntaxat bona vult æquari. Atquin & in seruis, & in pecoribus, & in nummis diuitia consistunt: sunt & in multo supellectilis, quæ appellatur, apparatu, multoque instrumento. Aut horum igitur omnium querenda qualitas est, aut hac in aliquem ordinem moderatum redigenda sunt, aut omnia sunt prætermittenda. Videtur autem ex legibus à se positis paruam ciuitatem efficere, siquidem opifices omnes erunt serui publici, neque partis ullius, quæ expleatur ciuitas, locum obtinebunt. Quod si seruos publicos esse oportet eos, qui communia artificia exercent, debet hoc ita se habere, ut Dyrachij, & ut aliquando Diophantus Athenis instituit. De Phalæa igitur reip. administrandæ ratione, aliquidne ille rectè dixerit, an secus, propemodum quis ex his intelligere queat.

ἢ εἰρηξέ.
legedum
foras. est
διείρηξε,
vel διείρε-
ξε, id est,
distingxit,
definiuit.

Hippodamus autem Euryphontis fil. Milesius, qui & ciuitatum, vrbiumque diuisionem reperit, & Piræum muro ab urbe seiunxit, vir primùm in reliqua vita propter ambitionem aliquantò plus, quàm satis esset, rerum superuacanearum, atque exquisitarum studio deditus, vsque adeò ut nonnullis curiosus, & putidius viuere existimaretur, capillo tum denso ac promisso, tum composito, & sumptuosè ornato: dein-

ARISTOTELIS

ἢ ἐν τῇ -
 λυγρῇ
 &c.

de in vestitu, cultuque corporis sumtuoso, cum veste uteretur¹ honorifica illa quidem, & magnifica, sed calida, & pel-
 libus suffulta, non hieme solum, verum etiam diebus aestiuis,
 & solstitialibus temporibus. Hicigitur Hippodamus cum
 alioqui in totius naturae explicatione eruditus esse vellet,
 primus eorum, qui remp. non administrarunt, conatus est a-
 liquid de optimae reip. administrandae forma dicere. Ciuita-
 tem autem ita componebat, ut ex decem millibus hominum
 numero constaret, in treis verò parteis esset diuisa. vnā
 porrò partem efficiebat ex artificibus, alteram ex agricolis,
 tertiam ex propugnatoribus, & armatis hominibus. Iam
 verò agrum treis in parteis secabat, vnā sacram, alteram
 publicam, tertiam priuatam: eam quidem, unde sacra legiti-
 ma, & consuetudine recepta diis immortalibus fierent, sa-
 cram: eam autem, unde ciuitatis propugnatores viuerent,
 communem & publicam: eam denique, quae agricolis esset at-
 tributa, propriam ac priuatam. Existimabat autem etiam
 tria legum genera duntaxat esse oportere. nam quibus de
 rebus lites intenduntur, & iudicia fiunt, eas res numero treis
 esse contumeliam, damnum iniuria illatum, mortem. Lege
 autem sua etiam vnum iudicum confessum faciebat, cuius
 summa esset potestas, & ad quem referri oporteret eas res, quae
 minus benè iudicatae viderentur. Hunc autem constituēbat
 ex quibusdam senibus selectis. sententias porrò in foris iudi-
 cialibus non per calculos ferri debere existimabat, sed dari
 unicuique tabellam, in qua scriberet si planè condemnaret: si
 absolueret inanem relinqueret: sin neque damnalet, neq; ab-
 solueret, aut partim damnalet, partim absolueret, hoc ipsum
 scriptura declararet. nunc enim hoc non rectè legibus esse in-
 stitutum. cogi enim iudices peierare, cum aut hanc, aut illam
 ferre

ferre sententiam iubentur. Legem autem tulit de iis, qui aliquod utile ciuitati inuenirent, ut honore ac premio afficerentur: & ut liberis eorum, qui in bello occubuisset, de publico victus praberetur, quia scilicet nondum hæc lex apud alios esset lata. nunc autem & Athenis, & in aliis ciuitatibus posita est. Tum ut magistratus omnes à populo eligerentur. Populum autem faciebat treis illas parteis ciuitatis. Deinde ut qui lecti essent, curam haberent & rerum ciuitatis communium, seu vrbicularum: & earum, quæ ad peregrinos, & earum, quæ ad pupillos parentibus orbatos pertinerent. Quæ igitur & maxima ex parte, & commemoratu dignissima, ab Hippodamo de rep. ordinata exposita sunt, hæc sunt. Vocare autem in dubium possit aliquis, primum quidem ciuium multitudinis partitionem. Nam & artifices, & agricolæ, & qui arma gerunt, omnes reip. sunt participes: sed ita ut agricolæ quidem sint inermes, artifices autem & sine armis sint, & sine agris. quo fit ut propemodum serui sint eorum, qui arma tenent. Quare omnium honorum participes esse non possunt. Necesse enim est ex iis, qui arma tenent, creari & imperatores, & ciuium custodes, quos appellant Græcipolitophylacas, & summos, pæne dicam, amplissimosque magistratus. Qui autem reip. non sunt participes, qui fieri potest, ut ij beneuolo atque amico in rempub. sint animo? Iam verò superiores sint viribus necesse est ij, qui arma tenent, utraque parte. Hoc autem non est factu facile, nisi multi sint. At si hoc erit, quid attinet alios remp. participare, & creandorum magistratuum potestatem habere? Præterea agricolæ quæ in re ciuitati sunt utiles? Nam artifices quidem esse necesse est. Omnis enim ciuitas artificibus eget: & possunt ex artificio suo vitam tolerare, quemadmo-

dum in aliis ciuitatibus. Agricola verò, qui ciuibus arma tenentibus victum suppeditant, non immeritò in partibus ciuitatis numerantur. Nunc autem proprios agros habent, & hos priuatim colunt. Præterea, si commune agros, ex quibus ciuitatis propugnatores victum sument, ipsi milites arabunt, non differat pars ciuitatis militaris ab ea, quæ agris colendis præposita est. At vult lator legis duas dissimiles esse partes. Quòd si alij quidam erunt præter eos, qui priuatos agros colunt, & ciuitatis propugnatores, quarta rursum hæc erit pars ciuitatis, nullius rei particeps, sed à reip. statu aliena. Quòd si quis eosdem esse ponet, & qui proprios agros colunt, & qui publicos & commune: tunc fructuum copia erit angustior, quàm vt ex iis quisque victum duabus familiis subministrare possit. Tum quamobrem non statim ex eadem terra, & ex iisdem agris, qui sorte cuique obtigerint, & sibi victum sument, & bellatoribus præbunt? Hæc igitur omnia magnam habent confusionem. Ne lex quidem, quæ est de sententia à iudice pronuntianda, admodum probanda est, postulare vt actione simpliciter instituta atque intenta, in iudicando sententiam diuidat, fiatque ex iudice arbiter. At hoc in arbitrio etiam pluribus de compromisso facto disceptantibus facere licet, & contingere potest. Inter se enim de sententia ferenda communicant. In iudiciis verò non potest. quin etiam multi legum scriptores contra atque hic, dant operam, ne iudices inter se communicent. Deinde verò nonne erit hæc iudicatio turbulenta, & confusa, si iudex quidem deberi petitori arbitretur, sed non tatum, quantum petitor sibi deberi dicit? hic enim minas viginti petit: ille autem decem adiudicat: aut hic quidem plus, ille verò minus, alius autem quinque, alius porro quattuor: atque hoc

scilicet modo sententias diuident : alięque omni ex parte contra petitorum sententiam ferent, alij nulla ex parte. Quis igitur erit modus sententiarum diligendarum, ac discernendarum? Pręterea verò nemo cogit eum peierare, qui simpliciter absoluerit, aut damnarit, si lis simpliciter, vt debet, fuerit intenta. non enim qui reum absoluit, nihil eum debere iudicat, sed viginti minas non debere. Verum ille iam peierat, qui non putans reum debere viginti minas, nihilominus eum damnauit. De pręmio autem & honore aliquo iis decernendo, qui aliquid vrile ciuitati reppererunt, non est tutum legem ferre : sed est auditu plausibile & speciosum tantum. Habet enim calumnias, & reip. si ita cadat, commutationes, & conuersiones. Incurrit autem in aliam quęstionem, & disputationem. dubitant enim quidam, vtrumne detrimentoſum, an vrile sit, leges patrias mouere, & mutare, si qua sit alia melior. Itaque non est facile ei, quod dictum est de pręmio iis decernendo, qui aliquid ex vsu ciuitatis inuenerint, assentiri & concedere, si non expedit reipub. quicquam immutare. Euenire autem potest, vt aliqui suadeant vel legum abrogationem, vel reip. administranda forma commutationem, tanquam commune bonum. Sed quoniam in hunc sermonem incidimus, pręstiterit etiam pauca hac de re disputare. habet enim, vt diximus, dubitationem. Et videatur sanę satius esse commutare. In aliis enim scientiis hoc profuit: vt medicina cõmutata à patriis institutis, & ars corporum exercendorum, quam gymnasticam Gręci appellant, omnes denique artes, & facultates mutata magnas rebus publicis utilitates attulerunt. Quare quoniam & ciuilis prudentia in his numeranda est, nimirum de ea quoque necessariò idem est sentiendum. Argumentum eorum, quę dicimus,

ex factis & enētis sumere possit aliquis. Leges enim antiquas valde simplices esse, & barbaricas. Nam & gladios gestare, & uxores alter ab altero emere solebant: reliquaq; antiqua instituta, stolidi prorsus, & stulta sunt: verbi gratia, lex est Cumis de iis, quæ ad eadem pertinent, si accusator aliquem testium numerum produxerit, qui sibi cognati sint, reum cædis pœna teneri. Præterea quærūt omnes non quod est patrium, sed quod bonum. Et Verissimile est, primos illos homines, siue terra filij, & terrigenæ erant, siue ex calamitate, & interitione aliqua salui & incolumes euaserant, simileis fuisse hominum, qui vulgò, casuq; nobis occurrunt, & insipientium ac stultorum, quemadmodum de terrigenis dici solet. Quare absurdum sit in horum decretis permanere. Præterea ne leges quidem scriptas relinquere immutabileis, atq; immotas præstiterit. Quemadmodum enim se res habet in aliis artibus, sic & in prudentia civili, fieri non posse, ut omnia, quæ ad ordinationem & descriptionem reip. administrandæ pertinent, subtiliter, & perfectè scripta sint. Vniuersæ enim scripta sint necesse est. At actiones in singularibus versantur. Ex his igitur perspicuum est, & aliquas leges esse mutandas, & aliquando mutandas. Contrà verò si alio modo rem, de qua agitur, consideremus, multæ cautionis esse videatur. Vbi enim utilitas quidem, quæ ad mutandas leges adducit, parua est: assuefacere autem ciuicis legibus facile mutandis, malum: proculdubio nonnulla peccata & latorum legis, & magistratuum ferēda, atque intacta relinquenda sunt. Non enim tanto erit ei mutasse leges emolumento, quanto assueuisse magistratibus non parēre detrimento. Præterea fallax & captiosum est illud ab artibus & scientiis exemplum. Non enim simile est artem, atque legem cōmutare. Lex enim nullam vim habet ad pa-

rendum impellētem, nisi eam quam à more accepit: hic autem non nisi ex temporis longinquitate, annorūque multitudi-
ne nascitur. Itaque à legibus receptis & vsitatis, ad alias &
nouas leges facile migrare, vim legis infirmare, ac debilitare
est. Præterea, si demus esse mutandas, vtrum & omneis, & in
omni reip. administrandæ formæ, necne? & vtrum à quoli-
bet mutandæ, an à quibusdam? & à quibūsnam? Magnum
enim inter hæc discrimen est. Quapropter nunc quidem hanc
quæstionem omittamus. ad alia enim tempora magis est re-
seruanda. magis proprium reseruemus.

De Lacedæmoniorum autem, & Cretum rep. & prope-
modum de aliis, duo sunt videnda, quorum vnum est, sit ne
aliquid in eis recte, an secus, ad optimam reip. administrandæ
descriptionem, legibus constitutum: alterum, sit ne aliquid,
spectato reip. proposito & modo, ita constitutum, ut repugnet
ei reip. administrandæ formæ, quam sibi proposuerunt. Ei igitur
ciuitati, cuius administratio recta sit futura, necessariorū
munerum vacationem esse oportere, cōuenit inter omneis.
sed quomodo esse oporteat, non est facile intelligere. Nam &
Thessalorum seruitium, quam illi penestēam nominant, sæpe
in Thessalos irruit, atque inuasit: itēque Elotes in Lacedæ-
monios. Nam perpetuò veluti casibus eorum aduersis insi-
diantes imminet. Cretensibus autem nihil dum tale accidit.
Causa autem huius rei fortasse est, quòd nulla finitimarum
ciuitatum, quamuis inter se bellum gerant, præbeat se belli so-
ciam, auxiliū vè ferat seruis in dominos conspirantibus, &
à ciuitate deficientibus: ideo quòd sibi non expediat illis auxi-
lium ferre, ut quæ etiam ipsæ populis à se alienis, quos illi pe-
riæcos appellant, cinctæ sint. Lacedæmoniis autem finitimi
erant inimici atque infesti, Argiui, Messenij, Arcades.

Nam & à Theſſalis initio ſervi deſciuerunt, propterea quòd bellum etiam tum cum finitimis Achiuis, Perrhabis, Magnetibus gerebant. Videtur autem etſi nihil aliud, at certè diligentia & cura magni negotij eſſe, quomodo ſe aduerſus eos gerere oporteat. Nam ſi agatur cum eis liberalius ac diſſolutius, libidiñoſè ac petulanter viuunt, & cum dominis de dignitate contendunt: ſin tractentur aſperius, viuántque laborioſè & miſerè, in dominos perniciem moliuntur, eòſque oderunt. Ex his igitur intelligere licet, eos, qui in hæc mala incidunt propter ſeruitium, quam Elotiam appellant, non reperiſſe optimam reip. adminiſtrandæ formam. Præterea verò remiſſio & indulgentia in mulieres, & ad conſilium, quod ceperunt de ſua rep. adminiſtrāda, & ad beatitudinẽ ciuitatis, inutilis ac damnoſa eſt. Quemadmodum enim domus partes ſunt vir & mulier: ita ſcilicet & ciuitatem exiſtimare oportet in duas parteis æqualeis eſſe diuiſam, in virorũ & mulierum multitudinem. Quare quibuſcunque in reip. adminiſtrandæ formis id, quod ad mulieres pertinet, malè habet, in eis dimidium ciuitatis exiſtimandum eſt non eſſe legibus temperatum: quod illic euēnit. Nam cum totam ciuitatem lator legum vellet ad tolerandos & perferendos labores eſſe fortem ac robuſtam, in viris quidem perſpicuè quod volebat effecutus eſt: in mulieribus verò negligentem ſe præbuit. Viuunt enim intemperanter, & luxurioſè, ad omne ſcilicet intemperantiæ genus ſolutæ atque effuſæ. Itaque neceſſe eſt in tali reip. adminiſtrandæ forma plurimi fieri diuitias, maxime ſi viri ſub imperium & poteſtatem mulierum ſubiuncti ſint, quemadmodum multe militares, & bellicoſæ nationes, præter Celtas, & ſi qui alij palàm conſuetudinem, & concubitum cum maſculis comprobarunt. Vi-

detur enim is, qui primus fabulas composuit, non temerè cum Marte Venerem copulasse & coniunxisse. Aut enim ad masculorum congressum, aut ad feminarum tales homines videntur esse proclives. Iccirco hoc apud Lacedæmonios locum obtinebat, & multa in eorum imperio à mulieribus administrabantur. Atqui quid interest, utrùm mulieres reip. præsent atque imperent, an reipub. præfecti mulierum arbitratu rempubl. gerant? Idem enim utrinque mali proficiscitur. Cùm autem audacia ad nullam rem quotidianam atque usitatam sit utilis, sed si fortè, in bello usui esse possit, etiam in rebus bellicis maximo damno fuerunt Lacedæmoniorum feminae: idque in incursione Thebanorum declararunt. Nam utilitatem quidem nullam attulerunt, quemadmodum in aliis ciuitatibus: sed trepidationem & tumultum ciuitati incusserunt maiorem, quàm hostes. Initio igitur non immeritò hanc licentiam videntur Lacedæmonij mulieribus permisisse. Nam procul à domo propter militiam peregrinabantur, nunc bellum Argium, nunc rursus Arcadicum, & Messeniæ gerentes. Otium autem & pacem nacti, se ipsos quidem propter vitam militarem latori legis quasi præparatos, & flexibileis, facileisq; præbebant. multas enim virtutis partes continet illa vita. Feminas autem aiunt Lycurgum sub legum iugum adducere conatum, cùm illæ reclamarent, & contra niterentur, ab incæpto destitisse. Eorum igitur, quæ acciderunt, causam sustinet. quare etiam huius peccati scilicet. Nos autem non hoc querimus, cui sit ignoscendum, cui non: sed quid sit recte, quid secus institutum. Verùm ea, quæ ad feminas pertinent, non benè instituta, videntur, ut & antea dictum est, ipsa per se non solum remp. dedecorare, & macula quadam aspergere, sed ad im-

moderatum pecuniæ studium aliquid adiuvare. Nam secundum, & præter ea, quæ dicta sunt, bonorum inæqualitatem quis reprehendere queat. Accidit enim, ut eorum alij rem familiarem amplissimam possideant, alij tenuissimam, atque angustissimam. Quapropter ad paucos redactus est ager Spartanus. Hoc autem etiam legibus constitutum est perperam. Fecit enim lator legis ut patrimonium aut suum vendere, aut alienum emere, haberetur non honestum: atque hoc rectè. Donandi autem, & testamento relinquendi potestatem, licentiâque permisit, qui vellent. Atqui idem evenire necesse est & hoc, & illo modo. Jam verò ex quinque totius agri partibus, duæ ferè sunt mulierum, tum quia multa puella orba sunt, ad quas omnium paternorum bonorum pervenit hæreditas, tum quia magnæ sunt puellarum nubentium dotes. Atqui præstabat vel nullam, vel exiguam, vel mediocrem esse præfinitam. Nunc autem & patri filiam paternorum bonorum hæredem futuram, cuilibet in matrimonium collocare licet: & si pater mortuus sit intestatus, aut non expresserit testamento, cui filiam suam collocari velit: quem hæredem reliquerit, hic cui velit, collocat. Ita que cum possit ager Spartanus mille & quingentos equites, & triginta millia grauioris armaturæ peditum alere, ne mille quidem numero erant. Re autem & eventu declaratum est, hoc ab eis perperam esse institutum. Non enim una plaga huic ciuitati inflicta est, sed ea funditus interiit propter hominum penuriam. Dicuntur autem superioribus regibus regnum obtinentibus, ius ciuitatis impertiuisse peregrinis, ut ne in hominum penuriam inciderent, diuturnis bellis conflictati: aiuntque, quondam Spartæ ciueis fuisse vel decies mille. verumtamen siue hæc vera sunt, siue secus, præstat urbem

1 Videtur hic locus sic quoque latine reddi posse: & si is decesserit intestatus, quem ille hæredem reliquerit, hic cui velit, collocat.

bem esse frequentem, & refertam ciuium multitudine per bonorum aequationem. Iam verò lex, quæ ad liberorum procreationem pertinet, huic correctioni aduersatur. Nam cum vellet lator legis quàm plurimos esse Spartiatis, inuitauit atque allexit ciueis ad quàm plurimos liberos procreandos. Est enim lex apud eos, si quis treis filios procrearit, eū vacationem habere præsidij, & custodia vrbis: si quattuor, ab omnibus publicis muneribus immunem esse. Atqui perspicuum est, si multi nascantur, cum ager ita sit diuisus, necessario multos pauperes futuros. At porro etiam ea, quæ ad Ephoriam pertinet, minus bene se habent. Cum enim imperium Ephorum ipsum potestatem habeat rerum maximarum, Ephori omnes de plebe creantur. Itaque sæpenumero homines valde pauperes atque egentes insperato ad hanc potestatem prouehuntur: qui propter egestatem nummarij, & venales erant. Cum autem sæpe antea hoc declararint, tum verò etiā nuperrime in virorum conuiujs, quæ Andria appellabant. Corrupti enim pecunia nonnulli Ephori, quantum in eis fuit, totam ciuitatem perdiderunt: & propterea quod hic magistratus erat admodum magnus, & cum tyrannide comparandus, etiam reges eorum benevolentiam blanditijs & assentationibus popularibus colligere, atque aucupari cogebantur: usque adeo ut hac quoque parte repub. minueretur, detrimentoque afficeretur. Populi enim potentatus, seu democratia ex optimatum principatu, hoc est aristocratia exsistebat. Reip. statum igitur continet hic magistratus. Quiescit enim populus propterea quod maximi imperij est particeps. Itaque siue latoris legis consilio, siue fortuito hoc euēnit, rationibus ciuitatis conducit. Oportet enim eam reip. administrande formam, quæ sit salua futura, velle omnes ciuitatis

ARISTOTELIS

parteis & esse, & manere easdem. Reges igitur propter honorem, quo ornati sunt, ita animis affecti sunt: honesti autem & boni viri, propter senatoriam dignitatem. prae-
 mium enim virtutis hic magistratus est: Populus verò propter Ephoriam, quasi tribunatum plebis apud Ro. Ex omnibus enim fiunt Ephori. At hunc magistratum dilectu habito deferri oportebat ex omnibus quidem, sed non quo modo nunc. Valde enim puerilis est. Præterea rebus maximis iudicandis præsumunt, cum sint homines forte obliti, & nihil ab aliis differentes. Quocirca non suo arbitratu melius erat eos iudicare, sed ex præscripto iuris scripti & legum. Tum Ephorum vita cultus non consentit cum voluntate civitatis. is enim valde dissolutus est: in aliis autem rebus duritie & asperitate modum superat, ita ut eam tolerare non possint, sed clam à legibus transfugientes corporis voluptatibus cupide perfruatur. Jam verò neque ea, quæ ad senatorum magistratum pertinent, videntur bene esse eis instituta. Nam si sint viri boni, & tantum quantum satis est, ad honestatem cum probitate coniunctam, præstantemque virtutem eruditi: fortasse quis eos è re civitatis esse dixerit: quamquam eos per totam vitam rerum maximarum iudicandarum esse dominos, ambigi potest utrum sit utile, necne. Est enim sua, ut corporis, sic & mentis senectus. Sed cum ita sint instituti, ut lator ipse legis eis non omnia credat, tanquam non bonis viris, non est hoc tutum. Reperiuntur autem qui hunc magistratum consecuti sunt, multa ad remp. pertinētia & pretij, & gratia causa deferere ac prodere. Quocirca satius erat eos non esse liberos ac solutos iudicio rationum referendarum. Nunc autem soluti sunt. Videatur autem Ephorum potestas omneis magistratus ad iudicium referendarum ra-

tionum apud se subeundum adigere. Magnum autem hoc Ephoriæ munus datum est: & negamus hoc modo referre rationes oportere. Præterea verò cum dilectu ipso electio senatorum puerilis est, tum eum, qui omnium iudicio dignus magistratu futurus est, petere magistratum non est rectum. Oportet enim eum, qui dignus est magistratu, siue velit, siue nolit, magistratum gerere. Nunc autem id, quod & in alia ciuitatis administrandæ ratione, lator legis hic facere reperitur. Ciueis enim ambitiosos reddens, his utitur in senatoribus eligendis. Nemo enim magistratum petat, qui non sit ambitiosus. Atqui earum iniuriarum, quæ sponte inferuntur, plurimæ aut propter immoderatum honoris studium, aut propter auaritiam & pecuniæ cupiditatem ab hominibus inferuntur. De regno autem utrum non præstet ciuitates regibus parere, an præstet, alius sanè esto disputandi locus. Verum tamen satius fuerit non, quemadmodum nunc fit, sed ex suis factis, & vita, unumquemque regum spectari, regnumque obtinere. Ne ipsum quidem latorem legis autem putauisse posse se eos efficere viros omni virtute præstanteis in promptu est. iis enim diffidit, neque omnia credit, ut non satis bonis viris. Quapropter una cum rege legatos mittere solebant eos, qui cum eo inimicitias gererent: & salutare ciuitati esse existimabant, reges inter se committere, & concitare. Ne id quidem, quod ad sodalitia, seu conuiuia, quæ Phiditia appellantur, pertinet, ab eo, qui constituit primum, rectè institutum est. Oportebat enim sumtu publico potius cōuentum illum fieri, quemadmodum in Creta. Apud Lacedæmonios autem unumquemque conferre oportet, etiam si nonnulli valde pauperes sint, neque hunc sumtum facere possint. Ita contrariū euenit latiori legis, atque consilii eius est. Vult enim concenationū, &

conuiuiorum inuentum ad formam reip. popularem, seu democraticam pertinere: sed sit minimè formæ reip. populari cōsentaneum, ita à latore legis institutum. Non enim facile est valde pauperibus ea participare. Hic autem reipub. finis, & quasi terminus patrius atque auitus constitutus est, ut is, qui hoc vectigal pensitare non potest, ne sit eius particeps. Iam legem de nauium præfectis, quos nauarchos appellant, alij quoque reprehenderūt, idque meritò. seditionis enim causa efficiens existit. Classis enim præfectura sempiterna regibus, qui sunt belli duces atque imperatores, addita, alterum propemodum regnum euadit. Hoc verò etiam modo propositum latoris legis reprehendat aliquis: quod quidem & Plato in libris de legibus fecit. Tota enim legum descriptio ad unam virtutis partem, artem militarē, refertur. Hac enim ad potiundum rerum utilis est. Itaque salui quidem erant bellum gerentes: interibant autem imperium adepti, quia otari & quiescere non poterant, neque ullam aliam artem arte militari præstabiliorem, & dominantiore exercuerant. Hoc autem peccatum non leuius, quòd bona, de quibus dimicant homines, virtute potius, quam vitio parari putant: atque hoc quidem rectè. quod autem hac virtute meliora esse ducunt, non rectè. Tum ea, quæ ad pecuniam publicam pertinent, perperam sunt apud Lacedæmonios constituta. Nam neque ararium est apud eos, ubi pecunia publica cōdita seruetur, cū ciuitas magna bella gerere necessitate cogatur, & tributum malè conferunt. Nam propterea quòd Lacedæmonij latissimos agros possident, quātum quisque tributi conferat, non admodum accuratè inter se exquirunt, neque explorant: & hoc modo contrarium euenit latori legis, atque ciuitati expedit. Ciuitatem enim fecit nudā,

atque inanem à pecunia: ciueis autem, & priuatos pecuniæ cupidos atque auaros. De Lacedæmoniorum igitur rep. hæc tenus dictum sit. Hæc enim sunt, quæ quis maximè reprehendat.

Cretensium autem reip. administranda ratio ad hanc proximè quidem accedit: sed cum habeat pauca quædam non deteriora, tum plurima habet minus exulta, minúsque expolita. Videtur enim, & verò ita dicitur, Lacedæmoniorum res plerisque in rebus Cretensem esse æmulata. Plurimæ autem res antiqua minus sunt suis partibus absoluta, atque articulata, quam recentiores. Aiunt enim, Lycurgum, quando relicta Charilai regis tutela, peregrinatus est, tandiu, idque diutissimè, in Creta commoratum esse propter cognationem. Coloni enim erant Lyctij à Lacedæmoniis profecti. Arripuerunt autem ij, qui in coloniam deducti sunt, leges & instituta, quibus tum Cretæ incolæ utebâtur. Quocirca etiâ nunc qui Cretensibus circumiecti sunt finitimi, & accola, (periæcæ appellatur à Græcis) eodem modo legibus vtuntur, quo modo Minos primus legum ordinem descripsit. Videtur autem insula & ad imperium Græciæ facta natura, & pulchrè admodum sita. Omni enim mari propinqua imminet, cum Græci ferè omnes, oras maritimas incolentes mare cingant. Abest enim hac parte quidè non longe à Peloponneso, illa autem ab Asia, & ab illo, qui est circum Triopium loco, & Rhodo. Quapropter & maris imperium tenuit Minos, & insulas alias cepit, alias frequentauit. Ad extremum autem bello Sicilia illato, illic ad Camicum excessit è vita. Cretensis autem reip. descriptio, atque ordinatio Lacónica proportionem quadam respondet. Agros enim colunt his quidem Eloquentes, illis autem periæcæ, quos appellant: & concenationes,

seu cōuiuia publica sunt apud utrosque. Ac priusci sanè tem-
 poribus nominabant illa Lacones non Phiditia, sed Andria,
 quemadmodum Cretenses: ex quo etiam perspicuum est ab
 his orta esse. Præterea & reipub. administranda descriptio.
 Ephori enim eandem Lacedæmone potestatem obtinent, at-
 que in Creta ij, qui dicuntur Cosmi: nisi quòd Ephori nu-
 mero sunt quinque, Cosmi decem. Senatores autem senato-
 ribus, quos Cretes bulam, hoc est, consilium appellat, numero
 sunt pares. Iam verò regibus antea Cretenses paruerunt: po-
 stea regalem potestatem sustulerunt. Tum Cosmi in bello
 principem locum, imperiūque obtinent. Contionis porro
 omnes sunt quidem participes, sed penes illam nullius rei ge-
 rendæ potestas est, præterquàm earum rerum, quæ à senato-
 ribus & cosmis decretae sunt, suffragio comprobandarum.
 Verumtamen quæ ad conuiuia publica pertinent, melius se
 habent apud Cretenses, quàm apud Lacones. Lacedæmone
 enim confert quisque per capita id, quod præfinitum ac præ-
 scriptum est. quod si non faciat, vetat lex eum reip. esse parti-
 cipem, quemadmodum & antè dictum est. In Creta verò
 communius. Nam ex omnibus fructibus, & pecoribus na-
 scentibus, & ex vectigalibus reip. quæ pericæci pensant,
 pars certa præfinita est, altera ad res diuinas faciendas, &
 publicorum munerum functiones: altera ad conuiuia publi-
 ca, ita ut de publico omnes, & mulieres, & pueri, & viri
 alantur. Iam verò ad victus parsimoniam, cibique paucita-
 tem, ut rem vtilem, & ad faminarum disunctionem, ne ni-
 mis multos filios pariant: masculorum consuetudine introdu-
 cta, (rectè, an secus, alius erit disputandi locus) multa sapien-
 ter & acutè excogitauit lator legis. Ea igitur, quæ ad conui-
 uia publica pertinent, melius esse descripta atque ordinata

apud Cretenſeis, quàm apud Lacedæmonios, perſpicuum eſt. Sed quæ ad Coſmos ſpectât, ea etiam deterius, quàm quæ ad Ephoros, conſtituta ſunt. Nam quod mali ineſt in Ephororũ imperio, hoc ineſt etiam in horum poteſtate. Creantur enim homines forte oblati. Quod autem illic ad reip. ſtatum utile eſt, hîc non eſt. Illic enim propterea quòd electio fit ex omnibus, populus, qui imperij maximi fit particeps, remp. manere ſudet. Hic autem non ex omnibus eliguntur Coſmi, ſed ex quibuſdam generibus: ſenatores ex iis, qui coſmico munere functi ſunt: de quibus eadem quis dicere poſſit, ac de iis, qui Lacedæmone creantur. Nam rationum referendarum iudicio non teneri, & per totam vitam gerere magiſtratum, maior eſt honos, quàm pro eorum dignitate: tum non ex præſcripto iuris ſcripti imperare, ſed ſuo arbitratu magiſtratum gere, periculolum eſt. Quod autem quieſcit populus, etiamſi huius magiſtratus non ſit particeps, nullum eſt argumentum reip. bene ordinatæ. Nam neque vlla Coſmis, vt Ephoris, quæſtus faciendi ex magiſtratu facultas datur, vt qui in inſula longè abſint ab iis, qui corrupturi ſint. Quam autem adhibent ad hoc erratum corrigendum ac ſanandum medicinam, cùm abſurda ſit, tum ne civilis quidem eſt, ſed potentiæ vnius, aut paucorum, hoc eſt dynaſtiæ, aut oligarchiæ cõſentanea. Sæpenumero enim nonnulli aut ex collegis, aut ex priuatis coitione facta eos exturbant. Licet etiam ei ante tempus abdicare ſe magiſtratu. Hæc igitur omnia præſtat fieri ex lege, quàm ex hominum voluntate. non eſt enim tuta hæc regula. Omnium autem remediorum peſſimum eſt magiſtratus huius ampliſſimi vacuitas, totiùſque reip. ſtatus perturbatio, quam sæpenumero potētes inducunt, cùm iudiciũ ſubire aut pœnas dare nolūt. Ex quo intelligere licet in hac reip.

administranda descriptione, aliquid esse ciuile reip. administrationis, id est politię, non tamen esse ciuilem reip. administrationem, sed potius paucorum potentatum, hoc est oligarchiam, seu vnius potentiam, id est dynastiam. Consueuerunt autem populum, & amicos suos distribuentes ac disponentes, sub vnius imperium totam remp. subiungere, & seditionem excitare, & inter se digladiari ac decertare. At quid refert vtrum hoc fiat, an interuallo temporis non sit amplius ciuitas huiusmodi ciuitas, sed dissoluatur, & dirimatur ciuile societas? Est autem tum periculo proxima sic affecta ciuitas, cum qui volūt in reip. statum inuadere, ij etiam possunt. Sed quemadmodum dictum est, natura loci eam tuetur & seruat. insule enim lōginitas peregrinos arcet, atque expellit. Itaque periæci manent in officio apud Cretas. Elotes verò se penumero à Lacedæmoniis desciscunt. Nam neque cum vlllo principatu externo habent commercium Cretes, & non ita pridem bellum externum in insulam trauctum est, quod infirmitatem legum, quæ ibi sunt, patefecit. De hac igitur reip. administrande forma, hæcenus à nobis dictum sit.

- 9 Videntur autem etiam Karthaginienses reip. administrande ratione uti recta ac præclara, & multis in rebus excimia atque egregia, si cum aliis comparatur: in nonnullis autem Lacedæmoniorum reip. consimili, & pane gemina. Hæ enim tres reip. administrande formæ cum inter se quodammodo sint similes, tum aliis longè præstant, Cretensis, inquam, & Laconica, & tertia Karthaginensis: multæque eorum, quæ apud Karthaginensiscis constituta sunt, præclare se habent. Argumento autem est hanc remp. bene esse descriptam, quod cum populum habeat rerum compotem, maneat in descriptione & ordinatione reip. neque aut seditio umquam in ea

coorta sit, memoratu quidem certè digna, aut tyrānus exstiterit. Habet autem hac Laconica reip. similia: primum sodalitorum conuiuia, Phiditiis: deinde centum & quattuor virum imperium, Ephorum potestati, nisi quod centum & quattuor virum imperium potestate illa melius est. Illi enim ex hominibus casu & forte fortuna oblati constant: hi autem ad hoc imperium eliguntur ut quisque virtute & dignitate præstat. postremo reges & senatum habet comparatione & proportionem quadam Lacedæmoniorum regibus, & senatui respondenteis. Et verò satius est reges neque ex eodem perpetuo genere esse, neque ex quouis, & forte fortuna oblato, sed ex aliquo præstanti sumi: neque eos eligi, qui ætate, sed qui virtute antecellant. Nam magnarum rerum domini & compotes effecti, si sint contemti atque abiecti, nulliusque pretij, magna damna inferunt, & magna iam intulerunt. ¹ Karthaginensium ciuitati. Plurima igitur eorum, ² quæ reprehensa sunt propter declinationes à recta rep. communia huic fuerunt cum aliis reip. administrandæ formis, quas commemorauimus. Eorum autem, quæ optimarium principatum, & politiam finem sibi propositum habet, hæc quidem ad populi potentiam, illa verò ad paucorum dominationem magis declinant. Reges enim cum senatoribus potestatem habent aliud ad populum deferendi, aliud non deferendi: & si omnium una sit in aliqua re decernenda sententia, idratum est: sin minus, etiam penes populum arbitrium & potestas est. Quæ autem hi afferunt ad populum, non modò renuntiant populo ut audiat quæ fuerint à principibus ciuitatis decreta, verum etiam cuius de populo contra ea, quæ afferuntur, dicere licet: quod non est in aliis reipub. administrandæ formis. Quod autem quinqueuiri, qui sunt

1 leg. Λα.
 2 quæ re-
 prehendi
 possunt.

multarum, magnarumque rerum compotes, atque arbitri, & à se ipsi leguntur, & quòd hi ceterum uirum magistratum, qui amplissimus est, eligunt: prætereaque quòd hi diutius gerunt magistratum, quàm ceteri: (nam & defuncti magistratu, & antequàm ineant magistratum, reip. præsumunt) hoc ad potentatum paucorum pertinet. Quòd autem sine mercede, & sine sortitione fiunt, hoc ad optimatum principatum pertinere statuendum est, & si quid tale aliud est. Tum liteis & controuersias omneis ab iis, qui magistratum gerunt, disceptari, non alias ab aliis, quemadmodum Lacedæmone, hoc quoque optimatum principatum attingit. Deflectit autem maxime ab optimatum principatu ad paucorum potentatum Karthaginensium reip. constitutio ex quadam cogitatione & opinione vulgi. Non enim ex virtute solùm, verùm etiã ex diuitiis eligi magistratus putant oportere. Fieri enim non posse arbitrantur, ut is, cui desunt rei familiaris facultates, recte fungatur magistratu, & otietur. Si igitur magistratus ex diuitiis & censu eligi, ad paucorum potentatum pertinet: ex virtute verò, ad optimatum principatum: hæc tertia fuerit reip. administrandæ ratio, ac descriptio, qua Karthaginenses in sua repub. administranda utuntur. In eligendis enim magistratibus, iisque maximis, regibus scilicet, & imperatoribus, hæc duo spectant. Hæc igitur ab optimatum principatu declinatio, latoris legis peccato, culpæque accidisse existimanda est. Nam statim ab initio hoc in primis uideri debet, ut viri optimi oriri possint cum aliqua dignitate, aut certè sine specie deformi atque indecora: idque non solùm publicam personam sustinentes, magistratumque gerentes, verùm etiam vitam priuatam colentes. Quòd si otij gratia etiam ad facultates & copias rei familiaris at-

tendendus animus est, summos magistratus tamen esse venaleis, regnum, & imperium bellicum, malum est. Efficit enim hæc lex, ut maiore in pretio atque honore sint diuitiæ, quam virtus, & ut tota ciuitas immoderato pecuniæ studio sit dedita. Quicquid autem honoratum principes ciuitatis, & in rep. dominatum obtinentes existimarint, idem & reliquis ciuibus tale videatur necesse est. Qua autem in rep. non maximo in honore, pretioque virtus est, hæc resp. ad stabilem optimatum principatum nullo modo pertinere potest. Probabile est porro eos, qui magistratus emerunt, cum impensam fecerint in magistratum, assuescere quæstum facere. Absurdum enim fuerit, eum, qui pauper quidem sit, sed tamen vir bonus, quæstus faciendi voluntatem habiturum: eum, qui sit improbus, & qui sumtum fecerit, non habiturum. Quapropter oportet, qui optimè præesse reip. possunt, hos præesse. Præstabat autem, si virorum bonorum facultates & copias rei familiaris deserebat ac prodebat, at certe eum magistratum otio consulere, ac prospicere. Malum autem esse videatur etiam hoc, eundem plureis magistratus gerere: quod quidem apud Karthaginienſis honorificum & gloriosum est. Nam vnum opus ab vno optimè absoluitur. Oportet verò latorem legis ut hoc fiat, videre, atque operam dare, non ut idem & tibia canat, & sutoriam faciat, negotium dare. Itaque ubi non est parua ciuitas, ciuilius est plureis esse magistratum particeps, & magis populare. Nam cum hoc cõmunius sit, quemadmodum diximus, tum vnaquæque res & melius sit à singulis, & citius. Licet autem hoc cernere in rebus bellicis & nauticis. In his enim vtrisque per omneis ferè permanat imperandi ius, & parèdi necessitas. Cum autem eorum reip. administrandæ ratio ad

1. εὐπο-
είας. αλ.
ἀπελείας,
mendose
opinor.

paucorum potentatum spectet, optimè tamen hoc incommodum effugiunt, eò quòd semper aliqua pars populi diues est, dum aliquos de populo in oppida minora dimittunt. Hac enim re medentur huic malo, & reip. statum stabiliunt. Sed hoc fortunæ acceptum referendum est. At oportebat eos à seditione munitos ac tutos esse cōsilio & opera latoris legis, non beneficio fortunæ. Nunc autem si quid aduersi acciderit, & paullo maior numerus ciuium imperio subiectorum defecerit ac discordarit, nullum est in legibus tranquillitatis & quietis retinendæ præsidium. De Lacedæmoniorum igitur reip. administrandæ forma, & de Cretensi, & Karthaginensi, quæ quidem meritò ab omnibus probantur, & bona existimatione florent, hæc habui, quæ dicerem.

10 Eorum autem, qui de rep. aliquid pronuntiarunt, quidam nullis omnino muneribus ciuilibus functi sunt, sed vitam priuatam perpetuò traduxerunt: de quibus fere omnibus, si quid est sermone dignum, dictum antea à nobis est: quidam verò latores legis fuerunt, alij suis ciuitatibus, alij externis quibusdam populis, ipsi quoque in rep. administrandæ versati. Atque horum alij quidem legum auctores fuerunt duntaxat, alij etiam reip. administrandæ rationem tradiderunt, ut Lycurgus & Solon. Hi enim & leges condiderunt, & reip. administrandæ formas descripserunt. De Lacedæmoniorum igitur repub. à nobis dictum est. Solonem autem nonnulli quidem latorem legis fuisse bonum putant. Nam & paucorum dominatum sustulisse, qui merus erat, atque immoderatus, & populum seruientem liberasse, & populi libertatem, potētiamque patriam, atque auitam constituisse, aptè collocatis, atque inter se ordine permistis variis reip. administrandæ generibus. Senatum enim Ariopa-

giticum, ad paucorum principatum, seu oligarchiam pertinere: magistratus electione creari, ad optimatum imperium, seu aristocratiam: iudicia, esse popularia. Videtur autem Solon illa quidem, quæ antè fuerant, non sustulisse, senatum, & magistratum electionem: populi verò libertatem de integro constituisse, rerum iudicandarum omnibus ciuibus, si sortiti essent, potestate facta. Quapropter etiam reprehendunt cum nonnulli. Alteram enim reip. partem dissoluisse, atque enervasse, ad iudicium, quod sorti permittitur, omnium rerum auctoritate, ac potestate delata. Posteaquam enim hoc valuit, populo, tanquam tyranno, gratiæ causa omnia largientes, atque indulgentes, reip. statum, in eam, quæ nunc est, populi potentiam redegerunt. & senatum quidem Ariopagiticum Ephialtes, & Pericles mutilarunt, ac decurtarunt: iudicia autem mercenaria reddidit Pericles: atque hoc sanè modo unusquisque ex blandis populi ductoribus, populi maiestatem augens, ad eum, qui nunc est, popularis potentie statum promouit, ac prouexit. Videtur autem hoc non ex consilio Solonis natum esse, sed potius casu euenisse. Nam quod populus imperij¹ naualis causa bello Persico fuisset, maiores solito spiritus sumsit, & blandos oratores, quasi ductores ac magistros, cepit improbos ac turbulentos, pro bonis, & moderatis administratoribus. Nam Solon quidem maxime necessariam populo potestatem tribuere videtur magistratum eligendorum, & rationum ab eis reposcendarum. Si enim ne huius quidem rei potestas sit penes populum, præterquam quod seruus sit, etiam hostis sit. Magistratus autem omneis ex illustribus & locupletibus ciuibus creauit, nempe ex iis, qui quingenta medimna quotannis ex agris suis perciperent, & ex iis, qui iugo astricti essent, qui zeugitæ dicuntur, & ex

1 Græc.
 τῶν αἰ-
 ῶν. Qui-
 dam legi
 volunt,
 τῶν πα-
 τῶν, à
 quib² dis-
 sentio.

equeſtri ordine, qui tertij cenſus, & tertiae claſſis eſt. Quartae autem claſſis ciues, mercenarij, & operarij ſunt, nullius magiſtratus participes. Latores porro legū fuerūt Zaleucus Locris ad occidentē incolentibus, quos EpiZephyrios appellāt Graeci: & Charondas Cataneus ſuis ciuibus: & alius Chalcidicis circum Italiam & Siciliam ciuitatibus. Conantur porro quidam etiam Onomacritum primum fuiſſe in legibus ſcribendis callidum ac ſollertem multis argumentis collectis demonſtrare: eum autem in Creta exercitatum eſſe, cūm Locrus eſſet, in eaque inſula peregrinus commoraretur propter diuinandi ſcientiam: huius autem amicum & ſodalem fuiſſe Thaletem: Thaletis auditorem Lycurgum, & Zaleucum: Zaleuci Charondam. Sed cūm hac inconsideratius loquuntur, tum tempora repugnant. Fuit & Philolaus Corinthius Thebanis legum auctor. Erat autem Philolaus ex Bacchiadis genere: ſed cūm Dioclis eius, qui vicit Olympia, amator eſſet: ille autem inſanum matris Alcyonae amorem aſpernatus ac deteſtatus urbem reliquiſſet: Thebas unā cum eo proſectus eſt, ibique ambo mortui ſunt: atque etiam nunc eorum ſepulcra oſtendunt, ita poſita, ut alterum quidem ex altero facile conſpici poſſit, ſed Corinthiorum agro alterum ſit in conſpectu poſitum, alterum non ſit. Fabulantur enim eos ita ſua ſepulcra fieri ac locari iuſſiſſe: Dioclem quidem, propter odium calamitatis acceptae, ut ne ex ſepulcri aggere, ager Corinthius proſpici poſſet: Philolaum, ut poſſet. Habitabāt igitur propter talem cauſam apud Thebanos. Leges autē eis ſcripſit Philolaus, cūm de quibuſdam aliis rebus, tum de procreatione liberorum, quas vocant illi leges poſitiuas, ſeu, ſi mihi ita loqui ſas eſt, poſitiuas. Atque hoc propriē legibus illis conſtitutum eſt, ut bonorum, quae cuique ſorte obtigiſſent, &

1 de adoptione liberorum.
2 de adoptione liberorum, ſeu de liberis adoptionis. ſic videtur. var. lect.

hereditatum numerus seruetur. Charonda autem nihil proprium est, præter quàm falsorum testimoniorum actiones, & iudicia. Primus enim his de rebus accuratè considerauit. Exquisita autem & subtili legum scribendarum ratione, latoribus legum iis, qui hodie sunt, cultior, ac politior est. Philolai autem propria est bonorum, & rei familiaris inæqualitas. Platonis vxorum, & liberorum, & rei familiaris communitas, & publica mulierum conuiuia. Præterea lex ad ebrietatem pertinens, vt sobrij sint conuiuiorum magistri: & lex de exercitatione rerum bellicarum, vt æquimansiant meditando, quasi oporteat utranque manum esse vtilem, non alteram vtilem, alteram inutilem. Draconis autem leges quidem sunt aliqua, sed ille constituta iam reip. leges dedit. Proprium autem in his legibus nihil est, quod quidem commemoratione dignum sit, præter seuitiam, & acerbitatem, propter pœna magnitudinem. Fuit autem & Pittacus, legum quidem opifex, sed non reip. administranda. Lex autem eius propria est, vt si quem ebrij pulsarint, grauiiores pœnas dent, quam si sicci pulsarint. Propterea enim quòd plures temulenti atque ebrij, petulantes & contumeliosi sint in alterum, quàm sicci & sobrij, non ad ignoscendi rationem spectauit, ebriis magis esse ignoscendum: sed ad vtile. Fuit & Androdamas Rheginus lator legum Chalcidensibus Thraciis, cuius exstant leges de cadibus, & de puellis orbis, ad quas venit omnis paterna hereditas. Nihil tamen quisquam eius proprium referre possit. Quæ igitur ad reip. administranda rationes pertinent, tum eas, quæ hodie seruantur rata, tum eas, quæ à quibusdam expositæ & traditæ sunt, hoc modo sint à nobis disputata.

EL, qui de reip. administranda ratione, quæ, & qualis sit, considerat, primo serè loco quidnam sit ciuitas, videndum. Nunc enim ambigunt, & in controuersiam vocant, dum alij rem à ciuitate actam ac transactam esse dicunt: alij non à ciuitate, sed à paucis potentibus, aut tyranno. Hominis autem regendæ ciuitatis periti (quem politicum Græci nominant) & legum scriptoris curam atque operam omnem videmus in ciuitate consumi. Iam verò reip. seu ciuitatis administranda ratio, quam politiam Græci appellant, eorum, qui urbem colunt, descriptio, atque ordinatio est. Quoniam autem ciuitas compositum & concretum quiddam est, quemadmodum & aliquod aliud totum ex multis partibus conflatum, nimirum querendum antè de ciue est. ciuitas enim ciuium multitudo quædam est. Quare quis ciuis appellari debeat, & quis sit ciuis, videndum. Etenim de ciui sapenumero ambigitur. Non enim cõuenit inter omnes, eundem esse ciuem. Est enim aliquis, qui cùm in ciuitate libera, seu reip. administranda forma populari, quam democratiâ appellant Græci, ciuis sit, in paucorum principatu, quæ oligarchia ab illis dicitur, sapenumero non est ciuis. Atq; ij quidem, qui aliquo alio modo hanc appellationem consecuti sunt, vt ciues insititij, aut (vt ita dicam) factitij, missi faciendi sunt. Ciuis autem non eo quòd urbem aliquam incolat, ciuis est. etenim inquilini, & serui, habitationis sunt participes. neque ij, quibuscum iura ita communicata sunt, vt & iudicium accipere necesse habeant, & litem intendere, atque in ius vocare possint, ciues sunt. hoc enim tribuitur etiam iis, qui tessèris publicè acceptis, & ex publica conuentione inter se iu-

ra habent communia, & res contrahunt. his enim hæc quoque suppetunt. Quin sæpenumero neque inquilini horum omni ex parte sunt participes. sed necesse est eis patronum aliquem dare. Quamobrem imperfectè & quodam modo talis communitalis sunt participes. Verùm quemadmodum pueri, qui nondum per ætatem in numerum civium ascripti sunt, & senes, qui dimissi, & absoluti sunt muneribus civilibus, dicendi quidem sunt aliquo modo ciues, non admodum tamen simpliciter, & absolutè, sed cum adiectione, illi quidem imperfecti, hi autem effati & vièti, aut aliquid aliud simile: nihil enim refert, quando planum & apertum est quod dicimus: quærimus enim eum, qui sit civis simpliciter, & in quem nulla talis reprehensio, seu criminatio cadat, quæ correctione egeat: sic inquilini non sunt absolutè ciues appellandi. nam etiam de iis, qui ignominia notati sunt, & de exsilibus, talia quadam dubitari possunt, & talis quadrat dissolutio, ac responsio. Civis igitur simpliciter nulla alia re definitur magis, quàm quòd sit iudicatus, & magistratus particeps. Magistratum autem alij quidem tempore sunt distincti, ac diuisi. itaque nonnullos bis eidem gerere omnino non licet: aut certis, ac præfinitis temporibus licet. alij verò, non definiti. exempli gratia, iudex, & qui in contione deliberat, & consultat. Fortassis autem dixerit aliquis, ne magistratus quidem esse taleis ciueis, neque propterea imperij particeps esse. Atqui ridiculum sit iis, qui in ciuitate maxime dominantur, plur. mùmque possunt, imperium denegare. Sed statuamus nihil interesse. de nomine enim fit sermo. Ea enim potestas, quæ iudici cum suatore, eoque, qui in contione deliberat, communis est, nomine vacat, nec satis est in promptu quo nomine communi hæc duo civilia munera sint appellanda.

Esto igitur, distinctionis causa, magistratus nō definitus. Eos
 itaque, qui ita reip. sunt participes, ciueis statuimus. Quare
 ciuis definitio, quæ ad eos omnēis, qui ciues appellantur, ma-
 ximè quadrare possit, talis ferè est. Nemini autem obscurum
 esse debet, quibus in rebus subiecta specie differunt, & eorum
 aliud est primum, aliud secundum, aliud deinceps subsequens:
 earum rerum aut nihil prorsus esse commune, qua ratione
 sunt tales, aut perquam tenuiter & angustè. At reip. admini-
 strandæ rationes differre inter se specie videmus: & earum
 alias esse priores, alias posteriores. Eæ enim, quæ deprauatæ
 sunt, quæq; deflexerunt à recto: rectis, minimèque depraua-
 tis posteriores sint necesse est. Degressas autem à recto quo-
 modo dicamus posterius planū fiet. Ergo etiam ciuis in qua-
 que reip. administrandæ ratione sit alius, ac dissimilis necesse
 est. Quare is, qui suprà à nobis dictus est, in ciuitate libera, in
 qua penes populum potestas est, maximè ciuis est: in aliis ve-
 rò euenire potest, ut sit, non tamen necesse est. Nonnullæ
 enim ciuitates neque populum habent, neque contionem vsu
 receperunt: sed conuentum ciuium conuocatorum: & liteis,
 controuersiisq; alias alij cognoscunt ac disceptant: ut La-
 cedæmone liteis de rebus contractis dirimunt, & diiudicant
 Ephorum alij alias: senatores autem iudicia de cædibus ac
 paricidiis exercent: alius porrò aliquis magistratus fortassis
 alia. itémque sit Karthagine. quidam enim magistratus re-
 bus omnibus iudicandis præsunt. Sedenim correctionem ha-
 bet ciuis definitio. nam in aliis reip. administrandæ formis
 nō magistratus infinitus consultator & iudex est, sed pro ge-
 nere imperij definitus. His enim omnibus, aut nonnullis eo-
 rum permissa est consultandi ac iudicandi potestas, aut de re-
 bus omnibus, aut de quibusdam. Quis igitur sit ciuis, ex his

perspicuū est. Qui enim potest magistratus ad consuliandum
& iudicandum pertinentis esse particeps, cum iam huius ci-
uitatis dicimus esse ciuem: ciuitatem autem, ut simpliciter di-
cam, talium hominum multitudinem tantam, quanta satis
sit ad copiam plenam ac refertam, nihilque foris requiren-
tem, rerum ad vitam degendam necessariarum. Definiunt
autem quidam ciuem cōsuetudinem spectantes, qui ex utro-
que parente ciui natus est, non ex altero tantum, ut ex pa-
tre, aut matre. Alij autem etiam hoc longius requirunt ac
repetunt, verbi gratia, ad auos duos, aut treis, aut plureis pro-
gredientes. Cum igitur ciues sic definiuntur ciuili more, &
pingui Minerva, dubitant nonnulli de tertio illo, aut quar-
to, quomodo ciuis futurus sit. Gorgias igitur Leontinus, par-
tim fortasse dubitanter, partim dissimulanter loquens, dice-
bat: quemadmodum mortaria sunt, quæ à mortariorum
opificibus effecta sunt, sic & Larissæos eos esse, qui à La-
rissæorum effectores procreati sunt. esse enim aliquos
Larissæorum effectores, & quasi opifices. Sed hoc est pin-
gue & simplex. Si enim participes erant reipublicæ: ex ea
definitione, quam exposuimus, ciues essent: sin minus,
non essent ciues. Nam ne fieri quidem potest, ut natum esse
ex ciui patre, aut ex ciui matre, ad eos, qui primi urbem ha-
bitarunt, aut condiderunt, accommodetur. Sed fortasse ma-
gis de his dubitari potest, qui reipubl. fuerunt participes,
reipublicæ statu immutato: cuiusmodi est id, quod fecit
Clisthenes post tyrannos exactos. Multos enim peregrin-
nos, & seruos, & inquilinos in tribus transtulit. Contro-
uersia autem, quæ de his est, non est quis sit ciuis, sed utrū
sic factus ciuis, iuste, an iniuste sit ciuis. Atqui de hoc quo-
que præterea dubitauerit aliquis, utrūne qui iuste non

ARISTOTELIS

est ciuis, non sit ciuis, quasi idem valeant iniustum ac falsum. Quoniam autem videmus, nonnullos etiam iniuste magistratum, aut imperium gerere, quos magistratum quidem gerere fatebimur, sed non iuste: ciuis autem imperio quodam definitus est: nam qui talis imperij particeps est, ciuis est, ut diximus: in promptu est etiam hos dicendos quidem esse ciueis: iuste autem ciues sint, necne, ad controuersiam ante à nobis expositam pertinere. Dubitant enim quidam quando ciuitas aliquid egisse dicenda sit, quando non ciuitas: verbi gratia cum ex paucorum imperio, aut tyrannide, populi potestas exstiterit. Tunc enim neque ea, quæ conuenerunt, quæque in obligationem deducta sunt, dissolucere volunt, quasi non ciuitas, sed tyrannus pecuniam acceperit: neque multa alia huiusmodi pacta conuenta seruare, proinde quasi nonnulla reip. administranda genera eo quod vel unus, vel pauci plus valeant viribus, non utilitate communi, consent. Quod si etiam nonnulli homines sub imperio & potestate populi hoc modo ciuilitate viuunt, huiusque ciuitatis & reip. ea sunt actiones, quas populus obiit: ergo & huius ciuitatis ac reip. quæ ex paucorum imperio, & tyrannide ciuitas libera facta est, dicendum est eas esse actiones, quæ à paucorum imperio, & tyrannide contractæ sunt.

1 Huius
rei lucu-
lentum
exemplū
exstat in
oratione
Demo-
sthenis,
περί οὐ-
λίας.

- 2 Videtur autem sermo, in quem nunc incidimus, ad hanc dubitationem accommodatus esse, quoniam modo eadem ciuitas sit dicenda, aut non eadem, sed alia. Huius igitur dubitationis ea, quæ maximè in promptu posita est, quaestio in loco, & in hominibus consistit. Euenire enim potest, ut locus, & homines diiungantur, & hi quidem alium, illi autem alium locum incolant. Hac igitur dubitatio lenior, & mitior statuenda est. Nam cum ciuitas multis modis dicatur, ad

explicandum facilis quodammodo talis quæstio est. similiter autem & hominum eundem locum incolentium quando unam esse ciuitatem existimare oporteat. non enim muris communibus definienda una ciuitas est. liceat enim Peloponneso murum unum circumdare. talis autem fortasse est Babylon, omnisque, quæ gentis potius, quàm urbis, aut ciuitatis circumscriptione continetur: qua tertium iam diem capta, partem quãdam urbis non sensisse dicunt. verùm de hac quidem dubitatione utilius erit disputationem ad aliud tempus reseruari. nam de magnitudine ciuitatis, quanta debeat esse, & utrùm gentem unam, an plureis esse expediat, hominem politicum ignorare non oportet. Sed iisdem hominibus in eodem loco habitantibus, utrùm quandiu sit idem genus hominum in urbe habitantium, eadem ciuitas dicenda est, etiam alius intereuntibus, aliis nascentibus, quemadmodum & fluuios eosdem dicere solemus, & fonteis eosdem, quamuis alia semper aqua suboriat, alia diffugiat, atque effluat? an homines quidem iidem esse dicendi sunt propter talem causam, ciuitas autem alia? Nam si ciuitas societas quedam est, & ciuium societas: ubi ciuitatis administranda ratio specie fit dispar ac dissimilis, & differt ciuib, necesse esse videatur etiam ciuitatem non esse eandem: quemadmodum chorum, qui nunc comicus, nunc tragicus est, alium esse dicimus, cùm sæpenumero iidem homines sint. Similiter autem & aliam omnem societatem, aliam dicere debemus, si compositionis species sit alia: veluti harmoniam dissimilem esse dicimus iisdem sonis, si aliàs sit Doria, aliàs Phrygia. Si igitur hoc modo se res habet, perspicuum est eandem ciuitatem maximè esse dicendam, spectata ciuitatis administranda ratione: nomine autem vel alio, vel eodem licere eã appellare,

Et iisdem in ea habitantibus hominibus, Et prorsus aliis. Sitne autem iustum, necne id, quod ex conventionem debetur, dissolvere, obligationique contractæ satisfacere, cum in aliam reip. administrandæ formam ciuitas traducta sit, non est huius loci disputare.

3. Iis porro, quæ nunc exposita sunt, proximum est, ut videamus, Vtrum eandem esse virtutem viri boni, Et boni ciuis statuere debeamus, necne. Verum enim verò si hoc anquirendum est, viri boni virtus primùm rudi quadam imagine informata cognoscenda est. Quemadmodum igitur nauta, vnus quidam est ex sociis nauigationis: sic Et ciuem ex iis, qui ciuile administrationis sunt participes, vnum esse dicimus. Quamuis autē nauta sint inter se vi Et facultate dissimiles (alius enim est remex, alius gubernator, alius proræ præfectus, alius tali aliquo quasi cognomine appellatus) perspicuum tamen est vnius cuiusque eorum subtilissimam, ac perfectissimam definitionem, virtutis cuiusque propriam futuram. Verumtamen etiam communem aliquam ad omneis aptè quadraturā. nam salus nauigij, eorum omnium cōmune munus est. hanc enim, tanquam finem, nautarum vnusquisque expetit. Sic igitur Et ciuium cuiusque, quamuis sint inter se dissimiles, societatis Et communitatis salus, munus est. Societas autem est, ciuitatis, seu reip. administrandæ forma Et ratio, quam politiam Greci nomināt. Quocirca virtus ciuis ad ciuitatis administrandæ formam referatur necesse est. Si igitur plura sunt ciuitatis, seu reip. administrationis genera, nimirum fieri non potest, ut boni ciuis virtus sit vna perfecta. At virum bonū dicimās, virtute perfecta eum nectientes. Euenire igitur posse, ut, qui sit bonus ciuis, eam virtutem non sit consecutus, ex qua vir bonus appellatur, ex his intel-

legēdū
ὁμοῦς δὲ,
pro. ὁ-
μοίως δὲ,
quo mo-
do vulgo
legitur:
ut rectè
coniecit
P. Viēt.

ligere licet. Verumtamen etiam alio modo eandem rationem pertractare & persequi licet de optima reip. administrandæ forma dubitantibus. Si enim fieri non potest, ut ex omnibus bonis viris constet ciuitas: suo autem quemque munere probè fungi oportet: hoc autem à virtute proficitur: quandoquidem nefas est ciueis omneis inter se esse simileis, vna boni ciuis, & boni viri virtus esse non possit. Nam boni quidem ciuis virtus in omnibus inesse debet. sic enim ciuitas necessariò futura est optima. boni viri autem virtus in omnibus inesse nequeat, nisi necesse est omneis viros bonos esse, qui sunt in bona ciuitate ciues. Præterea quoniam ex dissimilibus constat ciuitas, quemadmodum, verbi gratia, animans ex animo & corpore: animus humanus ex ratione & appetitione: domus ex viro & uxore: rei familiaris possessio ex domino & seruo: eodem autem modo & ciuitas tum ex his omnibus, tum præterea ex aliis dissimilibus rerum generibus concreta est: necesse est non vnâ esse omnium ciuium virtutem, quemadmodum neque ex choris saltatoribus, præfultoris, & eius saltatoris, qui ei est proximus, est vna. Boni viri igitur, & boni ciuis virtutem non esse eandem ex his cognoscere licet. Sed utrûmne alicuius boni ciuis, & boni viri eadem virtus erit, necne? Dicimus utique bonum præto-rem, bonumque magistratum, esse virum bonum, & prudentem. virum autem ciuitatis regendæ facultate præditum, necesse est esse prudentem. Tum quidam dicunt eius, qui ciuitati præest, institutionem ab institutione priuatorum diuersam esse oportere: quemadmodum regum filij arte equestri & militari erudiri cernuntur. Et Euripides, Ne mi ista gloriosa, sed quæ ciuitas Desiderat. proinde quasi aliqua sit eius, qui præest, disciplina. Si igitur boni principis, seu ma-

gistratus, & boni viri virtus eadem est: is etiam autem, qui paret imperio, ciuis est: non eadem simpliciter & absolute fuerit ciuis & viri virtus, sed tamen alicuius ciuis. Non enim eadem est eius, qui ciuitati praest, & ciuis. Atque iccirco fortasse Iason se dicebat esurire, quod non regnaret, tanquam priuatus esse nesciens. Verumtamen laudatur sane posse & imperare, & imperio parere. tum probi & spectati ciuis est posse & imperio bene praesse, & imperio recte parere. Si igitur boni quidem viri virtutem ad imperandum aptam esse ponimus, boni ciuis autem ad imperandum, & parendum: non fuerit utrumque similiter laudabile. Quoniam igitur interdum utrumque horum videtur, nempe & non eadem eum, qui praest, eumque, qui paret imperio, discere oportere, & ciuem scire utrumque oportere, tum praesse, tum imperio parere, atque utriusque participem esse debere: haec ex iis, quae iam dicuntur, intelligere licet. Est enim imperium aliquod domini proprium, quo supra herile appellauimus. hoc dico, quod versatur in iis, quae necessaria dicuntur: quae scire facere eum, qui ciuitati praest, necesse non est, sed uti potius. altera res verò etiam macipiis conuenit. dico autem rem alteram, operas prestare seruileis, & officiorum humilium administrum esse posse. Seruorum autem genera plura esse dicimus. operae enim sunt plures. Vnum genus est eorum, qui operarij, & opifices dicuntur à Latinis, à Graecis chernetes. hi autem sunt, quemadmodum & nomen significat, qui manibus vitam tolerant, quibusq; victum manus suppeditant: in quibus est illiberalis & sordidus artifex. Quocirca apud quosdam priscis illis temporibus magistratuum non erant participes opifices, antequam democratia extrema & deterrima exstitisset. Opera igitur & munera talium ciuium im-

perio subiunctorum neque virum bonum, neque hominem ad regendam ciuitatem idoneum, neque bonum ciuem discere oportet, nisi forte sua ipsius causa, & ut aliquando sibi ipse utatur. Non enim iam inter dominum & seruum interest, neque alius dominus, alius seruus esset. Verum aliud est imperium, quod qui obtinet, similibus genere & liberis hominibus imperat. Hoc enim ciuile imperium esse dicimus: quod oportet eum, qui ciuitati praest, parendo imperio didicisse: verbi gratia, equitatu praesse debet posteaquam magistro, seu praefecto equitum paruerit: & dux exercitus esse, postquam miles imperatorem secutus sit, & postquam tribuno militum paruerit, & manipularis miles fuerit, tribunus militum, & manipuli ductor esse. Quapropter dicitur hoc quoque praclare, non posse quemquam bene imperare, qui non paruerit imperio. Horum autem virtus quidem diuersa est. Sed oportet bonum ciuem & scire, & posse tum imperio parere, tum imperare: & haec ciuis virtus est, imperium liberorum scire in utramque partem. Tum viri boni est utrumque, quamuis specie differat temperantia & iustitia: eius, qui praest, propria, à temperantia & iustitia eius, qui pareret imperio. Eius enim, qui sub imperio est, & idem liber, in promptu est non posse esse unam viri boni virtutem: verbi gratia, iustitiam: sed eam duas formas habere, ex quibus imperabit, & imperio parebit: quemadmodum viri & mulieris diuersa temperantia & fortitudo est. Vir enim ignauus esse videatur, si sit ita fortis, ut mulierem fortem esse decesset: & mulier loquax, si sit ita temperans, & modesta, ut is vir, qui bonus est. Nam & administratio rei familiaris alia est viri, alia uxoris. Illius enim munus est quærere, huius custodire. Prudentia autem, eius, qui praest, sola virtus propria

1 legēdū
apud Ari-
stotel.
χαῖ ταξι-
αρχεῖν
ταξιαρχ-
οντα.
χαλολοχα-
γείν λο-
χαγῆν τερ-
τα. διο,
&c.

2 pudēs.

est. Alias enim, ut apparet, necesse est esse communeis & imperio subiectorum, & imperantium. Eius autem, qui sub imperio est, virtus non est prudentia, sed opinio vera. nam qui est sub imperio, est tanquam tibiæ opifex: qui præest autem, tanquam tibicen, qui tibiis utitur. Vtrum igitur eadem sit virtus boni viri, & boni ciuis, an alia & diuersa, & quomodo sit eadem, & quomodo diuersa, ex his cognoscere licet. Sed quod ad ciuem attinet, dubitatio quadam reliqua est, vtrum reuera ciuis sit, qui magistratum capere potest, an etiam ij, qui arteis illiberalis & sordidas exercent, ciues numerandi sint. Si igitur etiam ij, qui honorum non sunt participes, ciues numerandi sunt, fieri non potest, ut omnium ciuium talis sit virtus. hic enim ciuis est. Sin horum nullus ciuis est: quo in loco, quoque in numero quisque locandus est? Neque enim inquilinus, neque peregrinus est. An propter hanc rationem nihil inde absurdi effici dicemus? Nam neque serui, neque liberti quicquam eorum, quæ diximus, sunt. Hoc enim verum est, non omneis in numero ciuium esse habēdos, sine quibus ciuitas non facile esse possit. Nam ne pueri quidem eodem modo sunt ciues, atque viri: sed hi quidem simpliciter: illi autem ex conditione, & cum adiectione. Sunt enim ciues quidem illi, sed imperfecti. Præcis igitur temporibus apud nonnullos, opifices illiberales ac sordidi, & peregrini, serui erant. quocirca etiam nunc plebs talis est. Optima autem ciuitas non faciet artificem illiberalem ac sordidum, ciuem. Quod si etiam hic ciuis est, attamen virtus ea, quam commemorauimus, dicenda est esse non cuiuslibet ciuis, nec liberi tantum, sed eorum, qui ab operibus necessariis vacuū ac soluti sunt. Eorum autem, qui operibus & muneribus necessariis funguntur, ij, qui uni funguntur, serui sunt: qui mul-

tis, & populo sordidi, ac mercenarij. Perspicuum autem nobis erit ex eo, quod iam dicemus, si paullo diligentius consideremus, quomodo ea sese habeant. hoc ipsum enim in promptu positum, id, quod à nobis dictum est, declarat. Quoniam enim plures sunt reip. administrandæ formæ, etiam civis genera sint plura necesse est, & maximè eius civis, qui imperio paret. Itaque in aliqua reip. administrandæ forma artificem illiberalem, & mercenarium, ciueis esse necesse est: in aliquibus non potest fieri ut sint. exempli gratia, siquæ est, quam aristocraticam appellant Græci, Latini in qua optimates principatum obtinent, & in qua ex virtute & dignitate honores deferuntur. Non enim fieri potest, ut is, qui vitam colit illiberalem ac sordidam, vitamq; mercenariam, in ea, quæ sunt virtutis, studium conferat. In paucorum potentatibus autem, ut quidem mercenarius sit civis, contingere non potest. nam ex magno & amplo censu, magistratus imperiæque obtinentur: ut autem artifex illiberalis, potest. plerique enim artifices sunt locupletes. Thebis autem lex erat, ne, qui non decem annos perpetuos sine ulla intermissione mercaturam in foro, & taberna facere desisset, magistratum capere posset. In multis autem reip. administrandæ generibus lex etiam peregrinos ad civitatem allicit atque inuitat. Nam qui ex matre civi natus est, in nonnullis civitatibus, in quibus populus principatum obtinet, civis est: eadèque apud multos spuriorum, & eorum, qui ex iustis nuptiis procreati non sunt, ratio est. Verumtamen quoniam civium germanorum penuria coacti taleis homines ciueis efficiunt: (nam propter hominum paucitatem talibus legibus utuntur) ubi primum turba abundare cœperunt, paulatim de civitate circumcidunt atque amputant primum eos, qui

ex seruo, aut ancilla: deinde eos, qui ex feminis, non etiam è viris ciuibus nati sunt: atque ad extremum eos duntaxat, qui ex utroque parente ciue orti sunt, ciues faciunt. Cùm plura igitur ciuis esse genera ex his intelligere licet, tum etiam hoc, eum maximè dici ciuem, qui honorum est particeps, quemadmodum & Homerus Achillem loquentem fecit.

Tāti ab eo factus, quāti aduena honoribus expers. est enim tanquam inquilinus atque aduena, qui honorū particeps non est. Verùm ubi hoc tale occultum atque obscurum est, id sit eorum, qui unā habitant, fallendorū gratia. Vtrum igitur alia, an eadem virtus sit habenda, ex qua vir bonus, & bonus ciuis est, ex iis, quæ dicta sunt, perspicuum est: & alicuius ciuitatis eundem esse bonum ciuem, & bonum virum: alicuius alium ac diuersum: illūque non omnem, sed eum, qui ciuitatis administrandæ scientiam habeat, & penes quem reip. administrandæ sit potestas, aut possit esse potestas, aut solum ac per se, aut cum aliis.

4 Quoniam autem hæc distinctè explicata sunt, deinceps videndum est, vtrum vna ciuitatis administrandæ forma statuenda sit, an plures, & si plures, quæ, & quā multa, & quæ sint earum differentie. Est autem reip. administrandæ forma, quā Græci politiam nominant, ordinatio ac descriptio cū aliorum ciuitatis imperiorum, tum eius maximè, quod potestatem atque auctoritatem in ciuitate habet omnium maximam. Administratio enim & gubernatio ciuitatis ubique potestatem atque auctoritatem obtinet. Ciuitatis autem administrandæ forma, quam politiam diximus à Græcis appellari, est administratio seu gubernatio ciuitatis, verbi gratia, inquam, in ciuitatibus liberis, & in quibus

populus rerū potitur, populus auctoritatem & dominatum obtinet: pauci contrā in iis reipub. administrandæ formis, in quibus penes paucos potestas est, quas oligarchias appellant Græci. Dicimus autem etiam horum reip. administrandæ formam, aliam esse, ac diuersam. Atque hoc idem & de aliis dicemus. Supponendum autem primum est, cuius rei gratia constiterit ciuitas, & quot sint imperij genera ad hominem, & ad vitæ societatem pertinentis. Dictum igitur est etiam primo libro, in quo de ratione tuenda rei familiaris, & herili imperio explicauimus, hominem animal quidem esse ad ciuilem vitæ cultum aptum natura. quo fit, ut, etiam si mutuo auxilio non egeant, nihilominus societatem, & communitatem vitæ appetant. Verumtamen communis utilitas eos congregat, & in vnum conducit, quantum pro sua quisque parte ad honestè viuendi facultatem conferre potest. Hic igitur maximè propositus finis est & communiter omnibus, & propriè singulis. Conueniunt autem etiam eius ipsius rei causa, ut uiuant. fortasse enim in ea inest aliqua honesti particula. Et ciuilem societatem continent, atque conseruāt etiam in eo ipso, quod uiuāt tantum, nisi res dura, ac perpeſſu aspera in vita valde modum superent. Perspicuum enim est plerosque homines viuendi cupiditate captos, multas arumnas, graueisq; calamitates toleranter ferre, quasi quædam in eo prosperitas, & dulcedo naturalis insit. Iam verò imperij modos, qui dicuntur esse plures, partitè ac distinctè explicare facile est. Nam etiā in iis libris, quos populariter scribere solemus, quique versantur in manibus externorum, sæpenu-mero iis de rebus dilucidè ac definitè differimus. Domini enim imperium, quamuis reuera natura seruo, & natura domi-
no idem expediat, nihilominus tamen in imperando domini

utilitatem spectat per se; serui autem ex euentu. fieri enim non potest, ut seruo intereunte imperium domini sit saluum. imperium autem in liberos, & in uxorem, & in omnem domum, quod appellamus æconomicum, id est rei familiaris administrationis proprium: aut eorum, quibus imperatur, gratia est, aut communem quãdam vtrorumque utilitatem spectat: per se quidem eorum, qui parent imperio, quemadmodum & alias arteis videmus, verbi gratia, artem medendi, & artem corporum exercendorum: ex euentu verò etiam eorum, qui imperat, fuerit. Nihil enim obstat, quominus is, qui puerorum corpora exercet, unus sit interdum etiam ipse ex iis, qui exercentur, quemadmodum nauis gubernator semper unus est è numero nautarum. Pædotriba igitur, qui puerorum corpora exercet, aut gubernator, eorum, qui imperio parent, bonum intuetur. Cùm autem unus ex horum numero est etiam ipse, salutis, & tutæ navigationis ex euentu est particeps. hic enim nauta est: ille autem eorum, qui exercentur, sit unus, cùm sit pueris exercendis præfectus, seu pædotriba. Quapropter & ciuilia imperia, cùm ciuitas iuxta æqualitatem, & similitudinem ciuium cõstituta est, æquum esse putant se vicissim magistratum gerere, olim quidem (quo modo natura comparatum est,) æquum esse existimantes se pro sua virili parte munus publicum obire, ac sustinere, & cõtrà aliquem alium ipsius bonum procurare, quemadmodum ipse antea magistratum gerens, illius utilitati cõsulebat: nunc autem propter emolumenta, quæ ex rep. & imperio proficiuntur, perpetuò volunt magistratum gerere. quod genus, si eueniret, ut, qui magistratum gerunt, semper bene valerent, cùm essent infirma valetudine. Tum enim fortasse meritò imperia & magistratus consecrarentur. Perspicuum

igitur est, quæcumque reip. administrandæ formæ communem utilitatem spectant, eas rectas esse, & ei iuri, quod simpliciter ius est, consentaneas: quæcumque verò eorum, qui reip. præsent, duntaxat utilitati consulunt, omneis esse deprauatas, & à rectis ciuitatis administrandæ formis detortas. Sunt enim dominorum in seruos imperiis similes. At ciuitas, liberorum societas est.

1 leg. xxi
 καὶ τὰ το
 ἀπλ. ἢ ἂ
 lib. vulg.
 abest co-
 pula.

His autem distinctis atque explicatis, consequens est, ut ciuitatis administrandæ formas consideremus, quot sint numero, & quæ sint: & primùm rectas videamus. His enim explicatis, eæ, quæ à rectis deflexerunt, erunt in promptu. Quoniam autem ciuitatis administrandæ forma, & ciuitatis administrandæ ratio idem significant: ciuitatis autem administrandæ ratio est id, quod in ciuitatibus dominatur, summamque auctoritatem obtinet: necesse est autem dominatum atque auctoritatem obtinere aut vnū, aut paucos, aut multos: ubi quidem aut vnus, aut pauci, aut multi spectantes utilitatem communem ciuitati præsent, has ciuitatis administrandæ formas, rectas esse necesse est: ubi verò vel vnius, vel paucorum, vel multitudinis utilitas spectatur, deflexiones, ac degressiones à rectis. Nam aut ciues dicendi non sunt, qui sunt vnius ciuitatis participes, aut utilitatis inter eos debet esse communitas. Consueuimus autem appellare vnius principatum, eum, qui utilitati communi consulit, regnum. potestatem autem paucorum virtute prædictorum quidem, sed plurium vno, aristocratiam, hoc est optimatum potentatum; vel quia optimi viri reipubl. præsent, vel quia ita præsent, ut omnia ad id, quod est ciuitati, iisque, quibuscum ea communicatur, utile, referant. ubi verò multitudo ciuitatis administrationem ad communem vti-

1 leg. *α*
μαλιστα
μετεχ.
 abest à
 lib. vulg.
 vox *μα-*
λιστα

litatem confert, communi omnium ciuitatis administrandæ
 formarum nomine appellatur. Hoc autem probabili ratione
 euenit. Nam ut unus, aut plures virtute excellent, fieri po-
 test. Plureis verò subtiliter ac perfectè omni virtute instru-
 ctos esse, difficile est: sed si quæ, maximè bellica valent. hæc
 enim in multitudine ingeneratur. Quocirca in hac reip. ad-
 ministrandæ forma, maximè dominatur, maximamque po-
 testatē obtinet ea pars ciuitatis, quæ pro reliquis ciuibz pro-
 pugnat: maximèque eius sunt participes qui arma tenent.
 Degressiones autem ab iis, quæ dictæ sunt, reipubl. admi-
 nistrandæ formis, sunt, tyrannis quidem, à regno: paucorum
 autem potentium imperium, seu oligarchia, ab optimatum
 potestate, hoc est ab aristocratia: populi verò potestas, seu de-
 mocratia, à ciuitatis administrandæ forma, id est à politia, ty-
 rannis enim monarchia est, seu unius imperium ad eius, qui
 solus imperat, utilitatem spectans. paucorum principa-
 tus, ad commoda diuitum: populi potestas, ad egentium.
 reip. utilitatem autem nulla earum habet sibi propositam.
 Iam verò oportet paullo pluribus verbis, quæ sit unaqua-
 que harum reip. formarum exponere. habet enim hæc res
 ficultates quasdam ad explicandum difficileis atque obscu-
 ras. Ei autem, qui in unaquaque institutione philosophatur,
 neque ad agendum solùm curas, & cogitationes suas confert,
 cōnuenit acriter, & non negligenter rem, de qua agitur, in-
 tueri, neque quicquam prætermittere, sed aperire ac pate-
 facere in quaque re veritatem. Est igitur tyrannis quidem
 imperium unius herile, quemadmodum dictum est, in scie-
 tatem ciuilem. Paucorū imperium autem, seu oligarchia est
 cū ijs, quorum res familiaris ampla & præclara est, au-
 ctoritatem & dominatū obtinent in rep. Populi potestas
 contra

contra, quæ democratia à Græcis appellatur, cùm ij, quibus non ampla, neque lauta, sed angusta, & tenuis est res familiaris, reip. administrant. Prima autem difficultas ac dubitatio ad superiorem distinctionem pertinens, est hæc, quòd si plures, qui sunt locupletes, dominatum in ciuitate obtineant: populi autem potestas sit, ubi multitudo dominatum in ciuitate obtinet: similiter verò si fortè etiam contrà alibi eueniat, ut inopes atque egentes numero sint locupletibus pauciores, & tamen cùm viribus præstent, dominatum in ciuitatis administratione obtineant: ubi autem exigua multitudo dominatum obtinet, paucorum esse imperium dicant: non rectè videantur reip. administrandæ formæ esse definitæ, neque distinctè explicatæ. At porrò si quis etiam copulata quidem cum abundantia rei familiaris hominum paucitate, cum angustis autem & inopia bonorum externorum, ciuium multitudine, ita nomina reip. administrandæ formis imponat, & oligarchiam seu paucorum imperium quidem appellet in ea ciuitate, in qua imperia gerunt pauci numero locupletes: democratiam autem, seu populi potestatem, qua in ciuitate egentes, atque inopes numero multi reip. administranda præsent: aliam hæc res difficultatem prope inexplicabilem habet. Quas enim dicemus eas, quæ modo à nobis commemoratæ sunt, reip. administrandæ formas, eam dico, in qua plures sunt locupletes, & eam, in qua egentes pauciores, auctoritatem autem & dominatum in ciuitatum administrationibus obtinent, si quidem nulla alia est reip. administrandæ forma præter eas, quas diximus? Videtur igitur ratio planum facere, ac declarare, paucos, aut multos auctoritatem & dominatum in ciuitate obtinere, hoc esse euentum partim paucorum imperiis, seu oligarchiis, partim populi potestatibus, seu demo-

cratis, propterea quòd locupletes quidem & copiosi, pauci:
egentes autem & tenues, multi sunt ubique gentium. Quare
neque ex his efficitur, ut sint illæ, quæ dictæ sunt, diuersitatis
causæ: sed eæ res, quibus rebus popularis potestas, & paucorū
imperium inter se differunt, sint paupertas, & diuitiæ. Ac
necesse quidem est ubi magistratus gerūt propter diuitias, siue
sint pauciores, siue plures, hoc esse paucorum imperium seu oli-
garchiam: ubi verò egentes, populi potestatem seu democra-
tiam. Sed euenit interdum quemadmodum diximus, ut illi
quidē sint pauci, hi verò multi. Abundāt enim rei familiaris
copiis & facultatiōis pauci: libertatis autem sunt participes
oēs: propter quas causas litigāt utriq; de rep. administranda.

6 Intelligendum autem est primū quos fineis, & quasi ter-
minos oligarchiæ, seu paucorum imperij, & democratiæ, seu
populi potestatis constituent, & quod sit ius oligarchiæ, &
democratiæ proprium. Omnes enim ius aliquod attingunt,
sed aliquatenus progrediuntur: dicuntque non omne, quod
propriè ius est. Verbi gratia, ius videtur esse quod æquale est:
& est planè, verū non omnibus, sed æqualibus. Tum in-
æquale ius videtur esse, ut est, verū non omnibus, sed in-
æqualibus. Hi autem hoc detrahunt, nempe quibus, & ita
male iudicant. cuius rei hæc causa est, quia de seipsis iudi-
cant. Fere autem plurimi de rebus suis, ac domesticis mali
sunt iudices. Quare quoniam iustum, aliquibus est iustum,
eadēque distinctio adhibenda est in rebus, atque in personis,
quemadmodum antea à nobis dictum est in libris de mori-
bus: rei quidem æqualitatem concedunt, personarum verò
in controuersiam vocant, maxime quidem propter id, quod
paullo antè dictum est, quia eas res, quæ ad se pertinent,
malè iudicant: secundo loco verò etiam propterea quòd cum

utrique dicant quadamtenus ius aliquod, existimant se ius dicere simpliciter. Hi enim si aliquare sint inaequales, verbi gratia, pecunia, putant se omnino esse inaequales: illi verò si qua re sint aequales, veluti libertate, se prorsus esse aequales. Sed ius, quod principem locum obtinet, prætermittunt. Si enim bonorum, & facultatum gratia societatem coierunt, & in unum conuenerunt, tam sunt participes ciuitatis, quantum & facultatum rei familiaris habent. itaque eorum, qui paucorum imperio fauent, ratio valere videatur. non enim iustum esse, æquam partem ferre centum minarum eum, qui unam minam attulit; atque eum, qui reliquum omne contulit, neque eorum, quæ in societatem initio collata sunt, neque eorum, quæ postea accesserunt, & lucri facta sunt. Sin non solum viuendi gratia conuenerunt, sed potius benè viuendi, (esset enim seruorum, & aliarum animantium ciuitas: nunc autem non est, quia non sunt beatitudinis, neque vitæ ex consilio degendæ participes) neque belli societatis causa, ut ne à quoquam iniuste læderentur: neque ut res inter se contraherent, & commutarent: neque ut mutua consuetudine, atque opera uterentur: nam Tusci, & Karthaginenses, & omnes, quibus sunt tessera rerum inter se contrahendarum, essent tanquam vnius ciuitatis ciues. sunt enim eis pacta conuenta de rebus importandis, sunt & tessera iudiciales de non inferenda inter se iniuriæ, & fœdera in tabulas publicas relata de belli societate: verum neque magistratus iccirco creati sunt omnibus inter ipsos communes, sed alij apud utrosque: neque qualem alteros esse oporteat, alteri laborant, neque ut nequis eorum, qui communibus pactis, & fœderibus continentur, iniustus sit, & ne ullo vitio sit affectus, solliciti sunt: sed hoc tantum

ARISTOTELIS

eis cura est, ut ne alteris ab alteris iniuria inferatur. Atqui de virtute & vitio civium diligenter cogitant, qui sibi vigilandum, atque elaborandum esse putant, ut civitas bonis legibus temperetur & gubernetur. Ex quo etiam intelligere licet, civitatem eam, quæ reuera nominetur civitas, & non ita dicatur verbo tenus, virtutis curam habere debere. alioqui civium societas, sit belli gerendi societas, ab aliis sociis longè distantibus loco tantum differēs. Tum lex, fœdus est, & quemadmodum dixit Lycophro sophista, spōdet eis inter ipsos iura servatum iri: sed non potest civibus efficere viros bonos & iustos. Ita autem rem se habere perspicuum est. Si quis enim loca inter se disjuncta, ac remota etiam in unum contrahat, & conducat, ut urbs Megarensium urbem Corinthiorum mœnibus tangat: non erit tamen una civitas, ne si connubij quidem iura inter se pepigerint. Atqui hæc est una ex numero earum communicationum, quæ civitatum sunt propria. Similiter verò neque si qui seorsum quidem habitarent, non tamen ita longè, ut inter se non communicarent, sed si essent eis leges, ne inter se iniuria afficerent in rerum permutationibus, & communicationibus: verbi gratia, si alius quidem esset faber, alius agricola, alius sutor, alius aliud quippiam tale, numero autem essent decies mille: non tamen quicquam aliud inter se commune haberent præter permutationem, & belli societatem: ne sic quidem esset una civitas. Cur tandem? Non enim propterea quòd non sit propinquitas & coniunctio communionis. nam etiam si unum in locum conuenerent ita communicantes, & aduersus eos, à quibus iniuria lacefferentur, auxilio alter alterum iuuant tantum, tanquam belli societate & fœdere coniuncti, unusquisque tamen domo sua, tanquam civitate, uteretur: ne sic

quidem ciuitas esse, acriter & acutè intuentibus, videatur, siquidem similiter unà inter se communicarent, & congregarentur congregati, atque disparati. Perspicuum igitur est ciuitatem non esse loci communionem, neque ut sint tuti ab externa & mutua iniuria, neque ut sit inter eos officiorum, & operarum mutuatio, eo esse comparatam: sed hæc quidem præstò sint necesse est, siquidem ciuitas futura est: non tamen etiamsi hæc omnia præstò sint, iam ciuitas est: sed ea demum societas, ciuitas est, quæ bene viuendi, & tum domibus, seu familiis, tum generibus, seu gentibus, vitæ perfectæ, & omnibus bonis cumulata atque expleta, suisque rebus per se contentæ gratia, comparata est. Non est autem hoc futurum, nisi unum & eundem locum incolant, & connubiis vtantur. Quapropter & affinitates in ciuitatibus instituta sunt, & curialium sodalitates, & sacrificia, & unà viuendi consuetudines, & congressiones. hoc autem tale, amicitia opus ac munus est. Concilium enim unà viuendi, amicitia est. Finis igitur ciuitatis est, benè viuere. hæc autem finis gratia sunt. Ciuitas porrò, vitæ generum, & virorum perfectæ, & bonis omnibus necessariis expleta, atque instructa, neque ullorum subsidiorum externorum indigentis communio est. hoc autem est, ut dicimus, beatè & benè viuere. Statuendum igitur est societatem ciuilem, actionum honestarum, nō unà viuendi causa esse comparatam. Quocirca quicumque in talem societatem plurimum conferunt, hi plus ciuitatis participant, quàm in libertate quidem & genere sunt pares, aut maiores, virtute verò ciuili impares: aut qui diuitiis quidem sunt superiores, virtute verò inferiores. Omnes igitur eos, qui de reipub. administranda formis inter se ambigunt & litigant partem aliquam iuris exponere, ex iis, quæ

dicta sunt, perspicuum est.

- 7 In hoc autem dubitatio est, quid oporteat dominationem, ac summam auctoritatem in ciuitate obtinere. nam aut multitudinē, aut diuiteis, aut viros bonos, & aequos, aut unum omnium optimum, aut tyrannum. At hæc omnia videntur habere difficultatem. Quid enim si pauperes propterea quod sint plures, bona diuitum inter se distribuunt? nōne hoc sit iniustum? Decretum est enim scilicet ab ea ciuitatis parte, quæ auctoritatem & dominatum in ciuitate obtinet, iustè hoc fieri. Quo igitur nomine extrema iniuria appellāda est? Rursus si ex omnibus ciuibus plures bona paucorum inter se partiti fuerint, perspicuū est, eos labefactare, ac perdere ciuitatē. Atqui neque virtus ei rei, in qua ea est, interitum asferre solet: neque ius, perdenda, aut exstinguenda ciuitatis vim habet. Quare intelligere licet etiam hanc legem iustam esse non posse. Præterea res omneis, quæ à tyranno actæ sunt, necesse est iniustas esse. Nam cū sit potentior, ac valentior viribus, vim affert reip. quemadmodum multitudo diuitibus. Vtrū igitur pauciores & diuiteis præesse atque imperare iustum est? Si igitur hac eadem faciant, & bona ciuium diripiant, & facultates multitudinis auferant, hocine est iustum? At si hoc iustum est, ergo & alterum. Hæc igitur omnia esse mala, & non iusta, in promptu est. At viros bonos oportet præesse, & omnium rerum dominos esse atque arbitros. Ergo alij omnes honoris expertes, & ignominia notati sint necesse est, cū ciuilibus magistratibus non ornentur. honores enim dicimus esse magistratus. Vbi autem iudem semper gerunt magistratus, & reip. præsunt, alios honoris experteis, & ignominia notatos esse necesse est. At unū virtute præstantissimum reip. præesse atque imperare melius est.

lius autem alius aliam partem. Vtrum igitur in omni populo, atque in omni multitudine possit euenire hæc differentia multorum à paucis virtute præditis, obscurum est. Fortasse verò mehercule apparet in nonnullis locum habere non posse. Eadem enim etiam inferas ratio conueniret. Atqui nonne videmus quosdam homines nihil pæne dicam à feris differre? verumtamen in aliqua multitudine nihil obstat quin id, quod dictum est, verum sit. Quocirca & eam, quæ antea exposita est, dubitationem, & eam, quæ est huic proxima, quarum rerum penes liberos, & multitudinem ciuium (tales autem sunt, quicumque neque diuites sunt, neque ullam virtutis dignitatem atque amplitudinem habent) arbitrium ac potestatem esse oporteat, possit quis his rationibus dissoluere, atque expedire. eos enim in peria obtinere maxima non est tutum. namque eos & propter iniustitiam, & propter imprudentiam partim iniuriam facturos, partim peccaturos. nullos autem eis mandare magistratus, neque eos ullius esse particeps, horribile ac formidolosum est. Cum enim multi honoris expertes & pauperes sunt, plena hostium sit ciuitas necesse est. Reliquum est igitur ut consultandi, & iudicandi sint participes. Quocirca & Solon, & nonnulli alij latores legum eos comitis magistratuum creandorum, & rationibus ab iis, qui gesserunt magistratus, repetendis præficiunt. gerere autem magistratum per se, & solos non sinunt. Omnes enim collecti & congregati satis multum sensum habent, & permixti cum melioribus prosunt ciuitatibus, quemadmodum victus non purus cum puro coniunctus omnem efficit utiliore paucis. unusquisque enim seorsum in iudicando imperfectus & mancus est. Sunt autem in hac reip. administrandæ ordinatione dubitationes duæ: quarum hæc

hæc prima est, quod videatur esse eiusdem quis rectè medicatus sit, iudicare, cuius & mederi, ægrumq; sanare, ac morbo presente liberare. hic autem medicus est. atque hoc similiter etiam in aliis facultatibus longo usu partis, atque artibus locum habet. Quemadmodum igitur medicus apud medicos iudicium rationum referendarum subire debet: sic & alij artifices apud simileis. Medicus autem est & is, qui a lio præscribente medicinam facit, & is, qui docet ac præscribit quomodo medicina sit faciēda, & tertius, qui à puero experiendo artem didicit. Sunt enim tales quidam in omnibus, pæne dicam artibus. Tribuimus autem iudicandi auctoritatem nihilominus usu peritis, quàm scientibus. Præterea & in eligendo eodem modo se res habere videatur. Etenim rectè eligere, eorum, qui sciunt, munus est: verbi gratia, geometram eligere eorum est, qui in geometria diu, multumque versati sunt: & gubernatorem, eorum, qui artem gubernandi tenent. Etsi enim de quibusdam operibus & artibus iudicandi facultatem habeant nonnulli etiam idiotæ, & imperiti: at non maiorem, quàm qui sciunt. Itaque hac ratione, comitiorum, quibus creantur magistratus, & rationum referendarum potestas penes multitudinem non sit redigenda. Verum fortasse non omnia hæc rectè dicuntur, tum propter rationem illam, quam multo antè exposuimus, nisi multitudo sit admodum seruilis. erunt enim singuli quidem iudices scientibus deteriores: omnes verò congressi, aut meliores, aut non deteriores: tum quod de nonnullis rebus neque solùm artifex, qui eas effecit, neque optimè iudicavit: eos omneis dico artifices, quorum opera iudicant etiam ij, qui non habent artem: verbi gratia, domum cognoscere non solùm eius est, qui fecit, sed etiam eo melius is, qui ea utitur,

ARISTOTELIS

iudicabit, utitur autem is, qui domum administrat, siue paterfamilias: & de gubernaculo melius iudicabit gubernator navis, quàm faber: & de epulis conuiuæ melius, quàm coquus. Hanc igitur dubitationem ad explicandum difficilem, fortasse aliquis sat benè sic expedire ac dissolvere queat. Altera porro est huic proxima. videtur enim absurdum esse, penes malos atque improbos rerum maiorum auctoritatem & arbitrium esse, quàm penes viros bonos & æquos. At rationum referendarum iudicia, & magistratuum creandorum comitia sunt maximi momenti: quæ tamen in quibusdam reip. administrandæ formis, quemadmodum dictum est, populis tribuunt. Contio enim talium rerum omnium auctoritatem atque arbitrium habet. Atqui contionis quidem sunt participes, & consultant, & iudicant ij, quibus est census exiguus, & cuiusvis ætatis homines. pecuniam autem publicam tractant, & exercitibus præficiuntur, & amplissimos, maximosque magistratus gerunt ij, quibus magnus census est. Similiter autem aliquis etiam hanc dubitationem soluerit. fortassis enim hæc quoque rectè sunt instituta. Non enim iudex, neque senator, neque is, qui in contione deliberat & consultat, præest aut imperat: sed confessus iudicum, & senatus, & populus. Eorum autem, qui dicti sunt, vnusquisque horum particula est. Particulam dico senatorem, & deliberatorem contionalem & iudicem. Quare non immerito penes multitudinem maiorum rerum potestas atque auctoritas est. Ex multis enim constat populus, & senatus, & iudicium, seu iudicum confessus. Et verò census horum omnium amplior est, quàm eorum, qui vel viritim, vel cum paucis collegis maximos magistratus gerunt. Hæc igitur hoc modo distincta, atque explicata sint. Ea autem, quæ primo

loco exposita dubitatio est, declarat, nihil aliud ita ratum & 1 legend.
 firmum esse oportere, ut leges rectas ac salutareis: penes eum ποιεῖ φα-
 autem, qui praeest reip. siue sit vnus, siue plures, iis de rebus sta- νερόν, ὅτι
 tuendi arbitrium & potestatem esse, de quibus leges cumu- δὲ αὐτῶν
 latè atque accuratè loqui non possunt, propterea quòd non ἑτέροις ὅ-
 sit facile vniuersè omnia aperte persequi & complecti. Qua- πως, ὡς
 leis porrò esse oporteat leges rectas & vtileis, nondum pla- τοὺς νό-
 num factum est: sed etiam nunc manet id, quod suprà multo μὲν, εἰναί
 antè dubitatum est. Enimuerò necesse est, leges, malas, aut χυρ.
 bonas esse, & iustas, aut iniustas, similiter atque reip. admi-
 nistrandæ formas. Verumtamen hoc certè perspicuum est, le-
 ges accommodatè ad reip. administrandæ formam positas esse
 oportere. At si hoc verum est, non est obscurum, eas quidem
 leges, quæ sunt reip. formis rectis consentaneæ, necessariò esse
 iustas: eas autem, quæ deprauatis ac peruersis conueniunt,
 non iustas.

Quoniam autem in omnibus quidem scientiis, atque ar- 8
 tibus, finis bonum est: maximum autem bonum & maxi-
 mè est in ea, cuius est omnium maximus dominatus, maxi-
 mæque auctoritas: hac autem est ciuilis facultas: ius porrò,
 est bonum ciuile: hoc autem est, quod communiter omnibus
 expedit: omnibus autem ius videtur esse æquale quiddam:
 & aliquatenus consentiunt, & congruunt sermonibus
 philosophicis, in quibus de iis, quæ ad mores pertinent, di-
 stinctè atque explicatè disputatum est: (nam & quid ius)
 & quibus sit ius, & equalibus æquale esse oportere osten-
 dunt) qualium rerum sit æqualitas, qualiumque inæ-
 qualitas non est ignorandum. Inest autem in hoc dubita-
 tio & philosophia ciuilis. Fortassis enim dixerit aliquis ex
 omnis boni præstantia magistratus & imperia tribui in-

aqualiter oportere, si ceteris rebus omnibus nihil inter se differant, sed sint forte fortuna similes. iis enim, qui inter se differunt, & ius, & id, quod ex dignitate est, diuersum, ac dissimile esse. At si hoc verum est, ergo & ex coloris praestantia, & ex proceritatis, & ex qualiscunque boni, ij, qui rebus illis praestabunt, plus iurium civilium obtinere debebunt: aut hoc perspicue falsum est. apparet autem in aliis scientiis & facultatibus. nam ex tibicinibus, qui sunt inter se arte pares ac similes, non sunt nobilioribus dandae plures tibiae, aut meliores. nihilo enim melius tibia canent. Oportet autem ei, qui opus efficit melius, quique opere antecellit, etiam instrumentorum praestantiam largiri. Quod si nondum satis planum est quod dicitur: ab iis, qui id volent longius producere, facile intelligetur. Si quis enim existat, qui arte quidem tibia canendi excellat, nobilitate autem & splendore generis, aut pulchritudine sit inferior, etiamsi unumquodque bonorum illorum maius bonum sit, quam ars tibia canendi (dico autem nobilitatem, & pulchritudinem) & quamuis illa arti tibia canendi proportionem praestent plus, quam ille arte tibia canendi ceteris antecellit: huic tamen dandae sunt tibiae praestantiores. oportet enim ad opus conferre & valere praestantiam & diuitiarum & nobilitatis atque generis. at nihil conferunt. Præterea hac ratione omne bonum cum omni bono comparari posset. nam si magis est tale, quod aliqua magnitudine tale est, quam illud, quod aliis rebus praestat, ergo & omnino magnitudo contendat cum diuitiis & cum libertate. Quare si hic magnitudine praestat plus quam ille virtute, & si omnino virtuti magnitudo antecellit, omnia inter se comparari possint. Si enim tanta magnitudo, tanta magnitudine maior est, licet intelligere tantam aequalem fore. Quoniam autem hoc

fieri non potest, perspicuū est homines etiam in rebus ciuilibus probabili ratione non ex omni inaequalitate & praestantia de magistratibus & imperiis contendere. Nam si alij quidem tardi sunt, alij celeres: nihilo plus oportet iccirco hos quidem habere, illos verò minus. sed in certaminibus quidem gymnici huic praestantiae tribuitur honos & premium: quibus rebus verò constat ciuitas, his de rebus controuersiam esse necesse est. Quapropter probabilem causam habent nobiles, & liberi, & diuites quamobrem honorem sibi arrogent. Oportet enim in ciuitate esse homines liberos, & locupletes, qui pro censu tributum conferant. non enim ex omnibus egentibus constare possit ciuitas, quemadmodum neque ex seruis. At porro si his opus est ciuitati: & iustitia scilicet, & bellica virtute opus est. nam nec sine his urbs habitari, & frequentari potest. verumtamen sine prioribus quidem illis, non potest consistere ciuitas: sine his verò pulchrè frequentari & praeclarè regi non potest. Ad hoc igitur, ut sit ciuitas, aut haec omnia, aut nonnulla certè ex his meritò ambigere & contendere videantur: ad vitam honestam verò, doctrina & virtus iustissimè litigarint, quemadmodum & antea dictum est. Quoniam autem neque omnium rerum aequalem partem ferre debent qui sunt una quadam re tantum aequales, neque inaequalem qui sunt una re inaequales, necesse est taleis omneis reipubl. administrandae formas à rectis deflectere ac deerrare. Dictum autem est etiam antea omneis quodammodo iure ambigere: simpliciter verò & absolute non omneis iure: diuites quidem, quia agri, terraeque plus eis suppetit. at ager communis est. praeterea in rebus contrahendis magnam partem sunt fideliores. liberos autem & nobileis ut inter se finitimos. magis enim ciues sunt ge-

nerosi, quàm humili genere, & obscuro loco nati. nobilitas autem apud singulas nationes domi est honorata. præterea quia verissimile est, eos, qui ex melioribus nati sunt, esse meliores. nobilitas enim, generis virtus est. Similiter igitur dicemus etiam virtutem iure ambigere. virtutē enim dicimus ad omne genus societatis accommodatam atque utilem esse, iustitiam, quam necessariò ceteræ subsequuntur. Quin & plures cum paucioribus non immeritò cōtendant. Nam etiā potentiores, & diuitiores, & meliores sunt, si plures ita sumantur, ut cum paucioribus conferantur. Vtrum igitur si hi omnes essent in una ciuitate, boni, inquam, & diuites, & nobiles: & præterea alia multitudo ciuilis, controuersia aliqua inter hos & multitudinem futura est, quos reipub. præesse oporteat, necne? In unaquaque igitur earum reip. administrandæ formarum, quæ antè dictæ sunt, in controuersum iudicium est, quos reip. præesse oporteat. illarum enim inter se differentia, ex eorum, qui dominationem, & auctoritatem in ciuitate obtinent, differentia nascitur, verbi gratia, alia quòd penes diuites summa sit potestas, alia quòd penes viros bonos, & virtute præstanteis: idēque de unaquaque aliarum sentiendum. Verumtamen videamus, cum uno, eodēque tempore hæc præstò sunt, quomodo sint definienda. Si igitur ij, qui virtute præditi sunt, pauci sint omnino numero, quæ nam distinctio adhibēda, quæ de ratio ineunda est? an paucitas ex opere spectanda est, possintne hi administrare ciuitatem? an tot numero esse debent, ut ex his possit constare ciuitas? Dubitatio autem quedam est in omnibus, qui de ciuilibus honoribus ambigunt. videantur enim nullam iustam causam afferre, qui se propter diuitias imperare postulant: itēque qui propter genus. Appāret enim, si quis

rursus unus ceteris omnibus diuitior sit, propter eandem rationem scilicet fore, ut unus in omneis imperium habeat: similiterque si quis generis nobilitate excellat, iis imperet, qui propter libertatem de imperio ambigunt. hoc idem autem fortasse eueniet etiam in ea reipub. administrande forma, in qua optimi viri rerum potiuntur, quæ aristocratia dicitur, si quis virtute ciuibus aliis antecellat. Nam si quis vnus aliorum omnium, qui in administratione reip. boni sunt, sit optimus, penes hunc esse arbitrium & potestatem oportet eodem iure. Ergo si etiam penes multitudinem summam potestatem esse oportet, propterea quod multi plus possint, quàm pauci: consequens est, ut, si vnus, aut plures quidem vno, sed pauciores multis, plus possint, quàm alij, penes hos potius, quàm penes multitudinē, summam potestatem esse oporteat. Hæc igitur omnia videntur planum facere, horū finium & quasi terminorum nullum esse rectum, ex quo ij se quidem reip. præesse, & imperare: alios autem omneis suo imperio subiectos esse postulant. nam ad eos, qui virtutis nomine postulēt se in republ. administranda dominatum atque auctoritatem obtinere, similiter & ad eos, qui ob diuitias, possit plebs & multitudo rationem quandam iustam opponere. nihil enim obstat, quo minus interdum multitudo paucis & melior sit, & locupletior, non ut singuli, sed ut conferti & vniuersi. Quocirca etiam ad dubitationem & questionem, quam proponunt quidam, licet hoc modo respondendo occurrere. Dubitant enim nonnulli, vtrum scriptor legis, qui leges optimas ferre velit, in legibus scribendis vtilitatem meliorum, an plurimum intueri debeat, cū id, quod dictum est, euenit. rectum autem fortasse sumendum est. Fortasse verò id rectum est, quod ad totius ciuitatis vtilitatem, & ad rem omniū ciuium

communem & publicam pertinet. Cuius porrò est communi-
ter quidem is, qui imperandi & parendi est particeps: in una
quaque autem rep. dissimilis ac diuersus est: in optima verò is,
qui potestatem habet, & consilium cepit parendi & impe-
randi, proposita sibi vita ex virtute degenda.

- 9 Si quis autem vnus, aut plures quidem vno, non tamen
ita multi, vt iustam ciuitatis magnitudinem explere possint,
tantopere aliis antecellant præstantia atque exsuperantia
virtutis, vt aliorum omnium neque virtus, neque potentia
ciuilis, si sint plures, cum illorum virtute & potentia sit
comparanda: sin vnus, cum illius tantum: non iam hi sunt
in partibus ciuitatis numerandi. iniuria enim afficientur, si
equalia mereri iudicabuntur, & non ampliora, qui tantopere
sint virtute & potentia ciuili inæquales, ac superiores. Pro-
babile enim est, eum, qui talis sit, deum quendam esse inter ho-
mines. Ex quo intelligere licet & totam rationem legum fe-
rendarum ad æqualeis & genere, & potentia referri ac perti-
nere: in taleis autem viros legem non esse. ipsi enim sunt lex.
etenim ridiculus sit, qui conetur in eos leges ferre. dicerent
enim fortasse quod Antisthenes ait leones dixisse orationem
in contione habentibus leporibus, & vt omnes equalia ob-
tinerent, postulantis. Quapropter & decernunt ostracis-
mum, id est exsulum decennale per testam, sine ignominia,
ea ciuitates, in quibus populus rerum potitur, propter huius-
modi causam. Hæ enim maximè omnium æqualitatem per-
sequi videntur. Itaque qui videbantur potentia excellere
propter diuitias, aut amicorum multitudinem, aut alias ali-
quas vireis ciuileis, eos exsilio decennali per testæ iactum è
patria pellebant, & ad definitum tempus è ciuitate summo-
uebant. Fabulantur autem etiam Argonautas Herculem
propter

propter talem causam reliquisse. noluisse enim Argo nauim
 eum cum aliis vehere, ut longo intervallo ceteros vectores
 superantem. Quocirca & ij, qui tyrannidem, consiliūque
 quod dedit Perianther Thrasibulo, vituperāt, non sunt ex-
 stimandi simpliciter id recte reprehendere. ¹ Aiunt enim Pe-
 rianther nihil illum quidem ei nuntio, qui missus fuerat, ^{comemoratur}
 de eo, quod consuleretur, respondisse: sed spicas eminentis ^{idem inf.}
 demendo, segetem adequasse. ex quo cum eius quidem, quod ^{lib.v. c.x.}
 ab illo fieret, causam nuntius ignoraret, id autem, quod acci-
 disset, renuntiasset, intellexisse Thrasibulum, viros egre-
 gios & praestanteis de medio esse tollendos. Hoc enim non so-
 lum tyrannis expedit, neque hoc tyranni tantum faciunt,
 sed similis etiam in oligarchiis & democratiis ratio locum
 habet. Nam ciuium per testam ē ciuitate pellendorum ra-
 tio, (ostracismum appellant Græci) idem valet quodam mo-
 do, atque incidere ac decurtare pennas viris praestantibus, ² eosque ^{leg.xo.}
 solum vertere iubere. Idem autem faciunt etiam in ^{λεγειν τὰς}
 ciuitatibus, & gentibus ij, penes quos summa est potestas. ^{& c. men-}
 exempli gratia; Athenienses in Samiis, & Chis, & Les- ^{dos ē vul-}
 biis. Nam ubi primum imperij compotes fuerunt, praeter ^{gō legi-}
 conuentiones, eos humileis reddiderunt, ac depresserunt. Iam ^{tur κα-}
 rex Persarum Medis, & Babylonis, & nonnullis aliis, ^{λεγειν.}
 iis, qui maiores spiritus gerebant, eo quod aliquando impē-
 rium obtinuissent, saepenumero vireis imminuit, atque am-
 putauit. Quæstio autem à nobis posita vniuersè ad omneis
 reip. administrandæ formas, etiam rectas, pertinet. Nam eæ
 sanè, quæ à rectis deflexerunt, ac deerrarunt, utilitatem pri-
 uatam spectantes hoc agunt. verumtamen in iis, quæ utili-
 tatem reip. intuentur, eodem modo se res habet. Licet autem
 hoc intelligere etiam in aliis artibus ac sciētiis. nam neque pi-

ARISTOTELIS

Etor animalis pedem esse maiorem sinat, quàm partium in-
 ter se commensus & conuenientia postulat, ne si pulchritu-
 dine quidem excellat: neque nauium opifex puppim, aliám-
 ue nauis partem reliquis iusto maiorem esse patiatur: neque
 chori magister eum, qui vocis sonum maiorem & meliorem,
 quàm chorus uniuersus, edat, in chorum recipiat, & cum eo
 saltare & cantare sinat. Itaque nihil obstat quominus prin-
 cipes soli imperantes, quos monarchos appellant Græci, hac
 quidem de causâ, cum ciuitatibus concordent & concinant,
 si, cum proprium eorum imperium ciuitatibus utile sit, hoc
 faciunt. Quocirca in excellentiis incontrouersis, & de quibus
 inter omnes cónuenit, ciuile quoddam ius habet ostracismi
 ratio. Præstat igitur latorem quidem legis statim ab initio,
 reip. administrandæ formam ita concinnare, ut non egeat
 tali remedio: sin fortè euenerit, secunda nauigatio est, tali
 quadam medicina adhibita sanare conari. quod in ciuitati-
 bus non fiebat. non enim suæ reipubl. administrandæ formæ
 utilitatem spectabant, sed seditiosè ostracismis utebantur.
 In reipubl. igitur administrandæ formis, quæ à rectis deflexe-
 runt, hoc priuatim expedire, & iustum esse, perspicuum est.
 Fortasse verò etiam non simpliciter esse iustum, ne hoc qui-
 dem obscurum est. Sed in optima reip. administrandæ forma
 multam habet dubitationem ad explicandum difficilem, non
 si sit in aliquo aliorum bonorum excellentia, verbi gratia,
 virium, & diuitiarum, & amicorum multitudinis, sed si quis
 exstiterit, qui virtute alijs præstet, quid sit opus factò. non
 enim dixerint talem virum esse exigendum, atque è patria
 exterminandum: neque verò tali viro imperandum. Simile
 enim fuerit atque si imperia partientes se Ioui imperare po-
 stularent. Reliquum igitur est (quod videtur ita compara-

tum esse natura) ut omnes huic ultro pareant, ac libenter, & quidem ita ut tales viri in ciuitatibus sint perpetui reges.

Fortasse autem his expositis aliò transire, & de regno 10
considerare verum est. Hanc enim reip. administrandæ for-
mam in rectis numerandam esse dicimus. Videndum autem
est utrùm expediat & ciuitati, & regioni, in qua futurum
est ut omnes benè & beatè uiuant, regis imperio parère, an
alia aliqua potius reip. administrandæ forma uti: an aliqui-
bus regali imperio parère conducatur, aliquibus non conducatur.
Sed primùm diuisio ac distinctio regnorum facienda est, vi-
dendūque utrùm eorum genus vnum sit, an plura genera
diuersa. Facile igitur hoc quidem est intelligere, complura esse
regnorum genera, neque omniū imperij modum esse vnum.

Reip. enim administrandæ forma, qua utuntur Lacedæmonij,
videtur illa quidem esse regnum maximè regnorum eorum,
quæ legitima sunt. verùm penes regem non est summa rerum
omniū potestas. sed ubi extra sineis Lacedæmonios prodierit,
dux & princeps est eorū, quæ ad bellum pertinent. propterea
res diuinæ regibus mandatæ sunt. Hoc igitur regnum, instar
est imperij militaris, eius, quod obtinent belli duces summa
potestate præditi, eiusque perpetui. Necis enim potestatem
non habet, nisi in quodam regno, quemadmodum apud anti-
quos in bellicis expeditionibus, lege ea, quæ est in manibus
& armis posita. quod declarat Homerus. Agamemnon enim
maledicta & contumelias verborum patienter audiebat in
contionibus: extra contionem autem etiam necandi potesta-
tem liberam atque integram habebat. sic enim ait,

Quem longè à pugna ad naueis discedere cernā;

Non tamen hic volucrèis idèò effugisse, canēsque;

Se putet.

& alibi.

ἢ Græc.
ἐν χερσὶς
νόμῳ. αἱ.
ἐν χερσὶν
νόμῳ. τῶ-
πι, τοῖς
ὀπλοῖς,
καὶ τῷ
βίῳ. Αἱ-
χίν. καὶ
πικρὰ χε-
ρὶ παροί-
τῃς ἐν
χερσὶν νό-
μῳ τὰς
πολιτείας
καταλύ-
οντας. id
est, eos,
qui armis
respubli-
cas euer-
tunt.

Mortis me penes arbitriū est, & summa potestas. hoc igitur unum regni genus est, imperium belli per totam vitam. Atque horum alia sunt hereditaria, & quasi gentilia: alia optima, & populorum arbitrio, ac suffragio mandari solita. Aliud est præter hoc monarchia genus, cuiusmodi regna sunt apud nonnullos barbaros. habent autem hæc omnia vim & potestatem tyrannico imperio persimilem, ac finitimam. verumtamen legi sunt consentanea & paterna. Nam propterea quod & barbari moribus sunt seruilioribus, quam Græci, & Asiani, quam Europæi, herile imperium perferunt, neque hoc ulla ex parte ægre ferunt. Sunt igitur hæc regna, tyrannica propter talem causam: & tamen stabilia ac tuta tum quia sunt patria atque auita, tum quia legitima. Et verò custodia, regia est, non tyrannica propter eandem causam. Reges enim septi & stipati sunt armis civium, tyranni externorum. Illi enim ex lege, & hominibus sponte parentibus: hi præter legem & inuitis imperant. Itaque illi quidem à civibus acceptam, hi autem in civis comparatam habent corporis custodiam. Duo igitur sunt hæc monarchiarum genera. Aliud porro est, quod apud priscos Græcos, vigeat, quos asymnetas appellant. Est autem hoc monarchia genus planè tyrannis optima, seu suffragio, & consensu populi delata: quæ à barbarica tyrannide differt, non eo quod non sit legi consentanea, sed eo tantum quod non sit auita, neque patria. Hoc autem imperium obtinebant alij per omnem vitam, alij usque ad præfinita tempora, & ad certas res gerendas: verbi gratia, optarunt ac legerunt quondam Mitylenæi Pittacum aduersus exsules, quorum duces erant. Antimenides & Alcæus poëta. Dedarat autem Alcæus in quodam obliquo carmine (scholion Græci no-

minant) Pittacum à Mitylenæis tyrannum esse sumtum. eis enim vitio vertit, quod Pittacum in humili & misera patria natum, lentæ, & infelicis ciuitatis tyrannum crearent, congregati eum laudibus in celum ferentes. Hæ igitur monarchiæ & sunt, & erant, propterea quia sunt tyrannicæ, heriles, & dominorum propriæ: sed quia sunt optiuæ, populi-que suffragio deferuntur, & quia in voluntarios usurpantur, regales. Quartum autem genus monarchiæ regalis complectitur illas, quæ temporibus heroicis floruerunt, quibus populi sponte sua parebant, quæq; erant auitæ & patriæ, & legitimæ. Quia enim primi de multitudine benè meriti fuissent vel tradendis artibus, vel bellis gerendis, aut quia dispersos congregassent, aut quia solum, agrumque prabuissent, reges à voluntariis creabantur, regnumque, quod obtinuerant, suis liberis ac posteris tradebant. Erat autem penes eos & imperij bellici, & sacrificiorum, quæ modò ad sacerdotum partem non pertinebant, arbitrium ac potestas. Tum præterea controuersias disceptabant. hoc autem faciebant alij iurati, alij iniurati. Iusurandum porro erat sceptri sublatio. Reges igitur, qui priscis temporibus fuerunt, & res urbanas, & eas, quæ agri finibus continebantur, & eas, quæ extra fincis imperij patebant, perpetuò moderabantur, atque administrabant. Posterius autem partim earum sponte sua dimittentibus regibus, partim plebe detrahente, in aliis quidem ciuitatibus sacrificia duntaxat regibus relicta sunt: in eis verò, in quibus merito regnum appellari poterat, extra regni fincis rei militaris duntaxat principatum obtinebant.

Regni igitur hæc sunt genera, quattuor numero: unum, 11 quod vixit heroicis temporibus. hoc autem in eos quidem valebat, qui sponte sua imperio parebant: sed ad res certas,

ac praefinitas. Rex enim erat imperator, & iudex, & rerum diuinarum dominus atque arbiter. Secundum barbaricum. hoc autem, gentile imperium est, herile, legitimum. Tertium. quod a symnetiam nominant. hoc autem est tyrannis in optione & suffragatione populi posita. Quartum est Laconicum. hoc autem est, ut simpliciter & paucis verbis dicam, imperium militare perpetuum. Hæc igitur hoc modo inter se differunt. Quintum autem regni genus est, cum penes unum omnium rerum est potestas, quemadmodum unaquæq; gens, & unaquæq; ciuitas, reip. compos & domina est, quod regnum rei familiaris administranda rationem descriptione & ordine imitetur. Quemadmodum enim rei familiaris tuendæ procuratio, regnum quoddam domus est: sic regnum ciuitatis, & gentis unius, aut plurium tuendarum, atque administrandarum ratio est. Duo autem fere sunt regni genera, ut dicam quod sentio, de quibus considerandum sit: hoc, & Laconicum. Alia enim si non omnia, at certe multa, inter hæc sunt interiecta. Nam vel pauciorum rerum penes reges est potestas, quam in regno integro, & suis omnibus numeris absoluto: aut plurium, quam in Laconico. Quare in duobus propemodum omnis questio posita est: quorum unum est, utrum expediat ciuitatibus imperatorem, seu belli ducem esse perpetuum: & hunc utrum ex stirpe & genere, an ex omnibus pro sua cuiusque dignitate ac virtute: an non expediat. Alterum utrum utile sit penes unum rerum omnium esse potestatem, necne. De tali igitur belli imperio considerare, ad legum rationem potius, quam ad aliquam reip. administrandæ formam pertinet. In omnibus enim reip. administrandæ formis hoc fieri potest. Quare in præsens hoc omittamus. Alter autem reliquus regni modus, reip. admi-

nistranda genus est. Itaque de hoc considerandum est, & dubitationes ad explicandum difficiles, quæ in eo insunt, percurrenda ac pertractanda sunt. Caput autem & principium questionis est hoc, utrum utilius sit ab uno optimo viro ciuitatem, seu gentem gubernari, an ab optimis legibus. Qui arbitratur ciuitatibus expedire à rege gubernari, si existimant legem vniuersè tantum de rebus loqui, & non accommodatè ad ea, quæ eueniunt, iubere. Itaque in quauis arte ex iis, quæ scripta sunt, imperare stultum esse. & in Ægypto post diem quartum mouere licet medicis. quòd si ante id tempus medicinam facere conentur, suo periculo faciunt. Perspicuum igitur est, non esse illam optimam reip. administrandæ formam, quæ litteras & leges sequitur, propter eandem causam. Verumtamen etiam vniuersa illa ratio iis, qui ciuitates moderantur, suppetere debet. Melius autem est id, in quo nulli insunt animorum motus atque affectus, quàm id, cum quo vnà nati sunt. At lex quidem omni affectu vacat: animus autem humanus omnis necessariò perturbationibus cõcitatur. Sed fortasse dixerit aliquis, virum bonũ pro eo, quod affectibus non careat, de rebus singularibus melius consultaturum, quàm leges. Necesse igitur esse, eum latorem legum esse, & leges esse scriptas, in promptu est, non tamen ratas, quæ ex parte à recto aberrant ac deflectunt. (nam quod ad alia attinet, in eis oportet esse ratas ac stabileis) In iis igitur rebus non debent esse ratæ, quas lex non potest diiudicare, ac decidere aut omnino, aut bene. Sed utrum vnum virum optimum, an omneis, aut multos, imperare oportet? Nam etiam nunc in vnum coacti & congregati disceptant, & cõsultant, & iudicant. Omnia autem hæc iudicia, sunt de rebus singularibus. Vnusquisque igitur per se, quisquis fuerit, si cum mul-

tis comparatur, fortasse deterior est. At ciuitas ex multis con-
 stat, eoque plurius est: quemadmodum cōuiuij apparatus mul-
 tiplēx, & in quem multis symbolam contulerunt, elegantior,
 ac splendidior est, quā unus, & simplex. Idcirco multa me-
 lius indicat hominum cētus, quā unus, quisquis sit. Præ-
 terea tutior ac munitior est à periculo corruptionis, multitu-
 do: & quemadmodum uberius aqua minus facile corrumpi
 potest: sic & multitudo paucitate incorruptior est. Jam ve-
 rò uno ab ira, aut ab aliqua alia tali animi perturbatione
 superato atque occupato, iudicium corruptum sit necesse est.
 Illic autem magni negotij est, omnes iratos esse, & peccare.
 Fingamus autem esse multitudinem ciuium liberorum, qui
 nihil agant præter legem, nisi quibus de rebus ei aliquid de-
 esse necesse est. quòd si hoc non est facile reperire in multis: at-
 tamen si plures sint boni & viri, & ciues, utrū unus,
 idēque princeps, & reip. moderator, incorruptior atque in-
 tegrior est, an potius plures quidem numero, boni autem om-
 nes? An perspicue plures? At hi quidem dissident, & discor-
 dant inter se: unus autem dissidere non potest. Verū huic
 rei fortasse opponendum est, viros bonos, & eos, quorum
 animus integer ac sanus est, esse instar vnius illius. Si igitur
 plurium quidem imperium, eorūque omnium bonorum
 virorum optimatum potestatem seu aristocratiam esse sta-
 tuere oportet: vnius autem viri boni, regnū: optabilius quid-
 dam sit ciuitatibus aristocratia, seu optimatum potestas,
 quā regnum, siue cum potestate, siue sine potestate sit impe-
 rium, si plureis item viros bonos sumere liceat: atque idcir-
 co fortasse sub regibus antea viuebant, quia rarò reperire li-
 cebat viros longē ceteris virtute præstanteis, præsertim cū
 etiam tunc in paruis urbibus habitarent. Præterea verò ob
 bene-

2 vide-
 tur legēd.
 πλείους,
 "αὐτῶν, id
 est plureis
 viros,
 quam
 quā vox
 πλείους
 nō repe-
 ritur in
 codicib.
 Græcis,
 neq; im-
 pressis,
 neq; ma-
 nuscript.

beneficientiam reges creabant : quod virorum bonorum opus ac munus est. Posteaquàm verò multi virtute similes exsistere cœperunt, ferre iam regum dominatum non potuerunt, sed commune quiddam quæsiverunt, & reip. administrandæ formam instituerunt. Vbi autem deteriores effecti quæstum è rep. facere cœperunt, hinc probabile est esse nata paucorum imperia. fecit enim ea res, vt diuitiæ essent in pretio & honore. Ex his autem in tyrannidas primùm migraverunt: ex tyrannidibus verò in democratiam, seu populi potestatem. Nam cùm propter turpis lucris studium remp. semper ad pauciores redigerent, multitudinem robustiorem, ac validiorem reddiderunt, ita vt ea in tyrannum inuascerit, impetumque fecerit, populique potestates seu democratia nata sint. Posteaquàm autem accidit, vt ciuitates amplificate, atque aucta sint: fortasse ne facile quidem est aliam exsistere reipubl. administrandæ formam, quàm populi potentiam. Si quis autem ciuitatibus optimum esse statuatur, à regibus gubernari, quid fiet eorum filiis? an etiam genus ac sobolem regnare oportet? Atqui si nascentur filij, quales nonnullis contigerunt, perniciosum est eos regnare. At non relinquet rex taleis filios regni successores, cùm sit in eius potestate positum hoc facere. At hoc non iam facile est ei credere. Difficile enim id est, & maioris virtutis, quàm capere possit humana natura. Inest autem etiam in hoc dubitatio ad explicandum difficilis, quòd ad potentiam regiam attinet, utrùm eum, qui regnaturus est, aliqua vi succinctum ac septum esse oporteat, qua poterit imperium respuentibus, & obtemperare recusantibus vim afferre : aut quomodo ei imperium administrare liceat. Nam etiam si penes eum summa sit potestas ex lege, nihilque sua voluntate, aut libidine præter legem

id est,
non relin-
quere re-
gni suc-
cessores.

agat, potētia tamen, qua leges custodiat, & sacrosanctas conseruet, ei suppetat necesse est. Fortasse igitur, quòd ad talem regem attinet, non est difficile hanc questionem definire. Oportet enim ei vim quidem præstò esse, sed talem vim, ut validior sit quàm singuli, & unus, & complures: imbecillior quàm vniuersa multitudo: qualeis antiqui custodias tribuebant, ubi quem ciuitatis æsymnetam, quemadmodum appellabant, aut tyrannum creassent. Et quidam Syracusanis, ut Dionysio custodes petenti, taleis custodes darent, suadebat.

- 12 Cum autem de eo rege, qui omnia suo nutu atque arbitratu gerit, sermo nunc sit institutus, tum hac de re videndum est. Nam qui rex ex lege appellatur, is nō efficit, ut diximus, regni speciem. In omnibus enim ciuitatibus contingere potest, ut sit imperium belli perpetuum, veluti in democratia, seu populi potestate, & aristocratia, id est optimatum potentia: & multi uni totius reip. administrandæ ac moderandæ potestatem deferunt. Tale enim quoddam imperium est etiam Dyrrachij: & verò Opunte aliqua ex parte angustius. Verùm de eo regno, quod suis omnibus partibus absolutum, & integrum appellatur, (hoc autem est, ex quo rex omnia suo arbitratu moderatur) dicendum est. Videtur autem non esse nature consentaneum, ut unus omnium ciuium sit dominus, ubi ex similibus constat ciuitas. iis enim, qui sunt similes natura, idem ius, eadēque dignitatem esse necesse est natura. Quare si, quemadmodum victum & cultum æqualem hominibus inæqualibus tribui, lædit corpora, ita & de honoribus existimandum est: similiter igitur & æqualibus inæqualeis tribui, perniciosum est. Quocirca nihilo magis eos imperare, quàm imperio parere iustum est. Vicissim igitur imperare, similiter & parere iustum est. Hoc autem

iam lex est. Ordinis enim descriptio lex est. Legem igitur imperare optabilius est, quàm unum aliquem ciuem. Hac porro eadem ratione etiamsi aliquos imperare præstet, hi tamen faciendi sunt legum custodes ac ministri. magistratus enim esse aliquos necesse est: sed hunc unum esse, iustum esse negant, cum præsertim sint omnes similes. Iam verò quacunque non videtur posse lex definire, ea ne homo quidem cognoscere queat: sed posteaquam lex accuratè & studiosè homines erudit, reliqua tradit ac mandat magistratibus sententia ac mente iustissima iudicanda, atque administranda. Præterea verò & quicquid hominibus periculum facientibus, melius, quàm leges scriptæ, visum fuerit, corrigere permittit. Qui igitur mentem præesse atque imperare iubet, is deum & leges imperare videtur iubere: qui verò hominem iubet, addit & ferâ. Nam cum sit huiusmodi cupiditas, tum iracundia magistratus deprauat, & optimum quemque virum. Quocirca lex, mens est appetitione vacans. Exemplum porro ab artibus sumtum, falsum videtur esse, agros curare ex præceptis, & libris, qui de arte medendi scripti sunt, nihil iuuare, atque adeò nocere. Quin contrà optabilius est artifices, & doctos adhibere, eorumque consilio & opera uti. hi enim nihil, quod à ratione abhorreat, propter amicitiam faciunt, sed agris sanis factis mercedem accipiunt. At qui ad magistratus ciuileis prouecti sunt, multa per contumeliam, & gratiam agere solent. Nam & cum medicos suspiciantur ab inimicis inductos non salutem, sed interitum asserre propter quæstum, tum ex præceptis artis, & libris curari maluerint, quàm ex medici libidine. Atqui medici cum agrotant ipsi, alios medicos arcessunt, atque adhibent: & puerorum exercendorum magistri cum ipsi exercentur, alios exer-

cendi magistros adhibent, quasi verum iudicare atque examinare non possint, tum quia de sua re iudicant, tum quia perturbati iudicant. Itaque perspicuum est, eos, qui ius quaerunt, medium querere. lex enim medium est. Præterea maiorem auctoritatem habent, & sunt de rebus maioris ponderis leges in moribus positæ, quàm leges scriptæ. Quare homo, qui reipub. præest, minus ille quidem labitur ac fallitur, quàm leges scriptæ: sed non quàm leges moribus comparatæ, & confirmatæ. Jam verò ne facile quidem est vnum multa cernere. Plures igitur magistratus ab eo constitui oportebit. Quare quid interest utrum hoc statim ab initio suppetat, an vnus hoc modo plureis alios rebus agendis præficiat? Præterea si vir bonus, quod & antea dictum est, quia aliis melior est, dignus est qui imperet: vno viro bono, duo viri boni sunt meliores. Hoc enim est, quod ait Diomedes apud Homerum, Namque duo cùm vnà carpunt iter: & quod optat Agamemnon apud eundem. O si consiliûm socij bis quinque mihi essent Tales. Sunt autem etiam nunc magistratus, penes quos est arbitrium & potestas iudicandi, quemadmodum penes iudicem, iis rebus, quas lex non potest complecti, neque definire: quia lex optimè imperare ac iudicare nequeat. Nam quas res lex definire potest, de his nemo ambigit, quin eius plurimum valere debeat auctoritas. Sed quoniam alia quidē legibus comprehendendi possunt, alia non possunt: hæc sunt, quæ dubitationem & quæstionem afferunt, utrum præstabilius sit legem optimam, an virum optimum imperare. Nam quibus de rebus consultant homines, de iis rebus lex ferri non potest. Nemo igitur causam dicit, quin necesse sit hominem esse, qui de talibus rebus iudicet: verum vnum solum esse nolunt, sed

multos. Bene enim quisque magistratus iudicat, à lege eruditus. Sed absurdum fortasse videatur, quemquam duobus oculis acutius videre, & duabus auribus acrius audire iudicantem, & melius agere duobus pedibus, duabúsque manibus nitentem, quàm multos multis. Nam etiam nunc principes, qui soli imperant, quos monarchos appellant Græci, dant operam ut multos habeant oculos, & multas aurēs, & multas manus, & multos pedes. Nam qui eorum imperio, & iis sunt amici, hos imperij collegas faciunt. Si igitur amici non sint, non erunt eorum facta monarchi consilio consentanea: si amici, erunt & eius imperij amici. Amicus autem par & similis est. Quare si hos imperare putat oportere, pares & simileis similiter imperare putat oportere. Quæ igitur quidam ab alio dissentientes contra regnum disputant, hæc fere sunt. Sed fortassis hæc in nonnullis vera sunt; in aliis non item. Est enim aliquod genus hominum ad imperium herile ferendum aptum natura, aliud ad regiū, aliud ad civilem societatem; & unicuique horum aliud est ius, aliudque utile. Tyrannicum autem non est nature consentaneum, neque vlla aliarum reipub, administranda formarum, quæ à recto deflexerunt. Hæc enim fiunt præter naturam. Verum ex iis, quæ dicta sunt, perspicuum est, inter similes & æqualeis neque utile esse, neque iustum, penes unum esse omnium aliorum potestatem, neque si non sint leges, sed ipse sit tanquam lex, neque si sint leges: neque penes unum virum bonum, bonorum, neque penes unum nō bonum, non bonorum, neque si virtute ceteris præstet, nisi cetero quodammodo. Quis autem sit hic modus, exponendus est: quamquam dictum est quodammodo iam à nobis etiam antea. Sed definiendum est primum, quid sit, aptum esse ad imperium re-

legēd.
 δὲ ἀπολέω-
 τόν, vel,
 δὲ ἀποσόν,
 vulgò δὲ
 ἀποτόν;
 μέδωσέ.

1 dele hic
has voces
ὁ πέρυξ
φίρειν
πλήθος,
quæ sunt
in Græco
cōtextu.

gium, quid ad aristocraticum, quid ad civile. Apta igitur est ad imperium regium subeundum multitudo huiusmodi, quæ sic est comparata natura, ut genus ferre possit virtute præstans ad civilem principatum. multitudo autem est aristocratica, id est ad optimatum potestatem ferendam apta, ea, quæ gubernari potest imperio liberali ab is, qui virtute principatū obtinent, ad civile imperium sua cōsilia referentes. civilis autem multitudo ea est, in qua solet esse natura etiā una multitudo militaris & bellica, quæ potest parēre atque imperare ex lege, pro dignitate & meritis, imperia & magistratus diuitibus deferente. Cū igitur acciderit, ut aut genus totum, aut etiam aliorum aliquis unus exoriatur ita ceteris virtute præstans, ut illius virtus aliorum omnium virtuti antecellat, tunc iustum est hoc genus esse regium, & in omneis potestatem obtinere, & hunc unum regem esse. quemadmodum enim antea dictum est, non modo sic seres habet ex ratione iuris eius, quod proponere solent ij, qui respublicas instituunt, tum qui aristocraticas, tum qui oligarchicas, & rursum qui democraticas: (omnes enim pro ratione præstantiæ honores & magistratus censent esse deferendos: non tamen præstantiā eandem omnes existimant. sed alij aliam) sed ex eo iure, quod antè dictum est. nam neque talem virum interficere, neque in exsiliū pellere, neque ad decennium ē civitate exire iubere, neque ut vicissim imperio pareat postulare decet scilicet. non enim natura comparatum est, ut pars totum superet. at ei, cuius tanta præstantiā est, hoc contigit. Quare reliquum est tantum, ut tali civi ceteri pareant, & penes hunc sit arbitrium rerum omnium ac potestas, non pro virili parte, aut vicissim, sed simpliciter. De regno igitur, quot sint eius differentia, & utrum conducat civitati-

bus, necne, & quibus conducat, & quo modo, ita sit à nobis definitum atque explicatum. Quoniam autem treis dicimus esse rectas reipub. administrande formas, harum autem eam necesse est esse optimam, quæ ab optimis viris administratur: talis autem est ea, in qua contingit, ut vel unus aliquis vniuersis, vel genus totum, vel multitudo virtute præstet, ex qua multitudine alij parendi, alij imperandi facultatem habent eo consilio ut optimè viuant: libris autè superioribus demonstratum est à nobis eandem necessario esse viri boni virtutem, & boni ciuis in ciuitate optima: perspicuum est, eodem modo, iisdemque artibus, & fieri virum bonum, & ciuitatem constitui posse, siue quæ paucorum optimatum ac virtute præstantium potestate administretur, siue quæ vnius regis imperio pareat. Quare & eadem fere institutio, & iidem mores erunt, quæ virum bonum efficient, & quæ politicum, & adregnandum aptum. His autem definitis atque explicatis, de optima iam ciuitatis administrande forma dicere conandum est, & quonam pacto omni soleat natura, & certo modo institui. necesse enim est de ea conuenienter, & ita ut res postulat, commentari, ac disputare.

LIB. 4.

IN omnibus artibus, & scientiis, quæ nõ in particula versantur, sed in uno aliquo genere sunt perfecta atque absoluta, vnius & eiusdem hominis est, quid cuique generi conueniat, videre: verbi gratia, & qualis exercitatio quali corpori conducat, & quæ sit optima: (ei enim, qui optimè sit natura informatus, & maximis adiumentis instructus, necesse est optimam conuenire) & quæ plerisque omnibus sit vna. etenim hoc artis corporum exercendorum munus est. Præ-

terea etiam si quis, neque habitum iustum, atque in summo perfectionis gradu positum, concupiscat, neque perfectam scientiam eorum, quæ ad certandi laborem pertinent, expectat: nihilominus tamen eius, qui pueris exercendis præest, eiisque, qui corporum exercendorum artem proficitur, munus est, etiam hanc facultatem posse tradere. Atque hoc similiter et in scientia medendi, et in arte navium ædificandarum, et in ea, quæ ad rem vestiariam pertinet, in omni alia arte denique videmus euenire. Quare perspicuum etiam est, eiusdem esse scientiæ, et quæ sit optima reip. administrandæ formæ: et quæ, qualisve maximè sit optabilis, atque ex animi sententia, nulla re externa impediante: et quæ quibus apta, atque accommodata, peruidere. Multis enim optimam consequi fortasse nefas est. Quocirca nec eam, quæ simpliciter est præstantissima, nec eam, quæ pro rebus subiectis est optima, ignorare debet lator legum, quique verè moderandæ ciuitatis peritus, et, ut Græci appellant, politicus est: postremo ne eam quidem oportet ei esse ignotam, quæ sit ex conditione, atque (ut ita dicam) suppositione: hoc est quæ cuilibet fini proposito sit consentanea. Oportet enim etiam eam, quæ forte oblata sit, videre posse, et quomodo ab initio constituitur, et quomodo constituta diutissime conseruetur. dico autem verbi gratia, sicui ciuitati contigit, ut neque optima administranda reipub. forma utatur, neque sit instructa rebus necessariis, neque talem administrationem reipubl. adhibeat, qualem rerum, quæ præsto sunt, natura fert, sed aliam quam deteriore. Præter hæc omnia autem eam, quæ omnibus ciuitatibus maxime apta est, cognoscere oportet. Nam plurimi ex iis, qui de ciuitatis administratione aliquid prodiderunt, ac protulerunt, etiam si cetera præclare dicant, at-

tamen

1 Græc.
 χαίρει τὰ
 λα λείγ
 σι χαλῶς
 mendosè
 impressū
 est in qui-
 busd. lib.
 χαίρει.

tamen ab utilitate aberrant. Non enim videnda est optima tantum, sed etiam ea, quæ potest esse: similiter verò & quæ faciliore est, atque omnibus communior. Nunc autem alij quidam reipub. administranda formam in summo dignitatis ac præstantiæ gradu positam, & multo apparatu, & molimento, multaque impensa egentem quarunt solum: alij communem aliquam commemorantes potius, ceteras, quæ usu receptæ sunt, reip. administrandæ formas improbantes, ac tollentes, Laconicam, aut aliam aliquam probant ac laudant. Atqui ea reipubl. administrandæ descriptio atque ordinatio commendanda & suadenda hominibus est, quam facile possint præsentibus institutis spretis ac reiectis & approbare, & ad usum communem transferre, civilisque vitæ cultu usurpare. Nam non minoris operis ac negotij est reip. administrandæ formam corrigere, quàm ab initio novam aliquam instituere: quemadmodum & dediscere difficilius est, quàm à principio discere. Quocirca præter ea, quæ dicta sunt, etiam, iis reip. administrandæ formis, quæ sunt usu receptæ, debet mederi & opitulari posse homo politicus, quemadmodum & antè dictum est. Hoc autem is præstare non potest, qui ignorat quot sint administrandæ reip. genera. At nunc unam democratiā quidam esse putant, unamque oligarchiam. sed non est ita. Quare ignorare non oportet quot sint reip. administrandæ formarum differentia, & quot modis copulentur & componantur. Cum hac autem eadem prudentia etiam leges optimæ, & unicuique reip. administrandæ formæ convenientes cognoscendæ & videndæ sunt. nam pro reip. administrandæ rationibus leges & ferendæ sunt, & ab omnibus feruntur: non pro legibus reipub. administrandæ rationes instituuntur, neque instituendæ sunt. Reip. enim administran-

da ratio, descriptio ordinis est in ciuitatibus, ad magistratus & imperia pertinens, quo modo distributi sint, & quid sit id, quod in ciuitatis administratione summam potestatem atque auctoritatem obtineat: quis denique cuiusque societatis sit finis. Leges autem, ex quibus & magistratus reip. præesse, & eos, qui contra leges committunt, coërcere debent, separata sunt ab iis, quæ reip. administrandæ formam declarant. Quare perspicuum est necesse esse etiam ad leges scribendas, cuiusque reip. administrandæ formæ & differentias, & numerum tenere. non enim fieri potest, ut eadem leges neque oligarchiis, neque democratiis omnibus sint utiles, si plura sunt earum genera, & si non est una duntaxat democratia, neque oligarchia.

- 2 Quoniam autem in disputatione atque institutione superiore de reip. administrandæ formis tali partitione ac distinctione vsi differuimus, ut treis reip. administrandæ formas rectas poneremus, regnū, aristocratiam, & eam, quam communi nomine politiam Græci nominant, id est ciuilem reipub. seu ciuitatis administrandæ rationem: & treis ab his declinationes, seu degressiones, à regno quidem tyrannidem, ab aristocratia oligarchiam, à politia populi potestatem, quam democratiam Græci vocant: & de aristocratiâ quidem & regno dictum est: (nam de optima reipub. administrandæ forma commentari, idem est atque de his nominibus considerare: debet enim utraque conuenienter & congruenter virtuti rebus necessariis instructæ, esse constituta:) præterea verò quid inter se differant regnum & aristocratia, & quando regnum sit existimandum, antea distinctè explicatum est: reliquum est, ut de politia differamus, ea, quæ communi nomine sic appellatur, & de aliis reip. admi-

nistrandæ formis, oligarchia & democratia, & tyrannide. Perspicuum igitur est etiam harum degressionum, seu declinationum à rectis administrationibus, quæ nam sit pessima, & quæ nam secunda. Neesse est enim declinationem à prima, & diuinissima, esse deterrimam. Regnum autem necessario aut regni nomen habet tantum, cum reuera non sit regnum, aut propter magnam eius, qui regnat, excellentiam, constat. Quocirca & tyrannis, quæ deterrima est, à reipubl. administrandæ forma longissime distat: secundo loco longè abest oligarchia. Nam aristocratia longè distat ab hac reip. administrandæ forma post oligarchiam. Moderatissima autem & tolerabilissima democratia est. Quin & quidam ex iis, qui ante nos scripserunt, in eadem sententia fuit, non tamen idem atque nos, spectās. Ille enim censuit, omnium reip. administrandæ formarum, quæ bonæ sunt, qualis est oligarchia laudabilis & recta, siue aristocratia, & aliæ similes, earum pessimam esse democratiam: malarum autem optimam. Nos autem omnino has deprauatas, atque à rectis detortas esse dicimus: & meliorem quidem esse oligarchiā aliam alia, neque cōuenit dicere, neque rectum est: sed minus malam. verum de tali quidem sententia omittamus in præsentī dicere. Nobis autem primum distinguendum est, quot sint reip. administrandæ formarum differentiæ; siquidem plura sunt & democratia, & oligarchia genera: deinde quæ sit communissima, & quæ maximè optabilis, atque expetenda post optimam reip. administrandæ formam: & siquæ alia reip. administratio est aristocratica; & bene ab initio instituta; & plurimis ciuitatibus apta, quæ nam sit: deinde & aliarum quæ quibus sit expetenda. fortasse enim his quidem magis necessaria democratia, quàm oligarchia est: illis autem hæc

magis, quàm illa. deinde verò quónam modo has reip. administrandæ formas instituere oporteat eum, qui hoc facere velit: dico autem unumquodque genus democratia, & iterum oligarchia. postremò ubi de his omnibus ita, ut res postulat, breuiter exposuerimus, conandum nobis erit persequi, & quæ res sint reip. administrandæ formis letales ac pestifera, & quæ salutares tum communiter, tum separatim singulis: & quibus de causis maximè vel interire, vel conseruari soleant natura.

- 3 Cur igitur plures sint reip. administrandæ formæ, causa est, quòd omnis ciuitatis plures sint numero partes. Primùm enim ciuitates omneis ex domibus videmus cõstare: deinde rursum huius multitudinis alios esse locupleteis & copiosos necesse est, alios egenteis, & inopes, alios medios. Et locupletium, atque egentium alios esse armis instructos, alios inermos. & de populo alios esse agricolas videmus, alios mercatores & in foro occupatos, alios artifices illiberales & operarios. Nobilium quoque sunt differentiæ tum ex diuitiis & amplitudine rei familiaris: verbi gratia, ex facultate equorum alendorum: (hoc enim nõ facile est iis facere, qui non sunt locupletes, quocirca priscis illis temporibus, quibus ciuitatibus potentia in equis consistebat, apud has erant oligarchia. Vtebatur autem equis in hosteis, quos habebant finitimos: verbi gratia, Eretrienteses, & Chalcidenses, & Magnetes, qui Maandrum accolebant, & multi alij Asia populi) tum præter eas, quæ in diuitiis consistunt, differentias, alia est ex genere, alia ex virtute, & si qua talis alia pars ciuitatis esse dicta est in iis disputationibus, quæ ad aristocratiam pertinent. Illic enim exposuimus partitè ac distinctè quot ex partibus necessarij constet omnis ciuitas, harum enim partium interdum omnes

sunt reip. administrationis participes, interdum pauciores, interdum plureis. Perspicuum igitur est, necessario plureis esse reip. administrande formas, genere inter se differenteis. Et enim hæ partes genere differunt inter se. nam ciuitatis administratio, quam politiam Græci dicunt, magistratuum descriptio atque ordinatio est. Hanc autem distribuunt omnes aut ex vi & potentia eorum, qui sunt huius ordinationis participes, aut ex aliqua eorum æqualitate communi: dico autem, verbi gratia, æqualitatem aut egētium, aut locupletium, aut quādam utrorumque communem. Neesse igitur est tot esse reip. administrande formas, quot sunt ordines, seu ordinationes pro exsuperantiis, & excellentiis, & pro differentiis partium. Videntur autem duæ esse maximè: & quemadmodum ventorum alij dicuntur esse Aquilonares, alij Australes: alij verò horum degressiones: sic & reip. administrande formarum duæ, populi potestas, seu democratia, & paucorum imperium, quam oligarchiam Græci nomināt. Aristocratiam enim oligarchia speciem ponūt, quasi sit oligarchia quædam:

& eam, quæ politia nomine communi dicitur, democratia: quemadmodum in ventis Fauonium quidem Aquilonis, Vulturum autem Austri partem esse volunt: similisque concentionum, & intentionum in cantibus ac fidibus, quæ harmonia dicuntur à Græcis, ratio est, ut aiunt quidam. Nam etiam illic duo earum genera faciunt, Doricum & Phrygium: ceteras, ut ex his conflatas & temperatas, earum nominibus iunctis appellant. Hoc igitur modo de reip. pub. administrande formis consueuerunt maximè existimare. Sed verius & melius est ita dicere, quemadmodū partientes exposuimus, aut duas, ut vnā esse reip. administrande formam rectè institutam: vnāque harmoniam rectam, &

1 legēd.
καὶ τὴν
καὶ μέν-
την πολι-
τείαν, δη-
μοκρατί-
ας: ὡς περ,
&c. nam
vulg. μέ-
δος ἐ, δη-
μοκρατί-
ας, &c.

perfectam, ceteras esse à rectis aberrationes ac deflexiones, has quidem ab harmonia bene temperata, illas verò ab optima reip. administranda forma: oligarchicas eas, quæ sunt contentiores, & plus nimio heriles: populares, eas, quæ sunt remissiores & molliores.

- 4 Non oportet autem democratiā statuere ita simpliciter, ut nunc solent quidam, eam, in qua penes multitudinem arbitrium & auctoritas est: (nam etiam in oligarchiis, & ubique, penes maiorem partem arbitrium & potestas est) neque oligarchiam, ubi penes paucos reip. administranda potestas est. Si enim essent uniuersi ciues mille trecenti, & ex his mille diuites: neque imperij particeps facerent trecentos & pauperes, quātumuis liberos, & cetera simileis: nemo hos dixerit popularem reipub. administranda formam usurpare. Itēque si pauperes pauci essent, & tamen locupletibus pluribus superiores ac potentiores: nemo hanc reip. administranda formam, oligarchiam appellarit, neque hanc talē, in qua honores cum aliis, qui diuites essent, non communicarentur. Dicendum igitur potius est, democratiā esse, cū penes liberos summa rerum potestas est: oligarchiam, cū penes diuites. Quòd autem illi multi sunt, hi pauci, hoc ita fortē evenit. Nam liberi quidem homines, multi: locupletes autem pauci. Etenim si pro magnitudine & proceritate corporis mandarentur honores, ut in Æthiopia aiunt quidam fieri solere, aut pro pulchritudine: esset oligarchia. Exiguus enim pulchrorum & procerorum numerus est. Verumtamen neque his tantum has reip. administranda formas definiri satis est. Sed quia particula plures democratiæ & oligarchiæ sunt, præterea decidendum ac statuendum est, neque si liberi, qui pauci sint, in plureis & non liberos imperium obtineant.

democratiam esse: quod genus est Appolloniæ in mari Ionio,
 & Thera: in utraque enim harum ciuitatum florebat ho-
 noribus qui nobilitate præstabant, quique primi colonias oc-
 cuparant, cum hi essent pauci, alij multi: neque si diuites præ-
 sint, propterea quod numero sint superiores, democratiam si-
 militer esse habendam: quemadmodum olim in Colophone.
 Illic enim antequam bellum aduersus Lydos ortum esset,
 maior pars ciuium magnas & diuturnitate temporis stabi-
 litas atque amplificatas rei familiaris facultates possidebat.
 Sed democratia quidem est cum liberi & pauperes numero
 superiores, imperij, & summæ rei sunt compotes: oligarchia,
 cum diuites, & nobiliores, numero pauciores. Plureis igitur
 esse reip. administrandæ formas, & quam ob causam sint plu-
 res, expositum à nobis est. Plureis autem esse, quam quæ expo-
 sitæ sunt, & quæ, & quam ob causam, dicamus, repetito eo-
 dem, quod antea sumimus, principio. Cõuenit enim inter
 nos, ciuitatis omnis nõ unam, sed plureis esse parteis. Quem-
 admodum igitur, si consilium cepissemus species, seu formas
 animalis sumere, primum quidẽ id omne secerneremus, quod
 necessario omne animal habet: ut quadam sensus instrumẽ-
 ta, & parteis eas, quæ valent ad conficiendum, aut recipien-
 dum alimentum, ut os, & ventriculus: deinde quibuscunq;
 particulis unumquodq; animal mouetur. Si igitur ponamus
 has esse duntaxat partium species, & non plureis: sed tamen
 sint aliquot harum differentia: verbi gratia, oris & ventri-
 culi, & sentiendi instrumentorum plura quadam genera,
 præterea verò & particularum, quæ mouendi vim habent:
 harum partium copulationis numerus, plura necessario ani-
 mantium genera efficiet. Non enim fieri potest, ut in eodem
 animali plures insint oris differentia, neque item ut aurium.

ARISTOTELIS

Quare ubi sumta fuerint omnes, quæ esse possunt, harum partium coniugationes: tot species animalis constituent, quot sunt partium necessariarum copulationes. sic & de iis reipubl. administrandæ formis, quas diximus, sentiendum. Nam & ciuitates non ex vna, sed ex multis partibus constant, quemadmodum sæpenumero à nobis dictum est. Atque vna sanè pars est ea, quæ in alimento parando occupata multitudo est, qui aratores, seu agricola nominantur: altera ea, quæ appellatur (ut ita dicam) sedentaria sordidaque, & illiberalis. Est autem hæc, quæ arteis eas exercet, sine quibus vrbs habitari ac frequentari non potest. Harum porro artium alias necessariò suppetere oportet: aliæ ad delicias, & luxum, aut ad benè viuendum pertinent. tertia est forensium, seu eorum, qui forum terunt. Forenses eos dico, qui in vendendo & emendo, & in mercatura faciendâ, in redimendis mercibus, quas pluris reuendant, versantur. quarta est mercenariorum. quinta natio militum, & eorum, qui propugnaturi sunt: quam nihilominus, quàm has, quas diximus, præstò esse necesse est, nisi volunt ciues alienigenis atque exteris bellum inferentibus seruire. Fortasse enim fieri nullo modo potest, ut ciuitas natura serua ciuitatis nomen mereatur. Ciuitas enim suis ipsa opibus pollet, suisque bonis contenta est. At quod seruum est, non est suis ipsum bonis contentum. Quapropter in libris Platonis de repub. magnificè hoc quidem & gloriôsè, sed angustè, & ieiunè dictum est. At enim Socrates ex quattuor generibus hominum maximè necessariis ciuitatem constare. dicit autem hos, textores, & agricolas, & sutores, & fabros lignarios. Rursumque addit, quasi hi nò sint satis, fabros ætarios ac ferrarios, & præterea eos, qui pecoribus necessariis præfecti sunt. Præterea verò

mercatores & caupones. Atque hæc omnia valent ad explendam primam ciuitatem, tanquam ciuitas omnis necessariorum rerum, & non potius boni & honesti causa initio instituat & consistat: quasiq; sutoribus æquè, atque aratoribus egeat. Partē autē propugnātem non prius ciuitati reddit ac representat, quā agri finibus propagatis, & ad finitum agros usque perductis, ad belli suscipiendi necessitatem reducti fuerint. Iam verò & in quattuor hominum generibus, & in quamlibet multis sociis, necesse est aliquem intercedere, qui ius suū cuique tribuat, rebūque iudicandis præsit. Siquis igitur & animū, animalis partē facere debet potius, quā corpus, ergo & huiusmodi parteis, nempe militaris & bellicosa, iustitiæq; iudicialis particeps, ciuitatis partes existimādæ sunt potius, quā quæ ad vsum necessarium pertinent: ad quas accedere etiam debet ea, cuius est consultare, & deliberare de rebus ad totam ciuitatem pertinentibus: quod munus est prudentiæ, atque intelligentiæ ciuili: atque hæc utrū insint separatim in quibusdam, an in iisdem, quod ad rationem attinet, nihil refert. Nam sæpenumero euenit, ut iidem & grauioris armatura sint milites, & in agris colendis versentur. Quare si & has, & illas ciuitatis parteis numerare cōuenit, perspicuum est, id genus hominum, quod armis instructum est, partem ciuitatis esse necessariā. Septima est ea, quæ facultatibus, & copiis rei familiaris munera & onera publica subit, quos locupleteis appellamus. Octaua est ea, quæ remp. administrat, quæque in gerendis magistratibus, reip. dat operam: siquidem sine magistratibus ciuitas constare non potest. Necesse igitur est, aliquos esse, qui possint imperare, quique in gerendis magistratibus ciuitati seruiant aut continenter & assidue, aut alter-

nis, & vicissim. Tum reliquæ partes præstò esse debēt, de quibus paullo antè distinctè explicauimus, eam dico, quæ consultandi munere fungatur, eamque, quæ litigantibus ius dicat. Si igitur oportet hæc suppetere ciuitatibus, & si rectè, iustèque administrari debent: necesse est aliquos esse, qui ea virtute, quæ ad res ciuileis pertinet, quæq; virorum politicorum propria est, sint instructi atque ornati. Multi igitur posse contingere existimant, vt aliæ facultates, ac potestates iisdem suppetant, verbi gratia, vt iidem sint propugnatores ciuitatis, & agricolæ, & artifices: præterea vt iidem consultent, & iudicent. Tum verò virtutem sibi omnes vendicant, atque arrogant, plurimòsque magistratus se gerere posse autumant: sed vt iidem sint pauperes, & diuites, fieri non potest. Quapropter hæ partes maximè videntur esse ciuitatis, locupletes, & egentes. Præterea quia ferè illi quidem pauci sunt, hi verò multi: hæ potissimum partes videntur esse contrariæ ex omnibus particulis ciuitatis. Itaque & reip. administrandæ formas pro harum partium exsuperantiis, & præstantiis constituunt: duæq; videntur esse ciuitatis administrandæ formæ, democratia, & oligarchia. Esse igitur plures reipublicæ administrandæ formas, & quas ob causas sint plures, dictum est antea. Nunc autem & democratia & oligarchia esse plura genera, ostendamus. Licet verò hoc intelligere etiam ex iis, quæ dicta sunt. Plura enim genera sunt & populi, & eorum, qui clari, nobilesque dicuntur: verbi gratia, populi genus vnum constituunt agricolæ, aliud artifices, aliud caupones & forenses, eos dico, qui mercaturam in urbibus faciunt, quique in emendo, & vendendo vitam conterunt: aliud, qui in mari assidue versantur: atque huius generis alij sunt militares, alij pecuniæ faciendæ studio dediti,

1 xxi τὰς
 πλείους
 ἀρχὰς
 ἀρχῶν,
 &c. vox
 ἀρχῶν
 delidera-
 tur in qui-
 busd. lib.
 μέδωσέ.

alij portitores, ac traiectores, alij piscatores. Multis enim in locis horum generum singulorum magna turba est: ut piscatorum Tarenti, & Byzantij: hominum in triremibus occupatorum Athenis: mercatorum in Ægina, & Chio: traiectorum, ac portitorum in Tenedo. Præter hos autem sunt ij, qui operis & manibus suis victum parant, vitamque tolerant, & quorum ita tenuis & angusta res familiaris est, ut non liceat eis otiosam vitam degere. Præterea aliqui sunt non ex utroque ciue liberi, & siquod tale alius multitudinis genus est. Nobilium autem & clarorum virorum alij ex diuitiis claritatem consecuti sunt, alij ex præstantia generis, alij ex virtute, alij ex doctrina, & similibus, quæ ex eadem differentia dicuntur. Democratia igitur prima est ea, quæ ex æqualitate maximè sic appellatur. Æqualitatem enim edicit lex ea, quæ huiusmodi democratia est, nempe ut nihilo plus sint locupletes, quàm egentes: neutrique habeant summam auctoritatem & potestatem, sed utrique sint similes. Nam si libertas in democratia est maximè, quemadmodum quidam existimant, & æqualitas: hac maximè ratione fuerit, si inter omnes pariter fuerit reip. administratio communis maximè. Quoniam autem populus multitudine & numero superat: id autem, quod à pluribus numero decretum est, ratum est: hanc esse democratiam necesse est. Vnum igitur democratia genus hoc est. Aliud est ubi magistratus ex censibus, qui tamen sint angusti & tenues, deferuntur: oportet autem, ei, qui rem habet, magistratum obtinere licere: qui amisit, non obtinere. Aliud genus democratia est, ubi ciues omnes, qui modò ab omni obligatione liberi ac soluti sunt, rei publ. administrationis sunt participes: sed tamen lex dominatur, atque imperat. Aliud genus, ut omnibus, siquis modò

sit ciuis, ius sit obtinendi magistratus: ita tamen ut lex impe-
 ret. Aliud genus, ubi cetera quidem sunt eadem, penes mul-
 titudinem verò est summa rerum potestas, non penes legem.
 Hoc autem fit cum multitudinis decreta, quæ psephismata
 Græci dicunt, rata sunt, non lex. Atque hoc propter oratores
 populares, quos demagôgos Græci nominant, id est blandos
 populi ductores, & quasi leuicis tribunos plebis, euenit. Nam
 in ciuitatibus, quæ ex lege à populo obtinentur ac reguntur,
 demagôgus non existit, sed optimus quisque ciuis principem
 in rep. locum obtinet. ubi verò leges non sunt ratæ, neque sum-
 mam auctoritatem habent, hic exoriuntur populares ora-
 tores, quos demagôgos diximus appellari. Fit enim prin-
 ceptus solus imperium obtinens (monarchum dicunt Græci)
 populus, unus ex multis concretus & conflatus. nam penes
 multos summa reip. potestas est, non ut singulos, sed ut om-
 neis. Qualem porro dicat Homerus non esse bonam multo-
 rum dominationem, utrum hanc, an ubi plures sunt, qui im-
 perant, ut singuli, obscurum est. Talis igitur populus, utpote
 quisque princeps solus imperium obtinens, studet solus impera-
 re, quia legum imperio non paret: & tale sibi ius, imperiū-
 que assumit in totam rempubl. quale dominus in seruos. Ita-
 que assentatores apud eum honorati sunt. Et talis populus
 proportionem ex monarchiis tyrannidi respondet. Quocirca
 & iidem sunt mores, & uterque (populum huiusmodi di-
 co, & tyrannum) imperium herile in mel. orat., ut in seruos,
 usurpat: & hic sunt psephismata, velut illic edicta: & blan-
 dus ductor populi, seu demagôgus, & assentator tyranni,
 sunt iidem, & proportionem inter se respondent. Et verò utri-
 que apud utrosque plurimum valent, assentatores apud ty-
 rannos: demagôgi apud taleis populos. Quamobrem autem

rata sint psephismata, & non leges, hi causam sustinent, quia omnia ad populum referunt, ac reuocant. euenit enim vt crescant, & magni fiant, propterea quòd populus quidem omnium rerum sit dominus atque arbiter, hi verò populi opinionis. His enim fidem habet, & obtemperat multitudo. Præterea qui magistratus criminatur, populum iudicare dicunt oportere. hic autem libèter¹ promocationem recipit. Quo fit vt magistratus omnes infirmantur, atque eneruentur. Meritò autem videatur quis reprehendere, qui dicat hanc talem, esse democratiam, non ciuitatis administrationem, seu politiam. ubi enim leges non imperant, non est politia. Oportet enim legem quidem ciuibus omnibus, magistratus verò singulis imperare: & politiam, seu reip. administrationem iudicare. Quare si democratia in reip. administranda formis numerada est, perspicuum est talem reipub. statum, in quo psephismate omnia administrantur, ne democratiam quidem esse propriè. Contingere enim non potest, vt vllum psephisma sit vniuersum. Democratia igitur genera hoc modo sint explicata ac distincta.

Oligarchiæ autem genera cùm sint plura, vnum est, in quo magistratus mandantur ex cēsisbus tam magnis, vt pauperes atque egentes, numero plures, eorum participes non sint, sed ei, qui tãtam rem habeat, reip. administrationis participi esse liceat. Aliud cùm² ex paruis censibus creantur ma-

¹ ὡς-
χλησιν. αλ.
ὡς ὅστις-
λησιν, πό-
τεστέ.

² ὡς π-
μυμάτων
μικρῶν,
&c. με-
νδὲ μα-
κρῶν.

gistratus: & ipsi eos, qui desunt, cooptant. Si igitur ex his omnibus, qui censu sunt æquales, hoc faciant: videatur hoc esse potius aristocraticum: si verò ex quibusdam certis, oligar-

rant, non leges : atque hoc genus in oligarchiis altera ex parte veluti tyrannidi respondet in monarchiis : & ci democratia, de qua postremo loco diximus, in democratiis : talémque oligarchiam, dynastiam, id est potentatum appellant. Oligarchia igitur, & democratia tot sunt genera. Ignorare autem non oportet multis in locis euenire, ut reipub. administrandæ ratio consentanea cum suis legibus non sit illa quidem popularis, sed propter mores, & instituta vitæ rationem populariter ciuitas administretur. Itémque rursus apud alios ut administratio ciuitatis, quæ consentiat legibus, sit aliquantum popularis : institutio vitæ, & moribus, sit paucorum imperium potius. Euenit autem hoc maxime mutatis reip. administrandæ formis. Non enim statim consueuerunt homines immutari, & in alios mores commigrare, sed satis habent primò si pauca alij ab aliis, quasi plus habere cupientes, detrahant, sibi que assumant. Itaque leges quidem manent, quæ erant antea : sed superiores sunt, qui reip. administrandæ formam immutant.

- 6 Tot autem esse democratia & oligarchia genera, ex iis ipsis quæ dicta sunt, intelligere licet. Necesse enim est aut cum omnibus illis populi partibus, quæ à nobis commemoratae sunt, reip. administrationem communicari : aut cum his communicari, cum illis non. Cùm igitur pars ea, quæ agricultura operam dat, quæque mediocreis rei familiaris facultates possidet, in sua potestate, suoque arbitrio positam habet reip. administrationem, ex legum præscripto reip. administrant. habent enim unde vitam tolerare queant opere rustico faciendo, neque tamen eis otiosis esse licet. Itaque lege adhibita atque attenta, contionem, ubi postulat necessitas, aduocant, in eaque de rebus necessariis deliberant. Aliis au-

tem ad reip. administrationem patet aditus, ubi censi fuerunt
 censum à legibus praestitutum. Quapropter iis omnibus, qui
 rem habent, ad remp. gubernandam patet accessus. Omnino
 enim non omneis esse reip. administrationis particeps, oli-
 garchiae proprium est. Otiandi autem & ab opere vacandi
 licentia constare non potest, nisi vectigalia suppetant. Hoc
 igitur unum democratiae genus est propter has causas. Alte-
 rum est propter eam, quae deinceps sequitur, eligendorum ma-
 gistratuum rationem. fit enim ut liceat omnibus, quos mo-
 do generis exceptio non repellat, ad remp. accedere: soli autem
 magistratum gerant, qui otiari possunt. Quocirca in tali de-
 mocratia leges imperat, quia vectigal non suppetat. Tertium
 genus est, ubi licet omnibus, qui modò liberi sint, ad rempub.
 administrandam accedere: sed non administrant remp. pro-
 pter eam causam, quae antè dicta est. Quare etiam in hac
 legem imperare necesse est. Quartum democratiae genus est
 ea, quae postrema omnium in ciuitatibus nata est. Nam pro-
 pterea quòd ciuitates omnes multo maiores factae sunt, quàm
 erant ab initio, & quia vectigalium copia abundare coepe-
 runt, patet quidem omnibus ad remp. administrandam aditus
 propter ingentem multitudinem, in societatem autem & com-
 munionem reip. gerendae recipiuntur, & remp. administrant
 etiam pauperes, propterea quia otiari possunt, dum mercedem
 accipiunt. Et verò maximè otiatur talis multitudo. non enim
 eos impedit rei familiaris procuratio. at diuites impedit.
 Quare saepenumero neque in contiones cum reliquo populo
 conueniunt, neque iudicandi munere cōmuniter cum aliis ci-
 uibus funguntur. ex quo in multitudinis egentium potestatem
 reipub. administratio redigitur, non in legum. Democratiae
 igitur genera tot, & talia sunt, propter has necessitates. Quòd

ἢ ἐν γὰρ
 καὶ πᾶσι
 ἐξ εὐνοίας
 μετέχειν
 τοῖς, &c.
 desideratur
 vox
 μετέχειν,
 vel repe-
 tēda ἀπὸ
 xoiu.

ad oligarchiæ autem genera attinet, ubi plures rem habent, sed angustiore, neque admodum amplam, hoc primum oligarchiæ genus est. faciunt enim potestatem reip. administrandæ ei, qui rem habeat. Et propterea quod multi sunt reipubl. administrationis participes, necesse est non penes homines, sed penes legem, reip. summam esse potestatem. Quāto enim longius absint à monarchia, neque tantas facultates habeant rei familiaris, ut omni cura soluti cessare, atq; otiari possint: neque rursus ita tenuis & angusta, ut eos alere debeat ciuitas, necesse est eis æquum videri, legem imperare, non ipsos. Quod si sint pauciores, qui rem habeant, quàm qui prius dicti sunt, sed ampliorem habeant: secundum fit oligarchiæ genus. Nam quia plus valēt, superiora omnia habere volūt. Quapropter ex aliis ciuib. magistratus legendos curant, qui eandem reip. administrandæ viam sequantur. Propterea autem quod nondum ita opibus valent, ut sine lege imperare possint, talem legem ferunt. Quod si magis etiam suam potentiam intendunt, eò, quod cum sint pauciores, ampliores rei familiaris copias habeant, tertium oligarchiæ fit incrementum: in quo per se quidem magistratus obtinent, sed ex lege tamen, quæ iubet magistratuum filios in patrum demortuorum locum succedere. Vbi verò iam & rei familiaris copiis, & amicorum multitudine supra modum aucti fuerint: ad monarchiam talis potentatus propè accedit, & tum penes homines, non penes legem, ciuitatis & summæ rei potestas est. Atque hoc est quartum oligarchiæ genus, quod ultimo democratiæ generi altera ex parte respondet.

Præterea verò præter democratiā & oligarchiā duæ
 7 sunt reip. administrandæ formæ: quarū alteram omnes commemorant, & ex quattuor reipubl. administrandæ formis hæc

hæc quarta numeratur, unumque genus est. Quattuor porro numerant, monarchiam, oligarchiam, democratiam, & quartam, eam, quæ aristocratia nominatur. Quinta autem est ea, quæ communi omnium nomine appellatur. Politiam enim appellant. Sed quia non sæpe usurpatur, ignoratur ab iis, qui reip. administrationum formas & genera numerare conantur: & quattuor duntaxat numerant, quemadmodum Plato in libris de Rep. Aristocratia igitur merito appellatur ea, de qua supra disputauimus. Ea enim reipubl. administranda forma, quæ constat ex optimis viris simpliciter & ex virtute, non ad aliquem sibi propositum finem bonis, sola appellanda aristocratia est. In hac sola enim simpliciter idem est vir bonus, & bonus ciuis. At qui in aliis boni sunt, hi spectata eorum ipsorum reip. forma boni sunt. Verumtamen nonnullæ sunt reipubl. administrandæ formæ, quæ & à ciuitatibus paucorum imperio parentibus differunt, & ab ea, quæ communi nomine appellatur politia: atque hæ aristocratia nominantur. Vbi enim magistratus leguntur & creantur habita non solum diuitiarum, verum etiam virtutis ratione, hæ reip. administrandæ forma & à duabus illis differt, & aristocratica appellatur. Nam etiam in eis ciuitatibus, in quibus non est publica virtutis cura, sunt tamen aliqui, de quibus benè existimant reliqui ciues, & qui habentur viri boni. Vbi igitur reipubl. administrandæ ratio spectat & ad diuitias, & ad virtutem, & ad populum, ut Karthagine: hæc optimatum potentia, seu aristocratia conuenit: etiam ea, quæ ad duo tantum, virtutem & populum, ut Lacedæmoniorum ciuitatis administrandæ ratio. horum enim duorum Lacedæmone confusio est, democratia & virtutis. Aristocratia igitur præter illam primam opti-

οἷος ἐστὶ
Καρχιδῶν.
al.
χαλκιδῶν,
men-
dose.

mam reip. administranda formam, hæc duo genera sunt. In tertio genere locanda sunt quæcunque ab ea reipubl. administranda forma, quæ politia nominatur, deflectentes ad oligarchiam magis propendent.

8 Reliquum nobis est de ea, quæ politia vulgò nominatur, differere, & de tyrannide. Hoc autem ordine politiam posuimus, quia, tametsi neque hæc videatur declinatio, seu depressio à recta republ. neque ea, quæ paullo antè exposita sunt, aristocratia: tamen, si verum fateri volumus, omnes decurrunt à rectissima reipubl. forma: præterea cum his numerantur, & hæ sunt earum degressiones, quemadmodum initio diximus. Ad extremum autem ut de tyrannide mentionem faciamus, ratio postulat, propterea quòd, quamvis hæc minimè omnium sit reipub. administranda forma, à nobis tamen suscepta sit ciuitatis administranda institutio. Quamobrem igitur talem ordinem secuti simus, dictū est. Nunc autem quæ ad politiam pertinent, demonstranda sunt. Explicatis enim ac distinctis iis, quæ ad oligarchiam, & democratiam pertinent, planior & apertior vis eius futura est. Politia enim, ut simpliciter dicam, cōtinuus quidam ex oligarchia & democratia est. Soleat autem eas, quæ ad democratiam magis inclinant, politias appellare: quæ verò ad oligarchiam, aristocratias potius, quia doctrina, & generis amplitudo magis comitatur locupletiores. Præterea verò eas res locupletes videntur habere, à quibus homines ad iniuriam alteri inferendam impelluntur. Ex quo hos, viros bonos atque honestos, & claros homines appellant. Quoniam igitur hoc aristocratia proprium est, ut ciuium optimis egregia, & summa omnia tribuat, iccirco & oligarchias ex viris bonis atque honestis constare dicunt. Videtur autem vnum

1 περὶ τῆς
τῆς οὐνο-
μαζόμε-
νης πολι-
ας, νομίζο-
μεν δὲ
2 ὅτι δὲ
καὶ αὐτῆς
&c. al.
καὶ αὐτῆς
&c. μεν-
δὲ.

quiddam esse ex iis, quæ fieri non possunt, ciuitatem, quæ ab optimatibus teneatur & gubernetur, quasi ab improbis regatur, bonis legibus non uti, neque bonis legibus parere: itemque eam, quæ neque bonis legibus pareat, neque bonis legibus positis utatur, ab optimatibus teneri, & gubernari. Non est porro bonarum legum usus, leges quidem esse bene scriptas, & positas, sed legibus bene scriptis, ac positis non parere. Quocirca unus quidem bonarum legum usus existimandus est, positis legibus parere: alter verò, bene scriptas esse eas leges, quas seruant, & in quibus permanent, ac perseuerant. Nihil obstat enim quominus etiam legibus male latis pareant. hoc autem duobus modis contingere potest. parent enim legibus aut omnium, quas talis reip. administrandæ forma capere ac ferre potest, optimis, aut simpliciter optimis. Videtur porro aristocratia quidem illa esse maximè, ubi honores ex virtute deferuntur. Aristocratia enim terminus ac finis est honos: oligarchia, diuitia: populi seu democratia, libertas. Id autem valere, & ratum esse, quod pluribus probetur, hoc in omnibus reip. administrandæ formis inest. Etenim in oligarchia, & in aristocratia, & in ciuitatibus popularibus ac liberis, quod visum fuerit maiori parti eorum, qui reipub. administrationis sunt participes, hoc ratum est. In plurimis igitur ciuitatibus reip. administrandæ forma, politia generis nomine appellatur. Confusio enim & permixtio ex locupletibus, & pauperibus, diuitias & libertatem, tanquam signum propositum, intuetur tantum. Nam fere apud plerosque, virorum bonorum atque honestorum locum videntur obtinere locupletes. Quoniam autem tria sunt, quæ de reipub. administrationis æqualitate ambigunt & contendunt, libertas, diuitia, virtus: (quartum enim, quod ὠφέλεια Græci, nobi-

litatem, seu generis bonitatem, ac præstantiam appellat Latini, comitatur duobus. nam generis splendor & præstantia, seu nobilitas, nihil aliud est, quàm diuitiæ antiquæ, & virtus) perspicuum est cinnum, seu permissionem locupletium, & pauperum, politiam dici debere: temperationem autem ex tribus, aristocratiam maximè ex aliis esse appellandam, præter illam veram, & primam. Esse igitur alia reipub. administrationis genera præter monarchiam, & democratiam, & oligarchiam, dictum est: tum qualia hæc sint: & quid inter se differant aristocratia: & quid politia ab aristocratia: & non longè admodum has inter se distare, perspicuum est.

- 9 Quonam autem modo præter democratiam & oligarchiam fiat ea, quæ politia nominatur, & quomodo eam constituere oporteat, deinceps post ea, quæ antè dicta sunt, exponamus. simul autem planum fiet, quibus rebus definiantur democratia, & oligarchia. harum enim primum sumenda partitio est: deinde ex his ab utraque veluti insigne accipientis componere oportebit. Sunt autem tres compositionis & permixtionis termini. Nam vel ambo illa sumenda sunt, quæ utraque reip. forma lege lata instituit, verbi gratia, de rebus iudicandis. In oligarchiis enim multam locupletibus irrogat, nisi iudicandi munus obeant: pauperibus nullam mercedem constituunt. At in democratiis, pauperibus quidem mercedem decernunt, locupletibus verò nullam multam irrogant. Commune autem & medium horum est, hoc utrumque iunctum: quapropter & ciuile. Ex ambobus enim temperatum, & permixtum est. Unus igitur hic est copulandi & coniugandi modus. alter ut medium sumatur eorum, quæ uterque populus instituit ac decernit: verbi gratia, habet hoc institutum alter, ut ad contionem pateat aditus ciuibus aut nullius census, aut

perquam exigui, atque angusti: alter ut iis solis, qui magnum habent censum. Commune est autem neque hoc, neque illud, sed quod medium est inter utrumque horum censuum. Tertius est, ut ex duobus duarum reip. administrationum institutis, fiat una reipubl. administranda forma, nempe partim ex lege oligarchica, partim ex democratica. verbi gratia, videtur democratia esse proprium, magistratus sortitò capi: electione verò creari oligarchia convenire: & democratia proprium est non ex censu magistratus mandari: oligarchia, ex censu. Aristocratia igitur est proprium, & politicum ex utraque reip. administranda forma utrumque sumere: ex oligarchia, ut magistratus ex electione deferantur: ex democratica, ut ne ex censu. Permissionis igitur modus hic est. Certus autem benè permixta democratia, & oligarchia finis ac terminus erit, ubi licebit eandem reipubl. administranda formam, democratiam, & oligarchiam appellare. Perspicuum enim est, iis, qui ita loquuntur, id ex eo accidere, quòd benè sint permixta. Idem porrò & medio accidit. In eo enim utrumque extremorum apparet, atque elucet: quod evenit in Lacedaemoniorum reip. administrandae forma. Multi enim eam esse democratiam dicere conantur, propterea quia huius reipubl. ordinatio multa habeat democratia propria, verbi gratia, primum id, quod ad puerorum educationem pertinet. similiter enim aluntur divitum liberi, atque pauperum filij: & eodem modo instituuntur, quomodo & pauperum filij erudiendi possint: similis verò ratio etiam in proxima etate adhibetur: & cum robustiore corpore fuerint, atque ad aetatem virilem peruenerint, eadem. nulla enim re illustrior aut insignior est dives, quàm pauper. Ita quae ad victum pertinent, eadem sunt omnibus, in conviviis illis, quae symistia apud eos

¹ ὅθεν
 γὰρ εὐδην
 λος, &c.
 al. ἀδιν-
 λος men-
 dosè, vel
 legèdum
 ὅθεν γὰρ
 δὴ λος,
 &c.

nominantur. denique tali veste utuntur diuites, qualem quivis ex pauperibus, quisquis sit, parare queat. Deinde propterea quod ex duobus maximis imperiis alterum quidē populus optat, & legit: alterius verò est particeps. Nam senatores à populo leguntur: ephoriam, seu ephoratum, qui erat quasi tribunatus plebis Romæ, populo licet obtinere. Nonnulli oligarchiam esse volūt, propterea quod multa habeat oligarchie propria. verbi gratia, magistratus omneis ex electione mandari, nullum sortitò obuenire: & penes paucos esse necis, & exsulij potestatem, & alia multa huiusmodi. Oportet autem in reipub. administrandæ forma benè permista, benèque temperata, utrumque videri inesse, & neutrum: tum eam per se, & suis viribus seruari, non extrinsecus: & per se seruari, non quod plures sint extrà, qui eam saluam esse velint, (hoc enim etiam malæ reipubl. administrandæ formæ suppetat) sed eò quod nulla prorsus pars ciuitatis ullam aliam reip. administrandæ formam velit. Quoniam igitur modo politia sit constituenda, itemque ea, quæ aristocratie nominantur, nunc expositum est.

- 10 De tyrannide autem nobis reliquum erat dicere, non quod longus de ea sermo habendus sit, sed ut suam huius institutionis partem consequatur, quoniam etiam hanc in reipub. administrandæ formis numeramus. De regno igitur in libris superioribus explicauimus, in quibus de eo, quod maxime regnum dicitur, commentabamur, cum quærebamus utrum sit inutile, an expediat ciuitatibus: & quem regem, & unde, & quomodo constituere oporteat. Tyrannidem porro, quo loco de regno disputabamus, in duas parteis diuisimus, propterea quod utriusque harum vis ac potestas similitudinem quandam habet cum regno, idque quia hoc utrum-

que imperium legi est consentaneum. Nam & apud nonnullas barbarorum nationes, principes, penes quos sola sit omnium rerum potestas, eliguntur: & olim apud prius Græcos fiebant hoc modo quidam principes, soli imperium obtinentes, quos & symnetas appellabant. Differunt autem hæc imperia nonnihil inter se. ac propterea quidem quod lege vigeant ac valeant, & quia soli volentibus imperabant, erant regia: sed propterea quod dominorum in morem imperabant arbitratus suo, tyrannica. Tertium autem tyrannidis genus est id, quod maxime tyrannis videtur esse, cum ex altera parte regno respondeat. talem autem monarchiam tyrannidem esse necesse est, quæ cum referendarum rationum iudicio non teneatur, imperium exercet in similibus, eosque omnibus meliores, ad suam ipsius utilitatem, omnia referens, non ad eorum, qui parent imperio. Quapropter inuitis imperat. nemo enim liber & ingenuus tale imperium æquo animo ferre potest. Tyrannidis igitur hæc, & tot genera sunt, propter eas, quas diximus, causas.

Sed quæ nam est optima reip. administranda forma, & quæ nam plerisque ciuitatibus, & plerisque hominibus vita optima apud eos, qui neque cum virtute captum idiotarum superante, neque cum doctrina & naturæ bonitatem, & adiumentum fortunæ desiderant, neque cum reip. administranda forma optanda magis, quam ad usurpandum facili, sed cum vita ad communicandum expedita plerisque, & cum ea reip. administranda forma, cuius bona pars ciuitatum possit esse particeps, hæc conferre velint? Etenim quas aristocracias appellant, de quibus nunc diximus, partim à plerisque ciuitatibus sunt remotiores, partim ei, quæ politia nominatur, finitimæ sunt. Quocirca de ambabus, ut de una, dicendum

est. Iudicium autem de his omnibus, ex iisdem elementis pendet. Nam si recte dictum est in libris de moribus, vitam beatam eam esse, quæ virtuti congruit non impedita: virtutem autem, mediocritatem: vita media, optima sit necesse est, ex ea, quam quisque consequi potest, mediocritate. Atque his eisdem finibus, & ciuitatis, & reip. administrationis virtutem ac vitium terminari necesse est. Reipub. enim administratio, vita quædam ciuitatis est. In omnibus igitur Vrbi-
bus tres sunt partes ciuitatis: alij valde copiosi & locupletes: alij egentissimi ac tenuissimi: tertij inter hos medij. Itaque quoniam cõuenit inter omnes id, quod est mediocre, & medium, esse optimum: perspicuum etiam est rerum secundarum possessionem mediam, omnium esse optimam. facillimè enim adduci potest, vt rationi obtemperet. At qui pulchritudinis, aut virium corporis, aut nobilitatis, aut diuitiarum modum superat: aut contrà qui supra modum pauper, aut supra modum infirmus, aut supra modum inhonoratus est, difficile est eum rationi obsequi. Fiunt enim illi quidem petulantes atque contumeliosi, & insignitè, magnisque in facinoribus improbi: hi verò malitiosi ac fraudulentis, & leuibus in factis mali. At iniuriarum aliæ nascuntur ex contumelia ac petulantia: aliæ ex calliditate, & malitia. Præterea hi minimè magistratus amant, minimèque magistratibus consulunt. Atqui hoc utrumque ciuitatibus est pestiferum. Præterea qui rebus secundis, & viribus corporis, & diuitiis, & amicis, & aliis huiusmodi rebus excellunt, imperiũ ferre neque volunt, neque sciunt. atque hoc malum domi natum statim à pueris habet. Nam propter luxuriam & delicias ne in ludis discèdi quidè imperio parère consueuerunt. At qui supra modum harum rerum penuria atq; inopia conflictantur, ni-

1 οἱ δὲ
παύροι-
al. χαῖροι
ροι, minus
rectè.

2 ἂν
παύροι-
γίαι. al.
χαῖροι-
γίαι.

3 ἐν τοῖς
διδασκα-
λείοις,
&c. nam
mendosè
quidè lib.
vulg. ha-
bent δι-
δασκα-
λείς.

mis sunt humiles, atque abiecti. Itaque hi imperare quidem nesciunt, sed imperium servile subire sciunt: illi nulli quidem imperio parere didicerunt, sed ita imperare sciunt, quomodo domini servis imperant. Fit igitur servuorum & dominorum civitas, non liberorum: & hominum partim invidentium, partim contemnentium: quæ ab amicitia, & societate, communionēque civili distant plurimum. Societas enim & communio, ad amicitiam pertinent. Nam neque cum inimicis societatem itineris inire volumus. ea autem natura civitatis est, ut ex paribus, & similibus, quàm maximè fieri possit, constare debeat. hoc autem mediis suppetit maximè. Quare necesse est hanc civitatem optimè gubernari atque administrari, quæ ex iis partibus constet, ex quibus constatam constitutionem civitatis dicimus esse optimam natura. Et verò ex civibus hi in civitatibus salvi sunt maximè. Nam neque ij, ut pauperes, aliena appetunt: neque rem horum familiarem, ut rem divitum, pauperes concupiscunt: & quia neque insidiis, cuniculisque oppugnantur, neque aliis insidiantur, ab omni periculo tuti vivunt. itaque præclare optavit Phocylides,

ἰ ὅτε δ
τῶν ὀ
σῶς ἔτε
ποι, δεῖ
vox ὀσῶς
in li. vul.

Esse volo civis medius. namque optima multa
Sunt mediis. Perspicuum igitur est societatem civilem illam esse optimam, quæ ex mediis constat: talisque civitates bene administrari licere, in quibus media pars, multa est, & plus potest maximè quidem, quàm ambæ: secundo loco verò, quàm alterutra. Accrescens enim, aliquid momenti affert, inclinationemque quandam facit, & obstat ne accendant contraria exsuperantie. Quapropter summæ felicitatis est, eos, qui in civitatis administratione versantur, rem familiarem & mediocrem, & iustam habere. Nam

² χαίρειν.
vul.

ARISTOTELIS

1 ἡ ὀλι-
γρχία
ἀκρατος.
al. ἀκρα-
της, id est
inconti-
nens, seu
impotēs.
mendosè

ubi alij valde multam & amplam habent, alij nullam: aut
democratia sit postrema, & deterrima, aut mera oligarchia,
aut tyrannis, propter utramque excellentiam, atque exsu-
perantiam. Nam ex democratia valentissima & acerrima,
& ex oligarchia nascitur tyrannis: ex medijs verò & affi-
nibus multo minus. cuius rei causam posterius in disputatio-
nibus de reipubl. administrationum mutationibus & con-
uersionibus exponemus. Mediam autem reip. administran-
dæ formam esse optimam, perspicuum est. sola enim seditioni-
bus non est infesta. Vbi enim latè patet id, quod interie-
ctum medium est, minimè seditiones oriuntur, minimèque
diuellitur rerumpubl. coniunctio. Atque ob eandem causam
magnæ ciuitates minus sunt seditionibus opportune, nempe
quia id, quod mediū est, latè patet. In paruis verò cū facile
sit ciueis omneis ita in duas parteis dirimere, ut nihil relin-
quatur medium: tum omnes fere aut egentes sunt, aut locu-
pletes. Præterea democratia oligarchiis sunt à ruina pericu-
lo. munitiores, & ad diuturnitatem stabiliores, propter me-
dios. Nam & plures sunt, & honorum sunt participes in
democratiis magis, quàm in oligarchiis. Cū enim sine his
egentes ac tenues multitudine superant, malè rem suam ge-
rit ciuitas, & in pessimum locum deducti ciues citò inter-
eunt. Argumento autem huic rei esse existimare oportet,
quòd optimi latores legum de mediocrium ciuium grege fue-
runt. Nam & Solon ex hoc numero erat, ut declarat ipsius
poësis: & Lycurgus. non enim rex erat: & Charondas: &
fere plerique alij. Perspicuum autem etiam ex his est, quam-
obrem plurimæ reipub. administrandæ formæ aliæ sint demo-
craticæ, aliæ oligarchicæ. Propterea enim quòd in his sæpe-
numerò quod medium est, exiguum est, semper utricunque

excellant, siue locupletes, siue plebecula, qui medium locum exsuperant, hi reipub. administrationem vnà secum trahūt. Itaque aut sit democratia, aut oligarchia. Propterea verò quia seditiones & contentiones inter plebem & locupleteis existunt, utrisque acciderit, ut aduersariis superiores euadant, ij non communem reipubl. administrandæ formam constituunt, nequē æqualem, sed exsuperantiam prioris reip. administrationis, tanquam victoriæ præmium, accipiunt: & hi quidem democratiam, illi oligarchiam efficiunt. Præterea verò & eorum, qui principatum Græciæ obtinuerunt, utrique ad reipub. administrandæ formam, quæ apud se vigebat, intuentes, alteri democráticas in ciuitatibus constituerunt, alteri oligarchias, non vtilitatem ciuium spectantes, sed suam ipsorum: ita ut propter has causas aut numquam media reip. forma existat, aut rarò, & apud paucos. ¹ Vnus Theopompus. Vir enim solus ex iis, qui antea principatum in Græcia tenuerunt, adductus est, ut hanc reip. administrandæ descriptionem institueret. Nunc autem apud eos, qui in ciuitatibus versantur, hæc consuetudo serpere cœpit, ut nolint æqualitatem, sed aut imperare studeant, aut victi æquo animo onus imperij subeant ac perferant. Quæ sit igitur optima reipub. administrandæ forma, & propter quam causam, ex his intelligere licet. Aliarum autem reip. administrandæ formarum, quoniam plures democráticas, pluresq; oligarchias esse dicimus; quæ prima sit locanda, quæ secunda, & quæ ad eundem modum deinceps proxima, quia alia sit melior, alia deterior, cum ea, quæ optima est, distincta, ac definita sit, non est difficile intelligere. Oportet enim necessariò eam esse meliorem, quæ ad hanc proximè accedit: deteriorem eam, quæ à medio remotissima est, nisi quis in iudicio faciendo finem ciuitati

propositum intueatur. Dico autem finem ciuitati propositum, quia saepenumero, quamuis sit alia reipub. administranda forma optabilior, ac praestabilior, nihil obstat tamen, quominus aliquibus magis expediat, aliam esse apud cos reipub. administrationem.

- 12 Quae autem reipubl. administrandae forma quibus, & qualis qualibus expediat, consequens est deinceps iis, quae dicta sunt, exponere. Primum igitur quod idem vniuersè de omnibus verè dicitur, sumendum est. Oportet enim plus valere eam partem ciuitatis, quae vult reip. administrandae formam manere, quàm quae non vult. Constat autem ciuitas omnis ex quali, seu qualitate, & quanto, seu quantitate. Quale dico libertatem, diuitias, disciplinam, generis splendorem, seu nobilitatem: quantum, multitudinis exsuperantiam. Cōtingere autem potest, ut earum partium, ex quibus constat ciuitas, parti alteri adiunctum sit quale: alteri quantum: verbi gratia, ut plures numero sint homines obscuro & humili loco nati, quàm generosi: aut plures egentes, quàm locupletes: non tam superent quanto tamen, quàm superentur quali. Quapropter haec sunt inter se comparanda. Vbi igitur egentium multitudo alteram partem superat ea proportionem, quam diximus, hic democratia oriri solet natura. Nam si quidem agricolae numero superent, fit agricolarum democratia: & vnumquodque genus democratiae pro cuiusque populi exsuperantia: verbi gratia, si agricolarum superet multitudo, prima existit democratia, sin artificum sordidorum, & mercenariorum, postrema: similiterque aliae inter has interiectae. Vbi verò locupletium & nobilium multitudo magis superat quali, quàm superatur quanto: hic nascitur oligarchia, & eodem modo vnumquodq; oligarchiae genus, pro exsuperan-

tia multitudinis oligarchia conuenientis. Oportet porro la-
torem legis semper in reip. administratione medios assumere.
Nam siue leges oligarchia conuenienteis ferat, ad medios le-
ges dirigere debet: siue democratia congruenteis, hi legibus ad-
iungendi sunt. Vbi verò mediorum multitudo superat aut
vtriusque extremos, aut alterutrum tantum: hic fieri potest,
ut reipubl. administrande forma sit firma, & stabilis. Non
est enim metucendum ne vnumquam diuites cum pauperibus in
hos consentiant & conspirent. nam numquam alteri alte-
ris seruire volent. Quod si communio rem reipubl. admini-
strationem querant, nullam aliam reperient hac communio-
rem. Nam vicissim praeesse atque imperare non facile in-
ducant animum propter diffidentiam, quae inter eos inter-
cedit. Vbiq; gentium autem arbiter honorarius, fidiſſimus
est. At medius, arbiter honorarius est. Quanto autem melius
reip. administratio mista & temperata fuerit, tanto firmior,
& diuturnior est. Vehementer autem errant multi etiam ex
iis, qui reipub. administrande formas aristocraticas efficere
volunt, non eò solum, quòd plus tribuant locupletibus, quàm
oporteat, 'verum etiam quòd fallaciter populi vires fran-
gant, atque encruent. Neceſſe enim est temporis progressu
aliquando ex falsis bonis nasci verum malum. Nam immo-
derata atque iniuste diuitum opes reip. administrationem
perdunt potius, quàm populi.

Quinque autem res numero sunt, quas in reip. admini-
strationibus per speciem quandam honestam callide exco-
gitant in populum: caequae versantur in contione, in magi-
stratibus, in iudiciis, in armandis ciuib; in exercendis. In
contionibus quidem, licere ciuib; in contione deliberandi
causa interesse: multam autem esse constitutam in locuple-

1 ἀλλὰ
καὶ ἐν τῷ
πολίτῳ
ἐστὶν ἡ
δύμνη.
Quidam
legi vo-
lunt, πα-
ραχολῶ-
σαι.

13

teis si non interfuerint in contione, eamque aut in solos locu-
 pleteis, aut multo maiorem. In magistratibus, non licere iis,
 qui censum non habeant, eiurare magistratum: egentibus &
 tenuibus licere. in iudiciis multam esse constitutam in locu-
 pleteis, nisi iudicandi munere fungantur: egentibus licere im-
 pune rebus iudicandis non præesse: aut in illos quidem gra-
 uem multam esse constitutam, in hos leuem: quemadmodum
 in Charondæ legibus. Alicubi autem licet quidem omnibus,
 qui modò professi fuerint, & nomen suum in tabulis publi-
 cis perscribendum dederint, in contione consultandi gratia
 interesse, & res iudicare. quòd si posteaquàm professi fue-
 rint, neque in contionem veniant, neque iudicandi munus
 obeant: magnæ sunt his pœnæ irrogatæ, ut propter multæ ir-
 rogationem, professionem, nominisque scriptionem fugiant.
 propterea autem quòd nomen perscribendum non dederint,
 iudicandi munus non obeant, neque in contione deliberandi
 causa intersint. Eodem modo & de armis domi habendis, &
 corporibus exercendis lege lata constituunt. Egentibus enim
 licet arma non habere: locupletes verò si non habeant, pecu-
 nia multantur: & illis licet impune corpus non exercere:
 his, si corpus non exerceant, multa irrogata est, ut hi quidem
 propter multam corpori exercendo dent operam: illi pro-
 pter impunitatem corporis exercitationem negligant. Hæc
 igitur sunt callida legum ferendarum artificia ad oligarchiam
 accommodata. In democratiis verò alias machinas exco-
 gitant, quas his opponant. Egentibus enim mercedem præ-
 bent in contionem deliberandi causa euntibus, & iudican-
 di munus obeuntibus: locupletibus utrumque munus defu-
 gientibus nullam multam irrogant. Itaque perspicuum est,
 si quis vult iuste permiscere: quæ sunt apud utrosque, in vni

esse conducenda: & illis quidem mercedem esse præbendam, his verò multam irrogandam. Sic enim omnes reipublicæ administrationis fuerint participes: illo modo autem alterorum tantum reipub. administratio est. Oportet autem reip. administrandæ formam ex his sanè constare tantum, qui habent arma. census verò magnitudinē non licet simpliciter definiendo edicere tãtam suppetere debere. sed considerato qualis & quantus amplissimus quadret ad id, ut ij, qui reipubl. administrandæ sunt participes, plures sint iis, qui non sunt participes, tantum præfinire ac præscribere oportet. Pauperes enim, etiamsi honorum non sint participes, otiosi & quiescere non nolunt, modò nequis eos contumeliosè vexet, neque de re familiari quicquam detrahat. sed hoc facile non est. non enim semper contingit, ut sint ij humanitate politi, qui reipub. administrationis sunt participes. Et pauperes, ubi bellum ortum fuerit, solent esse tardiores, nisi alantur, & si domi egeant. Quòd si quis victum suppeditet, militiam non detrectant. Constat autem reipub. administrandæ forma apud nonnullos non solum ex iis peditibus, qui arma gerunt, verum etiam ex iis, qui gesserunt. Apud Malienseis autem reipub. quidem administrandæ forma ex his constabat: magistratus verò ex iis, qui militabant, legebantur. Ac prima sanè reipub. administrandæ forma apud Græcos, posteaquàm regibus uti defierunt, ex iis, qui arma ferebant, fuit: principio quidem ex equitibus. robur enim & nervi exercitus, & belli præstantia in equitatu consistebat. Nam sine arte instruendi, disponendique exercitus peditatus grauioris armaturæ inutilis est. At talium rerum usus & ordinis disciplina non erat apud veteres: ita ut in equitatu firmamentum & robur belli collocarent. Crescentibus autem ciuitatibus, auctisque

corum, qui arma trahebant, viribus, cum pluribus reip. administratio communicata est. Quapropter quas nunc politias appellamus, maiores nostri democratas nominabant. Erant autem veteres reipublice administrandae formae non temere oligarchicae, & regia. Nam propter hominum paucitatem, ciuitatumque infrequentiam non admodum multos habebant, qui medij essent. Itaque cum & numero pauci essent, & ordinis descriptione, magis imperium perferebant. Quam ob causam igitur reipub. administrandae formae sint plures, et quamobrem praeter eas, quae commemoratae sunt, aliae: (nam & democratia una numero non est, & de aliis item sentiendum) praeterea verò quid inter se differant, & quam ob causam hoc eueniat: & praeter haec, quae sit optima reip. administrandae forma, ut dicamus de eo, quod plerumque sit: & aliarum reipub. administrandae formarum qualis qualibus conueniat, expositum a nobis est.

14 - Rursus autem & communiter de omnibus, & separatim, singulatimque de unaquaque, & de iis, quae deinceps sequuntur, dicamus, eorum principio apto & conuenienti sumto. Omnium igitur reipub. administrandae formarum tres particulae sunt, quarum quid cuique expediat, bonum scriptorem legum diligenter attendere, & considerare oportet. quibus particulis bene affectis, reip. administrandae forma bene affectam esse, & pro vniuscuiusque harum partium differentia, reipubl. administrandae formas inter se differre necesse est. Harum autem partium una quaedam est, quae de rep. consultat: altera, quae in magistratibus versatur, hoc est, quos magistratus esse, & quarum rerum potestatem eos habere, & qualem eorum electionem esse oporteat: tertia ad iudices pertinet. Summam autem potestatem habet ea pars, quae

qua de bello & pace, & de societate, & de fœderibus, & de legibus, & de morte, & exsulio, & publicatione bonorum, & de rationibus referendis consultat. Neceſſe eſt autem vel ciuibus omnibus hac iudicia eſſe tradita, vel nonnullis omnia, verbi gratia, vni cuiſdam magiſtratui, aut pluribus: vel aliis alia: vel nonnulla eorum, omnibus: nonnulla verò nonnullis. Omneis igitur ciueis de omnibus rebus ſtatuerè, popolare eſt. talem enim equalitatem requirit populus. Sunt autem modi, quibus omnes de rebus omnibus ſtatuant, complures: vnus, vt ſinguli viciffim, non omnes ſimul deliberent, & ſtatuant, quemadmodum fit in reipubl. adminiſtranda forma à Telecle Mileſio inſtituta: (Et verò in aliis etiam reip. adminiſtranda ſortis conſultat magiſtratum collegia congreſſa, & in vnum coacta: magiſtratus autem obſinent omnes viciffim ciues ex tribubus, & particulis ciuitatis prorſus minimis, donec ad omneis peruentum ſit:) conueniant autem omnes ſolum & de legibus ferendis ac iubendis, & iis de rebus, quæ ad reipub. adminiſtrationem pertinent: & vt ea audiant, quæ à magiſtratibus edicuntur ac denuntiantur. Alius modus, vt omnes conſerti, & in vnum coacti ſtatuant: ſed conueniant tantum comitiorum diebus & ad magiſtratus creandos, ſeu legendos, & ad leges ſciſcendas ac iubendas, & cum de bello & pace agendum eſt, & ad rationes rerum in magiſtratu geſtarum repetendas: de ceteris autem magiſtratus, vt cuique negotio propoſiti ſunt, ſine lecti ex omnibus, ſive ſortito capti, deliberent. Alius modus, vt ciues ad magiſtratus creandos, & rationes à magiſtratibus repetendas conueniant, & præſto ſint, & cum de bello, ac ſocietate belli deliberaturi ſunt: cetera à magiſtratibus tranſigantur atque adminiſtrentur: qui magiſtratus à populo ſint

electi, tot, quot esse debent. Tales autem sunt ij, qui non nisi à scientibus & usu peritis geri possunt. Quartus modus est, ut omnes de rebus omnibus congregati deliberent: magistratus verò nulla de re statuunt, aut decernant, sed tantam sententiam suam anquirendi causa antè interponant, eamque ad populum postea referant: quo modo nunc ultima democratia gubernatur: quam & oligarchiæ potentatus eius, quem dyznastiam nominant, imitatrici, & monarchiæ tyrannica proportionem respondere dicimus. Hi igitur omnes modi sunt democratici. Quosdam verò de omnibus statuere, oligarchiæ proprium est. Habet porro etià hoc differentias plures. Cum enim ex mediocribus censibus & deliguntur magistratus, & sunt plures propter census mediocritatem; neque quicquam eorum, quæ vetat lex, mouent, sed legem sequuntur ducem, & ei, qui censum lege præfinitum habeat, licet ad rempubl. accedere: oligarchia hæc talis quidem est, sed civilis, quia modum seruat. Cum verò non omnes consilij publici sunt participes, sed eliguntur, & tamen ex lege imperant, ut & suprà: id ad oligarchiam pertinet. At cum ij, penes quos est consultandi potestas, se ipsi legunt & creant, cumque filius in locum patris succedit, & cum leges sibi subiungunt, non se legibus: hæc reipubl. ordinatio oligarchica sit necesse est. Cum autem partitione & descriptione quadam facta, de nonnullis rebus statuendi potestatem & ius habent nonnulli: verbi gratia, de bello & pace, & de rationibus repetendis omnes: de ceteris rebus, magistratus, hi que electi, aut sortitò facti: hæc quidem reipubl. administrandæ forma, aristocratia est. sed si de aliquibus rebus statuere possint magistratus electi, de aliquibus sortitò facti: & qui sortitò sunt, vel simpliciter sumantur ex omnibus, vel ex iis, qui antè meliores

iudicati sunt, vel communiter deligantur, & sortitò fiant: hæc reipubl. administratio, partim aristocratia est, partim ipsa politia. Distinctum igitur ac diuisum hoc modo est id, quod in ciuitate consultationi præest, spectatis reip. administrandæ formis: & gubernatur unaquæque reipub. administrandæ formâ quemadmodum supra definitum atque explicatum est. Conducit autem ad consultandum ei democratia, quæ maxime videtur nunc esse democratia: (talem democratiam dico, in qua populus habet potestatem legum iubendarum, & vetandarum) quod fit in oligarchiis de iudiciorum ratione, & id rectius facere, (multam enim iis irrogant, quos iudicandi munere fungi volunt, vt iudicandi munere fungantur: at democratia tenuibus & egentibus mercedem decernit) & hæc idem in contionibus facere. melius enim consultabunt, si consultent omnes communiter: multitudo quidem cum claris & nobilibus viris: hi verò cum multitudine. Expedit autem, eos, qui consultandi munus obibūt, aut suffragiis creari, atque eligi, aut sortitò fieri. equaliter ex membris & particulis ciuitatis. Expedit porro illud quoque, si ciues populares politicos, seu ciuileis longè numero superent, aut non omnibus mercedē dare, sed tam multis, quàm multi cum multitudine nobilium commensu quodam comparari queant, aut plureis sortiendi iure, potestatemque priuare. In oligarchiis autem vtile est aut nonnullos ex multitudine ante alios sumere, aliisque anteferre, qui deliberent: aut curiam aliquam, constituerē talem, qualis est in quibusdam reipublicæ administrandæ formis, quos probulos, id est præconsultatores, & nomophylacas, id est legum custodes appellant: & de iis agere, de quibus hi ante consultarini. Sic enim populus erit consultandi confors, & particeps, neque

1 διοικῆται.
al.
διοικῆται.
mendosè

2 χατα-
κευασ-
ται. lib.
vulg. χα-
τακευ-
σται. mendosè

quicquam eorum rescindere poterit, quæ ad reipubl. administrationem pertinent. præterea aut eadem decernere populum, aut nihil contrarium iis decernere, quæ ad eum referuntur: aut cum omnibus quidem consilium communicare, sed solis magistratibus consultandi potestatem facere. contrariumque eius, quod fit in ciuilibus reip. administrationibus, quas Græci politias appellant, faciendum est. Populi enim in absoluen-do rata debet esse auctoritas: in condemnando non debet esse rata: sed prouocatio sit ad eos magistratus, qui reip. præsent. Nam in ciuilibus reip. administrationibus faciunt ordine conuerso. paucorum enim, si quidem absoluerunt, rata est auctoritas: sin condemnauerunt, rata non est: sed prouocatio semper est ad quàm plurimos. De ea igitur ciuitatis parte, quæ consultat, & de ea, penes quam est moderanda atque administranda ciuitatis auctoritas ac potestas, ita sit à nobis explicatum.

15 His autem proximè consequens est magistratuum distincta atque explicata partitio. Insunt enim in hac reip. administratione multe differentie, quot magistratus esse debeant, & quarum rerum penes eos potestas esse debeat: & de tempore, quàm diuturnum quemque esse oporteat: alij enim semestris, alij breuiore temporis spatio circumscriptos, alij annuos, alij diuturniores magistratus faciunt: & utrum magistratus perpetuos esse oporteat, an diuturnos, an neutrum, sed sæpe eosdem magistratum gerere, an non eundem bis magistratu fungi, sed semel duntaxat: præterea, quòd ad rationem constituendorum magistratuum attinet, ex quibus fieri oporteat, & à quibus, & quo modo. Nam de his omnibus oportet primum distinguere atque explicare posse, quot modis contingat ut fieri possint: deinde videre quales magistra-

tus, qualibus reip. administranda formis sint utiles, & singulos ad singulas accommodare. Sed ne hoc quidem deservire facile est quales magistratus appellandi sint. Multis enim praefectis civilis societas eget. Quapropter non omnes ij sunt in magistratibus numerandi, neque qui suffragiis creantur, fuisse eliguntur, neque qui sortito fiunt, ut primum sacerdotes. hoc enim genus hominū aliud esse à civilibus magistratibus statuendum est. deinde chororum duces ac magistri, & praecones. eliguntur & legati. Sunt autem curationes aliae civiles, & haec vel omnium civium ad aliquam actionem, ut imperatorijs omnibus, qui militant, praest: vel partis civitatis, ut mulierum curator, aut puerorum: aliae quasi ad domum administrandam, remque familiarem tuendam pertinentes, quas oeconomicas appellat Graeci: saepenumero enim frumenti mensores leguntur: aliae in ministerio consistunt, quibus sic copia suppetat, servos praeficiunt. Maxime igitur, ut simpliciter & generaliter dicam, magistratus hi dicendi sunt, quibus de aliquibus rebus consultandi, & iudicandi, & imperandi, & quidem huius rei maxime, munus assignatum est. Imperare enim magistratus propriū magis est, quam illa superiora. Sed quibus nominibus haec appellantur, nihil prope modum refert ad usus. nōdum enim eorum, qui de nomine ambigunt, controuersia iudicio diremta est. verum habet aliam aliquam occupationem mentis & cogitationis propriam. Quales autem magistratus, & quā multi sint necessarij ad id, ut sit ciuitas: tum quales non necessarij quidem sint, sed utiles ad bonam reipub. administranda formam, magis dubitare possit aliquis cum in omni reip. administranda forma, tum in parvis ciuitatibus. Nam in magnis fieri & potest, & debet, ut vnus magistratus vni rei praepositus sit.

fieri enim potest, ut multi se conferant ad principatus & imperia, quia multi sunt ciues, ita ut alios magistratus diu intermittere, alios semet gerere liceat. Tum præstat unicuique rei & actioni curationem obtingere in uno negotio positam atque occupatam, quam multis districtam. In paruis vero multos magistratus ad paucos homines conferre & contrahere necesse est. Nam propter hominum paucitatem & penuriam non est facile multos in magistratibus esse. Qui erunt enim ij, qui his rursum successuri sunt? Egent autem interdum iisdem magistratibus, & legibus parua ciuitates, atque magnæ. hoc interest, quod hæc quidem sæpenumero egent iisdem: illis vero longo temporis spatio hoc euenit. Quapropter nihil obstat, quominus multæ curationes uni simul mandentur: non enim sibi erant mutuo impedimento. & propter hominum penuriam necesse est magistratus, seu imperia constituere veluti instrumenta illa, quæ candelabri & vericuli usum præbent, obeliscolychnia à Grecis appellata. Si possimus igitur quot omni ciuitati magistratus esse necesse sit, & quot non sit quidem necesse, sed tamen esse oporteat, dicere: facilius quis his cognitis colligat, quales magistratus in unum magistratum contrahendi & conducendi sint. Cónuenit autem ne hoc quidem ignorare, qualis magistratus pro ratione loci multarum rerum curam habere, & qualium rerum penes unum magistratum auctoritas ac potestas esse debeat: verbi gratia, modestia in vita degenda seruande, utrum in foro quidem penes rerum venalium curatorem, seu ædilem: in alio loco penes alium, an ubique penes eundem: & utrum ex rebus facienda sit diuisio, an ex hominibus: dico, utrum debeat unus esse præfectus modestiæ, an alius pueris, alius mulieribus: & verò ex reipubl.

1. xj. τὰ
 πραγµα-
 τα. αλ. xj.
 τὸ πραγµα.

administrandæ formis utrū in unaquaque etiam magistratuum genus differat, an nihil differat: verbi gratia, in democratia, & oligarchia, & aristocratia, & monarchia utrū penes eosdem magistratus sit summa potestas, sed non ex paribus, neque ex similibus, verū in aliis reipub. administrandæ formis penes alios sit potestas: verbi gratia, in aristocratiis ex hominibus eruditis, & benè institutis: in oligarchiis, ex diuitibus: in democratiis, ex liberis: an sint quedam reip. administrandæ formæ ipsis quidem magistratuum differentiiis consentaneæ, sed alicubi tamen eosdem magistratus esse expediat, alibi utile sit inter se differre. hic enim cōuenit magnos esse magistratus: illic eosdem esse paruos. Verumtamen sunt quidam & proprii, ut eorum, qui antè cōsulant, & prouident, quos probulos Græci dicunt, Latini præconsultatores: prouisores fortassis appellare licet. hic enim magistratus democratia non cōuenit, neque popularis est. Consultatio verò & senatus, populare quiddam est. Oportet enim taleis quosdam esse, quibus sit curæ populo prospicere, & prouidere, ut ei liceat esse in suis negotiis occupato. Quòd si erunt pauci numero, hoc ad oligarchiam pertinebit. At præconsultatores, seu prouisores paucos esse numero, necesse est. Quare hoc oligarchiæ proprium est. Ubi autem sunt hi magistratus utrique, præconsultatores videlicet, & consultatores, siue deliberatores, & quasi senatores quidam, præconsultatores cōsultatoribus opponuntur, atque adeò imponuntur. Nam consultator seu senator, populare quiddam est: præconsultator verò, oligarchiæ proprium. Frangitur autem, atque interit etiam cōsultationis publicæ, id est senatus potestas in talibus democratiis, in quibus ipse populus congregatus omnibus de rebus agit, & transigit. Hoc porro

solet euenire cū vel copiis rei familiaris abundat populus, vel iis, qui in contionem eunt deliberandi gratia, merces datur. Nam cū otientur, ac negotiis soluti sint: & saepe numero congregiuntur, & omnia ipsi disceptant ac decernunt. Puerorum curator autem, & mulierum, & si quis est alius magistratus, penes quem talis curationis sit potestas, ad aristocratiam pertinet, non ad democratiam. (quoniam modo enim fieri possit, ut pauperum uxores prohibeantur domo exire?) neque ad oligarchiam. luxuria enim diffiunt paucorum, qui reipub. praesunt, uxores. Sed de his quidem rebus hactenus dictum sit. nunc quae ad magistratuum creationes, seu constitutiones pertinent, ab initio persequi & pertractare conandum est. Tribus autem finibus harum differentiae circumscriptae sunt: qui si componantur, modos omnes sumptos esse necesse est. Horum autem trium unam est, qui sint ij, qui magistratus faciunt: alterum, ex quibus: tertium, quo modo. Vniuscuiusque porro horum trium tres sunt differentiae. Nam aut omnes ciues constituunt, creantque magistratus, aut aliqui: & aut ex omnibus, aut ex quibusdam certis, ac definitis: verbi gratia, aut à censu, aut à genere, aut à virtute, aut tali alia re aliqua: quemadmodum Megaris ex iis, qui unà ab exsilio reuerterunt, unaque aduersus populum acie decertarunt: atque hac aut electione, aut sorte. Rursus hac duplicari possunt: hoc est alios magistratus aliqui constituunt, alios omnes: alios ex omnibus ciuibz, alios ex quibusdam: & alios suffragiis, seu electione, alios sorte. Harum autem differentiarum vniuscuiusque quattuor erunt modi. Aut enim omnes ex omnibus electione, siue suffragiis fient: aut omnes ex omnibus sorte: & aut ex vniuersis, aut ex omnibus in partibus distributis, verbi gratia in tribus, aut municipia,

1. ὅτι τῶν
συγκ-
τελεσ-
τῶν.

nicipia, aut sodalitates, siue curias, donec ad omneis ciueis
 peruentum, & per omneis ita fuerit: aut semper ex omni-
 bus: & partim hoc, partim illo modo. Rursus si qui sint con-
 stituti vel ex omnibus electione, vel ex omnibus sorte: vel ex
 aliquibus electione, vel ex aliquibus sorte: vel partim hoc
 modo, partim illo hoc est partim ex omnibus electione, par-
 tim sorte. Itaque duodecim modi sunt, prater duas coniun-
 ctiones, seu copulationes. Harum autem constituendi magi-
 stratus rationum duæ sunt populares, nempe omneis ex om-
 nibus aut suffragio, aut sorte fieri, aut utroque, alios quidem
 magistratus sorte, alios electione, seu suffragio. Constitui por-
 rò non omneis quidem magistratus simul, sed tamen ex om-
 nibus, aut ex quibusdam, aut sorte, aut electione, aut utro-
 que: aut alios ex omnibus, alios ex quibusdam utroque:
 (dico autem utroque, alios quidem sorte, alios suffragio) hoc
 ciuile est, seu, ut Græci loquuntur, politicum. Et nonnullos
 magistratus ex omnibus constitui, partim electione, partim
 sorte, aut utroque, hoc est, alios sorte, alios electione, oligar-
 chie proprium est: & multo magis si utroque. Alios verò ex
 omnibus, alios ex quibusdam, ad politiam pertinet cum ari-
 stocratia coniuncta: aut alios electione, alios sorte. At quos-
 dam ex quibusdam electione fieri: oligarchie conuenit: &
 quosdam ex quibusdam sorte, & item quosdam ex quibus-
 dam utroque. quosdam verò ex omnibus fieri, non item oli-
 garchie conuenit. At omneis ex quibusdam fieri electione, ad
 aristocratiam pertinet. Tot igitur numero modi sunt ij, qui
 in constitutione magistratuum vertuntur: & hoc modo pro
 reipubl. administrationum ratione & natura diuisi ac di-
 stincti sunt. Quæ porrò quibus conducant, & quomodo con-
 stituendi sint magistratus, & qui sint, unà cum eorum po-

1. εως α
 διελθῇ
 α. γ. πάλ-
 των τῶν
 πολιτῶν.
 αλ. πολιτῶ-
 νων men-
 dosē.

testatibus planum fiet. Dico autem potestatem magistratus, Verbi gratia, si quis magistratum describens, dicat, penes eum esse arbitrium & potestatem vectigalium, aut custodig. Non enim eadem sunt potestatis genera, quemadmodum nec eadem est eius, qui exercitui præest, potestas, atque eius, penes quem arbitrium est de rebus in foro contractis disceptandi.

16 Reliquum est, ex tribus civitatis partibus, ut de ea, quæ rebus iudicandis præest, differamus. Atque huius rei modi sumendi sunt, pro ea institutione, quæ nobis proposita est. Iudiciorum autem differentia tribus finibus continetur, ex quibus, de quibus, quomodo, ex quibus, hoc est utrum ex omnibus, an ex quibusdam iudices sumantur: de quibus, quot sint genera iudiciorum: quomodo, utrum sorte, an suffragio iudices fiant. Ac primum sanè exponamus quot sint iudiciorum genera, ut sit explicata iudiciorum partitio. Octo igitur sunt iudiciorum genera. unum est, quod ad repetendas rationes à magistratibus pertinet: alterum, quod ad delicta publica, eaque, quæ in personas publicas iniuste commissa sunt: tertium, quod ad peccata in reipub. statum: quartum, de controuersis & magistratum, & priuatorum cum ambigunt de multarum irrogationibus: quintum, de priuatis rerum magnarum contractibus, & præterea de cædibus, & de criminibus inter sicarios, & de rebus peregrinis. Maleficiorum autem ad cædeis pertinentium genera, siue apud eosdem iudices res agatur, siue apud alios, alia sunt spontè & consultò admissa, alia inconsultò, atque inuitè: & alia conceduntur illa quidem, & de factò constat inter eos, qui litigant, sed de iure ambigitur. quartum maleficium est, cuius crimen iis inferitur, qui ob cædem non voluntariam exsulabant, ab exsilio reuocatis, ut capitis causam dicerent,

quale dicitur Athenis esse etiam id iudicium, quod exercetur in Phreattone. Sed talia hæc in omni æternitate pauca ¹ τὸ ἐν-
eueniunt, eaque in magnis ciuitatibus. Iudiciorum autem ^{Φρεαττοῖ}
eorum, quæ ad res peregrinorum pertinent, unum genus est, ^{διχαετη-}
quo peregrinus cum peregrino litigat: alterum, quo peregrinus ^{ειον.)} de
cum ciue. Præter hæc omnia autem sunt & iudicia de ^{quo Demosth.}
paruis contractibus, ab una drachma usque ad quinque, ^{orat. χεῖ}
& paullo amplius. Oportet enim etiam de his iudicari. ne- ^{Αελοχρ.}
que tamen cadunt in iudicium multitudinem. Sed de his qui-
dem iudiciis, & de iis, quæ ad eadem pertinent, & de pere-
grinorum controuersis disputare omittamus: de civilibus ve-
rò dicamus: de quibus, cum neque rectè, neque ordine fiunt;
seditiones excitantur, & ex iisdem reip. administrationum
motus ac commutationes oriuntur. Necesse autem est aut om-
neis de omnibus illis, quæ suprà distinctè & partitè enumera-
ta sunt, iudicare, vel suffragio, vel sorte: aut omneis de omni-
bus partim sortitione, partim electione: aut de aliquibus iis-
dem, alios sortitò factos, alios suffragio creatos, atq; electos. ² τὸς
Sunt igitur hi modi numero quattuor. Totidem autem sunt ^{μὲν κλη-}
alteri & ij, qui sunt ex parte. Rursus enim aut ex quibus- ^{ρωτὸς,}
dam sumuntur, qui de rebus omnibus iudicent, electione: aut ^{εἰς. αλ.}
ex quibusdam, qui de rebus omnibus iudicent, sortitione: aut ^{κληρω-}
partim sortitione, partim electione: aut nonnulli sunt iudi- ^{mendosè}
cum confessus iisdem de rebus ex iudicibus sortitò factis, &
suffragio creatis. Hi igitur modi, quemadmodum expositi
sunt, iis, quos suprà diximus, consimiles sunt. Præterea verò
hæc eadem iudicia duplicari & copulari possunt. dico autem,
verbi gratia, si alia quidem ex omnibus; alia ex aliquibus;
alia ex utrisque, exempli causa, si eiusdem iudicium confes-
sus alij sint ex omnibus, alij ex quibusdam: & aut sortitione,

aut electione, aut utroque. Quot igitur modis possint esse iudicum confessus, expositum est. Horum autem primi quidem sunt populares, qui aut constant ex omnibus, aut sunt de omnibus: secundi ad oligarchiam pertinent, nempe qui ex quibusdam sumuntur, & de omnibus iudicant: tertij aristocratiam & politiam attingunt, videlicet qui partim ex omnibus, partim ex quibusdam sumuntur.

LIB. 5.

DE aliis igitur rebus, de quibus disputare consilium cepimus, fere omnibus diximus. Quibus autem ex causis reip. administrandæ formæ mutantur, & ex quàm multis, & ex qualibus: & quæ sint cuiusque reip. administrationis pestes, atque interitiones, & ex qualibus reip. administrandæ formis in qualeis administrandæ formas fiat conuersio: præterea quæ res sint & communiter omnibus, & seorsum singulis salutares: præterea verò quibus maximè rebus unaquæque resp. conseruari possit, deinceps post illa, quæ suprà dicta sunt, considerandum. Primum autem existimare oportet, multas initio reipub. administrandæ formas existitisse, cum inter omncis quidem conueniat, id, quod iustum, idque, quod proportionè æquale est, esse spectandum: sed ab hoc aberrant, quemadmodum & prius dictum est. Democratia enim orta ex eo est, quòd qui quauis re pares essent, se simpliciter pares esse existimarent. Nam quia similiter liberi sunt, se simpliciter æqualeis esse putant. Oligarchia autem ex eo nata est, quòd qui sunt una aliqua re inæquales, & superiores, se omnino inæqualeis esse putant. Quia enim copiis rei familiaris alios superant, iccirco se simpliciter inæqualeis esse autumant. inde fit ut illi quidem proinde ac si sint æquales,

omnia equalia sibi tribui æquum esse censeant: hi proinde quasi sint inæquales, superiora omnia habere studeant. Nam quod superat, inæquale est. Habent igitur omnes hæ reipubl. administrandæ formæ aliquid iuris, sed simpliciter prauæ sunt. Et propter hanc causam cum utrique non pro sua existimatione, suâque opinione, reipubl. administrationis sunt participes, seditiones inter eos commouentur. Cum autem omnium iustissimè seditiones excitent ij, qui virtute excellunt, tum minimè hoc faciunt. Maximè enim probabile, & rationi consentaneum est hos tantum simpliciter esse inæquales. Sunt autem quidam, qui cum genere præsent, dignos se putant non equalibus, sed pluribus, & amplioribus propter hanc inæqualitatem. videntur enim ij esse nobiles & generosi, quibus maiorum virtus, & diuitiæ suppetunt. Principia igitur hæc sunt ferè seditionum: hi fontes, atque hæ causæ, quibus impulsæ seditiones concitant. Quocirca conuersiones, & commutationes reipubl. administrationum¹ meritò fiunt. Aliquando enim ipsam reip. administrandæ formam oppugnant, ut ex eo reipubl. statu, qui nunc est, aliam reip. administrandæ formam constituent: verbi gratia, ex democratia oligarchiam, aut ex oligarchia democratiam, aut ex his politiam, hoc est ciuilem reipubl. administrationem, aut aristocratiam, aut has ex illis. Interdum non quod præsentem reipubl. statum conuellere, aut immutare conentur, dissident: sed statum reip. eum quidem, qui nunc est, omnibus aliis anteponunt: verum se moderatores ciuitatis, & administrationis reipubl. compotes esse volunt: verbi gratia, oligarchiæ, aut monarchiæ. Præterea interdum certant de intendenda, aut remittenda reip. administrandæ forma, verbi gratia, ut, quæ reip. administratio, oligarchia est, sit aut acrior & ex-

1 *διζήσις*.
al. *διζήσις*.
id est,
duobus
modis,
seu du-
pliciter.

quisitor, aut minus acris, minúsque exquisita oligarchia: aut, quæ democratia est, vel intentior, vel remissior democratia fiat: itémque de reliquis reipubl. administrandæ formis id pugnant ut vel intentæ sint, vel remissæ. Præterea contendunt partem aliquam reip. administrationis mouere atque immutare, verbi gratia, magistratum aliquem constituere, aut tollere: quemadmodum aiunt quidam Lysandrum Lacedæmone regnum tollere esse conatum: & Pausaniam regem, ephorum imperium: & Dyrrachij mutata est reipub. administrandæ forma ex particula quadam. Nam pro tribunis plebis, seu tribuum præfectis, quos Græci phylarchos appellant, senatum fecerunt. Jam verò in maximum illum & frequentissimum iudicum cōfessum, quam Heliæam Athenienses nominant, necesse est etiam nunc magistratus ex iis, qui in reipub. administratione versantur, peruenire, cū aliquis iudex in demortui locum suffragio sufficiens est. Oligarchiæ autem conueniebat etiam prætor, seu archon unus in hac reipub. administrandæ forma. Vbiq; enim propter inæqualitatem, seu iniquitatem seditio oritur. Est autem inæqualitas & cū inæquales quidem sunt ciues, non tamen inæqualibus tribuitur id, quod proportionem sit æquale: & cū æqualibus tribuuntur inæqualia. Regnum enim perpetuum, inæquale & iniquum sit inter æqualeis. Omnino enim homines æquale, seu æquum quærentes inter se dissident & discordant. Est autem æquale duplex: unum numero, alterū dignitate. æquale numero dico, quod est multitudo aut magnitudine idem, & æquale: dignitate, quod ratione: verbi gratia, æquali numero tria superant duo, & duo vnū: æquali ratione quattuor duo, & duo vnū. uterq; enim numerus, qui superatur, eorum numerorū, qui superant, dimidius est. Cum

inter eos autem conueniat de eo, quod iustū est simpliciter, de eo, quod iustum est proportionē, dissident, quemadmodū antē dictum est, alij quidem quoniam si aliqua re sint aequales, existimant se esse omnibus rebus aequales: alij, si aliqua re sint inaequales & superiores, pluribus, aut maioribus se dignos esse putant. Quapropter & duae reipub. administrandae formae maximē existetere solent, democratia, & oligarchia. Generis amplitudo enim, seu nobilitas, & virtus in paucis cernuntur: horum contraria autem in pluribus. Nam nobilibus quidem & viros bonos nusquam gentium centum repetas: egenteis verō & improbos, multos multis locis. Simpliciter autem & omni ex parte ex alterutra aequalitate ordinatam & constitutam esse reipub. administrationem vitiosum est: quod ex euentu intelligere licet. Nulla enim ex talibus reip. administrandae formis ad diuturnitatem stabilis est. Huius rei haec causa est, quod fieri non potest, ut non ex eo, quod primū, & ab initio peccatum, aut minus rectē factum est, non erumpat ad extremum insigne aliquod malum. Quocirca oportet partim aequalitate arithmetica, eaque, quae in multitudinis ac magnitudinis aequalitate consistit, partim geometrica, & ea, quae est ex dignitate, uti. Verumtamen tutior, & à seditionum periculo munitior democratia, quàm oligarchia, est. Nam in oligarchiis duo mala oriri solent, seditio paucorum potentium & inter ipsos, & praeterea aduersus populum. Praeterea reipublicae administrandae forma ex mediocribus concreta, propius accedit ad democratiam, quàm ad paucorum imperium: quae quidem mediocre respub. omnium reip. administrandae formarum tutissima est.

Quoniam autem quibus è rebus seditiones in ciuitati 2

τ' αἰσῶν
τῶν δ' αἰ.
ταῦτα δ'
mendosè

bus, & commutationes reipubl. administrandæ formarum
 oriantur, cōsiderare instituimus, vniuersè primū origines,
 & causas earum sumere nos oportet. Sunt autem fere nu-
 mero tres : quæ primū rudi quadam descriptione per se
 sunt explicandæ. Oportet enim sumere & quomodo affecti
 homines dissideant inter se, & quarum rerum causa, &
 quod tertium est, quæ sint principia perturbationū ciuiliū,
 & seditionum inter ciueis ortarum. Quamobrem igitur af-
 fecti sint, ipsi quodammodo ad conuersionem & commuta-
 tionem reipub. ea vniuersè causa statuenda est, de qua iam
 forè diximus. Alij enim aequalitatis cupiditate inflamma-
 ti, dissident, & discordant inter se, si se putent deteriore esse
 condicione, cū sint iis, qui superiora habent omnia, pares.
 alij inaequalitatem & præstantiā concupiscentes, si cū sint
 inaequales & superiores, existiment se non ferre parteis prio-
 res, nec plus habere, quā alios, sed æquale, aut etiam minus.
 Potest autem euenire, vt hæc iustè expetantur : potest ve-
 rò & vt iniustè. Nam & cū sunt inferiores, vt sint æ-
 quales, seditionem concitant : & cū æquales, vt sint ma-
 iores. Quomodo igitur affecti dissideant, & seditionem con-
 citent, expositum est. Ea autem, quorum causa dissident, &
 discordant, sunt lucrum, & honos, & quæ his cōtraria sunt.
 Nam ignominiam, & multam, seu damnum fugientes, quæ
 vel se, vel amicos attingat, seditiones in ciuitatibus commo-
 uent. Causæ autem & origines motuum, à quibus & ipsi
 hoc modo afficiuntur, & de rebus, quas antè diximus, dissi-
 dent, aliquo modo sunt numero septem : aliquo modo plures :
 quarum duæ quidem sunt eadem atque eæ res, quæ à nobis
 commemoratæ sunt, sed non eodem modo. Propter lucrum
 enim, & propter honorem inter se excandescunt ac senuunt,

non ut illa sibi cōparent, & possideant, ut antè dictum est, sed quòd alios videant partim iustè, partim iniustè meliøre esse conditione, quàm se, & bonis externis antecellere: præterea propter contumeliã, propter metum, propter excellentiã, propter contemptum, propter incrementum à proportionē auersum. Præterea vero alio modo propter mercenarium vitæ toleranda genus, propter incuriam, propter paruitatem, propter dissimilitudinē.

Harum autem rerum, contumeliã, & lucrum quam vim 3 habeant, & quomodo sint seditionum causæ, propemodum apparet. Nam cū ij, qui magistratus gerunt, contumeliosi sūt in priuatos, & plura atque ampliōra omnia per iniuriã, & auaritiã sibi sumunt: seditionem concitant illi tum inter se, tum in eas reip. administrandæ formas, quæ hanc licentiã præbent ac permittunt. Iam verò plura & ampliōra habēdi per iniuriã cupiditas quàm pleonexia Græci nominant, interdum in res priuatorum, interdum in rem communem & publicã confertur. In promptu etiã est & quid valeat honos, & quomodo seditionis sit causa. Nam & cū ipsi ignominia afficiuntur, & cū alios honorari vident, dissident ac discordant. Fiunt autem hæc iniustè cū præter dignitatem aut honore afficiuntur, aut dedecore, infamiãque notantur: iustè cū ex dignitate. Propter excellentiã porrò seditio oritur, cū aliquis vnus, aut plures, ampliōres opes, maiorēque potentiam obtinent, quàm fert ciuitas, aut reipub. administrationis potentia. Ex talibus enim rebus monarchia, aut dynastia nasci solet. Quocirca in nonnullis locis solent præstantiores viros per testam ad certum tempus relegare, quod Græci dicunt ostracizēin, ut Argis, & Athenis. At qui præstat ab initio providere, ne viri tam excellentes possint

in ciuitate exsistere, quàm malo ex patientia & negligentia nato posterius moderi. Propter metum autem seditionē commouent & qui iniuriam fecerunt, ne dent penas, & qui suspicantur futurum ut iniuria afficiantur, volentes anteuertere atque occupare, priusquàm iniuste lādantur: quemadmodum Rhodi nobiles in populum coierunt & conspirarunt propter iudiciorum, & pœnarū, quæ intentabantur, metum. Propter contemptum autem seditionem excitant, & impetu factō in alios inuadunt, ut & in oligarchiis, cū plures sunt ij, qui à reipubl. administratione excluduntur: meliores enim se esse putant: & in democratiis locupletes contempta confusione & perturbatione rerum, imperiūque vacuitate: cuiusmodi quiddam & Thebis accidit post pugnam in vinctis commissam: quo tempore, quod resp. malè administraretur à populo, democratia funditus extincta atq; oppressa est. Etiā Megarensiū democratia cū propter eandē ordinis perturbationem, & imperij vacuitatem superati essent, deleta est: Syracusis quoque ante Gelonis tyrannidem: Rhodi denique opes populi ante rebellionem fractæ conciderunt. Oriuntur & propter incrementum quorundam à proportionē auersum ac remotum reipubl. administrationum commutationes. Quemadmodum enim corpus ex partibus constat, idque oportet ex proportionē crescere, ut maneat totius & partium commēsus: sin minus, interit, cū pes quidem quatuor est cubitorum, reliquum verò corpus duorū palmorum: interdum verò etiam in alterius animantis figuram vertitur, si non solum ex quanto, seu quantitate, verum etiam ex qualitate augeatur, & crescat præter proportionem: ita & ciuitas ex partibus concreta & coagmentata est, quarum sæpe nonnulla occultè augetur: quemadmodum egen-

tium multitudo in democratiis & politiis. Accidit autem hoc interdum & fortuito, ut Tarenti superata & extincta magna parte nobilitatis ab Iapygibus, non ita multo post bellum Persicum tempore, democratia ex politia facta est: & Argis cum ij, qui erant in Ebdoma, à Cleomene Lacedaemonio essent interfecti, coacti sunt Argiui nonnullos ex colonis, quos pericæcos nominant in ciuitatem recipere. & Athenis cum infeliciter terra pugnassent, nobiles pauciores facti sunt, quia dilectu habito militabant, sub bellum Lacedaemonium. Accidit autem hoc etiam in democratiis: sed autem minus saepe. pluribus enim locupletibus ex orientibus, aut copiis rei familiaris crescentibus, mutantur in oligarchias, aut dynastias, seu potentatus. Mutantur porro reipubl. administranda formæ etiam sine seditione propter mercenarias operas: quemadmodum in Heraea. Nam iccirco magistratus, qui antea suffragio & electione deferebantur, sortito mandari cæpti sunt, quia eligebant homines operis mercenariis vitam toleranteis. Etiam propter incuriam ac negligentiam seditiones oriuntur, cum eos, qui à reipubl. administranda forma alieno sunt animo, ad amplissimos magistratus peruenire sinunt: quemadmodum Orei sublata & extincta oligarchia est, eò quod Heracleodorus in prætorum collegium cooptatus fuerat: qui ex oligarchia politiam & democratiam fecit. Præterea propter id, quod est parui momenti. dico autem rem parui momēti, quia saepe non sentiunt homines magnam institutorum reipubl. mutationem fieri, cum in re parua conuiuent, & negligenteis se præbent. quemadmodum Ambraciæ census erat paruus eorum, qui reipubl. præerant. ad extremum autem nullius census homines ad magistratus prouehébantur: proinde quasi paruum censum habere

1 τῶν ἐν-
πύρων, al.
ἀπύρων,
mendosè

proximum sit, aut nihil planè differat ab eo, quod est nullum habere. Ad seditionem excitandam valet etiam id, quod non est eiusdem gentis, & generis, donec consenserit & conspirarit. Quemadmodum enim non ex qualibet, & fortuito oblata multitudine fit ciuitas, sic neque quouis tempore. Quapropter qui inquilinos, aut aduenas in ciuitatem receperunt, ij ferè omnes, aut cerè plurimi, seditionibus conflictati sunt: exempli causa cum Træzeniis Achiui Sybarim incoluerunt: deinde Achiui numero aucti Træzenios eiecerunt. unde scelus Sybariticum natum est. Et Thuris cum Sybaritæ populos unà secum habitanteis, & in ciuitatem receptos iniuste laderent, & maiorem agri, tanquam sui, partem, superioraque adeò omnia sibi assumerent, exacti sunt. Et cum Byzantij aduenas sibi insidiari comperissent, & manifestè quasi in ipso furto deprehendissent, eos prælio commisso superatos exterminarunt. Et Antissai Chiorum exsules in ciuitatem receptos, cum eos res novas moliri sensissent, signis collatis eiecerunt. Et Zanclei cum Samios in ciuitatem suam recepissent, ipsi ab eis victi & expulsi sunt. Et Apolloniata, qui in Ponto Euxino habitant, cum aduenas quosdam inuitassent, seditionem inter se concitarunt. Et Syracusani post tyrannos exactos, peregrinis, & mercenariis militibus ciuibus factis, dissenserunt ac discordarunt inter se, & prælium commiserunt. Et Amphipolitæ, Chalcidensium colonis receptis, ab his eiecti sunt eorum plerique. Seditiones autem concitat in oligarchiis quidem plebs & multitudo tanquam iniuriam accipiens, quòd æqualium non sit particeps, cum sit æqualis, quemadmodum antè dictum est: in democratiis verò nobiles & clari viri, quoniam æqualiacōsequuntur, æqualibúsque præmiis ornatur, cum æqua-

les non sint, sed multò superiores. Seditiones etiam oriuntur interdum in ciuitatibus etiam de locis ac sedibus, cùm solum ad id, ut sit una ciuitas, non est accommodatum natura, ut Clazomenis inter eos, qui Chytrum incolebant, & insulanos: & Colophone inter Colophonios, & Notienses. Quinetiam Athenis non similiter sunt omnes populares, sed magis sunt ij, qui in Piræo habitant, quàm qui in vrbe. Quemadmodum enim in bellis ac præliis cloacarum & fossarum vel minimarum transitus ordines distrahūt ac diuellunt: sic omnis dissimilitudo ac diuersitas, dissidium ac discordiam parere videtur. Ac maxima fortasse dissensio & discordia est ea, quæ est virtuti cum vitio: proxima diuitiarum & paupertatis: & ita scilicet alia, quàm alia, maior dissensio est: quarum etiam una est ea, quæ à nobis dicta est.

Oriuntur igitur seditiones non de paruis rebus, sed ex par-
 uis. dissident enim & seditiones excitant homines de rebus
 magnis. maximè tamen acres & valide sunt etiam parue,
 cùm in iis, in quorum moderatione respubl. vertitur, exsi-
 stunt: cuiusmodi res olim accidit & Syracusis. Mutata
 enim est reipubl. administranda forma ex duobus iuuenibus
 magistratus gerentibus, cùm inter eos de re amatoria dissen-
 sio orta esset. Altero enim absente, quidam eius sodalis pue-
 rum, eius delicias, ad se pellexit. Ille autem reuersus huic
 iratus, contra eius uxorem induxit, ut ad se veniret. ex quo
 adiunctis sibi qui in republ. versabantur, omneis ciueis ad
 seditionem perpulerunt. Quapropter talibus offensionibus
 nascentibus adhibenda cautio est: & ducum ac potentium
 discordiæ componendæ ac dirimendæ sunt. Nam in princi-
 pio peccatum consistit. At principium dimidium totius esse
 dicitur. Itaque & quod peccatum in eo commissum, paruum

Et leue est, iis peccatis, quæ in aliis partibus admittuntur, proportionẽ respondet. Omninio autem nobilium & clarorum virorum seditiones totam ciuitatem cõtationibus malorum cõtaminatam in eandem fraudem trahunt: quale illud est, quod Hestiae accidit post bellum Persarum, nato inter duos fratres de bonorum paternorum diuisione dissidio. Nam is, cuius res familiaris erat angustior, cum alter rem à patre relictam non exhiberet, neque thesaurum, quem pater inuenerat, proferret, popolareis aduocauit, sibi que adiunxit: alter rei familiaris copiis abundans, locupleteis. Et Delphis orta ex affinitate dissensio, fons & principium omnium, quæ posterius coorta sunt, seditionum fuit. Quidam enim captato augurio, & consultis auspiciis, nescio quid sinistri sibi portendi auguratus, ut ad sponsam venit, ea repudiata discessit. At puellæ propinqui tanquam contumeliosè tractari atque accepti, interea dum ille sacrificaret, res quasdam sacras in eum locum, ubi sacrificabat, occultè coniecerunt: deinde eum, ut sacrilegum, necauerunt. Et Mitylenis nata ex puellis orbis, & patrum locupletium hæredibus seditio, multorum malorum, & bellicum Atheniensibus suscepti, in quo Paches Atheniensium imperator urbem eorum cepit, principium atque origo fuit. Nam cum Timophanes quidam, vnus ex locupletibus, duas filias superstites reliquisset, Doxandérque, qui eas filiis suis uxores poposcisset, repulsam tulisset, spretusque ac reiectus fuisset, seditionis auctor ac princeps fuit: & Athenienseis ea re offensos atque irritatos ad bellum impulit. Et cum apud Phocensis ex puella patri diuiti superstiti inter Mnaseam Mnesonis patrem, & Euthycratem Onomarchi filium seditio coorta esset, hæc seditio belli sacri Phocensibus origo fuit. Mutata est & Dyr-

rhachij reipubl. administrandæ forma ex rebus nuptialibus. Cùm enim quidam filiam suam cuidam despoðisset, & sponsi pater iratus, quòd ille consilium suum de filia mutasset, magistratùmque adeptus, ei multam irrogasset: ille alter tanquam iniuria, & contumelia affectus, eos adiunxit sibi, qui reipub. administratione exclusi erant. Mutatur autem reip. administrandæ forma etiam in oligarchiam, aut in democrati-
 tiam, aut in politiam, ex eo quòd vel ij, qui reip. præsumt, vel aliqua pars ciuitatis præclaram existimationem & gloriam facto aliquo laudabili pepererit, aut aucta sit: quo modo senatus Ariopagiticus optima existimatione & fama parta temporibus belli Persici visus est reipub. administrandæ formam acriorem & contentiorem effecisse. Et rursus turba nautica cùm illius ad Salaminem victoriæ, & ob victoriam illam, totius Græciæ principatus causa fuisset, propter hanc maritimam potentiam, democratiam robustiorem ac validiorem reddidit. Et Argis viri nobiles atque illustres magna in prælio aduersus Lacedæmonios ad Mantinéam commisso parta gloria, conati sunt democratiam de medio tollere. Et Syracusis cùm in populo causa victoriæ belli cum Atheniensibus gesti constitisset, politia in democratiam mutata est. Et Chalcide populus Phoxo tyranno cum illustribus & claris viris sublato, continuò se ad politiam contulit atque applicauit. Et Ambraciæ rursus eodem modo populus, Periandro tyranno unà cum iis, qui cum eo iuncti in ciuitatem inuadebant, exacto, ad seipsum reipubl. administrationem reuocauit ac redegit. Omnino igitur nemini obscurum esse debet, eos, per quos ciuitati potentia parta est, tum priuatos, tum magistratus, tum tribus, partem denique, & multitudinem quamlibet, quantacumque illa sit, seditionem commouere,

*Pauorum potentia
 Popularis status et
 Respublica. —*

Nam aut qui his honorem habitum inuident, seditionis initium faciunt, aut hi propter excellentiam aequali sorte contenti esse nolunt. Mutantur etiam reipubl. administrandæ formæ cum quæ videntur esse inter se contrariæ partes, exaquantur, ut diuites, & multitudo: medium autem aut nihil est, aut admodum, & prorsus paruum. Nam si longè præstet pars alterutra, cum parte perspicuè meliore non vult altera cum periculo dimicare. Quapropter etiam qui virtute præstant, seditionem ferè non faciunt. Tales enim pauci fiunt, cum multis comparati. Vniuersè igitur in omnibus reipublicæ administrandæ formis, seditionum & mutationum principia, & causæ hoc modo se habent. Mouent autem & mutant reipub. administrandæ formas interdum vi, interdum dolo & fallacia. Vi, aut statim ab initio, aut posterius vim afferentes, & necessitatem imponentes. Nam dolus quoque duplex est. aliquando enim dolis primùm vsi aduersariorum voluntate reipubl. administrationem commutant: deinde posterius iis inuitis per vim retinent: exempli gratia, temporibus quadringentùm virùm, populum deceperunt, cum dicerent, regem Persarum pecuniam ad bellum cum Lacedæmoniis susceptum suppeditaturum. cum autem falsum dixissent, reipubl. administrationem penes se retinere conabantur. Aliquando posteaquàm ab initio fidem fecerunt ac persuaserunt, eis iterum posterius persuadendo adductis, & libentibus imperant. Ex iis igitur, quæ dicta sunt, intelligere licet, simpliciter omneis reipub. administrandæ formas mutationibus, tanquam quibusdam fortunæ telis, esse propositas, atque opportunas.

In unoquoque autem reipubl. administrandæ genere oportet nos ex his partienteis euenta considerare. *Democratia* igitur

igitur mutantur maximè propter blandorum populi ductorum, & leuium contionatorum petulantiam. Nam partim locupleteis priuatim calumniis onerantes, eos coire, & conspire faciunt (conciliat enim & coniungit vel inimicissimos communis metus) partim communiter multitudinem in eos incitantes. Atque hoc in multis quis ita euenire videat. Nam etiam in Co mutata democratia est exorientibus in ea improbis populi ductoribus. nobiles enim coiuerunt. & Rhodi. stipendium enim militibus populares contionatores præbebant, & triremium præfectis iusta persolvere vetabant. Illi autem propter iudiciorum grauium, quæ ex lege, nisi nauigarent, erant subituri, metum, coacti sunt coitione facta, populi potentiam euertere. Heraclæe quoque opes populi fractæ & dissipatæ sunt, statim post coloniam eò ab Atheniensibus missam, culpa popularium & leuium populi ductorum. Cum enim nobiles ab iis iniuria afficerentur, exire è ciuitate coacti sunt. deinde qui eiekti fuerant, in unum conductis & contractis copiis; in ciuitatem ab exsilio reuersi, democratiam sustulerunt. Similiter & quæ Megaris erat democratia, dissoluta & conuulsa est. Nam populi ductores, ut bona priuatorum publicare possent, multos nobileis è ciuitate exterminarunt, usque eò donec magnum exsulum numerum fecerunt. Illi autem in ciuitatem ab exsilio reuerti cupientes, signis collatis populum superarunt, & oligarchiam ex democratia fecerunt. Idem porro & Cumis accidit: qua in urbe democratiam Thrasymachus funditus deleuit. Atque in aliis fere ciuitatibus, si quis animaduertere & considerare velit, rerum public. conuersiones, & mutationes hoc eodem modo fieri videre possit. Interdum enim ut à populo gratiam ineant, nobilibus iniuriam inferentes, eos ad consensio-

nem & coitionem faciendam impellunt, dum aut eorum bona legibus agrariis populo diuidunt, bonorūque aequationem inducunt, aut vectigalia functionibus munerum publicorum exhauriūt. interdum falsis criminibus in iudicium adducentes, & in inuidiam vocantes, ut diuitum fortunas & facultates rei familiaris publicare possint. Priscis porro temporibus cum idem populi ductor fieret, & imperator, democratia in tyrannidem vertebatur. ferē enim plerique tyranni antiqui ex populi ductoribus facti sunt. Causa autem quamobrem tunc quidem hoc fieret, nunc verò non item, est, quòd populi ductores, erant ex numero eorum, qui praeerant exercitui, quique rem militarem administrabant. Nondum enim eloquentes erant. Nunc autem arte dicendi propagata, qui dicendo valent, populo quidem praesunt, eumque conitionando moderantur, sed propterea quòd sunt imperiti rerum bellicarum, non moliuntur res nouas, neque reip. administrandae formam conantur immutare, nisi sicubi leuiter quippiam tale tentatum est. Exsistebant autem tyrannides antea magis, quàm nunc, & quia magna imperia certis hominibus mandabantur, ac tradebantur, ut Mileti tyrannis ex prytania facta est: multarum enim & magnarum rerum penes prytanin potestas erat: & praeterea quia tunc urbes non erant magnae, sed populus in agris commorabatur, in operibus rusticis occupatus. ideo populo praefecti cum essent viri militares, & bellicosi, tyrannidem occupabant. Omnes autem hoc faciebant, quòd se populus eis crediderat & commiserat. Fidem porro ut eis haberet populus, faciebant inimicitia, quas illi cum diuitibus gerebant. Ut Pisistratus Athenis, orta dissensione inter eum & Pediacos, à populo fide dignus habitus est: & Theagenes Megaris, cum is locupletium pecora & ar-

menta ad fluuium pascentia deprehendisset, ac iugulasset: & Dionysius cū Daphnæum, & ceteros locupleteis accusaret, dignus tyrānide existimatus est, propter inimicitias cū illis susceptas fidem apud populū cōsecutus, quasi popularis esset. Fit autem etiam mutatio ex democratia patria & antiqua in maximè nouam & recentē. Nam quibus in locis magistratus per electionem deferūtur, non ex censibus: & populus eligendi ius habet: in eis ambitiosi homines populo assentātes eō rem deducūt, ut populus etiam legum sit arbiter ac dominus. Remedium autem huius incommodi aut ne accidat, aut ut minus accidat, in eo positum est, ut magistratus à tribubus pronuntiātur, ac declarētur, nō à populo uniuerso. Democratiarum igitur mutationes ferè omnes propter has causas sūt.

Oligarchiæ autem commutantur duobus maximè modis 6
valde in promptu positis: vno quidem si pauci potentes, & reipub. compotes multitudini iniuriam inferant. Quiuis enim sit hīc dux idoneus ad præeundum populo: sed tum maximè cū acciderit, ut dux ex ipsa oligarchia existat: quemadmodum in Naxo Lygdamis, qui posterius Naxiorū etiam tyrannus fuit. Habet autem & seditionis principium ab aliis profectum differentias quasdam. Interdum enim ab ipsis diuitibus, non iis tamen, qui prouecti sunt ad magistratus, nascitur oligarchiæ interitus, cum valde pauci sunt y, qui honores adepti sunt, ut Massiliæ, & Istri, & Heracleæ, & in aliis vrbibus accidit. Nam qui magistratuum participes non erant, rebus nouandis studuerunt, donec ipsi etiam participes facti sunt, fratres quidem maiores natu prius, posterius verò iterum minores. non enim magistratum obtinent in nonnullis locis pater & filius: in quibusdam frater natu maior, & natu minor. Atque illic quidem reip. administratio, ciuiliior

facta est. Isti verò in democratiā euasit. At Heraclea à paucioribus potentibus ad sexcentos translata est. Mutata etiam in Cnido oligarchia est, cum viri ipsi illustres ac nobiles ab eis diffidissent, propterea quòd pauci reipub. administrationis participes erant: & quemadmodum dictum est, si pater magistratum obtinebat, filius à magistratu excludebatur: & si plures fratres erant, soli natiū maximo aditus ad magistratus patebat. Nam cum populus eos inter se dissidentes, ac discordantes occupasset, atque oppressisset, & ex illustrium virorum numero ducem cepisset, impetu facto eos adortus profligauit, rerūque potitus est. Imbecillum enim est id omne, quod discordat. Et Erythris regis Androcli posteris oligarchiā obtinentibus, priscis illis temporibus, quamuis ea, quæ ad rempub. pertinerent, benè procurarent: indigne ferens tamen populus, quòd paucorum imperio subiectus esset, reipub. administrandæ formam mutauit. Mutatur autem oligarchiæ etiam ipsorum paucorum potentium culpa, cum propter contentionis studium populo blandiuntur, atque assentantur. Duplex autem popularis blanditia est, vna, quæ in ipsis paucis potentibus vertitur. Exsistit enim blandus populi ductor, & pæne dicam, assentator, etiamsi pauci admodum sint quibus blandiatur, verbi gratia, Athenis in triginta viris Charides vixit ac valuit, dum triginta viris populariter blanditur. & in quadringentis Phrynichus eodem modo. altera cum turba, & facit populi blandiuntur & assentantur pauci diuites imperium obtinentes: ut Larissæ ciuium custodes, qui politophylaces dicuntur à Grecis, quia ipsi à plebe legebantur, populi turbam, & infimam multitudinem colebant. Quod etiam fit in iis omnibus oligarchiis, in quibus non hi legendorum magistratum

ius habent, ex quorum corpore aut ordine sumuntur magistratus, sed magistratus quidem fiunt ex amplis & magnis censibus, aut sodalitatibus: verum eligunt eos aut milites leuioris armaturæ, aut populus: quod Abydi contigit: & ubi rebus iudicandis non præsent ij, qui rempubl. administrant. colentes enim populum iudiciorum gratia, reip. administrandæ formam in democratiā commutant: quod & Heraclæa, quæ in Ponto est, accidit. Præterea cum aliqui oligarchiam ad pauciores trahunt. Nam qui equalitatem querunt, auxilium populi aduocare, sibi que asciscere coguntur. Fiunt autem oligarchiæ conuersiones etiam cum pauci potentes, qui rempubl. moderantur, rem suam familiarem consumserunt intemperatè viuendo. Etenim tales homines rebus nouis student: & aut ipsi tyrannidem occupant, aut alium tyrannum parant: quemadmodum Hipparinus Dionysium Syracusis. & Amphipoli quidam, cui nomen erat Cleotimo, Chalcidèsum inquilinos in urbem adduxit: cõfque, cum venissent, locupletibus insensos reddidit, atque in eos incitauit. Et in Ægina is, qui negotium illud, quod ad Charetem attinebat, gessit, reipubl. administrandæ formam mutare conatus est propter talem causam. Interdum igitur aliquid mouere & nouare conantur: interdum pecuniam publicam furantur, ex quo aut ¹ hi inter se dissident & discor-
dant: aut qui his remp. depeculantibus aduersantur, & repugnant: quod Apollonia accidit, eam dico, quæ est in Ponto. Consentiens autem & conspirans oligarchia non facile ex seipsa interit. cui rei indicio est Pharsaliorū reip. administratio. Illi enim cum pauci sint, ² in multos dominatum obtinēt, quoniam seipsi bene gerunt. Iam verò frangitur paucorum potentatus cum in oligarchiā, alteram oligarchiam inserunt.

1 οἱ τοιοῖ
κλέπτον-
τες, sub-
intel. vox
κλέπτον-
τες inter-
pfit in cõ-
textum.
2 legen-
dum for-
tasse est,
τῶν πολ-
λῶν κύ-
ριοι εἰσι,
id est in
multitu-
dinem
dom.obt.

hoc autem est cum ad paucos contracta reip. administratione, amplissimorum magistratuum omnes pauci non sunt participes. quod aliquando Elide accidit. Nam cum respubl. à paucis senatoribus administraretur, pauci omnino fiebant senatores, & quia perpetui erant, cum essent nonaginta: & quia electio erat dynastia propria, eorumque, qui Lacedamone sunt, senatorum electioni similis. Fit porro etiam in bello, & in pace oligarchiarum mutatio: in bello quidem dum propterea quod populi fidem habent suspectam, militibus externis coguntur uti. cui enim exercitum tradiderint, hic sæpenumero tyrannus efficitur: quemadmodum Corinthi Timophanes. quod si plures fuerint, hi sibi dynastiam asciscunt: interdum vero hæc veriti cum multitudine reip. administrationem communicant, propterea quod necesse habent populo uti. in pace autem, propterea quod mutuo fidem non habent, custodiam corporis externis militibus, & principi inter eos medio tradunt & committunt, qui sit interdum utriusque partis dominus. Quod Larissa accidit Aleuadis Samiis principatum obtinentibus: & Abydi, solalitatibus institutis: quarum una erat ea, quæ fuit Iphiadæ. Oriuntur autem seditiones etiam ex eo, quod alij ab aliis contumeliosè tractentur, & vexentur, iis ipsis, qui imperium habent: & ex eo, quod factiosè iactentur ac circumueniantur in nuptiis, & in actionibus iudicialibus: verbi gratia, ex causa nuptiali seditiones, quas antè diximus, tanquam ex fonte, manauerunt. Oligarchiam porro Eretriensem, quam equites obtinebant, Diagoras sustulit ac deleuit, quod in nuptiis iniuriam accepisset. Seditio verò, quæ Heracliae exarsit, ex iudiciali sententia orta est: & ea, quæ Thebis, ex eo, quod ob crimen adulterij pœnas iustas quidem illas, sed nimis acerbis sum-

sissent Heracleenses principes de Eurytione, Thebani de Archia. Contenderunt enim eius inimici, atque odio suo peruicerunt, ut in foro vinctus numella astringeretur. Multæ denique oligarchiæ quia nimis erant sæuæ, & dominorum in seruos imperiis similes, à quibusdam remp. communiter administrantibus, talem sæuitiam agrè ferentibus, fractæ, & dissipatæ sunt, quemadmodum quæ in Cnido, & quæ in Chio erat oligarchia. Fiunt autem etiam ab euentis, tum eius reipubl. administrationis, quæ politia appellatur, tum oligarchiarum commutationes, earum omnium scilicet, in quibus ex censu in ordinem senatorum, & numerum iudicum ascripti, consultandi & iudicandi munere funguntur, aliósque magistratus gerunt. Sæpenumerò enim qui primò fuit census præscriptus ac præfinitus, & ad præsentia tempora accommodatus, ut in oligarchia, pauci: in politia, medijs magistratus obtinere possent: rebus prosperis, & ad uoluntatem ciuium fluentibus vel propter pacem, vel propter aliam secundam fortunam, contingit ut eadem rei familiaris facultates multo maiore censu sint æstimandæ, ita ut omnes omnium magistratuum sint participes, fiatque mutatio reip. administrationis interdum occulta quadam accessione, & sensum fugiente incremento, & paulatim: interdum citius. Oligarchiæ igitur conuertuntur, ciuitatésque seditionibus iactantur ac fluctuant propter taleis causas. Omnino autem etiam democratiæ, & oligarchiæ interdum de suo statu, gradúque deturbatæ migrant non in contrarias reipub. administrandæ formas, sed in eas, quæ eodem genere continentur, verbi gratia, ex democratiis, & oligarchiis iustis ac legitimis, fiunt reip. administrationes dominantes, hoc est, quæ in arbitrio, nutúque paucorum & populi vertuntur, & ex his ille.

7 In aristocratiis porro seditiones existunt vel quia pauci honorum sunt participes : quod etiam oligarchias mouere dictum est, quoniam aristocratia quodammodo sit oligarchia. in utraque enim pauci sunt, qui imperent : non tamen propter eandem rem pauci. nam videatur sanè propterea aristocratia esse oligarchia. hoc autem maximè euenire necessè est, cùm aliquantus est numerus hominum magnos spiritus gerentium, quasi virtute similium : quales fuerunt Lacedamone ij, qui Partheniæ dicebantur. ex similibus enim orti erant : quos cùm manifestò comperissent reipubl. insidiari, eos Tarentum miserunt in coloniam. vel cùm aliqui à quibusdam honoratioribus viris ignominia afficiuntur, qui ipsi magni viri sint, & virtute nemine inferiores, vt Lysander à regibus. vel cùm aliquis animo virili, ac robusto, non est honorum particeps, vt Cinado, cum dico, qui Agesilao regnum obtinente, coitione facta in Spartiatis impetum fecit. Præterea cùm alij magna egestate premuntur, alij valde sunt locupletes & copiosi: quod maxime in bellis fieri solet. Accidit autem etiam hoc Lacedamone sub bellum Messenicum : idque ex Tyrtæi poësi, quæ Eunomia appellatur, cognoscere licet. Cùm enim quidā propter bellum rei familiaris angustiis premerentur, postulabant vt agri viritim diuiderentur, honorumque æquatio fieret. Præterea si quis magnus sit, & qui maior etiam fieri possit, vt vnus & solus reipubl. præsit, atque imperet : quemadmodum Lacedamone videtur Pausanias, qui bello Persico exercitui præfuit : & Karthagine Anno. Conuelluntur autem & intereunt maxime cùm politiæ, tum aristocratia propterea quòd in ipsa reipubl. administratione ius negligatur ac migretur. Principium autem atq; origo huius mali est, quòd non benè mixta & coniuncta

iunctæ sunt in politia quidem, democratia, & oligarchia: in aristocratia verò, hæc duo, & virtus: sed hæc duo maximè. duo autem dico, populi & paucorum imperium. hæc enim & politia, & multa ex his, quæ aristocratia dicuntur, inter se miscere conantur. nam aristocratia à politis, quæ nominantur, hoc differunt. Et propter hæc causam earum alia sunt minus firma, minusque permanentes: alia stabiliores & permanentiores. eas enim, quæ magis ad oligarchiam inclinant, ac propendent, aristocracias appellant: quæ magis ad multitudinem, politias. Quocirca tales aliarum omnium sunt stabilissima. Nam & quod numero superat, potētius est: & homines cū æqualeis partibus obtinēt, æquiore animo sunt, magisque præsentis reip. statu contenti. Locupletes autem si reip. administranda forma excellentiam largiatur, studium suum ad contumeliosa facinora, & cupiditates immoderatas atque iniustas conferunt. Omnino in utramcunque partem reip. administrande ratio inclinavit, in eam traducitur, utraque id, quod propriè suum est, amplificante atque augente: verbi gratia, politia quidem in democratiam: aristocratia verò in oligarchiam: aut in contrarias: verbi causa, aristocratia quidem in democratiam: nam quorum res familiaris angustior est, tantumquam iniuriam accipientes, rempub. trahunt in contrarium: politia verò in oligarchiam. id enim solum permanens est & firmum, quod ex dignitate æquale est, & per quod sua cuique obtinere licet. Evēnit autem id, quod dictum est, Thuriis. Nam quia magistratus deferebantur ex ampliore & maiore censu, res ad angustiores & minorem redacta est, & ita ad plures magistratus. Iam verò propterea quod nobiles totius soli Thurienfis agros præter legem cōmerant, & possidebant, (nam eorum reipub. administrande ratio erat

plus nimio oligarchica : atque iccirco facile poterant superiora omnia habere, & immensas atque immoderatas opes sibi parare) populus in bello exercitatus, custodiis & praesidiis eorum potentior ac superior euasit, donec ij omnes, qui plura possidebant, agris cesserunt. Præterea quoniam omnes reipub. administrandæ formæ aristocraticæ, sunt oligarchicæ, magis solent & possunt nobiles immoderatas opes per iniuriâ sibi comparare : ut Lacedæmone rei familiaris facultates ad paucos perueniunt : & nobilibus licet magis, quicquid libet, facere, & affinitatem cum quo velint, contrahere. Quapropter & Locrorum ciuitas interiit ex affinitate cum Dionysio contracta : quod neque in democratia contigisset, neque in aristocratia benè mixta ac temperata. Maximè autem aristocratia latenter & occultè mutantur, ita ut non sentiat mutatio, quia paullatim dissoluuntur : quod vniuersè de omnibus reipublicæ administrandæ formis antè dictum

1 τὸ πα-
ρὰ μὲν
χρὸν. deest
præposi-
tio, παρὰ
in libr.
vulg.

est, mutationum causam esse parua negligere. Cùm enim aliquid eorum, quæ ad reipub. pertinent, proiiciunt, ac deserunt, postea etiam aliud paullo maius faciliùs mouent, donec omnem ordinem, atque ornatum reip. conquassarint. Euenit porro hoc etiam in Thuriorum reipub. administratione, nam cùm lex esset, nequis prætor esset, exercitûque præfesset, nisi quinquennio intermisso : iuuenes quidam bellicosi natura, vsumq; rei militaris consecuti, & apud custodiarum, praesidiorumque multitudinem bonam existimationem, ac virtutis opinionem nacti, contemptis iis, qui rebus gerendis erant præpositi, & putantes fore, ut, quod habebant in animo, facile obtinerent, eosque, qui sibi obuiam ire conarentur, comprimerent, & coërcerent, hanc legem primùm soluere conati sunt, ut eisdem liceret perpetuò præturam obtinere, exerci-

tuique praeſſe, cū populū viderent ſibi libenter ſuffragaturum. magiſtratus autem & principes his rebus praeſecti, qui ſymbuli, hoc eſt conſultatores, ſeu conſiliarij dicebantur, primū aduerſari & obuiam ire conati, adducti ſunt poſtea, vt ab incepto deſiſterent, & quieſcerent, exiſtimantes fore, vt ij, hac lege ſublata, ceteram reipub. adminiſtrationem ſuo loco manere ſinerent. Poſtea verò cū aliis rebus in republ. tentatis, & moueri cæptis, prohibere vellent, nihil profecerunt, nihilque aſſecti ſunt, ſed totus ordo reipub. adminiſtrandæ in dynaſtiam eorum, qui res nouas moliti fuerant, mutatus eſt, Omnes autem reipub. adminiſtrandæ formæ franguntur atque intereunt modò ex ſe, & à cauſis internis: modò extrinſecus, & à cauſis externis. à cauſis internis, cū ſeditiones excitantur: ab externis, cū vicina & propinqua eſt reip. adminiſtrandæ forma contraria, aut longè diſtat quidem illa, ſed eſt potens, & copiis inſtructa: quod accidebat Athenienſibus & Lacedæmoniis principatū Græciæ obtinentibus. Nam Athenienſes quidem ubique oligarchias tollebant: Lacones verò democratiās. Unde igitur reipub. adminiſtrandæ formarum mutationes, & ſeditiones oriuntur, ferè dictum eſt.

1. ἐξ αὐ-
 τῆς μη-
 τρὸς γα-
 στρῶν: hoc
 membrū
 desidera-
 tur in lib.
 vulg.

De salute autem & omnium reipub. administranda for-
marum communiter, & uniuscuiusque separatim, conse-
quens est ut dicamus. Primum igitur perspicuum est, si ea,
quæ sunt perniciosa ac pestifera reipublicæ administranda for-
mis, teneamus, ea quoque nobis esse nota, quæ sunt his salu-
taria. Contrariorum enim efficientia sunt contraria. At in-
teritio, seu pernicies, saluti contraria est. In reipub. igitur ad-
ministranda formis bene temperatis, cum videndum sit, si-
quid aliud, nequid ciues contra leges faciant, tum maxime

1 οἷον
al. ὡς
mendose

cauendum, ne id, quod paruum est, negligatur, néue in re parua peccetur. Occultè enim serpit ac se insinuat legum violandarum, atque institutorum ciuitatis negligendorum consuetudo, quemadmodum facultates rei familiaris parui sumtus exhauriunt, si saepe fiant. Non appàret autem commutatio, quia non profunditur vniuersa. Decipitur enim ab iis rebus mens, tanquam falso quodam syllogismo: cuiusmodi est sophistica ratio: si unumquicque paruum est, ergo & omnia. hoc autem est vt sit verum, est vt non sit. Totum enim & omnia non sunt parua, sed ex paruis componuntur. Huic igitur principio statim opponenda custodia & cautio est. Deinde iis, quæ callidè & captiosè ad multitudinem fallendam comparantur, fides haberi non debet. à factis enim redarguuntur, ac refelluntur. Qualeis autem dicamus callidas & artificiosas reipub. administrationum captiones, antè dictum est. Præterea intelligendum est, nonnullas non solum aristocracias, verum etiam oligarchias manere, non quod stabiles & tutæ sint reipubl. administrationes, sed quod ij, qui magistratus & imperia obtinent, rectè se gerunt tum aduersus eos, qui sunt extra reipub. administrationem, tum aduersus eos, qui reipubl. communiter administrant: non inferenda iis, qui reipubl. administrationis non sunt participes, iniuria: iis, qui sunt in numero priuatorum ad principatum apti, ad reipub. administrationem vocandis: iis quidem, qui sunt honoris & laudis cupidi, nulla iniuria, quæ infamiam coniunctam habeat, afficiendis: plebe verò & multitudine, nulla, quæ lucrum imminuat, damnumve inferat: iis, qui reipubl. administranda sunt participes, populariter & comiter tractandis. Quod enim in populo & multitudine quærunt populares, æquale: hoc in similibus non modò iustum, verum

etiam utile est. Quocirca si plures rempubl. administrent, multa instituta, multaque leges populares sunt utiles: qualis est, semestreis esse magistratus, ut omnibus, qui simileis sunt, ad rempubl. administrandam, magistratusque gerendos, pateat aditus. Similes enim iam instar populi sunt. Quo fit ut saepe populares oratores, & assentatores inter hos existant, quemadmodum antè dictum est. deinde hoc pacto minus in dynastias incidunt oligarchia & aristocratia. Non enim similiter facile est iis, qui breue tempus imperant, summæ rei detrimentum aliquod importare, factisque, aut consiliis improbis nocere, atque iis, qui diu. Nam propter hanc causam in oligarchiis & democratiis tyrannides existunt, Aut enim qui sunt in utraque reipub. administranda forma maximi, impetu facto tyrannidem occupant, hîc quidem populares oratores & plebis assentatores, illic verò dynastæ: aut qui maximos magistratus gerunt, cùm diu imperium obtinent. Seruantur autem reip. administranda formæ, non solum quòd longè absint ab iis, quæ perniciem atque interitum afferunt, verùm etiam interdum, quòd propinque sint. Dum metuunt enim, statum reipub. accuratius ambabus, ut ita dicam, manibus, atque adeò mordicus retinent. Itaque oportet eos, quibus reipubl. status cura est, terrores quosdam ciuib. opponere, ut sibi caueant, neque dissoluant, tanquam nocturnam vigiliam, sic reipub. administrationis custodiam: & quod longè distat, propè admouere, ac repræsentare, & veluti ob oculos ponere. præterea & nobilium contentiones, ac discordias conandum est legibus multo antè cõercere, & eos, qui à contentione sunt immunes, priusquam in contentionem incidant, præmunire. Nam malum à principio oriens cognoscere, non est fortè oblatus, neque cuiuslibet hominis, sed

ad ciuitatem regendam apti & idonei viri. Ad eam autem mutationem, quæ propter census ex oligarchia & politia fieri solet, cum hoc euenierit, manentibus quidem iisdem censibus ab honores obtinendos præfinitis, sed aucta re nummaria, vtile est census communis, seu publici magnitudinem ad preteritum censum spectare, in iis quidem ciuitatibus, in quibus quotannis ciues censentur,¹ quotannis: in maioribus vero, tertio, aut quinto quoque anno: & si census sit multis partibus maior, hoc est multiplex: aut multesimus, hoc est multis partibus minor censu priore, ad quem censum æstimationes in hac reipubl. administranda forma initio instituta fuerunt: legem ferri, qua lege census vel intendantur, vel remittantur: si præsens census antiquum superet, intendantur æstimationes pro multiplicatione & incremento census: sin decreuerit, remittantur, & minuantur pro decretione ac decessione. Nam in oligarchiis & politiis si hoc modo hæc non faciant, hoc est si censibus minoribus factis, atque immunitis priuatorum æstimationes ad honores petendos non remittant, accidet vt hic quidem oligarchia, illic vero dynastia nascatur: si altero modo non agant, hoc est, si auctis censibus æstimationes non intendant, eueniet vt ex politia, democratia: ex oligarchia, politia, aut democratia fiat. Commune autem præceptum est & in democratia, & in oligarchia, & in monarchia, & in omni denique reipubl. administranda forma neque nimis augere quemquam præter commensum, & conuenientem modum oportere, sed conari paruos, eosdémque diuturnos honores deferre potius,² quàm breuibus & magnos. deprauantur enim his & corrumpuntur ciues: & secundas res ferre non cuiusvis hominis est. quod si aliter factum sit, non, posteaquàm vniuersos honores in

¹ κατ' ἐνιαυτοῖ.
desideratur hoc totū, κατ' ἐνιαυτον, in libr. vulg. nā bis ab Aristot. positum est, hoc modo, ἐν ὅσποις μὲν πόλεις τιμῶνται κατ' ἐνιαυτον, κατ' ἐνιαυτον. ἐν δὲ, &c.

² ἢ βραχυτέροις καὶ μέγ.

unum aliquem effuderint, rursus adimere uniuersos: sed sensim & paulatim: & maxime quidem conari legibus ita ciueis instituere atque erudire, ut nemo in Vrbe exoriatur longè ceteris antecellens potentia neque amicorum, neque pecuniarum. sin aliter euenerit, eos peregrinari iussos è ciuitate summouere. Quoniam autem etiam in vita priuata res nouas quærunt, certum magistratũ in vrbe constituere oportet, eos, qui inutiliter ad reip. administrationem uiuant, exploraturum, atq; inspecturum: in democratia ad democratiã: in oligarchia, ad oligarchiã: itẽmque in unaquaque reip. administrande forma. Tum partem ciuitatis prosperitate uitæ, & secunda fortuna exsultantem, & ferocientem, vicissim cauere propter easdem causas. Cuius mali primum remedium est, particulis ciuitatis contrariis rerum agendarum curam mandare, imperiãque tradere. dico autem contrarios esse viros æquos & bonos vulgo, egenteis locupletibus & copiosis: alterum, conari aut commiscere & confundere egentium multitudinem cum locupletibus, aut medios augere. Hoc enim dirimit seditiones ex inæqualitate orienteis. Maximum autem est in omni reipub. administrande forma, eam ita & legibus, & reliqua institutione ciuitatis domestica esse descriptam atque ordinatam, ut non liceat magistratibus è republ. quæstum facere. Atque hoc maximè in oligarchiis obseruandum est. Non enim tam indignè fert multitudo se ab imperiis & magistratibus excludi, (quin etiam latatur, si quis sinat eam in suis negotiis priuatis otiosè & sine interpellatione versari) quàm si putet eos, qui reipub. præsumunt, remp. depeculari & compilare. Et tum utrumque ei dolorem affert, neque honorum se esse participem, neque lucrorum. Vno autem modo contingere potest, ut sit democratia simul, &

aristocratia, si quis hoc efficere ac præstare possit, (fieri enim possit) ut & nobiles, & multitudo quod volunt utrique, habeant. Omnibus enim licere reipubl. præesse, & gerere magistratus, populare est, & democratia cónuenit. Nobilibus verò magistratus mandari, aristocratia proprium est. Hoc autem erit, cum ex magistratibus quæstum facere non licebit. Egentes enim magistratus gerere nolent, eò quòd nullum ex iis quæstum facere liceat: sed negotiis domesticis inferuire atque operam dare malent. Poterunt locupletes, quia nulla pecunia publica præter domesticam egeant. ita fiet ut egètes quidem locupletentur & ditescant, quia in suis negotiis, operibusque versentur: nobiles verò non subiungantur imperio humilium & contemtorum ciuium. Ut ne igitur ærarium compiletur, pecunia publica tradatur presentibus ciuibus omnibus: & rationum exempla diligenter cum exemplari comparata per curias, & centurias, & tribus distributa reponantur. Ut autem sine quæstu gerantur magistratus, iis, quorum fides & industria in magistratu fuerit probata & spectata, honores oportet lege lata esse decretos. Iam verò in democratiis quidem, locupletibus parcendum est, non solum eorum fundis, & prædiis, sed etiam fructibus non diuidendis viritim, atque ad alios transferendis: quod fit in nonnullis reipubl. administrandæ formis, neque tamen animaduertitur. Sed utilius est iis, qui locupletium copias & opes imminuere, ac decurtare volunt, eos cogere ut muneribus publicis fungantur sumtuosis quidem illis, sed minimè utilibus, ut ludorum faciendorum curationibus, & lampadum præsteturis, & aliis huiusmodi. In oligarchia verò egentium maxima cura habenda est, hisque magistratus quæstuosi mandandi sunt. Et si quis è numero locupletium eos contumeliosè lædat,

ἡ μὴ μὴ
τοῦ τῶ τῶ
xj. libri
vulg. non
habent,
τῶ.

ἡ καὶ λέγει
vulgò καὶ
λέγει μέ-
δος. præ-
terea de-
est verbū
ἀναγκα-
στειν, post
verbum
λεῖψα-
γεῖν:
quod ex
v. cod. re-
stituit.

ledat, grauiores in illos pœnæ debent esse constitutæ, quàm si quis ex egentibus alterum egentem contumelia afficiat: & hereditates non ex donatione, sed ex gente & cognatione ad heredes peruenire. neque idem plureis hereditates, quàm vnâ debet cernere. Sic enim & æquabiliores sint reipub. familiaris facultates: & plures egentes, copiosi & locupletes euadere queant. Vtile autem est tum in democratiâ, tum in oligarchiâ iis, qui reip. administrationis minus sunt participes, aliarum rerum aut æqualitatem, aut primas partis dare: in democratiâ, locupletibus: in oligarchiâ, egētibus. verumtamen omnia imperia, in quibus totius reip. publica consistit auctoritas, at potestas, hæc solis iis, aut pluribus ex iis, qui rempub. administrant, committere, atque in manus tradere.

Tria autem debent habere ij, qui magistratus totius ciuitatis amplissimos, & penes quos est summa reipub. potestas, gesturi sunt: primum in reipub. statum beniuolentiam: deinde eius magistratus, quem gerunt, munerum obeundorum facultatem maximam: tertio loco virtutem & iustitiam in vnaquaque reipub. administrandæ forma, pro cuiusque reip. administrandæ forma. nam si non idem ius quadrat ad omnes reip. administrandæ formas, iustitia quoque differat necesse est. Habet autem res dubitationem ad explicandum difficilem, cum hæc omnia in eodem non concurrunt, quæ sit adhibenda distinctio: verbi gratia, si quis ad ducendum quidem exercitum, & rem militarem administrandam aptus sit, sed improbus, atque erga reipubl. administrandæ formam non beniuolus: alter verò & iustus, & beniuolo in reipubl. administrandæ formam animo, quo modo faciendâ sit electio. Duo igitur videntur esse intuentia: cuius rei soleant esse omnes homines magis participes, & cuius minus. Quare in

imperio militari mandando peritia, vsusque rei militaris potius, quam virtus spectari solet. rariores enim existunt boni imperatores, quam viri boni. in custodia verò, & quaestura, contrarium. maiorem enim virtutem requirunt, quam qua vulgus hominum præditum est, scientia verò omnium communis est. Dubitare autem possit aliquis, si suppetat alicui & reipubl. administranda facultas, & erga reipubl. administranda formam beniuolentia, quamobrem virtus desideretur. his enim duobus instructus faciet quæ sunt è reipubl. An quia euenire potest, ut, qui hæc duo habent, sint incontinentes? Itaque quemadmodum quidam tametsi scientiam habeant, & se ipsi ament ac diligant, sibi tamen non consulunt, neque inferuiunt: ita nihil vetat, quominus hoc modo nonnulli erga rempubl. sint animati. Omnino verò & uniuersè, quæ legibus continentur, quæq; vtilia reipublicæ administrandæ formis esse dicimus, hæc omnia reipubl. administrandæ formas conseruant. Et, quod sæpe dictum est, maximum & primum elementum est, diligenter obseruare, & operam dare, ut, quæ multitudo vult manere reip. statum, ea plus valeat, quam quæ non vult. Sed præter hæc omnia, non est ignorandum, quod nunc ignoratur ab iis reipubl. administrandæ formis, quæ ad extrema deerrarunt, medium. Multa enim, quæ popularia videntur, democratas soluant, & corrumpunt: multaq;, quæ sunt oligarchiæ consentanea, oligarchias. Hi autem hanc vnam esse virtutem existimantes, ad id, quod est nimium, trahunt, ignorantes, quemadmodum nasus, quamuis ab eo recto, quod pulcherrimum est, aliquantulum ad aduncum, aut simum deflexerit, adhuc tamen pulcher est, & ad aspectum lepidus & venustus: sed si quis eum intendat etiam magis ad id, quod est nimium: primum particulæ mediocritatem amittet: deinde ad extremum

cò deducet, ut ne speciem quidem nasi habeat propter nimium
 ¶ parum contrariorum: eodémque modo de aliis particulis
 corporis sc res habet: ita & de aliis omnibus reipublicæ admi-
 nistrandæ formis sentiendum. Etenim certo quodam modo
 fieri potest, ut oligarchia & democratia sint tolerabiles,
 etiamsi discesserint aliquantum ab optimo reipubl. statu, at-
 que ordine. Quòd si quis utramque earum magis ac magis
 intendat, primum quidem reipublicæ administrandæ formam
 deteriorem efficiet: ad extremum verò ut nec reipub. admi-
 nistrandæ forma sit, efficiet. Quare non debet hæc ignorare
 scriptor legum, & vir politicus, quales res populares con-
 seruent, qualésque perdant democratiam: quales res oligar-
 chie conuenientes, oligarchiam. Neutra enim earum potest
 sine locupletibus & plebe cōstare, neque permanere: sed cūm
 rei familiaris fuerit æquabilitas, alia reipubl. administrandæ
 forma sit hæc necesse est. Itaq; dum legibus ad præstantiam &
 exsuperantiam accommodatis² delectatur, reip. administrandæ
 formas euertunt. Peccant autem & in democratiis, & in oli-
 garchiis: in democratiis quidē, ubi penes multitudinem legum
 potestas est, blandi plebis ductores. nam dum locupleteis oppū-
 gnāt, ciuitatem, quæ maximè debet esse vna, semper in duas
 partes scindunt, ac diuidunt. ¹ in oligarchiis verò, oligarchiæ
 fautores. At contrā oportet in democratiis populi ductores &
 magistros semper pro locupletibus dicere videri: oligarchiæ
 fautores in oligarchiis pro populo: atque hos, quos dixi, oli-
 garchiæ fautores, iusiurandum ei, quod nunc iurant, contra-
 rium iurare. Nunc enim in nonnullis oligarchiis ita iurant:

1 ποῖα
 σὺν τῇ
 δημοτι-
 κῶν, &c.
 vulg. lib.
 habent,
 τὸν δημο-
 πικόν, μέ-
 dosè.

2 χαί-
 ροντες.
 lib. vulg.
 φέρειον-
 τες, μέν-
 dosè.

3 ἐν δὲ
 ταῖς ἐλι-
 γορχίαις,
 οἱ ὀλιγάρ-
 χικοί, hoc
 τούτου δελι-
 deratur in
 lib. vulg.

ET IN POPVLVM MALE ANIMATVS
 ERO: ET POPVLO QVICQVID POTVE-
 RO MALI, INCOGITABO. At opus est eos & existi-

mare, & præ se ferre, ac simulare contrarium, significanteis in iurisiurandi præscripti verbis, se nullam populo iniuriam illaturos. Omnium autem eorum, quæ dicta sunt, ad rerum publ. diuturnitatem & stabilitatem maximum est, (quod nunc omnes negligunt) puerorum educationem atque institutionem ad reipubl. administrandæ formam esse accommodatam. legum enim vel utilissimarum, & ab omnibus in republ. viuentibus comprobatarum, nullus est usus, nisi ciues erunt eis assuefacti, atque ad eas eruditi in republic. administranda: si quidem leges sint populares, populariter: sin autem oligarchiæ conuenientes, oligarchiæ conuenienter. Nam si in vno incontinentia est, etiam in ciuitate est. Non est autem hoc eruditum esse ad reipublicæ administrandæ formam, ea facere, quibus latantur pauci imperium obtinentes, aut ij, quibus democratia cordi est: sed hoc, ea didicisse, & agere posse, quibus poterunt illi oligarchiam obtinere, hi in democratia viuere. Nunc autem in oligarchiis quidem, eorum, qui reipubl. præsunt, liberi, deliciis, & luxuria diffuunt: egentium verò filij, exercitati, & laboribus assuefacti sunt. Itaque eo magis & volunt res nouas moliri, & possunt. In democratiis verò iis, quæ exquisitè & accuratè populi potentiam retinent, contrarium, atque quod reip. conducit, institutum est. Huius rei causa est, quod malè definiūt libertatem. Duo enim sunt, quibus democratia videtur esse definita, vnum, ut reipub. potestas penes maiorem populi partem sit: alterum, libertas. Nam quod iustum est, id videtur esse æquum, seu æquale: æquum, ut, quicquid multitudini visum sit, id ratum sit. liberum autem, & æquum est, quicquid velis, facere. Itaque viuunt vnusquisque in talibus democratiis, ut vult, & quò libido trahit, ut ait Euripides.

At hoc malum & vitiosum est. Non enim oportet existimare seruitutem esse, viuere ad reip. administrandæ formam accommodatè, sed salutem. Quibus igitur causis mutetur reip. administrandæ formæ, & quibus intereant, & quibus rebus conferuentur, & permancant, quod simpliciter & vniuersè dicere licet, hæ sunt tantum.

Reliquum est ut etiam de monarchia differamus, & quibus rebus soleat interire natura, & quibus conseruari. Ferè autem iis, quæ diximus ceteris reipubl. administrandæ formis euenire, similia sunt ea, quæ regnis & tyrannidibus accidunt. Nam regnum quidem aristocratia congruit: tyrannis verò ex oligarchia vltima & democratia componitur. Quapropter etiam iis, qui sub imperio viuunt, perniciosissima est, utpote quæ ex duobus malis concreta sit, & degresiones à recto, & peccata, quæ ab utraque proficiuntur, contineat. Vtriusque autem monarchiæ ortus vltimus est statim ex contrariis. Regnum enim ad bonorum perfugium ac præsidium aduersus populi iniuriam comparatum est: & constituitur rex ex viris bonis, vel qui virtute, aut virtutis actionibus excellat, vel qui tali genere ceteris antecellat. Tyrannus verò ex populo & multitudine sumitur aduersus nobileis, atque illustreis viros, ne quam populus ab iis iniuriam accipiat, atque hoc ex euentis intelligere licet. Nam plerique omnes ferè tyranni ex leuibus populi custodibus ac ductoribus facti sunt, si dicere fas est, fidem apud populum consecuti, claris & illustribus viris falsò criminandis & calumniandis. Aliæ enim tyrānides hoc modo cōstitutæ sunt auctis iam ciuitatibus: alię ante has ex regibus morem patrium migrantibus, ac violentibus, & imperiū plus iusto herile concupiscentibus exstiterunt: aliæ ex iis, quibus electione adhibi-

ta summa auctoritatis ac potestatis magistratus mandati fuerant, olim enim munera publica, & reip. procuraciones faciebant diuturniores. alia ex oligarchiis unum aliquem summi imperij compotem ad maximos magistratus per electionem promouentibus. His enim modis omnibus, tyrannidis occupandæ, si modo vellent, facultatem habebant, quia alius potestas erat delata imperij regij, aliis honoris: exempli gratia, Phidon Argis, & alij, cum regnum esset, tyranni euaserunt. qui verò in Ionia fuerunt, & Phalaris ex honoribus regis ad tyrannidem aditum sibi compararunt. Panatius autem apud Leontinos, & Cypselus Corinthi, & Pisistratus Athenis, & Dionysius Syracusis, & alij eodem modo, ex blando populi ductu, demagogiam appellant Græci, quam tribunatum plebis dicere licet. Quemadmodum igitur diximus, regnum proximè ad aristocratiam ordine accedit. Nam aut ex dignitate est, aut ex virtute vel propria, vel generis, aut ex beneficiis ac meritis in ciuitatem, aut ex his omnibus cum potentia coniunctis. Omnes enim bene meriti de ciuitatibus, aut qui poterant de ciuitatibus,

1 Εὐλειτουργοὶ δὲ οὐ βρασιλεύουσιν αὐτῶν φύλαξ. id est vult autē rex custos esse. quorū verborū hæc sententia est. Debet autem rex custos esse. aut gentibus benè mereri, hunc honorē consequēbantur: alij prohibito ac depulso per bellū seruitutis periculo, ut Codrus: alij patria liberata, ut Cyrus: alij aut urbe condita, aut propagatis imperij sinibus, agrisq; latis ac lōginquis, siue prouinciis bello partis, quemadmodū Lacedæmoniorū, & Macedonum, & Molossorū reges. Videtur autem rex custos esse natura, ut ij quidem, qui facultates & copias habēt rei familiaris, nulla iniuria afficiātur: populus verò & multitudo nullis contumeliis vexetur. Tyrannis porro, quemadmodum sapenumero dictum est, nihil commune spectat, sed omnia priuata utilitatis causa facit. Propositum autem est tyranno

quidem iucundum, regi verò honestum. Quapropter & cum eorum modorum, quibus principes superiora, & plura habent, quàm priuati, alter in pecuniis consistat, alter in honore: plus habere pecuniarum, tyrannicum est: plus honoris magis regium: & custodia regia, ex ciuibus & suis constat: tyrannica ex peregrinis, & externis. Tyrannidem porro mala habere & ea, quæ sunt in democratia, & ea, quæ in oligarchia, perspicuum est. Nam quod diuitiæ sunt ei extremum bonorum, quod intueatur, & expetat, id habet ex oligarchia, solo enim hoc modo & custodia, & luxuria permaneat necesse est. & quod multitudini nihil credat. iccirco & ei arma adimit. & plebem infimam vexare, & ex urbe eiicere, & veluti sentinam exhaurire, atque aliò ubi habitet relegare, vtriusque commune est, oligarchiæ & tyrannidis. Ex democratia autem hoc mali contrahit, quod bellum gerat cum illustribus ac nobilibus, eosque & occultè & aperte de medio tollat, & in exsulum pellat, tanquàm de eadem arte certatèis artifices, & imperio suo obstanteis. Ex his enim euenire solet, ut etiam insidiæ nascantur, dum alij eorum præesse & imperare volunt, alij seruire nolunt. ex quo fonte ¹ Periandri consilium Thrasymbulo datum manauit, spicarum supra alias eminentium mutilatio, & quasi decurtatio, proinde quasi ciueis excellenteis semper de medio tollere oporteat. Quemadmodum igitur fere dictum est, eadem principia, eademque causas mutationum esse in aliis reipub. administranda formis, atque in monarchiis, existimare oportet. Nam & propter iniustitiam, & propter metum, & propter contemptum, multi ex iis, qui sub imperio sunt, monarchias impetu facto adoriuntur: ex omnibus autem iniuriæ generibus, propter contumeliam maximè: interdum tamen etiam propter

¹ Idem
refertur
suprà lib.
111. cap.
1 x. pluribus
verbis.

priuationem bonorum. Sunt autem iidem fines & tyrannidibus, & regnis, qui & illis reip. administrandæ formis, propositi. Monarchis enim magnitudo, & amplitudo diuitiarum, & honoris suppetit : quæ omnes homines concupiscunt. Earum autem, quæ sunt in reges, aut tyrannos, impressionum, aliæ sunt in ipsorum principum corpus & caput, aliæ in principatum. Atque eæ quidem, quæ propter contumeliam fiunt, ad corpus pertinent. Contumeliarum autem cum multa sint genera, multæq; partes, unaquæque earum iram commouet. Iam verò eorum, qui irascuntur, plerique fere omnes ulciscendæ iniuriæ acceptæ gratia in alterum inuadunt, non præstantiæ. exempli causa, in Pisistratidas impetus factus est propterea quod Harmodij sororem probro & dedecore affecerant, Harmodio stuprum inferre conati erant. Nam Harmodius propter sororem, Aristogiton propter Harmodium, in eos impetum fecerunt. Insidiati sunt etiam Perianдро Ambraciæ tyranno propterea quod inter comportandum cum unâ esset puer, quem ille in deliciis habebat, quæsiuisset ab eo, essetne iam ex se prægnans. Iam Philippo à Pausania iccirco vis illata est, quia eum impune contumelia & dedecore affectum esse ab Attalo passus esset : & Amyntæ, qui cognomento paruus dictus est, à Derda, quia se in eius ætatem puerilem gloriosè iactauisset : & Eunuchō ab Euagora Cyprio. Nam propterea quod uxor sibi ab illius filio ademta esset, eum interfecit, tanquam contumelia accepta. Multæ etiam impressiones factæ sunt in quosdam principes monarchos, propterea quod alicui pudicitiam, corpore eius constuprato, eripuissent, verbi gratia, à Cratæo in Archelaum. Semper enim grauiter & molestè ferebat, illū secū stupri causâ commisceri. Itaque quamuis longè minor esset

hic prætextus, leuiórque hæc causa, fuit tamen satis idonea & iusta, quòd nullam sibi ex filiabus in matrimonium dedisset, cùm daturum se promississet: sed maiorem natu quidem, bello, quòd cum Sirra, & Arrabæo gerebat, implicatus, Elimæ regi despondit: minorem verò Amyntæ filio, existimans fore hoc pacto, ut ille præsertim ex Cleopatra natus, minimè à se dissideret: sed alienationis origo & principium fuit, quòd grauius tulisset, se eius libidini ad res venereas esse obsecutū. Unà cum eo illum adortus est etiam Hellenocrates Larissæus propter eandem causam. Vbi enim se ab illo, cui suæ ætatis florem utendum, fruendūque dederat, ab exsilio non reuocari vidit, cùm præsertim ille se id facturum pollicitus esset, consuetudinem illam secum esse institutam, non propter cupiditatem amatoriam, sed propter contumeliam, existimauit. Iam Paro, & Heraclidæ Ænij Cotyn interemerūt, patris iniuriā ulciscētes. Adamas autem Cotyn reliquit, ab eoque desciiuit, tanquam contumelia affectus, quòd ab eo, cùm puer esset, exsecutus fuisset. Multi porro etiam propterea quòd corpore verbera pertulissent, & male mulcati essent, irati, alij necauerunt, alij adorti sunt etiam eos, qui summos magistratus, & regios potentatus obtinebant, tanquam contumelia accepta: ut Mitylenis Pentolidas, qui quoquouersus circumibant, & clauis obuium quemque cadebant, Megacles impressione facta cum amicis interemit. Et posterius Smerda plagis à Penthilo acceptis, & ab eius uxore extractus, cum necauit. Et eius impressionis, quæ in Archelaum facta est, Decamnichus dux fuit, eos primus irritans & concitans, qui in eum impetum fecerunt. Causa autem iræ fuit, quòd eum tradiderat Euripidi poëtæ flagellis verberandum. Euripides autem succensebat ei, quòd

aliquid dixisset in suum oris fœtorem. Alij denique multi propter taleis causas partim de medio sublatis sunt, partim insidiis excepti non longe à periculo afuerunt. Similiter autem & propter metum in monarchos inuadere solent. Vna enim quædam hæc erat ex iis causis, quæ ut alijs reipubl. administranda formis, ita & monarchiis mutationem & interitum afferunt: exempli gratia, Artabanus Xerxem adortus interemit, criminationem, quæ ad Darium pertinebat, extimescens, quòd eum in crucem agere à Xerxe iussus, ei non paruisset, existimans fore, ut ille sibi ignosceret, tanquã obliuio, propterea quòd cenabat. Aliæ sunt propter contemptionem, quemadmodum quidam cùm Sardanapalum cum mulieribus nentem, & telam texentem uidisset, si vera sunt hæc, quæ à fabularũ scriptoribus tradita sunt, eum interemit. quod si in illo verũ non est, at in alio esse possit. Et in Dionysium posteriorem Dion inuasit, propterea quòd eũ contemnebam egisset, cùm videret & ciueis ita animatos, & ipsum semper ebrium. Et verò nonnulli ex amicis adoriuntur propter contemptum. nam propterea quòd sibi fides habetur, contemnunt, tanquam consilium facinoris admittendi occultaturi. Et qui putant fore, ut possint principatum occupare, & obtinere, quodam modo propterea quòd contemnunt, impressionem faciunt. Nam proinde quasi possint, & quia periculum contemnunt propter potetiam, faciliè aggrediuntur: quemadmodum qui præsunt exercitui, in eos principes, qui soli imperant, irruunt: exempli causa, Cyrus in Astyagem, & vitam eius contemnens, & copias: propterea quòd milites quidem otio, & inertia corrupti: ipse verò mollitia & luxuria liquefactus erat. Et Seuthes Thrax cùm esset imperator, in Amadocum. Alij pluribus causis ad facinus suscipiendum

1 Atta-
panes.

2 ὅτι οὐκ
ἐχρήμα-
σεν, καὶ λέ-
ουσατος,
&c. al.
ὅτι ἐχρήμα-
σεν, ὅτι κα-
λεῖσται-
τος, &c. id
est, quòd
eũ in cru-

3 ὡς ἀ-
μνημονεύ-
ται, &c. al.
ὡς ἀμνη-
μονεύεται,
id est tan-
quam o-
blitus.

impelluntur, ut qui contemnunt, & lucri studio ducuntur: ut Mithridates in Ariobarzanem. Maximè autem propter hanc causam ad facinus ij aggrediuntur, qui cùm sint audaces & praesidentes natura, apud eos, qui soli principatum obtinent, honorem ex scientia rei militaris consecuti sunt. Fortitudo enim potestatem naçta, audacia est, quibus ambabus rebus freti, tanquam facile victoria potituri, in eos inuadunt. Eorum autem, qui laudis & gloriae studio inflammati aggrediuntur ad tollendos principes, alius causae modus est ab iis, qui antè expositi sunt. Non enim, ut nonnulli tyrannos adoriuntur, quia vident eos ingentibus diuitiis, & amplis honoribus circumfluere, ita & eorum, qui propter laudis & gloriae cupiditatem, impetum in illos faciunt, unusquisque consilium capit adeundi periculi: sed illi quidem propter eam causam, quae antè dicta est: hi verò tanquam aliqua alia actione à se suscepta egregia, & praestanti, & propter quam apud alios celebritatem & claritatem nominis sempiternam sibi comparabunt, ita monarchias adoriuntur: non quòd singularem principatum, seu (ut Graeci nominant) monarchiam cõcupiscant, sed gloriam. Verumtamen paucissimi numero sunt, quos haec causa ad impressionem faciendam impellat. Oportet enim hoc antè esse positum, de salute nihil laborare, nisi re cõfecta: quos debet quidem Dionis existimatio comitari: sed non facile est eam in multis innasci. Ille enim cum parua manu aduersus Dionysium se contulit, cùm hoc animo se esse diceret, ut quoquò progredi posset, ea tenus actionem susceptam perducere satis haberet: verbi gratia, si statim ut terram illam leuiter attigisset, sibi aliquo casu moriendum esset, hanc mortem, ut honestam & praclaram, se æquo animo laturum. Interit autem tyrannis uno quidem

modo, ut & unaquæque aliarum reip. formarum, extrinsecus, & à causis externis, si sit aliqua aduersaria reipubl. administranda forma potentior. voluntatem enim præstò futuram perspicuum est, propterea quia consilia inter se contraria sunt. Quæ autem volunt, cum etiam possunt, ea agunt omnes. Contrariæ autem sunt reipublicæ administrandæ formæ, democratia, & tyrannis, Ut figulus figulo, quem admodum inquit Hesiodus. nam democratia extrema tyrannis est. Quocirca plurimas tyrannidas Lacedæmonij dissiparunt: & Syracusani, quo tempore suam remp. bene administrabant. Altero verò modo euertitur tyrānis, ex seipsa, cum ij, qui eius sunt participes, inter se discordant ac dissident: quemadmodum Gelonis tyrannis, & nunc Dionysij. nam Gelonis quidem tyrannis eò euersa est, quòd Thraſybulus Hieronis frater, Gelonis filium popularium populi ductorum more blanditiis deliniebat, & ad voluptates incitabat, ut ipse imperaret: cum autem necessarij conspirassent, & coiuissent, ut ne tyrānis funditus euerteretur, sed solus Thraſybulus: nonnulli ex iis altera ex parte coitione facta, tanquā occasionem naçti, eos omneis exegerunt. Dionysium autem Dion, cum esset ei affinitate coniunctus, comparato exercitu, & populo sibi adiuncto, illum quidem eiecit, sed paullo post interfectus est. Cum sint autem causæ duæ, propter quas maxime ad tyrannidas tollendas aggrediuntur, odium, & contemptus: horū quidem altero digni sunt tyranni, nempe odio: Verumtamen ex eo, quòd contemnantur, multa nascuntur tyrannidum euersiones. cuius rei hoc argumentum est. Nam plerique ex iis, qui imperia pepererunt, etiam retinere ac tueri potuerunt: qui verò à maioribus acceperunt, statim ferè omnes amiserunt. Nam dum libidinosè ac voluptariè viuunt:

Et contemti sunt, & multas iis, qui adoriri volunt, occasiones adoriendi præbent. Odij autem particulam etiam iramponere oportet. Nam quodammodo earumdem actionum causa efficiens esse solet. Quin sapenumero etiam ad agendum maiorem vim habet, quam odium. contentius enim adoriuntur, quod perturbatio rationem in consilium non adhibeat. Maxime autem evenit, ut homines ob contumeliam iræ pareant atque obsequantur: propter quam causam cum Pisistratidarum tyrannis dissipata fuerit, tum multa alia: sed magis propter odium. Nam ira quidem cum dolore coniuncta est. Itaque non est facile ratiocinari ira dominante. Inimicitia vero doloris sunt expertes. Atque ut in summa dicamus, quot causas esse diximus & oligarchia mera, atque ultima, & democratia extrema evertende, tot etiam tyrannidis statuendæ sunt. Etenim hæ reip. administrandæ formæ, sunt quædam diiunctæ & diuiduæ tyrannides. Regnum autem minimè extrinsecus quidem interit. quocirca & diuturnum est. intrinsecus vero & ex seipso multa ei interitiones, multaque quasi fata imminent. Ac duobus sanè modis interit: uno modo si discordarint inter se, qui sunt regni participes, & amici regum: altero ubi reges conaturaliquanto magis, quam par sit, tyrannicè remp. administrare: & ubi postulant penes se plurium rerum, quam fas sit, esse potestatem, & contra legem. Non existunt porro amplius his temporibus regna: sed si forte, potentia singulares, hoc est monarchia & tyrannides potius oriuntur, quia regnum est imperium voluntarium, & summam rerum plus nimio magnarum auctoritatem ac potestatem obtinens: multi autem sunt similes, nullusque exoritur ita ceteris antecellens, ut imperij magnitudini, & dignitati sit par & æqualis. Itaque propter hanc

causam homines sponte quidem sua regnum non sufferunt. quod si quis dolo, aut vi imperium adipiscatur, hoc iam videtur tyrannis esse. Regnorum autem eorum, quæ ex genere ad posteros perueniunt, interitionis hanc etiam causam, præter eas, quas exposuimus, statuere oportet, quod multi exoriatur contemti, & qui, cum opibus & copiis tyrannicis non sint instructi, sed honore regali decorati, ciuicis suos contumeliosè vexent. Tum enim facilis est regni euersio. Nam si nolint, continuo non erit rex. At tyrānus, etiam si nolint. Intereunt igitur monarchia propter has, & taleis alias causas.

- 11 Seruantur autem scilicet, ut simpliciter quidem & vniuersè dicam, contrariis: ut singillatim verò regna quidem, si ad mediocritatem & moderationem adducantur. quanto enim pauciorum rerum penes principes sit potestas, tanto diutius omnis principatus maneat necesse est. nam cum ipsi minus fiant dominorum in morem imperiosi, tum moribus efficiuntur magis ad æquitatem, aequalitatēque propensi, tum ciuibus minus sunt inuidiosi. Propter hanc causam enim & regnum Molossorum diu incolume permansit: & regnū Lacedæmoniorum propterea quod imperium & ab initio in duas parteis diuisum fuerit, & iterum postea Theopompus cum multis aliis in rebus moderationem adhibuerit, tum in ea re, quod Ephorum imperium illi opposuerit. imminuta enim regni potestate, tempus auxit. Itaque id quodammodo non minus, sed maius fecit. quod eum & uxori suæ respondisse ferunt, cum ab eo quæsiuisset obiurgans, ecquid eum puderet regnum minus filiis tradere, quàm à patre accepisset? non pudet verò, inquit. Trado enim diuturnius. Tyrannides autem duobus modis maximè inter se contrariis seruantur: quorum alter est, is, qui traditus est, & quo plerique

tyranni imperium administrant. Atque ex his multa instituisse Periandrum Corinthium ferunt: multa etiam talia à Persarum imperio sumere licet. Sunt autem & ea, quæ supra à nobis exposita sunt, ad tyrannidis, quoad eius fieri potest, salutem apposita & utilia, præstantium virorum excellentiam imminuere, quasiq; decurtare, & ferocis, magnique spiritus homines de medio tollere: & neque conuiuia publica ferre, neque sodalitates, neque disciplinas, neque quicquam tale: sed illa omnia, unde duo proficisci solent, spiritus feroces, & fides, cauere: & neque cætus eruditos, neque alios conuentus, & concessus otiosos esse sinere: omnia denique facere, quibus quàm maximè inter se ignoti omnes erūt. cognitio enim facit, ut maior sit fides mutua: & dare operam ut ciues, qui non absunt peregrè, semper sint in promptu & in oculis, & versentur in foribus. sic enim & minimum obscurum fuerit, quid agant, quidque moliantur: & paruos, humileisq; spiritus sumere assueuerint, semper seruiantes: & cetera quacunque sunt huiusmodi, Persica, & barbara, sunt tyrànica. Omnia enim idem valent. Tum perficere ne sint occulta, neque obscura quacunque quis forte vel dicat, vel agat ex iis, qui sub imperio sunt: sed præstò sint speculatores, quales erant Syracusis, qui potagógida appellabantur, sic dicti, quòd omnia, quæ Syracusis agebantur, atque adeò cogitabantur, acerrime anquirebant, & tyranno referebant, ac renuntiabant. Solebat etiam Hiero subauscultatores quosdam, qui à re ipsa otacusta dicebantur, quòd omnibus rebus & agendis, & dicendis aureis admouerent, emittere, ubicunq; aliquis hominum cætus esset, aut ciuium conuentus, aut congressus. Nam tum & minus audent liberrè loqui, quòd taleis homines pertimescāt, & si libere loquan-

tur, minus occulti sunt. Vtile etiam est tyranno inter ciuicis
 serere discordias, eosque inter se committere, atque offensos
 reddere & amicos amicis, & populum nobilibus, & diui-
 teis inter se. tum ciuicis pauperare tyrannicum est, ut neque
 praesidium ab ipso alatur, sed à ciuibus, & in negotio, atque
 opere quotidiano occupati, nihil habeant otij reliquum ad
 insidiandum. Huius rei exemplum praebent pyramides, quae
 sunt in Aegypto, & Cypselidarum Colossi, donaque diis
 consecrata, & aedes Iouis Olympij à Pisistratidis aedificata,
 & opera Samia à Polycrate facta. Hac enim omnia ad
 unum & idem valent, nempe ad ciuium occupationem, &
 paupertatem. Eiusdem generis est & tributorum collatio,
 vectigaliumque pensitatio. quemadmodum fiebat Syracu-
 sis. Nam tyrannidem obtinente Dionysio, eueniebat ut om-
 nis res cuiusque familiaris tributo conferendo, quinquennio
 esset exhausta. Est etiam bellorum gestor tyrannus, ut
 sint occupati, & continenter duce egeant. Praeterea regnum
 quidem studio & opera amicorum seruatur: tyranni autem
 proprium est maxime amicis non credere, quasi omnes qui-
 dem tyrannidem euertere velint, hi autem maxime possint.
 Et quae in extrema democratia fiunt, tyrannica sunt omnia:
 mulierum potentatus in domibus, ut virorum consilia, fa-
 ctaque enuntient. & seruorum remissius vitae genus propter
 eandem causam. Nam neque serui & mulieres tyrannis
 insidiantur, aut quippiam mali incogitant: & cum prospero
 fortunae flatu fruuntur, bene cupiant tyrannidibus, & demo-
 cratiis necesse est. Nam etiam populus in democratia, mo-
 narchi similitudinem quandam gerit. Itaque etiam assentator
 apud utrumque summo in pretio atque honore est: apud po-
 pulum quidem levis populi ductor, blandusque contionator:

(nam

(nam populi ductor, quem demogógum Græci vocât, populi assentator est) apud tyrânos verò ij, qui humiliter & demissè cum eis congregiuntur, & loquuntur: quod est assentationis munus. Nam etiam propter hâc causam, tyrânis improborû amicitia iucunda est. gaudet enim assentatione tyranni. hoc autè nemo fecerit, qui ingenuos spiritus gerat. sed qui sunt viri boni, aut amat, aut non assentantur. Tum improbi ad res improbas sunt utiles. Clauus enim clauo pellitur, ut in prouerbio est. Præterea nemine viro graui & libero delectari, tyrannicū. Se enim solum talem esse postulat tyrannus. Qui autem grauitate & magnificencia cum tyrânō certat, & liberè se gerit, adimit excellentiam, & imperium illud herile, ac domini proprium, quod habet tyrannis. Taleis igitur homines oderrunt, tanquam imperij sui euersores. Præterea peregrinos ad conuiuium, & quotidianam vitæ consuetudinem adhibere potius, quàm cineis, tyrannicum est, tanquam hi quidem sint hostes, illi verò certare de principatu nihil putent ad se pertinere. Hæc & talia tyrannica sunt quidem illa, & imperio salutaria: sed nullum eis improbitatis genus abest. Sunt autem ferè hæc omnia tribus generibus comprehensa. Tria enim tyrannis sibi proponit, ac destinat: vnum quidem ut ciues, qui sub imperio sunt, humileis, & abiectos spiritus gerant. Nam qui angusto, & paruo animo est, nulli insidias struxerit, malū ve incogitarit. Alterum est, ut alter alteri non credat, sitq; inter eos incerta ac suspecta fides. Non enim prius euertitur tyrannis, quàm aliqui inter se fidem habeant. Idcirco & cum viris bonis bellum gerunt, ut imperio pestiferis ac perniciosus, non solum quòd herile imperium respuat, sed quia sint & inter se, & erga alios fideles: & quia neque se ipsi, neq; alios indicaturi, aut prodituri sint. Tertium est, ut non ha-

beant potestatem rerum agendarum. Nemo enim aggreditur ad eas res agendas, quæ effici non possunt. ergo neque ad tyrannidem euertendam, si desit agendi facultas. Ad quos igitur sineis tyrannorum voluntates reuocentur, hi sunt tres numero. Omnia enim, quæ sunt tyrāni propria, adhuc veluti signa proposita reuocare possit aliquis, partim ut ne ciues credāt mutuo, partim ut nequid possint, partim ut paruos animos, humileisque spiritus gerant. Modus igitur vnus, quo salus constituitur tyrannidibus, talis est. Alter autem, cura & diligentia ferè iis, quæ diximus, contrarius est: cūque ex regnorum interitu sumere ac cognoscere licet. Quemadmodum enim regni interitionis modus vnus est, imperium plus iusto tyrannicum reddere: sic tyrannidis salus est, eam facere aliquāto magis regalem, vno duntaxat seruato, nempe potentia, ut imperet non modo volentibus, verum etiam nolentibus, atque inuitis. Nam hoc etiam proiiciens, proiicit & tyrannidis obtinendæ facultatem. At hoc quidem, tanquam propositum quendam finem, manere oportet: alia vero partim facere, partim videri, regaleis virtutes bellè simulantem, ac præ se ferentem: primū quidem ut reipub. curam habere videatur, neque sumtus faciens in eas donationes, propter quas multitudo irascitur, & seuit, cū tyrannus à ciuib.umat, atque exigat, in opere, ac labore assidue versantibus, & tenuiter, parcēque victitantibus: scortis autem & peregrinis, & artificibus effusè largiatur: & rationes acceptorum & expensorum referens: quod nonnulli iam tyranni fecerunt. sic enim quis administrans, dispensator reipub. tanquam rei familiaris, & paterfamilias, non tyrannus esse videbitur. Non est porro metuendum nequando pecunia cum deficiant, cū penes eum ciuitatis sit potestas:

1 ὁ γὰρ
χρὸς ἐστὶ
τῶν, abest
vox ἐστὶ
τῶν à vul-
gatis cod.

immo verò tyrannis in alias terrarum oras domo exeuntibus, etiam hoc vtilius sit, quàm coaceruatas & congestas relinquare. Ita enim qui custodia tyrannica præpositi sunt, minus inuadant in res tyranni. Formidolosiores enim atque horribiliores sunt tyrannis iis, qui peregrinantur, custodes & præsidarij milites, quàm ciues. hi enim unà cum tyrannis peregrinantur: illi in horum locum manent. Deinde tyrannum videri oportet tributa, & munerum publicorum functiones, tum rei familiaris tuèdæ gratia exigere, tum si quando opus sit, ad opportunitates belli eis uti. In summa denique seipsum præbere custodem tanquam rerum communium & publicarum, non tanquam propriarum & priuatarum: & speciem gerere non asperi, & sæui hominis, sed grauis & magnifici viri: præterea talem videri ut qui cum eo loquuntur & congregiuntur, eum non metuant, aut horreant, sed vereantur, & pudore prosequantur. Hoc autem consequi non est ei facile, qui sit contemnendus. Quocirca oportet eum, etiam si alias virtutes negligat, at certè in scientiæ ciuilibus studium diligenter incumbere: & opinionem de seipso talem in animis suorum ingenerare atque inferere. Præterea non solum ipsum videri in quemquam suorum ciuium neque adolescentulum, neque puellam contumeliam ullam edere, verùm nec in alium quemquam suorum comitum: similiterque uxores eorum proprias erga alias mulieres affectas esse. Nam propter uxorum contumelias multæ tyrannides interierunt. In voluptatibus autem corporis consecrandis ac perfruendis contrarium facere, atque id, quod nunc quidam tyranni faciunt. non enim solum statim a mane, & continenter per multos dies hoc agunt, ut voluptatibus perfruantur, verùm etiam suarum libidinum ac voluptatum alios homines con-

duabus, & ne quem plagis corpori infligendis supplicio afficiat, & excruciet, & ne cui etate florenti contumeliose stuprum inferat. Maximè autem adhibenda hæc cautio est in iis, qui honoris studio ducuntur. Nam pecuniæ cupidi & auari, iniuriam sibi per contentum quandam illatam in bonis, & pecuniis, grauiter ac moleste ferunt: honoris studiosi, & viri boni, infamiam. Quare aut à talibus factis abstinendum est, aut supplicia quidem videri oportet animo paterno constituere, non per contentum: congressus verò adolescentium appetere propter causas amatorias & venereas, non propter licentiam ac potestatem: ad summam, quæ ignominiosa esse videntur, maioribus honoribus redimere, atque exsarcire. Eorum autem, qui ipsam tyranni vitam & caput petunt, & corpori interitum parant, hi sunt maximè horribiles, & plurimam, accuratissimamque custodiam desiderant, qui tyranno à se necato non magnopere laborent, ut vitam sibi retinere, & superesse liceat. Quocirca ij maximè cauendi sunt, qui vel seipsos, vel eos, quos forte tueri debent, contumeliose lædi putant. sibi enim minimè parant, qui ab ira impulsī in alterum irruunt, ut ait Heraclitus: qui cum rationem afferret eius, quod dixisset, difficile & arduum esse cum ira pugnare, Quia quod expetit, emit anima, inquit. Quoniam autem ciuitates ex duabus particulis constant, nempe ex egentibus, & locupletibus: maximè quidem utrosque adduci oportet, ut existiment se propter imperium tyranni saluos esse, & neutros alteris sinere ullam iniuriam inferre: proxime verò utri sint potentiores, hos imperio maximè adiungere, & suos facere. Nam si res tyranni hoc modo fuerint contractæ & compositæ: neque seruos necesse habebit tyrannus ad libertatem vocare, neque ciueis armis nu-

dare. pars enim altera ad tyranni copias accedens satis erit valida ad eos, qui impressionem facere conabuntur, coercendos. Sed superuacaneū est singillatim talia persequi. In promptu est enim quid ei principi, qui solus imperat, propositum esse debeat: oportere eum videri non tyrannicum, sed tanquam rei familiaris dispensatorem, & animo regali præditum erga ciuicis: & non omnia sibi vendicantem, suāque facientem, sed procurantem ac tuentem: tum in vita degenda mediocritatem, & moderationem, non nimium, & immoderationem consecrari. Præterea in nobileis quidem se affabilem, & in congressionibus ac sermonibus facilem præbere, multitudinē verò populari oratione demulcere. Ex his enim imperium fit, non solum pulchrius, & omni sermone prædicabilius, ac fortunatius, quia melioribus imperet, & non fractis ac demissis, & quia non sit perpetuò ciuibus inuisus, & horribilis: sed etiam diuturnius sit necesse est. Præterea ita esse moratum, animoque affectum oportet, ut vel virtutem sit consecutus, vel sit dimidia ex parte vir bonus, neque homo malus, sed dimidia ex parte malus.

Atque ex omnibus reipub. administrandæ formis minus diuturnæ sunt oligarchia & tyrannis. diutissimè enim stetit ea, quæ Sicyone fuit Orthagora liberorum, & ipsius Orthagora tyrannis. annos enim centum permansit. Cuius rei causa est, quòd sese in eos, qui sub tyrannide erant, moderatos præbebant, & magnam partem legibus seruiebant. Et propterea quòd bellicosus natus erat Clisthenes, non erat contemnendus. Et multis in rebus populares erant, beneuolentiāque multitudinis colligebant diligentia, quam adhibebant in reipub. bene gerenda. Dicitur enim Clisthenes eum, qui victoriam ab ipso abiudicarat, corona donasse. Nonnul-

li autem statuam illam in foro sedentem, eius, qui ita iudicauit, simulacrum esse dicunt. Aiunt porro etiam Pisistratum cum ad Ariopagum in ius vocatus esset, iudicium accepisse. Proximè diuturna fuit Cypselidarum tyrannis Corinthi. hæcenim firma permansit annos nonaginta treis, & sex menses. Nam Cypselus annos triginta regnavit. Perian-der, quattuor & quadraginta. Psammethicus Gordiæ filius, annos treis. Causæ autem huius quoque sunt eadem. Nam Cypselus quidem ductor populi blandus erat, & toto imperio suo nullos custodes corporis adhibere perseverauit. Perian-der verò fuit ille quidem tyrannicus, sed tamen militaris & bellicosus. Tertia Pisistratidarum Athenis. sed non fuit continuæ. Bis enim exsulauit Pisistratus cum tyrannidem obtineret. Itaque ex annis tribus & triginta, decem & septem tyrannidè obtinuit: decem & octo eius filij. Itaque anni omnes fuerunt quinque & triginta. Reliquarum autem maximè diuturna fuit Hieronis & Gelonis tyrannis Syracusis. Annos autem ne hæc quidem stabilis permansit multos. sed anni sunt omnino decem & octo. Nam Gelo cum annos septem tyrannidem obtinuisset, octauo excessit è vita. Hiero decem. Thrasybulus undecimo mense exactus est. Multæ autem tyrannides breues omnes fuerunt omnino. De reipubl. igitur administrandæ formis, & de monarchiis, quibus rebus intereant, & quibus rursus conseruentur, dictum ferè est omnibus. In Platonis autem libris de republica disputatur quidem à Socrate de mutationibus: sed minus rectè. Nam nec eius reipubl. administrandæ formæ, quæ optima & prima est, mutationem propriè exponit. Ait enim mutationis causam esse, quòd nihil maneat, sed omnia certo quodam temporis ambitu, spatiòque mutantur. Horum au-

tem esse principium ea, quorum radix sesquitercia numero quinario iuncta, duos concentus efficit: quod futurum est (inquit) cum huius descriptæ figuræ numerus solidus factus fuerit, proinde quasi natura malos homines, & nulla disciplina sanabileis aliquando gignat. Atque hoc quidem ipsum dicit ille fortasse non male. Contingere enim potest, ut existant nonnulli, qui nulla institutione erudiri, bonique viri fieri queant. Sed quamobrem hæc mutatio eius reipubl. administrandæ formæ, quæ ab illo dicitur optima, magis, quàm aliarum omnium, atque adeò rerum omnium, quæ oriuntur, propria sit? Tum quo temporis spatio dicit omnia mutari, etiam ea, quæ non simul fieri cæpta sunt, simul mutantur: verbi gratia, si qua pridie solstitij facta sunt, ergo simul mutantur. Præterea quæ nam causa est, quare ex hac reipubl. administrandæ forma in Laconicam fiat mutatio? Sapius enim omnes reipub. administrandæ formæ mutantur in contrarias, quàm in proximas. Eadem autem etiam aliarum mutationum ratio est. Ex Laconica enim reipub. administrandæ forma (inquit) in oligarchiam fit conuersio: ex hac in democratiâ: ex democratiâ in tyrannidem. Atquin etiam in contrarias vertuntur: verbi gratia, democratiâ in oligarchiam, atque adeò magis, quàm in monarchiam. Præterea verò neque si futura est tyrannidis mutatio, neque si futura non est, huius rei causam explicat, neque in quam reipubl. administrandæ formam mutatio futura sit, exponit. Ratio est, quia non facile explicare potuisset. Hoc enim totum incertum, minimèque definitum est. Nam illius quidem sententia, eius commutatio in primam & optimam fieri deberet. Ita enim continuum quiddam, & orbis fieret. Verùm sepe numero mutatur in tyrannidem tyrannis: quemadmodum

dum Sicyonia à Myrone ad Clifthenem translata est: & in oligarchiam, ut Chalcidica, quam Antileon obtinuit: & in democratiā, quemadmodum Syracusana Gelonis: & in aristocratiam, quemadmodum Charilai Lacedæmonia: & Karthaginiensis. Etiam in tyrannidem oligarchia vertitur: ut in Sicilia propemodum antiqua plurimè: apud Leontinos in Panatij tyrannidem, Gela in Cleandri, Rhegij in Anaxilai: & in aliis multis item ciuitatibus. Absurdum autem etiam illud est existimare iccirco tyrannidem in oligarchiam mutari, quia qui imperia obtinent, pecuniæ cupidi sunt, & pecuniæ quarendæ studio ducuntur, & non quòd multi facultatibus & copiis rei familiaris præstantes non putant verum esse eos, qui nihil habent, pariter atque eos, qui bonis externis instructi sunt, participes esse ciuitatis. Atque in multis oligarchiis non licet pecuniam querere, sed leges sunt, quæ vetant. Karthagine verò, quæ ciuitas sub populi imperio est, & democratia continetur, pecuniæ quarendæ student, & nondum reipubl. statum mutauerunt. Iam verò etiam hoc absurdum est, dicere ciuitatem, in qua pauci imperium obtinent, ex duabus ciuitatibus constare, altera diuitum, altera pauperum. Quamobrem enim ei hoc accidit potius, quàm Laconica, aut cuiusmodi alij, in qua aut non sunt pares omnium rei familiaris facultates, aut non sunt omnes similiter, & per æquè viri boni? At, ut nemo fiat pauperior quàm antea, nihilominus mutatur in democratiā oligarchia, si egentes numero aucti sint: & in oligarchiam democratia, si locupletes fuerint multitudine superiores ac potentiores: & alteri quidem negligant, alteri verò animum atterdant, & diligentiam adhibeant. Et cum sint multe mutandarum rerump. causæ, eas non exponit: sed hanc ynām

ἡ ἀρετή
ταπεινότη-
τος ἐστίν.

commemoratur, quia dum profusè ac luxuriosè viuunt, dum-
que ære alieno obruuntur, & fanore trucidantur, pauperes
euadunt, quasi verò omnes, aut etiam plurimi ab initio sint
diuites. At hoc falsum est. Verùm cum aliqui ex principibus
facultates rei familiaris consumserint ac dissiparint, res novas
quarunt: cum verò aliis idem acciderit, nihil est quod sit ma-
gnopere metuendum: neque vñquam magis commutatio sit
oligarchiæ in democratiā, quàm in aliam reipubl. admini-
strandæ formam. Præterea verò siue honorum non sint par-
ticipes, siue iniuria afficiantur, siue contumeliosè vexentur,
seditionem excitant, & reip. administrandæ formas mutant,
etiā si rem familiarem non consumserint, quia licentiam
nacti sunt, quicquid libeat, faciendi. cuius rei causam dicit
esse nimiam libertatem. Cum sint autem plures oligarchis &
democratia, quasi vtraque sit vna, ita vtriusque mutationes
exponit Socrates.

LIB. 6.

QUOT igitur, & quæ sint eius ciuitatis partis, quæ
consultandi ius habet, & penes quam totius reipubl.
administrationis, & magistratuum descriptionis, potestas est,
differentiæ ac dissimilitudines, & de iudiciis ac tribunalibus
iudicum, & qualia cum quali reipublicæ administrandæ for-
ma aptè cohercant: & præterea de interitu & salute reipub.
administrandæ formarum, ex quibus rebus oriuntur, &
propter quas causas eueniant, antè dictum est. Quoniam au-
tem ita cecidit, ut plura sint democratiæ, & aliarum item
reipubl. administrandæ formarum genera, non inutile fue-
rit vno tempore, eadēque opera, & de illis, siquid reliquum
est, cōsiderare, & modum cuique accommodatum, atque vti-

lem tradere, ac demonstrare. Præterea & eorum omnium modorum, qui à nobis expositi sunt, coniugationes considerande atque inspiciende sunt. Nam quot modis hæc inter se bina copulantur, tot pariunt reip. administrande formarum varietates, ita ut & aristocratia ad oligarchia similitudinem propè accedant, & politia ad democratiam sint propensiores. Copulationes autem, seu coniugationes dico, (quæ inspiciende illæ quidem sunt, sed non sunt nunc à quoquam animaduersæ, neque tractatæ) verbi causa, si ea quidem ratio, quæ ad consultationes pertinet, oligarchia conuenienter sit descripta, atque ordinata: ea verò, quæ in iudiciis versatur, ad aristocratiam accommodatè: aut hæc quidem, & ea, quæ ad consultationes pertinet, oligarchia conuenienter: ea verò, quæ in comitiis magistratuum, siue creatione magistratum posita est, ad aristocratiam accommodatè, aut alio aliquo modo, ne omnia, quæ reipublicæ administrationis sunt propria, composuisse, & coniungasse videamur. Qualis igitur democratia cum qua ciuitate aptè cohereat, itémque qualis oligarchia cum qua multitudine, & ex reliquis reipubl. administrande formis, quæ quibus sit utilis, dictum quidem est antè. verumtamen quoniam perspectum & cognitum esse debet non solum qualis ex his reipublicæ administrande formis sit ciuitatibus optima, sed etiam quomodo sit constituenda: nos & has, & alias breuiter persequamur. Ac primum de democratia differamus. simul enim & ea, quæ huic contraria est, cognoscetur. Hæc autem est ea, quam nonnulli oligarchia appellunt. Sumenda porro sunt ad hanc disputationem ratione, & via progredientem popularia omnia, & quæ videntur democraticis esse adiuncta. éuenit enim ut ex his compositis & coniunctis democratia genera nascentur, plurés-

que una, & diuersa democratia sint. Duæ enim causæ sunt, propter quas plures democratia sunt: quatum prima quidem ea est, quæ ante exposita est, populorum diuersitas ac dissimilitudo. alia enim est multitudo in agro colendo occupata, alia eorum hominum, qui arteis illiberales & sordidas exercent, alia mercenariorum, & eorum, qui operas suas mercede locant: quarum si prima ad secundam assumatur, atque aggregetur, & tertia rursus ad utramque, non id solum intersit, quod democratia melior & deterior fiat, sed quod non sit eadem. Secunda autem causa est ea, de qua nunc loquimur. Nam quæ democratiis adiuncta sunt, quæq; harum reipub. administranda formarum propria videntur, ea si alio atque alio modo componantur, dissimileis ac diuersas democratias faciunt. Hanc enim pauciora comitabuntur, illam plura, aliam hæc omnia. Utile est autem horum unumquodque cognoscere & ad constituendam, quam ex eis quis velit, reipub. administranda formam, & ad earum correctiones. Student enim ij, qui reipubl. administranda formas constituunt, omnia cuiusque reipubl. administrationis propria, ad propositum finem collecta conferre. qua in re vehementer errant, quemadmodum in iis, quæ ad interitiones, & salutes reip. administranda formarum pertinent, ante dictum est. Nunc autem earum postulata, & mores, & quæ appetant, exponamus.

- 2 Finis igitur reipub. administranda formæ populari propositus est libertas. hoc enim dicere consueuerunt, proinde quasi in hac sola reipub. administranda forma participes sint libertatis. Nam democratiam omnem hoc spectare, ac sibi destinare dicunt. Iam verò vnum libertatis argumentum est vicissim parere atque imperare. Etenim ius popolare est æqua-

lia habere numero, non dignitate. Hoc autem iure posito ac recepto, multitudo dominetur, & compos sit reip. & quicquid maiori parti visum fuerit, hoc sit etiam extremum, seu finis, hoc denique ius sit necesse est. Aiunt enim unumquemque civium, æquale habere oportere. Itaque in democratiis evenit, ut plus auctoritatis ac potestatis habeant egentes, quàm locupletes. Sunt enim numero plures. Ratum autem est quod pluribus visum est. Hoc igitur est unum libertatis signum: quem quidem omnes populares reipubl. administrande formæ finem ponunt. Alterum est vivere ut quis velit. hoc enim libertatis munus esse dicunt, si quidem est eius, qui servus est, vivere non ut velit. Democratia igitur finis hic est secundus. Hinc autem natum est, parère velle maximè quidem nemini: sin minus hoc liceat, at vicissim parère. Atque hac ratione ad libertatem confert eam, quæ in æqualitate posita est. His porro suppositis, & tali principio exstante, talia popularia sunt, omneis magistratus ex omnibus legere: omneis quidem unicuique imperare, sed unumquemque vicissim omnibus: magistratus sortitò mandari aut omneis, aut quicumque usum, vel artem non requirunt: magistratus ex censu aut nullo, aut minimo mādari: non licere eidem bis ullum gerere magistratum, aut rarò, aut paucos, præter bellicos: breui tempore circumscribi ac terminari magistratus aut omneis, aut quàm plurimi possunt: omneis rebus iudicandis præesse, aut ex omnibus, aut de rebus omnibus, aut de plurimis, & maximis, & maximi ponderis, atque ad summam rem pertinentibus: verbi causa, de rationibus referendis, & reipubl. administratione, & de rebus ab unoquoque cum unoquoque contractis: penes contionem esse summam rerum omnium potestatem, penes quemquam ma-

τὸ ἀρ-
χαιὸν ἀρ-
χὴν μὴδ.
ἀβελτ vox
ἀρχὴν à
libr. vug.

1 ἡ δὲ με- *gistratum, nullius, aut quàm paucissimarum, aut quàm mi-*
 γίστων. de- *nimarum, aut non maximarum. magistratuum autem ma-*
 sideratur *ximè popularis est senatus, seu consultandi potestas, ubi non*
 negatio à *fit omnibus mercedis accipiendæ copia. hic enim adimunt*
 libr. vulg. *etiam huic magistratui potestatem ad seipsum enim populus,*
cui larga merces tribuitur, omnia iudicia reuocat, quemad-
modum antè libro superiore dictum est. præterea mercedem
tribui maximè quidem omnibus, contioni, iudiciis, magistra-
tibus: sin minus, magistratibus, & iudiciis, & senatui, &
contionibus iis, quæ sunt principales, aut iis magistratibus,
qui unà cibum capere, & inter se conuiuari necesse habent.
Præterea quoniam oligarchia, & genere, & diuitiis, &
disciplina definitur, popularia videntur esse his contraria,
generis ignobilitas, paupertas, artes illiberales & sordida.
Præterea nullum esse magistratum perpetuum. Quòd si quis
ex antiqua reipubl. administratione immutata relictus sit,
tum eius potentiam circumcidere, atque imminuere: & eos
magistratus, qui suffragiis creabantur, sorte creare. Hac igi-
tur sunt democratiarum communia. Iam verò ex eo iure,
quod democratiæ proprium esse cònuenit inter omneis, & hoc
autem est, ut omnes æquale numero obtineant) ea, quæ ma-
ximè democratia videtur esse, & populus, efficiuntur, &
veluti colliguntur. Æquale enim est nihilominus imperare
tenuis atque egenteis, quàm copiosos, & locupleteis: neque
penes illos solos summam esse rerum potestatem, sed penes
omneis ex æquo, pro numero, non pro dignitate. sic enim exi-
stimarint esse in reipub. administratione æqualitatem & li-
bertatem.

3 *Quaritur nunc hoc explicato, quomodo futurum sit, ut*
æquale obtineant: utrùm, verbi gratia, quingentorum ci-

uium census in mille partiendi sint : & mille tantum posse debeant, quantum quingenti : an non ita sit statuenda ea, quæ ex numero est, æqualitas, sed ita quidem primum parti oporteat, deinde cum totidem ex quingentis, quot ex mille hominibus, sumti fuerint, penes hos esse potestatem creando-
rum magistratum, & iudiciorum. Vtrumne igitur hæc reip. administranda ratio, ex iure populari iustissima est, an ea potius, quæ ex multitudine, seu numero spectatur, ac ponderatur? Aut enim populares homines hoc esse iustum, quod pluribus videatur. At ij, qui oligarchiæ student, id, quod ampliores rei familiaris facultates habentibus probatum sit. Ex amplitudine enim & copiis rei familiaris dicunt huius rei iudicium fieri oportere. Sed habet utraque res inæqualitatem atque iniustitiam. Si enim id iustum statuendum erit, quodcumque paucis visum fuerit, tyrannis erit. Nam si quis unus ampliores rei familiaris facultates habeat, quam locupletes, ex eo iure, quod oligarchiæ proprium est, debet solus præesse atque imperare. Sin quicquid pluribus numero : iniuriam diuitibus & paucioribus inferent, bonis eorum publicandis, quemadmodum supra dictum est. Quæ nam igitur sit æqualitas, de qua utrique consentiant, ex iis iuribus, quæ utrique definiunt, videndum. Dicunt enim quicquid maiori parti ciuium visum sit, id ratum esse oportere. Demus ita esse, non omnino tamen. Sed quoniam fors ita tulit, ut due sint partes, ex quibus constat ciuitas, diuites, & pauperes : quod utrisque visum fuerit, aut pluribus, hoc ratum esto. sin contrariæ sententiæ fuerint, quod plures & ex pauperibus, & ex iis, quorum ampliores sunt rei familiaris facultates, probarint, id valeat : exempli causa, sunt hi quidem decem, illi verò viginti. Sed aliud visum est ciuibz sex ex diuitum

1 τῶν
κυρίως
ἐν αὐτῇ
αἰρέσεων,
&c. al.
ἀρχαί-
σιν. vul-
gati δια-
φύσεων,
mendosè

numero, aliud ciuibus quindecim ex pauperum multitudine. accesserunt igitur ad pauperes quidem quindecim, diuites quattuor: ad diuites verò sex, pauperes quinque. Vtrorumcumque igitur census superat alterum, utrorumque censu inter se comparato, & ad calculos vocato, eorum sententia valere, & rata esse debet. Quòd si pares ab utraque parte sententia fuerint, communis & similis existimanda hæc dubitatio est, atque nunc, si contionis, aut iudicum confessus sententiæ ab utraque parte sint æquales. aut enim sorti res permittenda est, aut aliud tale faciendum. Sed de æquitate quidem & iure, quamuis verum inuenire difficile sit, facilius tamen est ea obtinere, quàm iis, qui superiora omnia habere, & bonis externis alios superare possunt, ut iustitiam colant, & retineant æquitatem, persuadere. Semper enim æquitatem & ius querunt imbecilliores: qui verò opibus, & viribus superiores sunt, de iis nihil laborant.

- 4 Cum sint autem democratia quattuor, optima quidem est ea, quæ est ordine prima, quemadmodum superioribus libris expositum est. Et verò hæc eadem omnium est etiam antiquissima. Primam autem appello, ut si quis populorum diuisionem faciat. Optimus enim populus est is, qui in agri colendi studio versatur. Itaque licet etiam democratiam unam facere, in qua viuit multitudo ex agricultura, aut ex pecorum pastione. Nam propterea quòd nō habet admodum copiosam, neque amplam rem familiarem, occupata est, ita ut non eat in contionem frequēs. Quòd verò caret rebus ad victum necessariis, in opere faciendo assidue versatur, neque alienum appetit: sed iucundius ei est agrum colere, & opus rusticum facere, quàm rempubl. administrare, & magistratum gerere, ubi non datur magnos admodum, neque ubere s
quæstus

quæstus ex magistratibus facere. vulgus enim lucri cupidius est, quàm honoris. cuius rei hoc argumentum est, quòd & olim antiquas tyrannidas æquo animo perferebant, & nunc oligarchias perferunt, si modò quis eos non prohibeat ab opere faciendo, neque quicquam eis adimat. citò enim alij quidem eorum abundant, alij autem non egent. Præterea verò penes eos potestatem esse creandorum suffragiis suis magistratuum, & rationum à magistratibus repetundarum, hæc eorum honoris egestatem ac sitim explent, si qua eius rei cupiditate flagent. Nam apud nonnullos populos etiam si non habeant uniuersius mandandorum magistratuum, sed aliqui ex eis omnibus vicissim lecti, ut Mantinée: si modò penes eam consultandi sit potestas, hoc vno est contenta multitudo. Atque hanc figuram quandam esse democratiae oportet existimare. Quapropter & utile est ei democratiae, quæ antè exposita est, & solet hoc in ea seruari, ut omnes quidem ciues & magistratus eligant, & rationes à magistratibus reposcant, & rebus indicandis præsent: sed aliqui selecti, & ex censibus, maximos magistratus gerant, & ut quisque erit maximus, ita ex maximo: aut nullum ex censu, sed qui possunt, quique facultatem habent, ij gerant. Qui autem ita remp. administrant, cum eos benè & præclare administrare necesse est: (nam ita magistratus semper ab optimis gerentur & populo volente ac lubente, & viris bonis non inuidente:) tum homines frugi, virique illustres necessario hac reipubl. descriptione, atque ordine erunt contenti. Nam nec aliorum deteriorum imperio parebunt, & iustè imperabunt, quia penes alios rationum reposcendarum sit potestas. Pendere enim ex aliorum iudicio atque auctoritate, & quicquid velit quis, facere non licere, utile est. Nam quidlibet agendi licetia ac po-

restas, id, quod in unoquoque homine mali inest, vitare non potest. Itaque necessario id evenit, quod est omnibus reipubl. administranda formis utilissimum, ut viri boni reipub. præsint, tuti à periculo peccandi, & sine imminutione virium, aut commodorum multitudinis. Hæc igitur democratiarum esse optimam, & propter quam causam, perspicuum est: nempe quia populus certo quodammodo affectus, & benè conformatus est. Ad populum autem agricultura studiosum reddendum leges quædam ex iis, quæ apud populos olim posite sunt, omnes adiuvent, & conferant, aut ne omnino liceat maiorem agri modum, quàm à lege præfinitum sit, possidere, aut ne liceat usq; à certo loco ad oppidum, & ad urbem: & in multis ciuitatibus lege constitutum erat, necui liceret possessiones antiquas, quæ primæ sorte obtigissent, vendere. Est & ea, quam Oxyli legem esse dicunt, talem quandam vim habens, ut nequis pecuniam alteri mutuam daret parte aliqua agri, seu fundi, quem quisque haberet, ab eo pignori accepta. Nunc autem etiam Aphytaeorum lege hæc omnia dirigere nos oportet. est enim ad id, quod dicimus, utilis. Nam illi, quamvis & multi sint, & agrum angustum habeant, omnes tamen sunt agricolæ. non enim censentur totas possessiones, neque fundos integros in censum referunt, sed in tot particulas diuidunt, ut etiam pauperes, censibus diuiteis superare possint. Secundùm eam multitudinem, quæ ex agricolis constat, populus ille est optimus, in quo sunt pastores, & qui ex re pecuaria vitam tolerant. Multa enim habet agricultura similia res pecuaria. & quòd ad militareis & bellicas actiones attinet, hi sunt maximè exercitati, & tali corporis habitu, ut magno vsui esse reipub. & vitam sub dio degere facillè possint. aliæ autem fere omnes, ex quibus cetera demo-

cratia constant, multitudines, multo sunt his deteriores. Vita enim earum ignaua, et vitiosa est, nullumque ex iis muneribus, quæ tractat sordidorum atque illiberalium opificum, et forensium hominum, (eos dico, qui cauponariam faciunt,) et mercenariorum multitudo, cum virtute coniunctum est. Præterea verò quia tale hoc ferè omne hominum genus in foro volutetur, atque in urbe perpetuò resideat, facile contiones frequentat. Aratores verò et agricola, quia sunt per agros dispersi: neque ad tempus cōtionibus occurrere possunt, neque tali conuentu similiter egent. Vbi igitur contigit ut talis sit regionis situs, ut agri longè ab urbe remoti sint, ibi probam democratiam, et bonam reipub. administrandæ formam efficere facile est. necesse enim habet multitudo in agris, quasi in coloniis, habitare. Itaque in democratiis etiam si sit magna turba forensis, seu tabernaria, et urbana, non est tamen populus cogendus, neque contio aduocanda sine multitudine agresti et rustica. Quomodo igitur sit constituenda optima, et prima democratia, dictum est. Non est autem obsecurum quomodo sint et cetera. Nam proximè et similiter discedere ac degredi oportet ab ea, quæ ordine prior est, et semper deteriores multitudines secernere ac separare. Vltimam autem democratiam, propterea quòd ciues omnes reipub. administrationis sint participes, neque cuiusvis ciuitatis est ferre, neque facile est manere, nisi legibus et institutis benè sit constituta. Quæ res porrò et hanc, et ceteras reipub. administrandæ formas perdere atque euertere solcāt, exposita sunt ferè antea plurimæ. Ad constituendam autem hanc democratiam, et populum firmum ac robustum reddendum, solēt ij, qui muneribus publicis præpositi sunt, quàm plurimos ad eum assumere atque aggregare, non solùm ger-

1 mēdosè
legitur in
libr. vulg.
et talis
δημοκρα-
τίας ἐκ
ἐλλοτῶν
legēdum
autem est
et talis
δημοκρα-
τίας ἐκ
ἐλλοτῶν
αὐτῶν τε,
&c.

manos ciuicis, & ex iustis nuptiis procreatos, verum etiam ex non iusto concubitu natos, & qui ex alterutro parente duntaxat ciues sunt, hoc est, verbi causa, ex patre, aut matre. Omne enim genus hoc hominum ad talem populum, talenque democratiam magis accommodatum est. Solent igitur leues & blandi populi ductores hæc excogitare & machinari. sed oportet assumere usque eò dum multitudo nobileis, & medios superet, & ultra hunc finem non progredi. Nam si modum superent, cum reipubl. administranda formam faciunt inordinatam & perturbatam, tum nobileis eò magis irritant, & incendunt, ut democratiam grauatè atque iniquo animo ferant: ex quo Cyrenis casu quodam seditio manauit. Nam pusillum malum non attingitur, neque cernitur: auctum autem & propagatum in oculos incurrit. Præterea talia commenta, atque inuenta, quibus Clisthenes Athenis usus est, cum democratiam amplificare atque augere vellet, & ij, qui democratiam constituerunt Cyrenis, ad talem democratiam utilia sunt. Nam & alia tribus faciendæ sunt, & quæ in vrbe insunt, multiplicandæ, & sodalitates: & quæ ad sacra priuata pertinent, in pauca, & cõmunia contrahenda sunt: omnia denique artificia adhibenda sunt, ut quàm maximè omnes inter se permisceantur: pristina autem consuetudines dirimantur, ac distrahantur. Præterea verò & commenta tyrannica popularia videtur omnia: hoc est, verbi gratia, seruorum licentia nullo magistratu constituto, qui eos coërceat (hæc autem usque ad aliquem finem utilis fuerit) & mulierum, & puerorum: & sinere vnumquemque, ut velit, viuere. Multi enim erunt, qui tali reipub. opitulentur. Iucundius enim est multitudini intemperanter & inordinatè, quàm temperanter & modestè viuere.

i leg. est
 φῦδ' αὖτε
 γὰρ ἐτε-
 ραί ποιν-
 τείαι, καὶ αἱ
 εὐπαρ-
 χύσαι,
 ποιντῶν
 πλείους,
 καὶ φρ.
 Nam in
 libr. vulg.
 desidera-
 tur hoc
 totum, καὶ
 αἱ εὐπαρ-
 χύσαι
 ποιντῶν.

Est autem scriptoris legum, & eorum, qui talem aliquam reip. administrandæ formam constituere volunt, magnum opus, non eam constituisse, neque hoc unum solum eorū opus, sed potius, ut conferuetur, videre. nam eos diē unū, vel duos, vel treis manere, qui quauis reip. administratione utantur, non difficile est. Quapropter quibus de rebus antè cognouimus ac disputauimus, nempe quæ res reipublicæ administrandæ formis sint salutare, quæ pestifera, ex his rebus oportet incolumitatem, ac stabilitatem studere comparare, iis quidem, quæ interitum afferunt, vitatis: legibus verò huiusmodi & non scriptis, & scriptis positīs, quæ maximè completentur res ciuitatibus, & reipublicæ administrandæ formis salutaris: neque existimare hoc esse populare, aut oligarchiæ proprium, quod maximè faciet, ut ciuitas populi, aut paucorum imperio pareat, sed quod diutissimè pareat. At blandi isti, qui nunc sunt, populi ductores, & tribuni plebis, à populis gratiam inire studentes, multa iudiciis publicant. Quapropter oportet eos, qui reipub. curam gerunt, his obuiam ire, & contrarias actiones opponere, hoc lege sancito, nequid eorum, qui damnantur, & ad commune pertinet, populi fiat, sed consecratur. Nam ita & ij, qui iniusta facinora faciunt, nihilominus sibi à peccando cauebunt: (æquè enim multabuntur): & multitudo agrestis atque impolita minus erit ad reos condemnandos facilis ac propensa, utpote nihil lucri factura. Præterea facere ut iudicia publica semper sint paucissima, & rarissima, maximis pœnis in eos, qui falsò & temerè alterum accusabunt, constitutis. non enim humileis & populareis homines, sed nobileis & illustreis viros criminari, atque in iudicium vocare solent. Oportet autem ciueis omneis maximè quidem benignolentiam in rempub. con-

*1 in libr.
vulg. vox
ἐργον post
verbum
καταστή-
σαι, super-
uacanea
est: atque
idcirco
delenda.*

ferre: sin minus, at certè eos, penes quos summa est potestas, hostium loco non ducere. Sed quoniam postremæ democratiæ hominum frequentia ac multitudine sunt celebres, & contiones frequenter non accepta mercede, difficile est: (quod quidem ubi nulla sunt publica vectigalia, nobilibus est inimicum atque infestum: ex tributo enim, & publicatione bonorum, & iudiciis iniquis merces sumatur necesse est: quæ multas iam democratiæ euerterunt:) ubi igitur vectigalia fortè non sunt, contiones debent esse rariores: & iudicia multis quidem de rebus, sed paucos dies. Hoc enim etiam ad hoc confert, ut ne diuites sumtus extimescant, si locupletes quidem non accipiant iudicandi mercedem: egentes verò accipiant. Valet etiam ad hoc ut res in iudicium deductæ melius iudicentur. locupletes enim multos dies à suis negotiis familiaribus abesse nolunt: breue tempus non nolunt. Ubi autem vectigalia sunt, faciendum non est, quod faciunt nunc tribuni plebis, seu leues populi ductores. Nam quæ factis sumtibus necessariis superant, populo diuidunt: ille autem simul & accipit, & rursus eget iisdem. est enim dolium pertusum talis ad auxilium egentibus ferendum comparata largitio. Sed oportet eum, qui verè popularis est, ne multitudo sit nimis egens, providere. hæc enim causa est, quare vitiosa sit democratia. Excogitandum igitur aliquod artificium est, ut

1 legēd.

τοῦ δὲ

πολλοῦ

ἐμπορίας,

ἢ καὶ

nam libr.

vulg. mē-

dosē ha-

bent, ἐν-

μερίας.

diuturna sit copia rei familiaris. Quoniam autem hoc etiam diuitibus conducit, ea, quæ ex vectigalibus efficiuntur, oportet in unum congerentis & coaceruantis, egentibus universa diuidere, maximè quidem si quis tantum coaceruare possit, quātum satis sit ad paruum agelli modum comparandum: sin minus, ut habeant facultatem, & adiumenta mercaturæ faciendæ, atque agriculturæ. Quòd si non possit fie-

ri ut omnibus, saltem tributim, aut curiatim, aut per aliquā
 aliam ciuitatis partem vicissim diuidere. Atque interea lo-
 cupletes ad necessarios conuentus mercedem conferre debe-
 bunt, ab inanibus sumtuosorum munerum functionibus li-
 beri ac soluti. Tali autem quodammodo Karthaginenses
 rempubl. administrantes populi erga se beniuolentiam colle-
 gerunt. semper enim cum aliquos de plebe ad vrbeis circum-
 positas dimittunt, eos collocupletant. Est autem hoc quoque
 humanitate politorum, & uenustorum, & cordatorum no-
 bilium egentibus inter se distributis suppeditare eis adiuuen-
 ta rei faciendæ, eosque ad opus faciendum cohortari, & ex-
 citare. Præclarum verò est etiam Tarentinorum consilia
 imitari. Illi enim iumentis & possessionibus cum egentibus
 ad usum communicatis, multitudinis beniuolentiam sibi com-
 parant. Præterea magistratuum omnium duo genera fece-
 runt, ut alij suffragio, seu electione, alij sortitione manden-
 tur: sortitione, ut plebs eorum sit particeps: suffragio, ut me-
 lius sua respub. administretur. Licet autem hoc facere etiam
 in eodem magistratu, partitione ita facta, ut alij eum sorti-
 tione obtineant, alij suffragio. Quomodo igitur democratiae
 constituendæ sint, expositum est.

Quomodo autem etiam oligarchia constituendæ sint, ex
 his fere intelligere licet. Oportet enim ex contrariis colligere,
 unaquaque oligarchia ad contrariam democratiam specta-
 ta & relata: ea quidem, quæ oligarchiarum temperatissi-
 ma & prima est, ad optimam democratiam & primam. hæc
 autem est ea, quæ ei respubl. administrandæ forma, quæ com-
 muni nomine sic appellatur, finitima est: in qua cēsus ita di-
 uidendi ac distinguēdi sunt, ut alij minores fiant, alij maiores:
 minores, ex quibus ciues necessarios magistratus obtinebunt:

6
 1 αἰετὶ
 βελτίστην

δημοκρα-
 τία, καὶ
 ἀριστεύου-
 ση. hoc totū
 desiderat-
 ur in lib.
 vulg.

2 ἐν ἧ τὰ
 πλεονεκτή-
 ματι. præ-
 positio ἐν
 desiderat-
 ur in lib.
 vulgatis.

maiores, ex quibus ampliores, & maiorum rerum in ciuitate compotes: & ei, qui censum habet, licere oportet ad rempub. administrandam accedere, tanta populi multitudine per censum ad reipubl. administrationem introducta, vt ea recepta potentiores ac superiores sint viribus, qui reipubl. administrationis sunt participes, quàm qui non sunt. Semper autem ex meliore populo reipubl. administranda socij assumendi sunt. Atque oligarchiam huic primæ proximam oportet paulum intendendo similiter constituere. Ea autem, quæ democratiæ vltimæ contraria est oligarchia, quæq; dynastarum potentatui & tyrannidi simillima & maximè finitima est, quanto est pessima, tanto maximam & plurimam cautionem, custodiamque desiderat. Quemadmodum enim corpora benè constituta, & ad bonam valetudinem probè conformata: & nauigia ad nauigationem apposita, & opportuna, bonisque nautis instructa, plura peccata recipiunt sine interitionis periculo perse: corpora verò morbosa, & nauigia fatiscencia, & malos nautas consecuta, ne parua quidem errata ferre possunt: ita & ea reipublicæ administrandæ formæ, quæ deterrimæ sunt, plurimam cautionem requirunt. Vniuersè igitur democratiæ hominum vbertas & copia tuetur & conseruat. hoc enim ei iuri, quod ex dignitate est, opponitur. Oligarchiæ verò contrà perspicuum est in recti ordinis descriptione, bonæque ordinatione salutem esse positam.

- 7 Quoniam autem quattuor sunt in primis multitudinis partes, agricolarum: eorum, qui arteis sordidas, & illiberales tractant: eorum, qui mercaturam & cauponariam faciunt: mercenariorum: quattuor autem ad bellum viles, equitum, peditum grauioris armaturæ, peditum leuioris, seu feren-

ferentiariorum, militum classicorum, & nauticorum, quo in loco contingit, ut regionis solum ad equitandum aptum sit, hic natura fert ut possit constitui oligarchia valida ac robusta. Nam cum salus iis, qui urbem incolunt, ex his copiis comparatur: tum equorum alendorum facultas, eorum propria est, qui amplas diuitias, magnasque possessiones habent.

Vbi verò regio ad pedites grauioris armaturæ accommodata est, proxima in eo loco oligarchia constitui debet. Nam peditatus grauioris armaturæ, locupletium est magis, quam egentium. Pedites autem leuioris armaturæ, & nautici milites, omnino democratiæ conueniunt. Nunc igitur quibus in locis talis multitudo magna est, cum separatim & scorsum ab aliis pugnant, deterius pugnant. Verum huic incommodo remedium ab imperatoribus rei militaris peritis sumendum est, qui cum equitatu, & grauioris armaturæ peditibus aptum & conuenientem peditum leuioris armaturæ numerum coniungunt. Atque hac ratione in seditionibus populares & plebii locupletibus superiores discedunt. Nam quia sunt expediti, cum equitatu & peditatu grauioris armaturæ facile pugnant. Has igitur copias ex his comparare, in seipso est comparare. Oportet autem, cum ætas non sit simplex, sed in aliquot partes diuisa, alique sint ætate grandiores, alij iuuenes, patres interea dum etiamnum sunt iuuenes, & viribus integris, filios suos ad leues & expeditas pugnas erudire: posteaquàm autem hi è pueris excesserint, tum ipsos esse militarium operum opifices & athletas. Communiciari autem cum multitudine reipubl. administratio debet, aut, quemadmodum antea dictum est, cum iis, qui censi sunt, aut, quo modo Thebani faciunt, cum iis, qui aliquamdiu se ab illiberalibus artibus abstinerunt, aut quemadmo-

legendum videtur ὅτι δ' ὁ πλῆθυν, τὴν ἐχρ. nam vulgati libri habent ὁ πλῆτῃν, μέδωσέ, opinor. refertur enim ad vocem χέειν.

dum sit *Massilia*, iudicio facto de iis, qui digni sunt: tum ex eorum numero, qui in republ. administranda versantur, tum ex iis, qui à reipubl. muneribus exclusi sunt. Præterea magistratibus iis, penes quos maximarum rerum est potestas, quosque gerere debent ij, qui in republ. versantur, impositæ esse debent sumtuosorum munerum functiones, ut populus sua sponte, & libenti animo reip. administrationis sit expers, & iis, qui magistratus gerunt, ignoscat tanquam imperij sui magnam mercedem persoluant. Cónuenit autem & cum incunt magistratus, sacrificia magnifica facere, & in opus aliquod publicum edificandum pecuniam insumere, ut populus epulis illis opiparis acceptus, & urbem partim statuis ac templis, partim præclaris ædificiis exornatam aspiciens reipub. administrandæ formam libenter videat stantem ac permanentem. Huc accedit, quòd nobilibus suæ impensæ exstabant monumenta. Verùm tantum abest, ut ij, qui oligarchias obtinent, hoc faciant, ut etiam contrariis studiis, factisque delectentur. Quæstum enim & emolumentum consectantur non minus, quàm honorem, ac dignitatem. Quapropter par est has oligarchias, paruas democratas appellare. Quo modo igitur democratiæ, & oligarchiæ constituendæ sint, ita sit à nobis definitum, atque explicatum.

- 8 Iis autem, quæ dicta sunt, consequens & connexa magistratuum partitio est, quot, & qui, & quarum rerum sint, quemadmodum & antea dictum est. Nam ut sine magistratibus necessariis ciuitas constare nequit: ita sine iis, qui ad recti ordinis descriptionem (quam eutaxiam appellant Græci,) & modestiam, institutionemque civium pertinent, vrbs præclare habitari non potest. Necesse autem est in parvis quidem ciuitatibus, pauciores esse magistratus, in

magnis autem plureis, quemadmodū antè dictum est. Quales igitur magistratus aptè possint unà coherere, & in unum conduci: & quales sint discernendi ac seiungendi, ignorare non oportet. Primum igitur cura rerum necessariarum in foro haberi debet, eique curæ magistratus aliquis præficiendus est, qui speculans commerciorum, & rerum contrahendarum rationem, det operam, ut in eis conservetur ordo, modus, & fides. Necesse enim ferè est ciuitates omneis alia emere, alia vendere, ad usus vitæ mutuos & necessarios. Atque hoc ad copiam bonis omnibus cumulatam atque instructam nihil externum requirentem proximè accedit, propter quam in unam ciuitatis administrandæ formam videntur homines conuenisse. Altera autem cura hanc deinceps subsequens, eique proxima, est rerum urbanarum tum publicarum, tum priuatarum, ut sit in eis moderatio, & ordo pulcher ac decorus seruetur, utque ædificia, & sarta tecta conserventur, & labentia reparentur, viæque muniantur, & corruptæ reficiantur: né ve sit ulla de finibus inter ciueis controuersia, aut querela, & quacunque alia ad huiusmodi procurationem pertinent. Appellant autem plerique talem magistratum apud Græcos astynomiam, apud Romanos ædilitatem maiorem, quæ plureis numero parteis habet: atque horum alios aliis rebus præponunt in urbibus celebrioribus, & maiorem ciuium numerum continentibus, verbi causa, muris reficiendis præfectos, fontium curatores, portuum custodes. Alia est & necessaria, & huic consimilis. easdem enim res procurat, sed quæ sunt in agris, & regionis solo, quæque extra urbem. nominant autem hos magistratus alij agrorum curatores, alij siluarum, seu nemorum custodes. Hæ igitur sunt tres rerum necessariarum curationes, & præfecturæ.

cum alias ab aliis, tum eas, quas noui magistratus irrogarunt, à nouis: ¹ & eas, quæ ab usitatis & veteribus irrogatæ sunt, cum alius cōdemnarit, alium esse qui exigat: exempli causa, eas, quas annonæ præfecti, seu ædiles minores irrogarunt, ædileis maiore efflagitare: eas, quæ ab his irrogatæ sunt, alios. Quāto enim minore in odio fuerint ij, qui exigunt, tanto facilius accitius exactiones finem suū obtinebunt. Eosdem igitur esse, qui damnarint, & qui multam exigant, odiū duplex habet: eosdē verò de rebus omnibus statuere, reddit omnibus in- uisos. Multis autē in locis diuisus ac distinctus est magistratus carceri, custodiaq; reorū præfectus, ab eo, qui multas flagitat: verbi gratia, Athenis eorum, qui XI viri dicuntur. Quocirca præstat etiam hūc separare, & cōmentum aliquod callidum etiam in hoc excogitare. nihilo enim minus necessarius est, quā qui proximē cōmemoratus est. Euenit autem ut viri boni hunc magistratum maximē fugiant, at improbis hanc permittere potestatem non est tutum. ipsi enim custodia egēt potius, quā alios custodire possunt. Quapropter non oportet unum certum huic negotio præpositum esse magistratum, neque continenter & perpetuò eundem geri, sed & ex iuuenibus, ubi aliquis est puberum, & præsidiorum militum ordo, & ex magistratibus alios atq; alios sumi, qui vicissim hanc prouinciā gerāt. Hi igitur magistratus ut maximē omnium necessarij, primi statuendi sunt. sequuntur deinceps nō minus illi quidem necessarij, sed in maiore splendore collocati, speciēque magis illustrem præ se ferentes. Nam multum usum, magnāque fidem desiderant. Tales autem fuerint & ij, ad quos vrbis custodia pertinet, & ij, qui ad usus rerum bellicarum instituuntur atque ordinantur. Oportet autem tum in pace, tum in bello peræquē por-

¹ ἡ τὰς
τῶν αἰ-
σῶται, αἰ-
τῶν τὰς
ἐπιστάται,
&c.

² πολε-
μίας πασι
ποῦν. ver-
bū ποιεῖ.
desidera-
tur in lib.
vulg.

tarum, & murorum custodia praefectos, & ciuibus anquisitione habita probandis, atque ordine describendis curatores esse. alibi enim plures sunt ad haec omnia munera administranda creati magistratus: alibi pauciores: verbi gratia, in paruis ciuitatibus magistratus vnus omnibus negotiis gerendis praepositus. Taleis autem appellant Graci strategos, & polemarchos, hoc est, duces exercitus, seu imperatores, & belli principes. Praeterea verò si sint equites, aut pedites leuioris armatura, aut sagittarij, aut nautici, seu classarij milites, etiam his singulis interdum constituuntur magistratus, qui appellantur classis praefectura, & equitum magisteria, & ordinum, seu legionum praefectura: & vicissim his subiectae sunt triremium praefectura, & decurionatus, & centurionatus, & tribunatus militares, & quae sunt similes harum praefectarum partes. Vniuersum autem harum par-

1 ὅτι μέ-
λαια πο-
λεμικῶν.
mendosè
in libris
vulg. ὅτι
μελέας.

tium vnum quoddam genus est, rerum bellicarum curatio, seu administratio. Quod igitur ad hunc magistratum pertinet, ita se res habet. Quoniam autem si non omnes, at certè nonnulli magistratus multa negotia totius ciuitatis & populi communia tractant, alium esse necesse est, qui rationes ab illis repetat, & praeterea iudicio rationum referendarum subiectos corrigat, & castiget, nihilque aliud tractet. Appellant porro hos alij correctores, seu censores, alij ratiocinatores, alij anquisitores, seu probatores, alij patronos, seu cognitores. Est & alius praeter hos omneis magistratus, cuius grauissima est omnium auctoritas, maximaque potestas. Idem enim saepenumero & vectigalis curationem, & tribunatum plebis, hoc est ephoriam, obtinet: qui praestitit populo in iis ciuitatibus, in quibus penes populum summa est rerum potestas. Oportet enim aliquem magistratum esse,

qui habeat ius conuocandæ eius ciuium partis, penes quam summa reipub. est potestas. Vocantur autem alibi quidem à Græcis probûli, à Romanis, si placet, prouisoires, seu præconsultatores, quia prouideant, & antè consultent. Vbi autem multitudo dominatur, senatus potius, seu consilium publicum appellatur. Ciuiles igitur magistratus tot ferè numero sunt. Aliud porro curationis genus est, quæ in caeremoniis, & deorum cultu versatur: verbi gratia, sacerdotum, & eorum, quorum non est quæ ad res sacras pertinent, curare, adeis sacras, fartas tectas conseruare, ruinosas, & labentis reficere atque excitare, & alia similia, quæ ad religiones deorum instituta sunt, administrare. E'uenit autem vt hæc curatio alicubi sit vna, vt in paruis ciuitatibus: alicubi verò multæ, & à sacerdotio separata, verbi gratia, in quibus sunt sacrifici, & templorum custodes, seu æditui, & sacrarum pecuniarum custodes. Huic proxima ea curatio est, quæ ad sacrificia publica excepta & reseruata est, ea dico, quæ non sacerdotibus à lege assignantur, sed iis, qui hunc honorem à communi ciuitatis foco, & totius urbis lare consequuntur. Appellant autem hos alij principes, seu prættores, alij reges sacrorum, alij prytanes. Necessariæ igitur curationes, vt eorum, quæ diximus, summam faciamus, in his rebus versantur: in diuinis, in bellicis, in vectigalibus, in sumtibus, in annonæ, & rebus venalibus, in rebus urbanis, in portubus, in agro, & solo regionis: præterea in rebus iudicialibus, in rerum contractarum perscriptionibus, in multarum exactionibus, rerumve iudicatarum executionibus, in custodiis, in rationibus subducendis, in ciuium probationibus, atque in mores eorum anquisitionibus, in rationibus ab iis, qui magistratu defuncti sunt, reposcendis. Postremò ij magistratus, qui con-

filio publico praesunt, in numerum communium referendi sunt. Propria autem est civitatum otiosiorum, & pacatorum, & rebus prosperis magis florentium, & praeterea verò elegantis ornatus, & pulchri ac decori ordinis curam aliquam habentium, mulierum disciplina, legum custodia, puerorum institutio, ac moderatio, gymnasiorum praefectura, praeterea ludorum gymnycorum, & Dionysiacorum curatio, & si qua fortè alia huius generis instituantur spectacula. Horum autem magistratuum nonnullos in promptu est non esse populares: ut mulierum & liberorum institutionem ac disciplinam. Egentes enim necesse habent uti uxoribus & liberis, tanquam pedisequis ac ministris, quia servis careant. Cum sint autem tres magistratus, ex quorum ratione quidam magistratus amplissimos, summamque auctoritatem ac potestatem praeditos suffragio creant, legum custodes, prouiso- res, seu praeconsultatores, senatores, seu consilij publici participes: legum custodes ad aristocratiam pertinent, praeconsultatores ad oligarchiam, senatus ad democratiam. De magistratibus igitur fere omnibus veluti rudi quadam informata imagine, à nobis explicatum est.

LIB. 7.

EV M, qui de optima reip. administranda forma conuenienter quasiturus, & cōmentaturus est, primum quam vita maxime sit optabilis atque expetenda, definite cognouerit necesse est. Nam si hoc obscurum, & incognitum sit, etiam optima reip. administrandae forma obscura, & incognita necessario futura est. Optimas enim res agere, optimaeque res suas gerere cōuenit eos, qui optima reipub. administratione utuntur, ex iis, quae eis suppetūt, nisi si quid praeter omnium opinio-

opinionem, & rationem accidat. Quocirca oportet hoc primum inter nos constare & conuenire quænam sit omnibus, paucissimis exceptis, optatissima & maximè expetenda vita: deinde utrùm cum aliis communiter, & separatim eadem sit, an alia. Cùm existimemus igitur multa de vita optima in iis libris, quos exotericos, id est quasi externos appellare consueuimus, satis ad rem accommodatè dici, etiam nunc iis utendum nobis est. Nemo enim profectò, quod ad unam quidem diuisionem attinet, in controuersiam vocaris, quin, cùm tria sint bonorum genera, externa, ea, quæ sunt in corpore, ea, quæ in animo, hæc omnia beatis suppetere oporteat. Nemo enim beatum dixerit eum, in quo neque fortitudinis, neque temperatiæ, neque iustitiæ particula insit ulla, sed qui muscas circumuolitanteis metuat, & cùm esuriam, aut sitiam, nulla re sibi temperet etiam deterrima atque extrema, amicos carissimos atque intimos ob quadrantem interimat, similiterque in iis, quæ ad mentem attinent, æquè sit imprudens, & excors, parique mentis errore afficiatur, atque puer aliquis, aut insanus. Hæc igitur, quæ ita dicuntur, omnes, ut diximus, uno ore concesserint. sed de quanto, & excellentia immoderata ambigunt. Virtutis enim quantulumcumque habeant, satis se habere existimant. Diuitiarum verò, & pecuniæ, & potentia, & gloria, & talium omnium rerum cupiditati nullum modum statuunt, nullum finem imponunt. Nos autem eis respondebimus, facile quidem esse his de rebus etiam ex factis argumenta ad fidem faciendam sumere, cùm videamus, eos parare, & retinere non virtutes bonis externis, sed bona externa virtutibus: & beatè viuendi facultatem, siue ea hominibus posita sit in voluptate, siue in virtute, siue in utroque, datam esse maiorem iis, qui morum

ὡς αὖτε
εἰρήνη
μεν. ver-
bum, εἰ
εἰρήνη
delidera-
tur in vul-
gatis lib.
3. 2. 3.
τὴν ἐργον
λαμβά-
νουν τὴν
πίστιν, lib.
vulgati
διαλαμ-
βάειν.
&c.

ARISTOTELIS

quidem, & mentis virtutibus egregiè & supra modum sunt exornati, bonorum autem externorum copiis mediocriter instructi, quàm iis, qui, cum multo plura bona externa habeant superuacanea, quàm ad victum, cultumque vtilia, à virtutibus sint inopes ac vacui: Verumtamen etiam iis, qui hanc questionem ad rationem spectare, atque exigere volent, facile veritas patebit. Nam bona externa, tanquam instrumentum quoddam, extremum habent. Quicquid autem utile est, in iis rebus consistit, quarum nimium necessariò aut obest iis, qui habent, aut nihil prodest. At unumquodque eorum bonorum, quæ in animo insunt, quo maius & uberior est, hoc utilius est, si hæc bona non solum honesta, sed etiã vtilia quasi cognomento quodam sunt appellanda. In summa autem perspicuum est, nos esse dicturos, optimarum cuiusque rei affectionum talem comparisonem & proportionem inter se futuram, qualis excellentia & differentia iis rebus contigit, quarum rerum has affectiones esse dicimus. Quare si animus & bonorum externorum possessione, & corpore carius, ac præstabilius quiddam est tum simpliciter, tum nobis: etiam optima cuiusque horum affectio eandem proportionem & comparisonem inter se habeat necesse est. Præterea propter animum hæc sunt optabilia & expetenda natura: & omnes benè sanæ mentis homines ea expetere propter animum debent, & non animum propter illa. Tantum igitur ad unumquemque felicitatis peruenire, quantum cuique virtutis & prudentiæ, & actionum his consentanearum contigit, conueniat inter nos, dei testimonio videntis: qui quamuis fortunatus & beatus sit, non tamen propter unum bonum externum beatus est, sed ipse propter se, & quia sit cuiusdammodi natura. Nam etiam propter hanc

1 vet. cod.
habet, ἡ
περ εἰλη-
τα, &c.
lib. vulg.
εἰληθε,
mendosè
ἡ περ εἰ-
λητα au-
tem, id est
quam for-
titæ sunt.

causam secunda, seu prospera fortuna à beatitudine necessariò differt. bonorum enim, quæ extra animum sunt, casus & fortuna causæ sunt efficientes. iustus verò aut temperans nullus est à fortuna, neque propter fortunam. Consequens autem est, & easdem rationes desiderat, ciuitatem optimam, suâque negotia præclare gerentem, esse etiam beatissimam. Fieri porrò non potest ut ij negotium suum præclare gerant, qui res honestas & præclaras non agant. At nulla præclara actio neque viri, neque ciuitatis sine virtute & prudentia est. Fortitudo autem & iustitia, & prudentia ciuitatis eandem vitam & speciem habent, atque illæ, quas unusquisque mortalium consecutus, iustus, & prudens, & temperans appellatur. Sed hæc instar præmij ei disputationi, quam habituri sumus, præposita sint. ¹ Nam neque ea prætermittere fas nobis fuit, neque ut omnes rationes huius sermonis proprias persequeremur, rerum natura tulit. Sunt enim hæc alius quæstionis & loci. Nunc autem hoc positum sit, vitam optimam, & separatim cuiusque, & communiter ciuitatum esse eam, quæ virtuti consentanea est, tanta bonorum copia instructa, ut particeps esse possit congruentium virtuti actionum. Iis autem, qui hæc in cōtrouersiam vocant, omissis, nunc in hac, quam ratione & via suscepimus disputatione, posterius videndum erit, quid respondeamus, si quis fortè iis, quæ dicta sunt, non assentiatur.

2 Vtrum autem beatitudo sit eadem dicenda vniuscuiusque hominis atque ciuitatis, necne, reliquum est ut explicemus.

At etiam hoc in promptu est. omnes enim eandem esse vno ore concefferint. Nam quicumque in diuitiis bene viuere de vno homine ponunt, hi etiam ciuitatem, si sit locuples & copiosa, beatam prædicant. & quicumque vitam tyrannicam

1 verus
codex ha-
bet, ἔτε
ῶν, μὴ
διγὰρ
αὐτῶν,
&c. id est
neque e-
nime anò
attingere
fas non
fuit &c.
quam sen-
tentiam
aliis ver-
bis expre-
simus.
vulgati
autè ha-
bent, μὴ
τυραν-
νείν, mi-
nus rectè.

ceteris omnibus anteponunt, hi etiam ciuitatem plurimis imperantem, beatissimam pronuntiarint: & si quis unum aliquem virtutis nomine maximè admiratur & probat, hic & ciuitatem, quo erit virtute ornatio, eo dixerit esse beatiorum. Sed hæc iam sunt duo, quæ considerationis indigent: unum utra vita sit magis expetenda, ea, quæ in communione reipub. administrationis & ciuitatis traducatur, an potius peregrini propria, & à civili societate segregata, ac soluta: alterum, quæ reipubl. administranda forma, & quæ ciuitatis affectio, siue ordinatio, siue (ut ita dicam) dispositio, optima sit locanda, siue omnibus optabile sit & expetendum in civili societate versari, siue aliquibus quidem minimè, sed plerisque etiam. Quoniam autem cogitationis, & cognitionis civilis hoc munus est, non quid cuique rei sit expetendum, videre: nos porrò hanc disputationem nunc instituimus, ac suscepimus: illud quidem alienum à nostro instituto fuerit, hoc verò proprium munus huius à nobis via & ratione susceptæ institutionis. Hanc igitur necessariò esse optimam reipub. administranda formam, ex cuius ordinatione quibus res optimas agat, & beatè uiuat, perspicuum est. Ambigitur autem ab iis ipsis, qui concedunt vitam cum virtute coniunctam esse maximè expetendam, utrum vita civilis, & ad agendum expedita, sit optabilis & sumenda, an ea potius, quæ ab omnibus rebus externis segregata est, ac soluta, verbi causa, ea, quæ in contemplatione & cognitione rerum consumitur: quam solam quidam dicunt esse philosopho dignam. Ferè enim hæc duo vitæ genera, homines laudis, & gloriæ virtute parte cupidissimi, aliis anteferre reperiuntur, & qui olim vixerunt, & qui nunc sunt. duo autem dico, civile, & philosophicum. Magni porrò refert, utrum sit verum. Necesse enim est eum,

i legend.
 x^o b^o n^os
 r^o d^o iv.
 nam libri
 vulgati
 habent,
 x^o b^o n^os
 r^o d^o iv,
 &c.

qui prudentia valet, & priuatim singularem hominem, & communiter reipub. administrandæ formam, ita se componere & parare, ut eum vita finem, qui sit melior, sibi proponat. Existimant autem alij quidem, finitimis imperare si hoc dominorum in morem, & imperiosè fiat, cum iniustitia maxima esse coniunctum: sin ciuilitè, iniustitia hoc quidem vacare, sed impedimento esse vitæ tranquillitati, & prosperitati. Alij cum his pugnantes aliter opinantur. Solam enim viri esse propriam vitam in actione positam, & ciuilem. Nam quæ cuiusque virtutis sunt actiones, non magis ad priuatos, quàm ad eos, qui rempub. gerunt, & in repub. versantur, pertinere. Sic igitur quidam existimant. Alij verò solam reipublica administrandæ rationem herilem, & domino conuenientem, & tyrannicam, beatam esse dicunt. Quin apud nonnullos, & in reipublica administratione hic legibus finis propositus est, in finitimos dominari. Quapropter quamuis plurimæ leges apud plerosque sparsim, & confusè, ut ita dicam, latæ sint, sicubi tamen leges ad aliquid vnum spectant, hoc petunt ac destinant, ut imperium obtineant: quemadmodum Lacedæmone, & in Creta tum disciplina, tum legum multitudo ad rem militarem composita, & comparata est. Præterea in iis gentibus, quæ plura obtinere, & superiora habere possunt, huiusmodi potentia plurimifit, in summòque honore est: ut apud Scythas, & Persas, & Thraces, & Celtas. Apud quasdam enim nationes etiam leges exstant, quæ ad hanc virtutem excitant, quemadmodum Karthagine aiunt anulorum ornatû ita quemq; capere, ut plurimas militias tolerarit. Quin lex erat hæc quondâ in Macedonia, ut qui nullum hostem occidisset, capistro cingeretur. Apud Scythas autem ei, qui hostem neminem inter-

fecisset, ex eo scypho, qui circumferebatur, die quodam festo, bibere non licebat. Apud Hispanos, gentem bellicosam, tot numero verucula (obeliscos appellant) circum sepulcrum defigunt, quot quisque hosteis interemerit: aliaque multa apud alios talia partim legibus comprehensa, partim institutis et consuetudine recepta sunt. Atqui videri fortasse possit dictum absurdum iis, qui rem accuratè considerare velint, minus esse viri ad rempubl. administrandam apti, et scientia civili instructi, perspicere atque intelligere posse, quomodo finitimis imperet, velint, nolint, Nam qui possit hoc aut societati civili, aut latoris legum officio convenire, quod

1 videtur
legendum,
μὴ μόνον
δυνατὸν,
ἀλλὰ καὶ
ἀδίκον
ἀρχαί.
id est non
solum ius-
tis, ve-
rùm etiā
iniustè
imperare

ne legitimum quidem est? Legitimum autem non est 'non solum iustè, verùm etiam iniustè imperare. fieri autem potest, ut quis alios subigat ac superet etiam iniustè. Atqui nec in ceteris scientiis hoc fieri videmus. Nam neque medici, neque gubernatoris munus est aut persuadere, aut inferre vim, illius quidem iis, qui curantur, huius verò, nautis et vectoribus. Sed multi rationem in servos dominandi, scientiam civilem esse videntur existimare, et quod in se neque iustum, neque utile esse dicunt, hoc non pudet ipsos in alios exercere. Ipsi enim ut sibi iustè imperetur, postulant: aduersus alios verò iura non sunt eis curæ. Absurdum autem est non esse natura id, quod in alterum dominatur, et id, quod non dominatur. Quare si ita se res habet, non in

2 ἀλλὰ τὸ
δεσποτικόν
ναμὲν
libri ha-
bent δὲ
πολιτικῶν.
médosè.
sic lib. 3.
cap. vlt.

omneis oportet conari dominari, sed in eos, qui apti sunt ad domini imperium subeundum natura: quemadmodum neque ad epulas, aut sacrificium homines venari, sed id, quod venando captari debet. Captari autem venando debet id, quod sit ferum, animal edule. Verumtamen possit esse etiam per se ciuitas una beata, nempe ea, quæ benè administra-

tur, siquidem fieri potest, ut ciuitas sedes suas alicubi seorsum & per se collocarit, bonis legibus utens, cuius reip. administrationis descriptio, atque ordinatio, non ad bellum, neque ad victoriam ab hostibus reportandam referatur. Fingamus enim nihil esse tale. Perspicuum igitur est omnia ciuitatis studia, omnesque curas, quæ ad bellum conferuntur, esse has quidem præclaras habendas, verum non ut summum rerum omnium finem, sed has illius gratia. Est autem boni legum scriptoris diligenter considerare, & videre quomodo ciuitas, & genus hominum, & omnes aliæ societates, vitæ cum virtute coniunctæ, & beatitudinis sibi conuenientis, & in se cadentis participes esse possint. Different porro inter se nonnullæ leges scriptæ ab institutis, & more. Atque hoc munus est scientiæ legum scribendarum, videre, si qui fortè sint finitimi, qualia studia aduersus quales sint exercenda atque excolenda, aut quomodo officia in singulos seruanda. Sed hæc quidem quæstio, ad quem finem optimam reip. administranda formam contendere oporteat, etiam posterius, ita ut res postulat, disputari atque explicari poterit.

In eos autem utrosque, qui uno quidem ore consentiunt, 3 vitam cum virtute coniunctam esse maximè expetendam, de eius verò usu dissentiunt, nobis nunc dicendum est. Alteri enim ciuileis magistratus improbant, existimantes hominis liberi vitam aliam quandam esse à vita ciuili, & maximè omnium esse optabilem atque expetendam: alteri hanc esse optimam arbitrantur. fieri enim posse, ut qui nihil agit, negotia sua præclare gerat. Præclaram autem negotij gestionem, seu bonam actionem, & beatitudinem; idem esse. Dicimus igitur utrosque partim rectè dicere, partim non

rectè: illos quòd aiunt hominis liberi vitam ea vita, quæ domini imperium in seruos exercet, esse meliorem. Hoc enim verum est. seruo enim, quæ ratione seruus est, uti, nihil habet gloriatione dignum. nam de rebus ad vsum quotidianæ vitæ necessariis præcipere, & negotium dare, nihil habet pulcrum, aut præclarum. Existimare autem omne imperium, esse domini in seruos imperium, seu dominatum, errare est. Non minus enim differt imperium in liberos ab imperio domini in seruos, quàm id, quod liberum est natura, ab eo, quod seruum est natura. quæ de re libris superioribus cumulatè à nobis explicatum est. Vitam autem otiosam, & cessatione torpentem, magis esse laudandam, quàm actionem non est verum. Beatitudo enim, actio est. Præterea verò multarum, & honestarum rerum finem continent iustorum & temperantium virorum actiones. Atquin existimare forsitan possit aliquis his ita definitis, summam in omneis habere potestatem esse optimum. Ita enim plurimarum & honestissimarum actionum penes eum fore potestatem. Itaque eum, qui possit imperium obtinere, id alteri concedere non oportere, sed potius adimere: & neque patrem liberorum, neque liberos patris, neque denique amicum amici rationem habere debere, neque hac de re laborare. quod enim est optimum, id esse maximè expetendum atque optandum. rem suam benè gerere autem esse optimum. Hoc igitur fortasse verè dicunt, si quidem futurum est, ut, qui alterum spoliant, quique alteri vim inferunt, rei omnium, quæ sunt, maximopere expetendæ sint compotes. Sed fieri fortasse non potest, ut sint. & hoc falsum supponunt. non enim iam fieri potest, ut sint honestæ actiones ei, qui non tanto ceteris antecellat, quanto vir mulieri, aut pater liberis, aut dominus seruis.

Itaque

Itaque qui aequalitatem ab initio migrat, nullam tantam actionem posterius rectè gesserit, quantum iam à virtute deflexit, ac deerrauit. Similibus enim honestum, & ius in co-
posita sunt, ut pro sua quisque parte imperent. hoc enim
equale, & simile est. quod verò equale nō est aequalibus, &
quod simile non est similibus, à natura alienum est. Nihil
autem eorum, quæ à natura aliena sunt, honestum est. Quo-
circa si quis alius sit virtute, & potestate agendarum rerum
optimarum ceteris præstans, huic obsequi est pulchrum at-
que honestum, huic parère iustum. Oportet autem non solùm
virtutem, verùm etiam potestatem ac facultatem in eo in-
esse, ex qua aptus futurus est ad agendum. At si hæc præcla-
rè dicuntur, & si beatitudo, bona actio statuenda est: ergo &
communiter omnis ciuitatis, & singillatim cuiusque homi-
nis ea vita fuerit optima, quæ sit ad agendum apta. Sed ho-
minem ad actionem aptum, non est necesse ad alios specta-
re, aliorumque arbitrato, ac nutu viuere, ut quidam putant:
neque has solas cogitationes esse ad agendum aptas, quæ
euentorum gratia suscipiuntur, ex agendo nascentes: sed
multo magis eas, quæ sunt per se perfectæ, & sua ipsarum
causa susceptæ, contemplationes, & mentis agitationes. Nam
bona actio, finis est. ergo, & actio aliqua. Maximè au-
tem eos dicimus agere, & externarum actionum dominos
& compotes esse, qui mente, & cogitatione opificibus quod
agant, præcipiunt atque præscribunt. Jam verò neque
eas ciuitates otio & cessatione torpere necesse est, quæ per
se, & separatim ab aliis sitæ sunt, quæq; ita viuendi consi-
lium ceperunt. Fieri enim potest, ut eis etiam actionis usus
in partibus eueniat. Nam multæ communicationes inter se
partibus ciuitatis intercedunt. Atque hoc in quouis homi-

ne similiter inest. nam nisi ita esset, parum pulchrè esset deo, & toti mundo, quibus non sunt externæ actiones, neque vlla alia, præter quam eorum propria. Eandem igitur vitam optimam esse oportere & singillatim unicuique homini, & communiter, generatimque ciuitatibus, atque omnibus hominibus perspicuum est.

- 4 Quoniam autem ea, quæ nunc exposuimus, proæmij loco de iis dicta sunt, quoniamque de aliis reipublicæ administrandæ formis suprà à nobis disputatum & consideratum est, initium de reliquis rebus dicendi hinc capiendum, vt exponamus primùm qualia quasi fundamenta debeant esse eius, quæ ex animi nostri sententia constatura sit, ciuitatis. Non enim fieri, potest, vt optima existat reip. administrandæ forma sine conuenienti rerum ad vitæ cultum necessariarum suppellectile & copia. Quocirca multa à nobis ante fundamenta posita sint oportet, quasi optantibus: nihil tamē horum tale sit, vt fieri, aut contingere non possit: ea dico, quæ ad ciuium numerum, & terræ, agrique modum, & regionis naturam pertinent. Quemadmodum enim aliis quoque opificibus, vt textori, & nauium fabro, materiam ad ea opera, quæ efficere volunt, idoneam suppetere oportet (quanto enim ea fuerit compositior & paratior, tanto opus, quod ab arte efficietur, pulchrius sit necesse est) sic etiam ei, qui in rep. administranda versatur, & legum scriptori, materiam propriam suppetere oportet, appositam atque opportunam. Hac igitur est prima ciuilis suppellex & copia, qua instructa debet esse ciuitas, hominum multitudo, vt, quot, & quales esse debeant natura, intelligat: idemque de regione loci sentiendum, vt sciat quantum hanc esse, & qualem oporteat. Plerique igitur beatam ciuitatem existimant, magnam esse conuenire. Quod si de-

mus hoc verum esse, qualis tamen sit magna, qualis parua ciuitas, videntur ignorare. numero enim habitatorum metiuntur magnitudinem ciuitatis. verum oportet potius non numerum & multitudinem, sed potentiam intueri. est enim aliquod & ciuitatis opus. quare quæ hoc efficere maxime potest, hanc existimare oportet esse maximam: quemadmodum Hippocratem non hominem, sed medicum quis eo maiorem dixerit, qui illum corporis magnitudine superat. Verum tamen si iudicium huius rei ex multitudine facere oportet, non ex quauis multitudine tamen existimandum est id fieri oportere: (necesse enim fortasse est in ciuitatibus esse & multorum seruorum numerum, & inquilinorum, & peregrinorum:) sed ex illorum hominum multitudine, qui sunt pars ciuitatis, & ex quibus, tanquam propriis partibus, constat ciuitas. horum enim multitudo vsitatum ciuium numerum exsuperans, magnam ciuitatem esse arguit ac declarat. ex qua verò ciuitate multi illiberales & sordidi prodent artifices, pauci milites armati, hæc non potest esse magna ciuitas. non enim idem sunt magna, & frequens hominibus ciuitas. Atqui etiam hoc ex factis & euentis apparet, difficile esse, fortasse verò ne fieri quidem posse, vt ciuitas nimium frequens hominibus bene legibus regatur. earum quidem certè, quæ præclare administrari videntur, nullam videmus ad quantamuis multitudinem recipiendam esse remissam, effusam, ac dissolutam. Hoc autem etiam rationibus demonstrari, & confirmari potest. nam & lex, ordo quidam est: & bona legum institutio, bona quedam ordinatio est. at numerus valde modum superans, non potest ordinis esse particeps. hoc enim diuinæ potestatis opus est: quæ & hoc vniuersum moderatur & continet. Quoniam igitur

pulchritudo in multitudine, & magnitudine consistere solet, cui ciuitatis est, quem dixi, cum magnitudine coniunctus multitudinis terminus, hæc ciuitas pulcherrima sit necesse est. Præterea verò aliquis est etiam ciuitatibus magnitudinis modus, quemadmodum & aliarum rerum omnium, animalium, plantarum, seu arborum, instrumentorum iusta magnitudo est. etenim unumquicque horum neque si nimis pusillum sit, neque si magnitudine modum superet, potestatem, aut vim suam incolumem conseruabit, sed interdum natura sua prorsus orbatum erit, aliàs nullam vtilitatem afferet: exempli causa, nauigium palmi quidem vnius longitudinem non superans, aut vsque ad duorum stadiorum longitudinem porrectum, non erit omnino nauigium: ad quãdam verò magnitudinem progressum, modò propter paruitatem, nauigationem incommodam reddet, modò propter magnitudinem immoderatam atque inmensam. Similiter verò & ciuitas ea quidem, quæ ex nimis paucis constabit, non erit suis ipsa bonis, opibusque contenta: at ciuitas quiddam est suis opibus pollens, suisque bonis contentum: quæ verò ex nimium multis, erit illa quidẽ rebus necessariis sic instructa, suisque bonis ita contenta, vt gens, sed non vt ciuitas. reipub. enim administrationem in ea inesse haud facile est. quis enim aut imperator multitudinis perquam immensa futurus est, aut præco, nisi Stentoreus? Quare primã quidem eam ciuitatem esse necesse est, quæ ex tanta multitudine constet, quæ cum sit prima multitudo, suis bonis contenta sit ad benè viuendum in communitate ciuili. Fieri autem potest, vt etiam ea ciuitas, quæ hanc multitudine superat, maior sit ciuitat: sed hoc non est, vt diximus, interminatum, neque infinitum. quis enim sit exsuperantiæ & immoderationis modus ac

terminus, ex operibus & factis videre facile est. sunt enim ciuitatis actiones, & eorum, qui imperant, & eorum, qui parent imperio. Eius porro, qui imperat, opus ac munus est, præceptio, & indicatio. Ad iudicium autem de rebus iustis faciendum, & ad magistratus pro meritis ac dignitate distribuendos, ciueis cognoscat oportet, qui inter se differant, & quales sint. nam ubi hoc fieri rerum natura non patitur, quæ ad magistratus, & iudicia pertinent, minùs rectè administrantur necesse est. In utrisque enim iniustum est aliquid agere negligenter, & inconsideratè: quod in nimis frequenti hominum multitudine perspicuè inest. Præterea verò peregrinis, & inquilinis facile est ad reip. administrationem peruenire. Ignorari enim & fallere difficile non est propter multitudinis exsuperantiam & immensitatem. Apparet igitur hunc esse ciuitatis finem & terminum optimum, maximam multitudinis exsuperantiam, eo consilio coactam, ut rebus ad victum, cultumque vitæ necessariis instructa, & suis ipsa bonis contenta sit, quæ sit oculis omnium proposita; hoc est, quæ facile conspici, & cognosci possit. De magnitudine igitur ciuitatis, hoc modo sit explicatum.

Similiter autem & de agri natura se res habet. Nam quod ad illud attinet, qualis esse debeat, nimirum omnes cum laudauerint, qui sit rerum omnium copia refertus, atque instructus, suisque ipse bonis contentus: talis autem sit necesse est, qui sit omnium rerum ferax. omnibus enim rebus abundare, & nulla egere, hoc est suis ipsum bonis contentum esse, omniumque rerum copia refertum atque instructum esse: multitudine autem & magnitudine talis, ut, qui in eo habitent, possint viuere, ab omni opere vacantes, liberaliter simul & temperanter. Hunc autem terminum rectè tene, an secus con-

stituamus, posterius erit accuratius considerandum, cum uniuersè de rerum partarum, aut relictarum possessione, & totius rei familiaris copiis ac facultatibus mentionis faciendæ locus erit, quò pacto, & quo modo erga usum ipsum affectum esse oporteat. Multa enim in hac quæstione versantur dissensiones & controuersie, propter eos, qui eum in utramque uitæ degendæ immoderationem trahunt, hi ad nimiam parsimoniam, illi ad luxuriam & profusionem. Genus autem agri quòdnam esse debeat, non est hoc quidem difficile exponere: sed nonnulla sunt, in quibus etiam rei militaris peritis sit habenda fides, qui aiunt eum esse debere hostibus quidem ad incursionem faciendam difficilem, & impeditum: ipsis autem ad educendum exercitum facilem, & expeditum. præterea verò quemadmodum hominum multitudinem eiusmodi esse oportere diximus, quæ facile conspici & cognosci possit, quæq; omnium oculis exposita sit: sic & agrum censemus. agrum autem esse oculis omnium propositum, est esse eiusmodi, ut ei facile subueniri, ac succurri possit. Iam verò quod ad urbis situm attinet, si licet optare, & à mari commodè sitam esse conuenit, & ab agro. Atque huius quidem rei una ratio est, quæ exposita est. oportet enim omnium locorum esse communem, ut ei undique subueniri possit. altera est, ut fructus, qui è terra nascuntur, ad eam supportari possint: præterea ut lignorum materia, & si quid tale aliud ad operum effectiones ager efferat, id facile subuehi queat.

- 6 De maris autem communione, & navigationis usu, utrum ciuitatibus, quæ bonis legibus reguntur, profit, an noceat, magna controuersia est. Nam aliquos in aliis legibus educatos, ac peregrinos in urbe versari, inutile dicunt esse tum ad bonam legum institutionem, tum propterea quòd pa-

rit nimiam hominum multitudinem. nasci enim ex usu maris, & commercio rerum maritimarum, mercibus exportandis & importandis, mercatorum turbam: hominum autem multitudinem immoderatam, quominus resp. benè administretur, aduersari. Vtilius igitur esse, si hæc incommoda non usuueniant, tum ad stabilitatem & incolumitatem ciuitatis ab omni iniuria & periculo tutam, tum ad facultatem & copiam rerum necessariarum, urbi & agro aliquod esse cum mari commercium, non est obscurum. Nam & ad hostium incursionem facilius sustinendam, oportet eis, qui salui esse volunt, vtrinque terra & mari auxilium ferri posse: & ut hostibus inuadentibus detrimentum inferre queant si ex utraque parte id non poterit fieri, at ex altera magis licebit, cum vtriusque erit eis communitas & consortio: præterea & quæ apud eos fortè non sunt, hæc ab aliis accipere, & quæ superant, ea ad alios exportare necesse est. sibi enim, non aliis ciuitas facere mercaturam debet. Qui autem omnibus apud se mercatum præbent ac proponunt, ij conciliandæ pecuniæ gratia hæc agunt. Quòd si non oportet ciuitatē tanta superuacanearum & immensarum diuitiarum cupiditate ardere, ne mercatum quidem talem debet habere apud se institutum. Quoniam autem etiam nunc multis & regionibus & urbibus naualia, & portus esse videmus, ita aptè & opportunè sitos ciuitati, ut neque idem oppidum occupent, neque admodum longè distent, sed mænibus communibus, & aliis munimentis ac propugnaculis contineantur: in promptu est, si quid fortè emolumenti ex hac communione proficisci potest, hoc ad ciuitatem esse peruenturum: sin aliquid detrimenti, id facile vitari posse legibus, ubi pronuntiarint, & definierint quos non oporteat, & quos oporteat inter se com-

misceri. Classsem autem, & copias naualeis vtilissimum esse habere vsque ad aliquam multitudinem ac magnitudinem, non est obscurum. Non enim sibi solum, sed etiam finitimis nonnullis opitulari posse, & formidolosos esse oportet, quemadmodum terra, ita & mari. Quod autem ad multitudinem & magnitudinem harum copiarum attinet, ad vita genus quod sequitur ciuitas, huius rei iudicium referendum est. Nam si vitam principatui conuenientem simul & ciuilem colet, necesse erit etiam has copias ei suppetere, quæ ad res gerendas, magnitudini ciuitatis, rerumque gerendarum congruant. Ingens autem hominum multitudo, quæ versatur in negotio & instrumento nautico, ciuitatibus necessaria non est. Nulla enim in parte ciuitatis numerari debet. Nam vectores quidem, qui naueis conscendunt ut depugnent, liberi sunt, & è numero peditum habentque in illos potestatem: & in tota navigatione dominantur, & principatum tenent. Cum sit autem accolarum, & eorum, qui agrum colunt, multitudo, etiam nautarum & nauiculariorum magna sit copia & frequentia necesse est. Atque hoc etiam nunc apud nonnullos usu receptum esse videmus: exempli causa, in Heracleotarum ciuitate. multas enim triremeis instruit, quamuis urbem habeant aliis minorem. De agri igitur, siue regionis, & terræ natura, & portubus, & urbibus, & mari, & copiis naualibus ita sit explicatum. De ciuili verò multitudine, quis modus ei sit constituendus, antea diximus.

1 ἐνδεστέ
ραν. al.
εὐμελε-
τέραν. cō
cinnioṛē.

7 Quali autem natura, aut ingenio prae-ditos esse ciu-
oporteat, nunc exponamus. Atque hoc sanè propemodum
quis intelligat, si & ciuitates Graecorum fama, gloriâque
praestanteis, & uniuersum orbem terrarum, qui incolitur,
ut à diuersis ac variis gentibus occupatus est, inspiciat. *Quae*
enim

enim gentes in locis frigidis, quæque in Europa habitant, animi quidem & ardoris plene sunt, cogitationis verò, & artis aliquanto inaniores. Quocirca libertatem quidem magis retinere solent, resp. verò suas minus bene administrare, nec finitimis imperare possunt. Quæ autem Asiam incolunt, mente sunt illæ quidem in cogitando, & in artibus inveniendis sollertes & ingeniosæ, sed nullius animi. quocirca perpetuò parent ac seruiunt. Porro autem Græcorum natio, quemadmodum quòd ad loca attinet, media interiecta est, ita & ambarum illarum est particeps. Nam & ferox, atque animosa, & solers atque ingeniosa est. quapropter & semper in libertate viuit, & perpetuò rempub. suam optimè administrat, & omnibus imperare possit, si vnā reip. administrandæ formam consequatur. Eodem autem modo inter se differunt Græcorum nationes. aliæ enim ingenio præditæ sunt mero & simplici: aliæ ad hanc vtramque vim benè temperatæ. Perspicuum igitur est, eos homines, qui scriptori legum ad virtutem flexibiles ac tractabiles futuri sunt: & acri ad cogitandum ingenio, & magno, ferocique ad audendum animo esse debere. nam id, quod aiunt quidam, in custodibus inesse oportere, ut sint notis quidem beniuoli & amici, ignotis verò inimici atque infesti: ardor animi est, qui vim amandi & bene volendi gignit. Hæc enim est animæ potestas, qua amamus. cuius rei argumentum est, quòd in familiaris & amicos ardor & excalescencia animi concitatur magis, quàm in ignotos, si quis se ab illis neglectū, aut parui factum putet. Quapropter conuenienter & meritò Archilochus de amicis querens cum hac animi parte loquitur hoc modo. Nónne appetebāt iugulum amici ipsi tuum? Tum imperandi, & libertatis amor ab hac vi omnibus at-

tributus est. imperiosum enim, & inuictum quiddam animi
 excandescentia est. Neque verò rectè dictum est à quibusdā,
 sæuos atque asperos in ignotos esse oportere. in neminem enim
 talem oportet esse. neque magnanimi viri, feri & asperi sunt
 natura, nisi in eos, qui faciunt iniuriam. Sic autem in fami-
 liaris & notos afficiuntur magis, quā in ignotos, quod paullo
 antè dictum est, si se ab illis iniuria affectos esse putent. Atq;
 hoc non temerè euenit. quos enim sibi beneficium debere exi-
 stimant, ab iis se præter detrimētum, quod sibi infertur, etiam
 hoc fraudari arbitrantur. ex quo illud dictum est, Nam bel-
 la fratrum sæua, pugnaeque asperæ. & Qui valde
 amarunt, odia gerunt acerrima. De iis igitur, qui in
 civili societate viuunt, quā multos, & quali ingenio præ-
 ditos esse oporteat, & præterea quantus ager, & qualis esse
 debeat, ferè definitum, atque explicatum est. non enim eadem
 in iis, quæ disputantur, & dicuntur, atque in iis, quæ fiunt, &
 sub sensum cadunt, subtilitas postulanda est.

- 8 Quoniam autem quemadmodum in aliis, quæ natura
 constant, non continuò sunt hæ totius concretionis partes, sine
 quibus totum esse non possit: sic in promptu est, neque in ciui-
 tatis partibus esse ea numeranda, quæ ciuitatibus non deesse
 debēt, neque in alius ullius societatis, ex qua vnū quoddam
 genus fiat. vnū enim quiddam, & commune, & idem sociis
 sit oportet siue æqualiter, siue inæqualiter eius sint participes,
 siue hoc sit, verbi causa, alimentū, siue agri longitudo & lati-
 tudo, siue quid aliud tale. At cum duarū rerum hæc est illius
 gratia: illa autem, cuius gratia: nihil est in his rebus cōmune,
 nisi quòd hæc faciat, illa accipiat: exempli causa, nulli nec in-
 strumento, nec opifici cum opere, quod efficitur, quicquam est
 commune. domui enim nihil est cum fabro, aut architecto cō-

mune: sed architectura, & ars fabricorum domus gratia comparata est. Quando igitur hæc ita sunt, quamuis bonorum partorum, seu relictorum possessione ciuitatibus opus sit, bonorum possessio tamē ciuitatis nulla par est. Atqui multa animata partes sunt ciuitatis. Ciuitas autem societas quedam similium est, vitæ, quoad eius fieri potest, optimæ gratia constituta. Sed quoniam summū bonum est beatitudo: beatitudo autem virtutis operis functio, & usus quidam perfectus est: resque ita cadit, ut alij possint eius esse participes & compotes, alij parum, aut nihil: hæc videlicet causa est, quamobrem ciuitatum & rerump. plura, & dissimilia genera exstiterint. Nam dum alij aliis modis, aliisque viis ac rationibus singuli hoc aucupantur, atque inuestigant: & vitæ genera diuersa efficiunt, & reipub. administrandæ formas dissimileis. Quam multa autem hæc res sint numero, sine quibus ciuitas esse non queat, videndum est. Nam quas ciuitatis partes esse dicimus, ea in his rebus insint necesse est. Ergo operum numerus sumendus est. ex his enim intelligere licebit. Primum igitur victus, seu alimentum suppetere debet: deinde artes. multis enim instrumentis opus est ad vitam degendam: tertio loco arma. eos enim, qui societatem ciuilem coierunt, armis instructos esse necesse est & aduersus eos, qui imperium respuunt, legibusque parere nolunt, & aduersus externos iniuriam facere conantes. deinde aliqua pecuniæ vis & copia tum ad usum domesticum atque urbanum, tum ad sumtū rei militaris. quintum est id, quod primo loco ponendum fuit, rerum diuinarum, & caeremoniarum curatio, quam sacerdotium appellant. postremum est & sextum, omniumque maximè necessarium, iudicium de rebus vtilibus, & de rebus iustis, quæ ciuibus inter ipsos intercedunt. Hæc sunt res, hæcque opera, quæ omni ciuitati

ARISTOTELIS

opus sunt, quæ quidem relatu digna sint. Ciuitas enim multitudo est non fortè oblata, sed ad uitam degendâ suis ipsa bonis contenta, ut dicimus. Quòd si quid horum fortè desit fieri non potest absolutè, ut hæc societas suis ipsa bonis sit contenta. In horum igitur operum effectiõibus consistere ciuitatem necesse est. Oportet ergo & agricolarum esse multitudinem, qui alimentum, victumque præbeant, & artifices, & viros militares, & locupletes, & sacerdotes, & iudices, qui de rebus iustis, & utilibus statuunt.

9 His autem decisis ac definitis, reliquum est, ut videamus
 1 τῶν δὲ *utrum hæc omnia debeant omnium esse communia:* (fieri
 ἑκάστων, καὶ
 τῶν συμ- *enim potest, ut iidem omnes sint & aratores, & artifices,*
 φερόντων. *& consultatores, & iudices,) an unicuique operi, & mune-*
 al. τῶν *ri, quod à nobis commemoratum est, alij atque alij præficien-*
 ἀναγκαίων *di sint, an quædam ex his propria, quædā necessariò sint com-*
 καὶ τῶν *munia. Non in omni autem reip. administrandæ forma hoc*
 συμφ. id *locum habet. nam, quemadmodum diximus, fieri potest, ut*
 est de reb. *& cum omnibus omnia communicentur, & non omnia cum*
 necessa- *omnibus, sed quædam cum quibusdam. Hæc enim dissimileis*
 riis, & uti- *reip. administrandæ formas gignunt. In democratiis enim o-*
 libus. *mnes omnium sunt participes, in oligarchiis cōtrà. Quoniam*
autem fors ita tulit, ut de optima reip. administrandæ forma
consideraremus: hæc autem est, ex qua ciuitas maxime fortu-
nata, & beata esse possit: at beatitudinem sine virtute cōstare
non posse antè dictum est: perspicuum est in ea ciuitate, quæ
optimè regitur, rectissimeq; administratur, quæq; viros possi-
det simpliciter & absolutè, non ex condicione iustos, ciueis ne-
que illiberalem & sordidam, neque cauponariam, & taber-
nariam uitam degere oportere. humilis enim, minimèque ge-
nerosa talis vita est, & virtuti aduersaria. neque verò agrico-

las esse. otio enim opus est tum ad virtutis ortum, tum ad actiones ciuileis. Quoniam autem inest in ciuitate & genus hominum militare, & id quod partim de utilibus deliberat, partim de iustis disceptat & iudicat, quæ duo genera, ciuitatis partes in primis videntur esse: vtrum etiam hæc munera diuersa habenda sunt, an iisdem utraque assignanda & mandanda sunt? Atqui hoc quoque perspicuum est, quamobrem quodam modo iisdem, quodam modo diuersis sint mandanda. Nam qua ratione vtrumque munus ad aliud tempus etatis accommodatum est, & alterum prudentia, alterum viribus corporis eget, aliis mādari debent: qua ratione verò fieri non potest, ut, qui vim asferre, & prohibere possunt, hi semper se sub imperio esse æquo animo ferant, hac ratione iisdem. nam penes quos armorum est arbitrium & potestas, eorundem arbitrato manet & non manet reip. administranda forma. Reliquum igitur est, ut iisdem quidem hæc utraque reip. administranda pars sit mādanda, verum non uno tempore: sed quemadmodum vires corporis in iuuenibus, prudentia in senibus solet inesse natura: sic ambobus distribui & utile, & iustum est. habet enim hæc diuisio ac distributio rationem dignitatis. Iam verò etiam hos bona possidere oportet. Ciuib. enim facultates & copia rei familiaris suppetant necesse est. at hi sunt ciues. nam id genus hominum, quod arteis illiberalis & sordidas exercet, non est particeps ciuitatis, neque ullum aliud, quod non est virtutis opifex. hoc autem ex eo, quod positum est, & ex condicione dicta in promptu est. Nam vita beata cum virtute coniuncta suppetat necesse est. Beata autem dicenda ciuitas est, non parte aliqua spectata ciuitatis, sed omnibus ciuib. perspicuum autem etiam ex eo est, ciueis copiosos & locupletes esse oportere, quod necesse

est agricolas esse aut seruos, aut barbaros, aut accolas, & quasi glebæ addictos, quod genus hominum periatcos Græci vocat. Reliquum est ex iis, quos supra enumerauimus, sacerdotum genus. Atque horum quidem descriptio & ordinatio non obscura est. nam neque agricola, neque illiberalis & sordidus artifex, sacerdos instituendus est. à ciuibus enim deos coli decet. Quoniam autem ciuilis multitudo in duas parteis distributa est, hoc est in milites grauioris armaturæ, & senatores, decet autem & diis immortalibus cultum tribuere, & atate grandibus, temporisque spatio defessis requiescendi licentiam dari: his videntur sacerdotia esse deferenda. Sine quibus igitur rebus ciuitas constare non possit, & quot sint partes ciuitatis, dictum est. Nam agricola quidem, & opifices, & omnis mercenariorum hominum turba, ciuitati suppetat necesse est: sed partes sunt ciuitatis grauioris armaturæ milites, & senatores. & singula hæc genera ita separata ac distincta sunt, ut alia semper, alia vicissim, & à certo tempore, suo munere fungantur.

- 10 Videtur autem non nunc primum, neque nuper esse cognitum iis, qui de reip. administranda ratione studiosè commentantur, & philosophantur, seorsum distinctam ac distributam per genera esse ciuitatem oportere: & alterum genus militare, alterum, quod in agro colendo versetur, esse debere. nam & in Ægypto etiam vsque ad hodiernum diem hoc institutum viget, & in Creta: cum Sesostris in Ægypto huius instituti, legisque auctor fuerit, ut aiunt: Minos in Creta. Videtur autem & conuiuiorum, seu sodalitiolorum ordinatio vetus esse: & ea quidem, quæ in Creta usurpantur, Minoë regnum obtinere, vsu recipi cæpta esse: quæ verò in Italia celebrantur, multo his esse antiquiora. aiunt enim

ex iis, qui illic habitant, viri docti & eloquentes, & rerum antiquarum scriptores, Italum quendam O Enotriæ regem fuisse: à quo, nomine mutato, Italos pro O Enotriis esse appellatos: & hanc Europæ oram, quæ sinu Scyllatico & Læmetico continetur, hoc nomen esse consecutam. distant enim hæc loca inter se diei dimidij itinere. Hunc igitur Italum ferunt O Enotros, qui pastores & nomades erant, agricolas, fecisse, & cum aliis eis leges scripsisse, tum verò sodalitia, conuiuiaque publica lege sanxisse ac confirmasse. Quapropter etiam nunc nonnulli ex iis, qui ab illo orti sunt, & sodalitiis vtuntur, & nonnullis aliis legibus. Habitabant autem in ea quidem parte, quæ à mari Tyrrheno alluitur, Opici, qui & olim cognomento Ausones dicebantur, & nunc item dicuntur. In ea verò, quæ Iapygium, & Ionium attingit, quæ Syrtis appellatur, Chaones. Erant autem etiam Chaones genere O Enotri. Sodalitiorum igitur ordinatio hinc primum nata est. Multitudinis verò ciuilis per genera descriptio ac distributio ex Ægypto. multis enim sæculis Sesostris regnum Minois regno antiquius est. Oportet igitur etiã alia fere existimare sæpenumero, atque adeo infinitis vicibus longo temporis interuallo esse inuenta. nam rerum quidem ad victum, cultumque necessariarum, utilitatem, ac necessitatem ipsam, magistram fuisse credibile est: iis verò, quæ ad speciem, & ornatum, ad magnificos denique & superuacaneos apparatus pertinent, has iam repertas incrementum dedisse probabile est. Itaque etiam ea, quæ ad rerum public. administrationes pertinent, ita se habere putanda sunt. Antiqua porro esse omnia, Ægyptiorum leges, institutaque indicant. nam cum hi mortalium omnium antiquissimi esse videantur, leges, & descriptionem ciuilis ordinis consecuti

1 τοῖς μὲν
εὐρημέ-
τοις ἰσ-
τάς, &c.
al. τοῖς
μὲν εἰρη-
μώτοις
ἐν ἐδόσῃ.

sunt. Quocirca oportet iis quidem, quæ tolerabiliter inuenta
& tradita sunt, uti: quæ verò sunt prætermissa, nondum-
que reperta, quarere. Agrum igitur & eorum esse debere,
qui arma gerunt, & eorum, qui reip. administrationis sunt
participes: & agricolas alios ab eis esse oportere, & quan-
tus ager esse debeat, & qualis, dictum est supra. de agri
autem diuisione, & iis, qui agrum colunt, quos & quales
esse oporteat, primo loco dicendum est: quando quidem ne-
que bona volumus esse communia, quemadmodum quidam
dixerunt, sed liberaliter & amicorum in morem usum eo-
rum esse communem, neque quemquam ciuium alimento,
victuque egere. Tum de sodalitiis, & conuiujs publicis uno
ore consentiunt omnes, ea esse vtilia ciuitatibus omnibus be-
nè constitutis. propter quam porro causam idem nobis quo-
que videatur, posterius dicemus. Oportet autem inter om-
neis ciueis horum esse communionem. At egentibus non fa-
cile est id, quod præfinitum ac præstitutum est tributum in eas
concentrationes de suo conferre, & ceteros sumtus rei fami-
liaris tueri ac sustinere. Præterea verò sumtus in deos, &
deorum religiones, totius ciuitatis sunt communes. Necessè
igitur est agrum in duas partes esse diuisum: atque alte-
ram quidem partem esse communem & publicam: alteram
verò propriam & priuatam: & harum partium utramque
rursus sectam esse bifariam: ut publicæ partis altera pars in
piorum munerum functiones, & cultus deorum conferatur:
altera in sodalitia & publica conuiuia infumatur: partis
priuatorum pars altera posita sit in extremis totius agri fi-
nibus, altera sit suburbana, ut binis portionibus vnicui-
que tributis, omnes utriusque loci sint participes. sic enim
& æquitas, iustitiæque seruatur, & maior est ciuium ad
bella

bella cum finitimis suscepta concordia. Nam ubi non sit hoc modo distributio, alij quidem inimicitiarum cum finitimis suscipiendarum securi sunt: alij de iis nimis solliciti præter honestum ac decorum laborant. Quapropter apud nonnullos lex est, ne, qui vicini sunt finitimis, adhibeantur in id consilium, in quo agitur de bello eis inferendo, tanquam propter metum & curam rerum privatarum minus rectè consultare possint. Agrum igitur ita diuisum esse necesse est propter eas causas, quæ antè expositæ sunt. Eos autem, qui agrum colunt, maxime quidem optandum est, si optare fas est, ut serui sint, neque omnes vnius gentis, neque animosi. sic enim & ad opus rusticum faciendum fuerint utiles, & metuendum non sit, ne quid rerum nouarum moliantur: quòd si hoc non contingat, at ut sint accolæ barbari, simili ingenio præditi, atque superiores. Atque ex his sanè ij quidem, qui priuatos agros colunt, priuati & proprij sint oportet eorum, qui bona possident: ij verò, qui communeis & publicos, communes & publici. Quomodo autem seruis vtendum sit, & quamobrem seruis omnibus libertatis præmium esse propositum melius sit, posterius exponemus.

Vrbem porrò terræ continentis quidem, & maris, & II agri totius similiter, quantum loci natura patitur, communem esse oportere, suprà demonstratum est. Eius vero per se ⁱ αὐτῆς δὲ, &c. αἱ.
^{αὐτῆς δὲ, &c.} consideratæ situs talis optandus est, ut quattuor res spectemus. primum quidem valetudinem, tanquam rem necessariam. vrbes enim ad orientem versus, & ad ventos ab ortu flanteis, positæ, saluberrimæ sunt: secundum has, eæ, quæ ad aquilonem spectant. hæ enim ad hiemem salubrem excipiendam sunt appositiores. deinde, quod ad reliqua attinet, ut & ad ciuileis actiones, & ad bellicas sit opportuna. Atque

ARISTOTELIS

ut ad bellicas quidem actiones sit apta, eam civibus oportet
 exitus habere ad exercitum educendum facileis atque expe-
 ditos: aduersariis accessus difficileis, & circumsedendi viam
 impeditam. postremò aquarum partim stätium, partim ma-
 nantium & peremnium copia maximè quidem propria &
 natua suppetat oportet: sin minus, at certè excogitandum
 tali incommodo remedium est, construendis multis & magnis
 receptaculis ad excipiendā aquam pluuiam, ut ne umquam
 deficiat eos aqua, si fortè propter bellum ab agro prohibean-
 tur. Quoniam autem eorum, qui in vrbe habitant, valetu-
 dinis ratio & cura habenda est: hoc autem primùm in urbis
 situ consistit, ut & in salubri loco sita sit, & salubrem celi
 partem spectet: secundo loco in vsu aquarum salubrium:
 etiam in hac re diligentia præcipuè est adhibenda. quibus
 enim rebus largissimè, & plerumque vtimur ad corpus
 alendum & tuendum, hæc maximo ad valetudinem sunt ad-
 iumento. at aquarum & ventorum vis tali natura prædi-
 ta est. Quapropter in ciuitatibus prudentibus, & cordatis, si
 omnes aquæ non sint similes, & si non sit harum aquarum
 peremnium copia, oportet & eas, quæ sunt ad victum op-
 portuna, & eas, quæ ad alium usum comparatae sunt natu-
 ra, separatas esse, ac distinctas. De locis munitis autem non
 omnibus per aquæ ciuitatibus eadē expediunt: exempli causa,
 arx edita, atque excelsa oligarchiæ & monarchiæ propriè
 conuenit: loci æquabilitas verò democratiæ: aristocratiæ neu-
 trum, sed potius loca firma, & munita complura. Priuato-
 rum porro ædificiorum descriptio, suauior illa quidem habe-
 tur, & ad alias actiones utilior, si singula eorum loca sint
 explicata, atque aperta, & more hoc recentiore, & eo, cuius
 inuentor fuit Hippodamus, ædificata: ad munitiones verò

1 εἰ δὲ μὴ,
 τὸ τοῦ γὰρ
 εὐφραδῶν,
 ὡς, &c.
 nam mē-
 dosè alij
 libri ha-
 bent, εὐ-
 φραδῶν, &c.

2 ὡς ποῖ
 τὸ ποῖ, mē-
 dosè alij
 ἰχθυοῖ.

bellicas, & ad pericula belli propulsanda, contrario modo, & quo modo edificabant veteres. habebat enim illa edificandi ratio exitus impeditos externis, & latebras ad scrutandum difficileis iis, qui impetum aut impressionem facere conarentur. Quapropter oportet utramque rationem in edificando seruari. fieri enim hoc potest, si quis ita edificet, ut imitetur ea, quæ appellant nonnulli in rebus rusticis vitium iuga, siue systadas, pròinde ac si dicas, vitium constitutiones: & totam quidem urbem ita exstruere, ut non sit tota latis viis explicata, atque exporrecta, sed in quibusdam partibus ac locis. sic enim & à periculo erit tuta ac munita, & ad ornatum, speciemque præclara. Muros autem urbibus qui negant ciuitates eas habere debere, quæ se virtutem colere profitentur, eiusque possessionem sibi vendicant, ac mordicus retinent, nã illi valde antiquè hac de re existimant, idque cum videant re & factis eas refelli, quæ se ita gloriosè venditabant. Et verò aduersus simileis, neque admodum numero præstanteis, in murorum præsidio ac munimento salutem collocare, non est honestum. sed quando euenit, & fieri potest, ut, qui adoriuntur, & impetum faciunt, virtute humana, eaque, quæ in ciuibus numero paucis inest, sint superiores, ac potentiores: si salutis ratio habenda est, & non ultra accipienda detrimenta, & perferenda contumelia: ut quæque munitio stabilissima & tutissima est, ita habenda est ad bellum accommodatissima, præsertim cum hodie reperta sint telorum, & tormentorum, & machinarum genera ad urbium oppugnationes exquisitissima & perfectissima. Simile enim est urbeis muris non esse cingendas censere, atque si quis regionem quærat incursionibus hostium expositam atque opportunam, & loca montosa circumcidat: itemque do-

miciliis priuatis parietes non circumdet, tanquam habitatores propterea ignaui sint futuri. Jam verò ne hoc quidem ignorandum est iis, quorum vrbes mœnibus septa sunt, utroque modo urbibus uti licere, & ut muros habentibus, & ut non habentibus: quorum verò urbibus muri non sunt circumdati, iis hoc idem non licere. Si igitur hæc vera sunt, non solum mœnibus vrbes sapiendæ ac muniendæ sunt, verum etiam curandum est, ut hæc & ad ornamentum vrbs sint magnifica, ac decora, & ad vsus bellicos, tum alios, tum nunc proximè repertos, accommodata, atque opportuna. Quemadmodum enim iis, qui adoriuntur, & inuadunt, curæ est excogitare quibus modis omnia, aut aliqua habeant superiora: & iis, qui sibi cauent, alia iam inuenta sunt, alia ipsi quærere, & acerrimo studio inuestigare debent. nam ab initio ne conantur quidem in eos impetum facere, qui præmuniti, ac præparati sunt.

- 12 Quoniam autem ciuium quidem multitudo per sodalitates & concenationes publicas distributa: muri verò propugnaculis, & turribus in locis idoneis distincti, atque intercepti esse debent, scilicet ea res hortantur & inuitant, ut nonnulla conuiuia in his propugnaculis apparentur, atque adornentur. Atque hæc quidem hoc modo disponenda, atque ordinanda esse videantur. Sed ea, quæ rebus diuinis attributa & consecrata sunt, domicilia, & ea, quæ sunt amplissima magistratuum sodalitia, triclinia dico, in quibus ea celebrantur, cõuenit locum idoneum habere, unòque & eodem loco templa omnia esse posita, nisi vel lex aliqua, vel aliquod oraculũ Apollinis, vel aliquod aliud vetat separari. Talis autem fuerit locus & ad efficiendam situm præstantiam satis illustris atque eminens, & præ vicinis partibus ciuitatis

1 τῆς θείας ἀρετῆς. vulgò τῆς ἀρετῆς θείας, mēdosē.

tutus ac munitus. Decet autē huic loco talis fori structuram esse subiectam, quale in Theſſalia uſu receptum eſt, quod li-
berum vocant. hoc porrò ſignificat ab omnibus rebus vena-
libus purum & ſincerum eſſe oportere, neque quemquam
ſordidum atque illiberalem artificem, neque agricolam, ne-
que alium quemquam talem huc irruere, aut omninò aſpi-
rare, niſi à magiſtratibus arceſſatur. Fuerit autem hic locus
lepidus ac venuſtus, ſi etiam ſenum gymnasia hic fuerint lo-
cata. decet enim etiam hoc ciuitatis decus atque ornamētum
pro ætatibus eſſe diuiſum ac diſtinctum: & inter adoleſcēteis
quidem magiſtratus aliquos: inter magiſtratus vero, ſenes
verſari. magiſtratum enim præſentia ante oculos poſita ve-
rum pudorem, & liberalem metum in animis ingenerat. Fo-
rum autem rerum venaliū aliud ab hoc eſſe oportet, & ſcor-
ſum poſitum in loco & ad eas res, quæ à mari aduehuntur, &
ad eas, quæ ex agro importantur, unā excipiendas opportu-
no. Iam verò quoniam ciuitatis multitudo diuiditur in ſa-
cerdotes, & magiſtratus, decet triclinia, in quibus ſacerdotes
cōiuiua inſituri ſunt, ad ædeis ſacras eſſe collocata. Magiſtra-
tum verò, quicunque rerum contractarum iudiçiis, & actio-
num intentionibus, & in ius vocationibus, & talibus aliis
curationibus præſunt, & præterea adiliū minorum, ſeu an-
nonæ præſectorum, & adiliū maiorum, qui res urbanas
procurant: horum omnium ſodalitia, ſeu potius triclinia, in
quibus conuiuiua agitent, ad forum & conuentum aliquem
publicū ædificata eſſe oportet. talis autem eſt locus, in quo re-
rum neceſſariarum mercatus inſtitutus eſt. nam forum illud
ſuperius vacuum eſſe ponim⁹. hoc verò rebus neceſſariis de-
ſtinamus. Ea autem, quæ extra urbem ſunt, conſtitutionem,
& deſcriptionem à nobis expoſitam imitari debent. Illic enim

1. νομί-
ζουσι, al.
ονομαζου-
σι, mea-
dosè, opi-
nor.

magistratibus, quos alij siluarum custodes, alij agri præfatos appellant, & loca ubi custodias agant, & triclinia ubi unà epulentur, & conuiuia agitent, comparata sint necesse est: & præterea templa per agrum distributa, alia diis, alia heroibus dedicata. Verùm longos esse nunc in harum rerum explicatione subtiliore, & disputatione accurata atque arguta, ¹superuacaneum est. talia enim intelligere difficile non est, sed facere potius. nam de his verba facere, optantis est. ea autem euenire, fortunæ. Quare de talibus nunc plura dicere omittamus.

¹ περὶ ἐπ-
 γόν ἐστίν.
 mendosè
 vulgò ἀρ-
 γόν ἐστίν.

13 De ipsa autem reipubl. administrandæ forma, ex quibus, & ex qualibus eam ciuitatem, quæ beata futura est, & rectè administrabitur, constare oporteat, dicendum est. Quoniam igitur duo sunt, in quibus posita est omnium hominum perfectio & præstantia: horum autem vnum in eo consistit, ut scopus, & finis actionum sit rectus, & rectè propositus: ²alterum in eo, ut homo actiones ad finem pertinentes & conferentes inueniat: (fieri enim potest, ut hæc & discrepent inter se, & consonent. interdum enim scopus quidem propositus est rectus atque honestus: sed in agendo ab eo aberrant: interdum contrà, ea quidem omnia, quæ ad finem pertinent, assequuntur, sed finem sibi proposuerunt malum ac prauum: aliquando ab utroque longè aberrant: quod genus in arte medendi. nam neque quale esse oporteat corpus sanum, rectè interdum iudicant, neque ad finem sibi propositum accommodata efficiëntia nanciscuntur. in artibus autem & scientiis hæc utraque tenenda sunt, finis, & actiones, seu effectiones ad finem conferentes.) Omneis igitur & bene viuendi, & beatitudinis cupiditate affectos esse, perspicuum est. sed alij eam assequi possunt, alij per fortunam quandam,

² legend.
 ἐν δὲ ἐν
 τῷ τῷ
 &c.

aut naturam non possunt. adiumentis enim & facultatibus extrinsecus suppeditatis ad benè viuendum opus est: sed iis, qui animo melius affecti sunt, paucioribus: qui deterius, pluribus. alij autem statim ab initio beatitudinem non rectè quærunt, quamuis eius obtinēda facultatem habeant. Quoniam autem propositum nobis est optimam reip. administrāda rationem videre: hæc porro est, ex qua ciuitas optimè gubernari, atque administrari possit: optimè verò ciuitas ex ea administratione regi atque administrari possit, ex qua maximè beata esse queat: quid sit beatitudo scilicet non est ignorandum. Dicimus autem etiam in libris de Moribus (siquis est librorum illorum fructus) esse muneris functionem, & usum virtutis perfectum, eumque non ex conditione, sed simpliciter & absolute. ea porro ex conditione dico, quæ necessario sunt: simpliciter, quæ honestè: exempli causa, in iustis actionibus, pœna & castigationes à virtute illa quidem proficiuntur, sed necessariae sunt, & quod honestè sunt, id habent necessario. est enim optabilius nulla re tali opus esse neque homini, neque ciuitati. Quæ verò in honoribus, & copiis bonorum externorum versantur actiones, eæ simpliciter sunt pulcherrimæ atque honestissimæ. Illud enim alterum, supplicia dico, & animaduersiones in improbos, mali cuiusdam electio est, ut aliud malū tollatur. tales verò actiones, contra bonorum enim sunt quasi structurae, seu machinationes, & procreationes. Possit autem vir bonus quidem, & paupertate, & morbo, & aliis fortunæ casibus aduersis pulchre & rectè uti: verumtamen in contrariis beatitudo posita est. hoc enim definitum, ac decisum est in libris de Moribus, virum bonum esse talem, cui, quæ simpliciter bona sunt, bona sunt. In promptu autem est etiam, hos usus, necessariò

bonos & honestos esse simpliciter. Quapropter bona externa beatitudinis causas efficienteis esse existimant homines: ut si quis causam clarè, & benè cithara canendi lyrae potius, quàm arti ascribat. Ex iis igitur, quæ dicta sunt, alia suppetant, alia legum scriptor præparet ac suppeditet necesse est. Quocirca in constituenda ciuitate eas res omnibus precibus oramus, & optamus, quæ sunt in potestate & arbitrio fortunæ. eam enim harum rerum abitrā, ac dominā ponimus. sed bonā esse ciuitatem, non iam fortunæ, sed scientiæ, & cōsiliij munus atque opus est. Atquin eò bona ciuitas est, quòd ciues, qui reip. administrandæ sunt participes & consortes, boni sint. nobis autem ciues omnes reipubl. administrationis sunt consortes. Hoc igitur considerandum est, quo pacto vir bonus fiat. Nam si fieri potest, ut omnes ciues sint viri boni,

1. ἀλλ' non singuli: ita optabilius est. 'sed non potest. omneis enim
 Ceterum ἐν τῷ
 2. ἡ δὲ hoc
 totum de
 sideratur
 in libris
 vulgaris.
 2. εἴτα,
 &c. quidā
 libr. vulg.
 habent
 ὅτι, men-
 dosè.

ciues esse viros bonos, sequitur illud, ut origine prius, unum quemque esse bonum. Fiunt porrò boni & probi tribus rebus. tria autem hæc sunt, natura, consuetudo, ratio. Etenim nasci oportet primum, verbi causa, hominem, & non aliud aliquod animal: deinde certo quodam modo conformatum, & corpore & animo. Nonnulla autem sunt, quæ non satis est à natura esse tributa. mos enim & consuetudo hæc immutant. quædam enim sunt in utramque partem propensa natura, quæ consuetudine in deterius, aut in melius flectuntur. Aliæ igitur quidem animantes maximè quidem viuunt natura: nonnullæ verò aliquantum etiam more & consuetudine: homo autem etiam ratione. hoc enim solum ex omnibus animalibus ratione præditum est. Itaque hæc oportet inter se concinere & consonare. multa enim agunt homines præter consuetudinem & naturam rationem ducem secuti,

si persuasum eis fuerit aliter agere melius esse. At quali sanè ingenio, qualiq; natura præditos eos esse oporteat, qui legum scriptori futuri sunt morigeri & tractabiles, distinctè explicauimus antea. Reliquum iam nobis munus est, vt de institutione, & disciplina ciuium differamus. alia enim discunt consueſcendo, alia audiendo.

Quoniam autem societas omnis ciuiliſ ex iis, qui imperant, & iis, qui sub imperio sunt, constat, ergo hoc videndum est, utrùm eos, qui imperant, & eos, qui parent imperio, dissimileis ac diuersos esse oporteat, an eosdem, per omne vita tempus. Perspicuum enim est, ex hac diuisione disciplinæ rationem pendere, vt qualis huius quæstionis distinctio fuerit, talem ciuium disciplinam esse oporteat. Si igitur alteri tanto alteris antecellerent, quanto deos & heroas hominibus præstare existimamus, vt primum statim corpore longè essent proceriores, deinde animo multo excellentiores, ita vt in controuersa, & in promptu posita esset eorum, qui imperant, præ iis, qui sub imperio sunt, excellentia: perspicuum est satius fore semper illos quidem præesse, atque imperare: hos verò imperio parere omnino. Quando autem non est hoc inuentu, aut paratu facile, neque ita euenit, vt ait Scylax apud Indos fieri, reges esse tantopere iis, qui sub eorum imperio sunt, præstanteis: nimirum propter multas causas ciues omnes similiter imperandi & parendi vicissim, & pro sua quisque parte sint participes necesse est. nam & æquale, seu æquum, est idem similibus: & reip. administrandæ formam, quæ contra ius sit constituta, manere difficile est. cum iis enim, qui sub imperio sunt, coniuncti sunt & conspirant omnes, qui in regione sunt, rerum nouarum cupidi. & vt ij, qui reip. administrant, tot sint numero, vt hos omneis superare

ARISTOTELIS

queant, unum quiddam eorum est, quæ fieri non possunt.
 Verum enim uerò quin ij, qui ciuitati præsumt atque impe-
 rant, iis, qui sub imperio sunt, antecellere debeant, nemo in
 controuersiam vocat. Quomodo igitur hac futura sint, &
 quomodo reip. administrationis consortes sint futuri, scripto-
 ri legum uidendum est. Dictum uerò est hac de re supra. na-
 tura enim eligendi facultatem dedit, quæ fecit eorum, qui
 sunt iidem genere, & numero, alios iuuenes, alios senes:
 quorum illos quidem decet parère, hos uerò imperare. Ne-
 mo autem propter ætatem parens imperio, indignetur, ne-
 que se meliorem esse putet, præsertim qui sit hoc munus vi-
 cissim accepturus, ubi iustam ætatem attigerit. Quodam igitur
 modo iidem imperare, & parère imperio dicendi sunt, &
 quodammodo alij. quare, & quodammodo eandem discipli-
 nam adhibere necesse est, quodammodo aliam. Nam & ut
 is, qui benè imperaturus est, primùm paruerit imperio, aius
 oportere. Imperium autem, quemadmodum tertio libro di-
 ctum est, aliud est eius, qui imperat, gratia: aliud eius, qui
 imperio paret. atque horum illud quidem, imperium domi-
 ni in seruos, seu herile dicimus: hoc uerò, imperium in libe-
 ros. Differunt autem nonnulla eorum, quæ imperantur, non
 factis & muneribus, sed fine. Quocirca honestum est etiam
 iuuenibus iis, qui liberi sunt, multa facta, ac munera, quæ
 ministrorum propria videntur, administrare atque obire.
 non enim tam per se differunt inter se actiones ad honestum,
 & inhonestum, quàm fine, & eo, cuius gratia obeuntur.
 Quoniam autem ciuis, & magistratus, & optimi viri ean-
 dem virtutem esse dicimus: eundem porro & prius oportet
 imperio parère, & posterius imperare: hoc negotium fuerit
 legum scriptori diligenter curandum, & quo modo viri bo-

ni fiant, quibúsque studiis: & quis sit vitæ optimæ propo-
 situs finis. Duae autem animi partes distinctæ sunt: quarum
 altera ratione prædita est per se: altera non habet illa qui-
 dem rationem per se, sed rationi obtemperare potest. Atque
 harum animi partium, virtutes eas esse dicimus, ex quibus
 vir bonus quodammodo dicitur. In vtra autem parte potius
 finis consistat, si queratur: iis quidem, qui animum ita par-
 tiuntur, ut partiri dicimus oportere, non est obscurum quo-
 modo respondere debeant. semper enim quod deterius est,
 eius, quod melius est, gratia est. Atque hoc apparet similiter
 in iis rebus, quæ natura valent, atque in iis, quæ arte con-
 stant. At quæ pars animi ratione prædita est, melior ea est,
 quæ non est. Rationis porro duæ sunt partes, quo modo nos
 quidem diuidere consueuimus, altera enim in agendo versa-
 tur: altera in contẽplando. Quoniam igitur necesse est actio-
 nes ad eundem modum esse diuisas, quemadmodum ea, quo-
 rum sunt actiones, diuisa sunt: hanc autem animi partem ita
 oportet esse diuisam: scilicet & harum partis animi partium
 actiones ex proportionem inter se respondere dicimus: & par-
 tis animi melioris actiones etiam meliores esse necesse est, iis,
 qui possunt assequi vel omneis, vel duas. semper enim hoc
 cuique est optatissimum, quod ad potiendum est summum,
 summoque in gradu positum. Diuisa autem omnis vita est
 in negotium & otium: bellum & pacem. Tum earum re-
 rum, quæ in actionem veniunt, alia sunt necessaria & uti-
 les: alia honesta: in quibus eadem adhibeatur electio necesse
 est, atque in animi partibus, earumque actionibus: nempe
 ut bellum pacis gratia suscipiatur, negotium otij: necessaria,
 & utilia honestorum. Cum igitur vir moderandæ ciuitatis
 peritus in ferendis legibus hæc omnia intueri debeat, & ex

i hic lo-
 cus men-
 dosissi-
 mus est in
 libris aliis
 vulg. om-
 nibus.

animi partibus, & ex earum actionibus: tum maximè oportet eum leges dirigere ad meliora, atque ad fineis. eadèmq; ratio in vitæ generibus, & rerum varietatibus, ac dissimilitudinibus adhibenda est. Oportet enim negotia quidem, & bella gerere posse: sed magis agitare pacē, atque otari posse: & rerum quidem necessariarum atque vtilium agenda- rum facultatem habere, sed magis honestarum. Itaque ad hos propositos fineis & pueri quandiu in ea etate sunt, & alia- rum etatum ciues, qui institutionis indigent, erudiendi sunt. At ij, qui nunc optimè omnium Græcorum rem suam pu- blicam administrare existimantur, & ij legum scriptores, qui has reipub. administrande formas instituerunt, neque eorum, quæ ad respublicas administrandas pertinent, descriptionem ad meliorem finem, neque leges, & disciplinam ciuita- tis ad omneis virtutes reperiuntur retulisse. Sed ineptè ac sto- lidè ad eas, quæ utilitatis speciem præ se ferunt, & quæ ad opes amplificandas, imperiaque iniusta obtinenda videntur accommodatiores, decurrarunt. Similiter autem atque hi, qui- dam ex iis, qui posterius scripserunt, idem pronuntiant. Nam Lacedæmoniorum reip. administrande rationem lau- dantes, finem legum scriptori propositum admirantur, quòd leges omneis ad principatum obtinendum, rerumque potien- dum, & ad bellum direxit: quæ cum ratione facile coar- gui ac refelli possunt, tum re & facto nuperrime conuicta sunt. Nani quemadmodum plerique mortales longè latèque dominari fortunatum esse putant, quia hinc magna rerum secundarum suppediatur facultas: sic & Thibro, & unus- quisque eorum, qui de Lacedæmoniorum reip. administran- da ratione scripserunt, eorum legum scriptorem propterea videntur esse admirati, quia assidua in laboribus, & in pe-

riculis exercitatio eis imperium in multos populos conciliauit atque adiudicauit. Atqui perspicuum est, quādoquidem nunc Lacedæmonij desierūt principatum obtinere, atque imperare, neque eos esse beatos, neque legum scriptorem bonum. Præterea verò hoc ridiculum est, eos in eius legibus permittenteis, nulla re obstante, quo minus iisdem legibus uterentur, honestæ vitæ fructum perdidisse. Ne de principatu quidem & imperio rectè sentiunt: quod aiunt legum scriptorem magni facere videri oportere. Imperium enim in liberos, herili imperio, iniustoque dominatu honestius, magisque cum virtute coniunctum est. Præterea non eò ciuitas beata existimanda est, neque legum scriptor iccirco laudandus est, quòd ciueis ad imperium in finitimos occupandum exercuerit. Hac enim magnum detrimentum asserunt. sequeretur enim scilicet, ut, quicumque cinis posset, is conari deberet plus vnus posse, quàm tota ciuitas, suæque ciuitati seruitute oppressæ imperare. Quod Lacedæmonij crimini dant Pausaniæ regi, quamuis in tam alto honoris, ac dignitatis gradu collocatus esset. Nec igitur ad ciuilem societatem accommodata est talis vlla ratio, talisque lex, nec utilis, nec vera. debet enim legum scriptor quæ sint eadem & priuatim, & publicè optima, in animis hominum ingenerare, atque inferere: neque ciueis in rei militaris studio ea gratia oportet exerceri, ut eos, qui sunt indigni seruitute, in seruitutem redigant: sed primum ut ipsi quidem ne aliis seruiant; deinde ut principatum querant, eorum, qui sub imperio sunt, utilitatis, non iniustæ in omneis dominationis causa: postremò ut dominantur in eos, qui seruitute digni sunt. Legum scriptori autem maiorem operam esse dandam, ut leges & eas, quæ ad res bellicas pertinent, & ceteras, orij, & pacis causa instituat,

ac describat, non belli, testimonio sunt iis, quæ dicimus, ea, quæ sunt. Pleræq; enim ex talibus ciuitatibus tantisper quidem dum bellum gerunt, saluæ sunt: potita autem imperio & principatu, occidunt. Nil orem enim & splendorem suum in pace, deperdunt, instar ferri: cuius rei legum scriptor culpam sustinet, qui hoc eos non docuit, ut otari possint.

15 Quoniam autem idem finis propositus videtur esse hominibus & priuatim & publice, eundemque viro optimo, atque optimæ reip. administrandæ rationi terminum constitutum esse necesse est: perspicuum est virtutes ad otium pertinentes suppetere oportere. Finis enim est, ut sæpe dictum est, pax belli, otium negotij. utiles autem sunt ad otium, & vitam in otio degendam, virtutes & ea, quarum opus, munusque in otio vertitur, & ea, quæ in negotio munere suo funguntur. Multa enim res necessaria suppetant oportet, ut quis otari possit. Quocirca ciuitatem conuenit esse temperantem, & fortem, & laborum tolerantem ac perferentem. Nam ut est in proverbio, Non est otium seruis. At qui fortiter periculum adire non possunt, eorum, qui inuadunt, serui sunt. Fortitudine igitur, & laborum tolerantia opus est in occupatione & negotio: philosophia autem in otio & quiete: temperantia verò & iustitia in utroque tempore: sed magis tamen in pace & otio. Nam bellum quidem iustos & temperanteis esse cogit: rerum verò secundarum tranquillitas ac iucunditas, otiumque cum pace coniunctum, petulanteis & contumeliosos reddit potius. Multa igitur iustitia, multaque temperantia iis opus est, qui optimè rem gerere videntur, quique rebus omnibus, quæ fortunata habentur, perfruuntur, ut siqui sunt, quemadmodum fabulantur poëtæ, in insulis fortunatis. hi enim tanto magis philoso-

phiam & temperantiam, & iustitiam requirent, quanto magis in talium rerum copia, & libertate otiosè viuunt. Quamobrem igitur eam, quæ beata, & bona futura est, ciuitatem, his virtutibus oporteat esse præditā, in promptu est. Nam cum turpe sit non posse bonis uti, tum multo turpius est in otiosa vita non posse uti: sed occupatos quidem, & bellum gerenteis, se præbere viros bonos: pacem agitanteis verò, & otio diffuenteis, mancipiorum simileis esse. Quapropter non quo modo Lacedæmonij, colere virtutem oportet. non enim illi ab aliis hac ratione differunt, neque alijs eò sunt excellentiores, quòd non eadem, atque alij, maxima bonorum esse putent, sed potius quòd hæc aliqua virtute parari existiment. Quoniam autem maiora hæc esse bona, quàm bellica: meliusque esse his frui, quàm virtutibus: & hæc esse per se expetenda, perspicuum est: quo modo, & quibus viis ad ea perueniri possit, videndum. Hæc igitur partitione suprā usi sumus, ut diceremus, natura, consuetudine, ratione iis, qui viri boni futuri sunt, opus esse. Atque ex his tribus, quali ingenio, quali ve natura præditos esse oporteat, antea definitum, & constitutum est. Restat ut videamus utrū ratione prius erudiēdi sint, an consuetudine, & moribus. Hæc enim oportet inter se concinere concentu optimo. fieri enim potest, ut & ratio alicuius ab optimo fine posito & fixo aberrarit, & simili consuetudine sit educatus. Perspicuum igitur primū hoc quidem est, quemadmodum in alijs, sic & in hac re ortum à principio initium capere: & finem ab aliquo principio nasci, quod ipsum alijs finis est. At ratio & mens nobis sunt naturæ finis. Quare ad has oportet ortum nostri, & consuetudinis meditationem atque exercitationem parare. Deinde quemadmodum animus &

1. xj. 2. g.
 τὸ ἐπὶ τῷ
 ὁμοίῳ ἢ
 ὁμοίῳ. lib.
 vulgati
 ὁμοίῳ
 μέθοδῳ.

corpus duo sunt: sic & animi duas esse partes videmus, unam rationis expertem, alteram rationis participem: & duos harum partium habitus, quorum alter appetitus, alter est mēs. Ut autem corpus animo origine prius est: sic & pars animi rationis expertis, parte rationis particeps prior est. Licet autem hoc quoque hinc intelligere, quod animi quidam ardor, seu excandescencia, & voluntas, & praterea cupiditas, in pueris statim in lucem editis inest: ratiocinatio verò, & mēs atate progressis innasci solet natura. Quocirca primum quidem corporis cura animi culturam necessariò debet antecire: deinde proximè appetitionis, mentis causa tamen, cura habenda est: animi gratia, corporis.

16 Si igitur ab initio videndum est legum scriptori, ut optima fiant eorum, qui aluntur, corpora: primo utique loco adhibenda in coniungendis maris & femina corporibus diligentia est, quo tempore, & quales inter se matrimonio coniungi oporteat. Debet autem de hac societate leges ferre, spectato & utroque eorum ipsorum, & vitæ tēpore, ut atatibus ad eandem opportunitatē temporis conveniant & concurrant, neque vires & potestates discrepent, ut vir quidem gignere possit, femina non possit: aut femina possit, vir non possit. hec enim discordias inter eos pariunt & dissensiones. Secundo loco spectanda est filiorum successio. oportet enim neque nimis atate posteriores esse filios parētibus: (nam ut parentes natu grandiores nullum beneficii sui fructum à filiis vicissim percipere possunt: sic filij à parentibus nulla re iuvari, aut subleuari queunt:) neque nimis propè ad parentum atatem accedere. multa enim in hac re insunt incommoda. nam & minor est erga taleis filiorum verecundia, tanquam aequaleis, & ex atatum propinquitate in administratione rei familia-

ris querelæ & criminationes proficisci solent. Postremò,
 unde initio huc degressi sumus, videndum est legum scriptori,
 ut corpora eorum, qui procreantur, sint ad eius voluntatem
 apposita. Hæc igitur fere omnia una diligentia, curaque
 continentur. Quoniam enim procreationis finis definitus est,
 viris quidem ad summum, annorum septuaginta numerus
 ultimus: feminis verò, quinquaginta: oportet coniugatio-
 nis principium, quod ad eorum ætatem attinet, ad hæc tem-
 pora concurrere. Est autem adolescentulorum copulatio, &
 coniunctio ad liberorum procreationem inepta. nam in om-
 nibus animantibus adolescentium fetus imperfecti sunt, &
 feminae eduntur potius, quàm mares, & breui corporis fi-
 gura. Quare necessario hoc idem etiàm in hominibus even-
 nit. Cui res hoc argumento est, quòd quibuscunque in ciuita-
 tibus hoc in more positum est, ut adolescentes cum puellis ado-
 lescentulis matrimonio iungantur, imperfectis & breuibus
 corporibus præditi sunt. Præterea puella adolescentula &
 magis laborant in partu, & plures intereunt. Quapropter
 consulto à Træzeniis oraculo, responsum eis esse quidam di-
 cunt, illa incommoda iis accidere propter talem causam,
 præind: quasi multe mulieres interirent, quia iuniores ac mi-
 nores natu in matrimonium collocarentur, non quòd fructus
 ante tempus colligerentur. Præterea verò & ad temperan-
 tiam adiuvat, elocare paullo ætate grandiores. videntur enim
 esse intemperantiores ac libidinosiores eæ, quæ valde puellæ
 rebus venereis usæ sunt. Tum masculorum corporibus no-
 cere videtur ad incrementum, 'si adhuc corpore crescente re-
 bus venereis dent operam. huius enim tempus quoddam est
 definitum, extra quod egrediens non amplius augeat. Qua-
 propter feminas quidem anno ætatis circiter duodevicesimo

1. Vetus
 codex ha-
 bet, *εἰς τὸν*
τὸν σωμα-
τος αὐτῆς
νομένης
&c. vulg.
τὸν σωμα-
τος αὐτῆς
αὐτῆς.
 Quidam
 docti ne-
 que *σώ-*
ματος,
 neq; *σώ-*
ματος in
 hunc lo-
 cum reci-
 piunt, sed
 reiciunt.
 ego *σώ-*
ματος re-
 tineo, cū
 præsertim
 in libris
 antiq. re-
 peritur.

ARISTOTELIS

conuenit in matrimonium collocare : mares uerò anno circiter tricesimo septimo nuptiis alligare. Namque hoc tempore facta coniunctio & corroboratis, florentibusque ac vigentibus corporibus erit opportuna, & ad procreationis liberorum pausam ac requiem tempestiue in eodem tempore utrisque concurret. Præterea uerò successio liberorum & parentibus & liberis erit opportuna, his quidem ineunte ætatis robore, ac vigore, si statim pro ratione temporis nati fuerint: illis uerò ætate iam decrepita, & ad annum ætatis septuagesimum præcipitata. De coniugio igitur quo tempore sit conciliandum, dictum est. Anni autem tempore eo utendum est, quo etiam nunc utuntur multi, idque pulchrè, ac præclare, bruma huic congressioni faciendæ præfixita. Oportet igitur etiam eos ad liberorum procreationem ea iam cognoscere & quæ à medicis dicuntur, & quæ à physicis. Nam & medici quibus potissimum temporibus corpora optimè sint affecta, satis accuratè explicant : & physici cum de uentis copiosè disputant, tum uentos aquilonareis australibus anteponunt. Sed quomodo affectis parentum corporibus plurimum inueniuntur qui procreantur, in iis quidem, quæ de puerorum institutione dicuntur, attentius & accuratius erit disputandum. nunc autem satis erit adumbrata quadam forma dicere. Nam neque athletarum habitus ad bonam corporis constitutionem ciuili societati conuenientem, nec ad bonam valetudinem, nec ad procreationem liberorum utilis est, neque is, qui remediis & curationibus eget, quique valde laboriosus, & morbis exercitus est : sed qui inter hos interiectus est. Habitu igitur corporis esse oportet laboribus perferendis durato, atque assuefacto : sed assuefacto laboribus non uolentis : neque ad unum laborem

ι τλώ σ
 νουσίας
 ποιῆσαι
 τ. al. σ
 ναυλίας
 minus re-
 ctè.

exercitato, quemadmodum athletarum est habitus, sed ad hominum liberorum actiones. Atque hæc ad viros similiter, & ad mulieres pertinent. Oportet autem & mulieres prægnanteis, seu gravidas suorum corporum curam habere, ne desidia se dedant, neque alimento utantur nimis tenui, & subtili. Atque hoc facile assequetur scriptor legum; si eis iter aliquod quotidianum ad cultum, venerationemque decorum eorum, quibus sorte obtigit, ut præsent gignendis animantibus, iniunxerit, ac mandauerit. Mentem verò earum contrà, atque corpora, desidiosius haberi in vita degenda cõuenit. nam quæ procreantur, multa à matre contrahere cernuntur, quemadmodum & quæ ex terra nascuntur, à terra. De exponendis autem, vel tollendis partibus, lex esto, nequid mancum & debile alatur. Propter multitudinem autem liberorum, ne plures sint, quàm expediat, si gentium instituta, & leges vetent procreata exponi: definitum esse oportet procreandorum liberorum numerum. Quòd si quibus inter se copulatis & congressis plures liberi, quàm definitum sit, nascantur, prius quàm sensus & vita inseratur, abortus est fetui inferendus. Quid enim pium ac religiosum sit, quid non, sensu & vita circumscriptum ac definitum erit. Quoniam autem ætatis initiũ viro & uxori, quando conciliare coniunctionem nuptialem incipere oporteat, definitum est: etiam hoc definitum sit quandiu liberis procreandis eos operam dare conueniat. Nam ut iuniorum, ita & grandiorum natu fetus, inchoatis atque imperfectis corporibus, mentibusque nascuntur: eorum verò, qui senio confecti sunt, suboles infirma atque imbecilla est. Quare id tempus præsinatur, in quo mens maximè viget ac floret. mentis autem flos ac vigor in plerisque est, quem quidam poëta exposuerunt:

ἴστω-
λαύοντα
γὰρ φαί-
νεται τὰ
γενόμε-
να τῆς τε-
κῆς, &c
vulg. τὰ
γεγόμενα
τῆς ἐχ-
σῆς, &c.
mendosè

qui hominis aetatem septenariis numeris metiuntur, anno circiter quinquagesimo. Itaque qui hanc aetatem quadriennio, aut quinquennio superat, is debet à manifesta procreatione solutus esse. De reliquo, valetudinis gratia, aut propter talem aliquam causam, oportet eos videri inter se commisceri. De concubitu autem aut viri cum alia femina, aut feminae cum alio viro, esto absolute turpe & flagitiosum, alium, aut aliam vlla ratione, ulloque pacto tangere videri, cum & est, & appellatur coniux. Quod si quis inter id tempus, quod procreationi liberorum praefinitum est, in tali aliquo facinore deprehendatur, tali infamia notetur, qualem peccati magnitudo, gravitasque postulat.

- 17 Liberis autem natis atque editis, multum interesse existimandum est ad corporis vireis, quo cibo alantur. Apparet autem, si quis alias animanteis, & nationes, quibus cura est habitum bello aptum corpori inducere, animo percurrat: laetis naturam exuberantem, esse alimentum corporibus maxime accommodatum: sed quae sit vini expers, propter morbos. Praeterea & tantas agitationes, quantas qui sunt ea aetate, ferre possunt, adhibere prodest. Ne autem membra propter teneritatem distorqueantur, utuntur etiam nunc nonnullae nationes machinis quibusdam, & instrumentis sollerter excogitatis: quae corpus eorum, qui sunt id aetatis, à peruersione, & distortionem tumentur. Prodest & statim ab ineunte aetate pueros frigoris assuefacere. hoc enim & ad bonam valetudinem, & ad actiones bellicas, utilissimum est. Quocirca multi barbari hunc morem retinent, alij ut pueros simul atque nati sunt, in frigidum flumen immergant, alij ut breui integumento vestiant, quod Galli faciunt. omnibus enim rebus, quibus assuefieri possunt, statim ab ineunte aetate eos

assuefacere melius est, dum modo sensim, ac paulatim. facile autem exerceri potest puerorum habitus natura ad frigora perferenda propter calorem. In prima igitur etate talem diligentiam adhibere, & huic quàm simillimam, utile est, Huic autem proxima usque ad annos quinque, quam neque dum ad ullam disciplinam admouere, neque ad necessarios labores appellere par est, ne incrementum impediunt, tantam agitationem consequi debet, ut corporum segnitiam ac desidiam effugiat: quæ agitatio cum aliis rebus, tum ludo inducenda & comparanda est. Oportet autem ludos neque illiberales, neque laboriosos, neque remissos, ac dissolutos esse. Quales autem sermones, qualesque fabellas audire debeant pueri id etatis, iis magistratibus, qui pueris regendis præfecti sunt, quos pædonomos Græci dicunt, curæ sit videre. Hæc enim omnia debent præcursionem quandam adhibere, viamque munire ad posteriores vitæ degendæ consuetudines, & disputationes. Idcirco & lusiones pleræque, eorum studiorum, quæ posterius seriò ab eis tractabuntur, imitationes esse debent. Vocis autem contentionibus, & plorationibus non rectè pueris interdicunt, qui legibus eos vocem contendere & plorare vetant, nam valent hæc ad incrementum. sunt enim corporibus exercitationum loco. Nam spiritus & animæ compressio iis, qui in aliquo labore versantur, vireis suppeditat atque amplificat. quod & pueris vocem contententibus accidit. Debent porro ij, qui pueris moderandis præfecti sunt, cum aliam horum vitæ degendæ consuetudinem attendere, tum maximè operam dare, ut quàm minimè cum seruis versentur. huic enim etati etiam usque ad annos septem necessariò domi victus subministratur. Ratio igitur postulat, ut, qui hac etate sunt, ab auditionibus,

1 τ αὐ-
δαδνο-
μῶν &c.
libr. vulg.
τῶν αὐ-
δαξομῶ-
ν, &c.
mendosè

Et spectaculis illiberalibus longè arceantur. Cùm igitur uni-
 versè scriptor legum verborum obscenitatem ex ciuitate, si-
 quid aliud, eiicere debeat : (ex eo enim quòd aliquis, quod-
 cunque verbum turpe in buccam veniat, facìlè proloquatur,
 nascitur proximè ut faciat) tum maximè à puerorum auri-
 bus, oculisque remouere, nequid tale vel loquantur, vel au-
 diant. Quòd si quis comperiat aliquid eorum, quæ legibus
 vetita sunt, aut dicere, aut agere, isque liber sit quidem ille,
 sed nondum dignus, qui in conuiuiis publicis inter sit, habitus
 sit : & ignominia afficiendus, & verberibus castigandus est :
 sin sit hac ætate superior, ignominii illiberalibus inurendus
 est, propterea quòd se seruorum similem moribus præbuerit.
 Quoniam autem tale aliquid proloqui vetamus, perspicuum
 est etiam picturas, & fabulas indecoras, ac deformeis specta-
 re per nos non licere. Dent igitur operam magistratus ne-
 qua sit vel statua, vel tabula picta, quæ taleis actiones imi-
 tetur, nisi fortè in templis quorundam talium deorum, qui-
 bus lex lasciuia atque irrisiõnem subobscenam attribuit.
 Verumtamen hos deos permittit lex iis, qui paullo sunt æta-
 te prouectiores, & pro se, & pro liberis, & pro vxoribus ve-
 nerari & omni cultus genere mactare. Junioribus verò ne-
 que iambos, neque comædias spectare vlla lege permitti de-
 bet, priusquam eam ætatem attigerint, in qua & eis accuba-
 tionis : atque ebrietatis consortibus licebit esse : & eos omneis
 à noxa ex his talibus proficiscente incolumis atque integros
 disciplina seruabit. Nunc igitur hunc sermonem cursim ha-
 buimus : posterius autem attentius erit considerandum, pluri-
 búsque verbis explicandum, quærētibus primùm utrùm mi-
 nimè sit faciendum, an sit faciendum : deinde quomodo facien-
 dum. In præsentia autem necessariò his de rebus mentionem

nonnullam fecimus. Fortasse enim Theodorus tragædus non malè tale quiddam dicebat. nullum enim umquam, ne contemptum quidem histriorem passus est ante se in scenam prodire, quòd existimaret spectatorum aureis iis, quæ prima audiunt, captas occupari. Quod idem usu venit & in hominum congressionibus, & in rerum tractationibus. Nam quæ prima nobis oblata sunt, ea omnia sunt nobis probatissima. Quare adolescentibus cum mala ac vitiosa omnia ita debent esse incognita, quasi peregrina: tum ea maxime, in quibus inest vel turpitudine, vel animi offensio. Annis autem quinque exactis, biennium usque ad annum septimum cōfectum, debent iam disciplinarum earum, quas eos discere oportebit, fieri spectatores. Duæ porro sunt ætates, ad quas necessario institutio diuidenda est: altera ab anno septimo ad pubertatem, altera rursus à pubertate usque ad primum & vicesimum annum. Nam qui ætates per hebdomadas partiuntur, magnam partem non rectè dicunt. Sequenda verò naturæ diuissio est. vult enim omnis ars, omnisque doctrina id, quod naturæ deest, supplere. Primum igitur videndum est, sit ne in puerorum institutione aliqua ordinis descriptio adhibenda: deinde utrùm eorum institutionis procuratio, publica, an priuata esse debeat pro cuiusque arbitrio & modo: quod etiam nunc in plerisque ciuitatibus fieri solet: tertio loco, qualem esse oporteat.

LIB. 8.

Quin legum scriptori igitur in adolescentium disciplina maxime sit elaborandum: nemo in controuersiam vocarit. Namque hoc in ciuitatibus neglectum magna incommoda reipub. administrandæ formis importat. accommodatè

enim ad vnumquodque reip. administranda genus ciuitatem administrare oportet. Nam vniuscuiusque reip. administranda formae propria indoles, atque, vt ita dicam, ingenium proprium, & reipub. administranda formam tuetur, & ab initio constituit: Verbi causa, indoles democraticae conueniens, democraticam constituit & conseruat: oligarchiae conueniens, oligarchiam semper autem vt quaeque indoles est optima, ita optimam reipub. administranda formam parit. Præterea in omnibus facultatibus atque artibus quaedam oportet ante doceri, & quibusdam ante assuefieri ad cuiusque opera, munerisque obeunda. Quare perspicuum est etiam ad virtutis actiones expromendas quibusdam studiis & exercitationibus antecedentibus opus esse. Quoniam autem finis vnus omni ciuitati propositus est, perspicuum est etiam vnā & eandem omnium necessariò esse disciplinam, huiusque procuracionem publicam esse debere, non priuatam, quemadmodum nunc sui cuique filij curae sunt, & priuatim, & priuatam disciplinam, quam cuique visum fuerit docere, suis filiis tradenti. Oportet autem rerum communium exercitationem quoque facere communem: simulque ciuem neminem existimare oportet ipsum esse suum, sed omneis se esse ciuitatis. particula enim vnusquisque ciuis ciuitatis est. At cuiusque particulae procuratio, totius procuracionem intueri solet natura. Atque etiam in hoc Lacedæmonios aliquis laudarit. plurimum enim studij in pueros conferunt, idque communiter & publicè. Leges igitur de disciplina & institutione puerorum esse scribendas, atque hanc communem & publicam esse oportere perspicuum est.

- 2 Qua sit autem disciplina, & quo modo pueros & adollescentis oporteat erudiri, cognoscendum est. nunc enim de factis

factis ambigitur. nam non eadem adolescentibus esse discēda omnes existimant neque ad virtutem, neque ad optimam vitam comparandam. Et utrū ad mentem & cogitationem, an ad animi mores disciplina sit referenda, obscurum est. Tum huius rei consideratio ducta ex disciplina usitata, & in medio atque in promptu posita, turbulenta ac perturbata est: neque appāret utrū exercenda sint ea, quæ vitæ sunt utilia, an quæ ad virtutem pertinent, an eximia quadam, & superuacanea. hæc enim iudicibus quibusdam nituntur. Et de iis, quæ ad virtutem pertinent, non cōuenit inter omnes. Etenim virtutem non eandem statim omnes magni aestimant. quare & de eius exercitatione ac studio inter se dissentiunt. Ex iis igitur, quæ vitæ utilia sunt, necessaria esse discenda, non est obscurum: sed tamen non omnia. Nam cum distincta sint liberalia munera ab illiberalibus, licet videre talia utilia adolescenti esse tractanda, quæ cum, qui tractet, non sordidum, neque illiberale sunt redditura. Sordidum autem atque illiberale munus hoc est habendum, & hæc ars, atque hæc disciplina sunt illiberales iudicandæ, quæ ad virtutis usus & actiones, hominum liberorum aut corpus inutile efficiunt, aut animum, aut mentis agitationem. Quocirca & taleis artibus omnēs, quæ corpus corrumpunt, redduntque deterius, & operas mercenarias, illiberales appellamus. mentem enim occupatam atque impeditam distinent, eamque humilem reddunt. Non est autem illiberale nonnullis scientiis liberalibus usque ad aliquem finem instructum atque ornatum esse: sed in eas incumbere, iisque affixum esse usque eò, donec ad perfectionem peruentum sit, id ad ea incommoda, quæ à nobis commemorata sunt, obiectum est. Præterea multum interest, cuius rei

gratia quis aliquid agat, aut discat. sua enim causa, aut amicorum, aut propter virtutem discere, non est illiberale. Qui verò hoc agat propter alios, saepe mercenarium quiddam, & seruire agere videatur. Quæ igitur nunc usu receptæ, & tri-
tæ sunt disciplinae, quemadmodum supra dictum est, anticip-
tes sunt, & in utramque partem valent.

3 Quattuor autem ferè sunt, quæ pueros docere solent: lit-
teras, & artem corporum exercendorum, quam gymnasti-
cam Græci vocant, & musicam, & quod quartum est, non-
nulli artem pingendi: grammaticam quidem, & artem pin-
gendi, ut ad vitam vtileis, & multis utilitatibus atque op-
portunitatibus refertas: gymnasticam autem, ut ad fortitu-
dinem pertinentem. De musica porro dabitauerit aliquis.
nunc enim plerique tanquam voluptatis causa eius studio
ducuntur. alij eam ab initio in pueritia. discendam proposue-
runt: propterea quòd ipsa natura, id quod sæpè numero à no-
bis dictum est, vias omneis quærit non solum negotij rectè
gerendi, verum etiam otij honestè, rectèque ponendi. Hoc
enim omnium rerum agendarum principiū est, ut de hac ite-
rum dicamus. Nam si utrumque adhibendū quidem est, sed
tamen otium negotio est anteponendum: etiā querendum est
omnino quid sit in otio faciendū. non enim ludèdum. alioqui
finis vitæ humanæ propositus: necessariò ludus esset. At si hoc
nefas est, potiùsque in negotiis & occupationibus ludo &
ioco utendum est: (nam ei, qui in labore versatur, requie
opus est: & quietis causa ludus interponitur: negotium ge-
rere autem cum labore & contentione coniunctum est) iccir-
co ludus & iocus nobis adhibendus est, captato & observato
eis utendi tempore, proinde quasi ea adhibeamus medicinæ
faciendæ gratia. talis enim animi agitatio, remissio est, &

propter voluptatem requies expetitur, otium autem ipsum videtur voluptatem, & beatitudinem, & vitam fortunatam ac incundam continere. hæc enim non occupatis, & negotio impeditis, sed feriatis, & cessantibus suppetere videtur. Nam qui negotium aliquod gerit, alicuius finis gratia negotium gerit, quasi non præstò sit, neque suppetat. At beatitudo, finis est: quam non cum dolore, sed cum voluptate cõiunctam esse omnes arbitrantur. Hanc porrò voluptatem non iam omnes eandem statuunt, sed pro suo quisque sensu atque habitu fingit: optimus autem optimam sibi voluptatem deligit, & à rebus honestissimis profisciscẽtem. Quare perspicuum est quædam ad partem vitæ degendæ otiosam accommodata esse discenda, & talibus quibusdam doctrinis pueros & adolescentis esse erudiendos: atque has quidem institutiones, & disciplinas ipsorum, qui discunt, gratia suscipi: eas verò, quæ ad negotium & occupationem referuntur, tanquam necessarias, & aliarum rerum causa, expeti. Quocirca & musicam maiores nostri inter disciplinas numerarunt, non quòd sit necessaria: nihil enim habet tale: neque quòd sit utilis, quemadmodum sunt litteræ, ad pecuniam faciendam, & ad tuendam rem familiarem, & ad artes mathematicas, aliàsque disciplinas, & ad multas ciuileis actiones: neque ut ars pingendi: videtur enim ars pingendi ad melius, sollertiùsque indicandum de artificum operibus esse utilis: neque verò, ut gymnastica, ad bonam valetudinem, & robur. neutrum enim horum videmus à musica effici. Reliquum igitur est, ut sit ad liberorum hominum vitæ degendæ consuetudinem utilis: ad quam rem & eam videntur adhibere. quam enim liberis hominibus vitæ degendæ rationem conuenire putant, in hac ei locum tribuunt. Quocirca Homerus ita cecinit.

1 ἔδ' ὦ-
 πρηνὲς α
 φικῇ: hoc
 torum de-
 sideratur
 in li. vulg.

At decet ad lautas cantorem arcessere menfas.

Et quibusdam aliis antè appellatis,
Cantorem arcessunt (inquit) qui carmine mulceat aureis. Et alibi *Vlysses* ait hanc esse optimam vitæ degendæ rationem, cum delectantur homines,

Auditurque ampla conuiuiis cantor in aula.

Ordine dispositis longo. Disciplinam igitur esse aliquam, quam filij doceri debent, non tanquam vilem, neque tanquam necessariam, sed tanquam liberalem, atque honestam, perspicuum est. Vtrum autem vna numero sit, an plures, et quæ sunt hæc, et quo modo docendæ, posterius iis de rebus erit dicendum. Nunc hoc tantum nobis quasi muniente ad ea, quæ dicturi sumus, viæ gratia, positum est, etiam antiquos id, quod dicimus, ex disciplinis primis et visitatis testimonio suo confirmare. Musica enim hoc declarat. Præterea verò etiam hoc perspicuum est, disciplinas quasdam utileis doceri pueros oportere, non eò solum quòd sint utileis, qualis est grammatica, et litterarum cognitio: sed etiam quòd, multæ aliæ disciplinæ earum adiumento percipi et comparari possint. Similiter et ars pingendi tradenda est, non ut ne in suis rebus venalibus labantur, aut titubent, sed ut ne in vâsorum et suppellectilis emtione et venditione decipi possint, seu potius quòd in pulchritudine corporis cognoscenda sollertem efficiat, atque intelligentem. Vbi que autem utile quærere, et fructum consecrari, minimè cõuenit viris magnanimis et liberis. Iam verò quoniam in promptu est vtrum puèri consuetudine, an ratione docendi sint, et vtrum prius ea, quæ ad corpus pertinent, quàm quæ ad mentis agitationem, an contra: ex his cognoscere licet, pueros arti corporum exercendorum, quam gymnasticam

appellant Græci, & arti puerorum variis certaminibus terrendorum ac durandorum, quam pædotribicam vocant, esse tradendos. harum enim altera corporis habitum conformat, altera effectiones & munera.

Nunc igitur quibus ciuitatibus maxima curæ pueri videntur esse, earum alie athletarum habitum corporibus conciliant & formas corporum corrumpentes, & eorum incrementis nocentes. At Lacedæmonij in hoc quidem non peccant, sed pueros laboribus immanis & feros reddunt, proinde quasi hoc ad fortitudinem plurimū valeat. Atqui, quemadmodum sæpenumero dictum est, neque una, neque hac maximè virtute spectata, cura in pueros est conferenda. Et si demus hanc etiam virtutem esse spectandam, ne hoc quidem assequuntur, nam neque in aliis animantibus, neque in aliis gentibus fortitudinem moribus immanissimis, & efferatissimis comitem adiunctam esse cernimus, sed mansuetissimis potius, & leoninis. Multæ autem sunt nationes, quæ ad necandos homines, & ad vescendum carnibus humanis sunt faciles ac procliuēs, quemadmodum ex iis populis, qui Pontum accolunt, Achæi, & Heniochi; atque ex gentibus mediterraneis alie nonnullæ partim similiter atque hæc viuunt, partim deterius atque immanius: quæ ad latrocinandum quidem factæ sunt natura, sed fortitudine nulla ex parte præditæ sunt. Præterea verò Lacedæmonios ipsos scimus, quandiu ij in studio laborum assiduè versabantur, aliis præstitisse: nunc autem & exercitationibus, & certaminibus bellicis ab aliis Græciæ populis superari, non enim eò quòd pueros & adolescentis hoc modo exercerent, ceteris præstabant, sed eò solùm, quòd in eos, qui se non exercebant, exercerent. Quare primas partis honestum, non im-

manitas ferre debet. non enim lupus, neque ulla alia fera, certamen ullum cum honesto periculo coniunctum inierit, sed vir bonus potius. Qui verò pueros ad hæc certamina valde effusè ac dissolutè ferri sinunt, & ad res necessarias custodes aut magistros eis non apponunt, sordidos atque illiberales artifices eos reddunt, si verum fateri volumus, quippe qui eos ad unum opus duntaxat scientiæ civili utilis efficiant: & quidem ad hoc deterius aliis comparatos, ut ratio indicat ac declarat. Oportet autem non ex superioribus factis, sed ex præsentibus iudicare. Nunc enim habent aduersarios, qui de disciplina cum eis certent: antea non habebant. Utendum igitur esse gymnastica, & quomodo sit utendum, cõuenit inter omneis. Nam vsque ad pubertatem pueri ad leniorem exercitationem sunt admouendi: à violento victu, & laboribus à necessitate præscriptis arcendi, nequid impedimenti afferant corporis incremento. posse enim illa hoc efficere non paruo argumento est, quòd in Olympionicis duos, aut summum treis reperias, qui iidem & viri & pueri vicerint, propterea quòd eis, interea dum pueri sunt, immodicè se exercentibus necessaria & violenta exercitationes vireis auferant. Cum verò à pubertate treis annos in aliis disciplinis posuerint, tum cõuenit & laboribus necessariis, & victui à necessitate præscripto, quæ anangophagiam Græci vocant, proximam ætatem alligare. Nam uno tempore & mente & corpore laborem sufferre non oportet. uterque enim labor res contrarias efficere solet natura: & corporis quidem labor, menti: mentis labor verò, corpori impedimento est.

De musica autem quæ sita quidem, & in dubium vocata sunt in hoc libro antea nonnulla, sed par est etiam nunc

ea repetita amplificare ac promouere, ut veluti prolusiones quædam sint iis, quæ quis de ea dicere possit asseuerando, ac pronuntiando. Nam neque quam vim habeat, distinctè explicare facile est, neque cuius rei gratia eam adhibere & assumere oporteat, utrum ludi & quietis, quemadmodum somnum & ebrietatem: (hæc enim ipsa quidem per se non sunt in rebus bonis & honestis numeranda, sed iucunda sunt: simulque sollicitudines coercerent & comprimunt. quocirca etiam ea in eodem ordine & loco ponunt: & his omnibus similiter vtuntur, vino, & ebrietate, & musica. in harum autem rerum numerum etiam saltationem referunt) an verò musica aliquid existimanda sit ad virtutem pertinere, quasi possit, ut gymnastica corpus cuiusdammodi reddat, sic & musica mores certo quodam modo conformare, an ad vitæ degendæ rationem & prudentiam valere, hoc enim eorum, quæ dicta sunt, tertium statuendum est. Pueros igitur non esse ludi causa docendos, nemini obscurum est. non enim ludunt, qui discunt, nam cum dolore disciplina coniuncta est. Jam verò certam vitæ degendæ rationem pueris, & talibus ætatibus præfinire non cõuenit. nulli enim rei imperfectæ finis cõuenit. Sed fortasse videatur alicui puerorum studium ludi causa esse comparatum, cum ad virilem ætatem peruenerint, & adulti, perfectique fuerint. At si hoc verum est, quamobrem ipsos discere oporteat, & non, quemadmodum Persarum & Medorum reges, per alios, qui id faciant, voluptatem & disciplinam percipere? Etenim necesse est eos melius rem aliquam facere, qui eius ipsius rei artem profitentur, quàm qui tamdiu in ea re curam & diligentiam adhibuerunt, quantum temporis in discendo fuit contrecrendum. Quod si ipsos in talibus rebus

ARISTOTELIS

oportet elaborare, ergo etiam apparandorum opsoniorum artem ipsos discere, negotiūque tractare oporteat. At hoc absurdum. Eandem autem res habet dubitationem, & si quis dicat eam posse mores meliores efficere. Nam cur hæc ipsos discere oportet, & non potius, dum alios audiunt, & honestam voluptatem percipere, & rectè iudicare possit, quem admodum Lacedæmonij faciunt? illi enim, quamvis musici non discant, possunt tamen, ut aiunt, de modis & cantibus, qui boni sint, qui non, rectè iudicare. Eadem quoque ratio quadraverit, si quis dicat ad tempus diei iucundè, hilaritèrque traducendum, & ad vitæ degendæ rationem liberalem, ea esse utendum. cur enim ipsos discere oportet, & non aliis utentibus percipere voluptatem? Licet autem quæ sit nostra de diis immortalibus existimatio considerare. non enim Iupiter ipse canit, & cithara pulsat apud poetas. quin etiam tales, illiberales & sordidos artifices appellamus: & actio ipsa non est hominis eius, qui non sit ebrius, aut qui non ludat. Sed fortasse his de rebus posterius videndum est. Prima autem quaestio est utrū musica numeranda sit in disciplinis puerilibus, necne: & ex tribus illis, quæ in dubium vocata sunt, cuius potissimū vim obtineat, utrū disciplinæ, an ludi, an vitæ degendæ, ac traducendæ ætatis rationis. Meritò porrò in horum omnium ordine ac numero locatur, omniūque videtur particeps. Nam & ludus reficiendi ex labore corporis, relaxandique animi causa comparatus est. Relaxatio autem, & recreatio animi & corporis, iucunda sit necesse est. doloris enim eius, quem labores afferunt, medicamentum quoddam est: & vitæ degendæ, ætatisque traducendæ genus sine controuersia debet habere non solum honestum, verū etiam voluptatem. nam
beatitudo

beatitudo ex hoc utroque constat. At musicam omnes esse dicimus è numero rerum iucundissimarum, tum nudam ac simplicem, tum eam, quæ cantu & modulatione constat. Ait itaque & Musæus,

Dulcius esse nihil cantu mortalibus ægris.

Quapropter etiam ad conuentus, & ad congressiones, vitæq; traducendæ rationes, & consuetudines, eam meritò assumere solent, quasi delectandi vim habeat. Quare etiā ex hoc existimare possit aliquis, adolescentulos ac pueros eam discere oportere. Omnia enim iucunda, quæ nullum detrimentum important, non modò ad finem apposita & accommodata sunt, verùm etiam ad quietem, remissionemq; animorum. Quoniam autem rarò admodum cōtingit hominibus, ut ad finem perueniant: sæpenumerò autem requiescunt, animosque à laboribus relaxant, & utuntur ludo & ioco non solum immoderato, & supra modum, verùm etiam propter voluptatem: Utile fuerit in iis, quæ à musica nascuntur, voluptatibus acquiescere. Euenit autem hominibus, ut iocum & ludum finem constituent. habet enim fortasse voluptatem nonnullam adiectam etiam finis: verùm non quamlibet, neque forte fortuna oblatam, sed longè maximam, & egregiam. Homines autem dum hanc querunt, pro hac illam sumunt, propterea quòd ea cum fine actionum humanarum similitudinem quandam præ se ferat. Nam & finis nullius rei futuræ gratia optabilis est: & hæc tales voluptates (eas dico, quæ ex musica percipiuntur) nullius rei futuræ causa expetuntur, sed præteritarum rerum gratia, nempe laborum, & doloris. Quam ob causam igitur beatitudinem & in his voluptatibus querant, & ex his voluptatibus sibi comparare studeant, hanc quis esse causam probabiliter existimare possit.

ARISTOTELIS

De musica autem, eam omnium esse communem nõ propter hanc causam solùm, sed etiam propterea quia utilis sit ad requiem & recreationem à labore, nemo in controuersiam vocauerit, ut appàret: verùm enim verò quærèdum est utrùm per se, an ex euentu musica relaxàdi animi causa expetatur: verendùmque est ne hoc ei quidem euenerit, sed honoratior eius natura sit, quàm ut propter eam, quam diximus, utilitatem atque indigentiam, expetatur: oporteatque non solùm communem ex ea voluptatem, cuius omnes habent sensum, percipere (inest enim in musica naturalis voluptas. quocirca omnibus ætatibus, omnibûsque moribus, eius usus amœnus & gratus est) sed num aliqua ex parte etiam ad mores, & ad animum pertineat, ac permânent, videre. Hoc autem in promptu fuerit, si cuiusdammodi moribus, id est certo quodam modo morati per eam efficiamur. At nos certo quodam modo moratos per musicam fieri, cùm ex aliis multis intelligere liceat, tum maximè ex Olympi carminibus modulatis. hæc enim sine cõtrouersia animos afflatu quodam diuino permouent & concitant. At animi concitatio ex afflatu diuino nata, morum & affectionum animi perturbatio est. Præterea verò omnes homines cùm imitationes audiunt, animis permouentur ex consensione & contagione naturæ, etiam sine numeris & modis ipsis. Quoniam porro euénit, ut musica sit è numero rerum iucúdarum: virtus autem in eo versatur, ut quis rectè letetur, & amet, & oderit: oportet scilicet nihil ita discere, nullique reis sic assuesieri, ut his, nempe rectè iudicare, & probis moribus, honestisque actionibus delectari. At in numeris & modis præter veras naturas, insunt maximè ira, & lenitatis, & verò etiam fortitudinis, & temperantiæ, & omnium his contrariorum habituum, aliarúmque rerum

1 per numeros hic significat Aristoteles morus corporis, & maximè pedû, numerosos: per modos, canrus: ut in libro περὶ ποιητικῆς. Appellatur autem Græcè hos, μέλη: illos, ῥυθμίς.

moralium simulacra quadā expressa. Atque hoc facta ipsa declarant. cū enim talia audimus, animorū sit in nobis mutatio, & perturbatio. At aliquem in iis, quæ similitudine, & imitatione sunt expressa, assuefactum esse dolore, & letari, non longè abest ab eo, ut eodem modo ad res veras sit animatus atque affectus. verbi causa, si quis alicuius imagine aspicienda delectetur non propter aliam causam, quàm propter speciem & formā ipsam, huic eius ipsius aspectus, cuius imaginem contemplatur, iucundus sit necesse est. Euēnit autem, ut in aliis quidem rebus sub sensum cadentibus, nullum insit morum simulacrum, verbi gratia, in iis, quæ tactum, & gustatum mouent : verumtamen in aspectabilibus inest aliquantulum, (tales enim sunt figuræ) sed parum admodum. tum omnium hominum talis sensus communis est. Præterea verò non sunt hæ, quæ fiunt, morum figuræ, atque hi colores, morum simulacra, sed signa potius. & hæc insunt in corpore, inter corporis affectus. Verumtamen quantacunque sit in harum rerum inspectione differentia, oportet pueros, & adolefcentis non Pausonis, sed Polygnoti, & si quis alius pictor, aut fictor moralis est, hoc est mores exprimit, picturas intueri. At in modis ipsis & cantibus insunt imitationes, assimilationesque morum. atque hoc in promptu est. tantum enim differunt ac distant inter se harmoniarum naturæ, ut, qui audiunt, aliter atque aliter afficiantur, neque eodem modo ad unamquamque earum moueantur: sed ad has quidam aliquanto mæstius, & contractius, ut ad eam, quæ mixolydia, seu mixtolydia appellatur : ad illas mentibus remollescant, ut ad remissus & molleis : ad aliam moderati fiant, maximèque sedati : cuiusmodi quiddam efficere videtur sola ex harmoniis Doria. Phrygia autem ad mentem

instinctu diuino concitandam valet. hæc enim probè dicunt qui in hac disciplina studiosè versati sunt. Namque ex factis ipsis sumunt eorum, quæ dicunt, testimonia. Enimuerò & eorum, quæ ad numeros, qui à Grecis rhythmi dicuntur, pertinent, eadem ratio est. alij enim mores habent sedatiores, alij ad mouendum valent: atque horum alij motus habent ineptiores atque illiberaliores, alij politiores ac liberaliores. Ex his igitur perspicuum est posse musicam mores animi cuiusdammodi efficere, & conformare. At si hoc facere potest, ad eam scilicet pueri sunt applicandi, eaque erudicendi. Est autem ad huius ætatis naturam accommodata musica doctrina. Pueri enim propter ætatem suam voluntate nihil iucunditatis experferre possunt. At musica ex earum rerum numero est, quæ iucunditate ac voluptate condita sunt. & aliqua nobis videtur esse cum harmoniis & numeris cognatio. Quocirca multi sapientes partim animum harmoniam esse dixerunt, partim ex harmonia constare.

- 6 Vtrum autem pueros ita musicam discere oporteat, ut ipsi canant, & muneribus, operibusque musicis manus admo-ueant, necne, quemadmodum supra dubitatum est, nunc est dicendum. Non est porro obscurum valde referre ad id, ut cuiusdammodi homines fiant, si quis ipse in muneribus, operibusque fungendis versetur. Nam fieri non potest, aut vix quidem certe, ut, qui non fuerunt munerum atque operum participes, boni iudices artis fiant. simulque pueros oportet aliquod vitæ traducendæ atque occupandæ genus habere: & Archyta crepitaculum præclare esse comparatum existimare, quod pueris dare solent, ut, dum hoc vtritur, nihil eorum, quæ domi sunt, perfringant. quod enim puerile & iuuenile est, quiescere non potest. Atque hoc quidem ludicrum pueris

infantibus cónuenit: disciplina verò pueris grandioribus cre-
pitaculum est. Sic igitur musicam pueros esse docendam, ut
musicæ muneribus fungantur, operúmque sint participes,
ex his intelligere licet. Quid deceat porro ætates, quid non,
difficile non est definire, & quod quidam obiciunt, studium
esse sordidum atque illiberale, dissoluere. Primum enim quo-
niam iudicandi gratia operibus fungendum est, iccirco oportet
eos, dum pueri sunt, opera tractare: ubi verò adoleuerunt,
grandioresque facti sunt, opera quidem missa facere, recta
verò iudicare, & rectè latari posse, propterea quòd in pueri-
tia musicam didicerunt. Deinde verò quòd quidam musi-
cam vituperant, tanquam sordidos efficiat atque illiberales
artifices, non erit difficile eos refellere, si considerauerimus
quatenus ij, qui ad virtutem civilem erudiuntur, musicæ
operibus fungi, & quales modos cantúsque, & quales nu-
meros tractare, præterea qualibus in musicis instrumentis,
seu organis musicam discere debeant. Namque hoc aliquid
interesse probabile est. in his enim reprehensionis ac vitupe-
rationis dissolutio posita est. nam modos quosdam musicæ id,
quod dictum est, efficere nihil vetat. Perspicuum igitur est,
oportere eius studium ac disciplinam neque posteriores a-
ctiones impedire, neque corpus illiberale, & ad bellicas ac
civileis exercitationes inutile reddere, ad exercitationes qui-
dem iam, ad disciplinas verò posterius. Aptè autem &
conuenienter pueri musicam discant, si neque in eis, quæ ad
artificum certamina pertinent, elaborent, neque admirabi-
lia, & eximia, atque exquisita opera magno labore susce-
pto perdiscant, quæ nunc in certamina, ex certaminibus in
disciplinam introducta sunt: sed talia usque ad eum finem
discant, quoad elegantibus & honestis modis ac numeris de-

ARISTOTELIS

lectari possint, & non solum genere musicae communi, quem-
 admodum & nonnullae aliae animantes: praeterea vero &
 mancipiorum ac puerorum multitudo. Apparet autem ex
 his, etiam quibus organis sit utendum. Nam neque tibiae in
 puerorum institutionem introducendae sunt, neque aliud or-
 ganum artificum proprium, qualis est cithara, & siquod
 aliud est huiusmodi: sed ea sola, quae efficient eos bonos au-
 ditores aut doctrinae musicae, aut alius. Praeterea tibia non
 est organum ad mores mitiores exprimendos, aut inferen-
 dos aptum, (ethicum Graeci appellant, nos morale dicamus)
 sed potius ad animos furore quodam Bacchico stimulandos
 accommodatum. Quare talibus temporibus eo utendum
 est, quibus eius usus valet ad animos expiandos potius, ac
 lustrandos seu purgandos, quam ad erudiendos. His acce-
 dat, tibiam hoc habere institutioni & doctrinae aduersarium,
 quod tibiae cantus prohibet ratione uti. Quocirca recte ve-
 teres eius usum in pueris ac liberis hominibus improbarunt,
 cum antea eo usi essent. otium enim uberius ex omnium re-
 rum copia nati, maioresque animos ad virtutem consecuti,
 tum superioribus temporibus & post bellum Persicum ex
 rebus fortiter & praecclare gestis ferociores & elatiores effe-
 cti, omne disciplinae genus attigerunt, nullum dilectum ad-
 hibentes, sed aliam atque aliam insuper indagantes. Qua-
 propter etiam artem tibiae canendi ad disciplinarum nume-
 rum aggregarunt. Etenim Lacedaemone quidam, qui lu-
 dorum sumtus suppeditabat (choragum appellant Graeci)
 ipse choro tibiam inflavit: & Athenis ita increbruit, ut
 fere plerique liberi & ingenui homines tibia canerent. At-
 que hoc ex ea tabula apparet, quam Thrasippus is, qui Ec-
 phantidae ludorum sumtum suppeditarat, dedicauit. poste-

rius verò spreta atque improbata est periculo eius factò cū
iam melius, quid ad virtutem valeret, quid non, indicare
possent. similiter & multa organa vetera, ut pectides, &
barbiti, & quæ ad voluptates eorum pertinent, qui cantores
audiunt eis utentis: cuius generis sunt septangula, quæ he-
ptagōna nominant Græci, & triangula, quæ trigōna, &
sambuca, & omnia, quæ scientiam in manuum opere, mune-
rēque positam desiderant. Habet autem rationem probabi-
lem & ea de tibiis fabula, quam confinxerunt veteres. aiunt
enim Mineruam tibiis à se repertas abiecisse. Cū igitur hoc
quoque liceat dicere, deam, quòd oris deformitate offensa esset,
hoc fecisse: tum verò probabilius est, propterea quòd tibiarum
inflandarum disciplina nihil ad mentis agitationem conferat:
Minerua autem scientiam & artem tribuamus. Quoniam
porrò tractandorum organorum, & fungendi muneris mu-
sici disciplinam artificum propriam, seu artificialem impro-
bamus: artificialem autem, seu artificibus conuenientem sta-
tuimus eam, quæ ad certamina pertinet: (in hac enim is, qui
agit, non virtutis suæ, sed eorum, qui audiunt, voluptatis,
huiusque ineptæ ac putidæ causa, musicam tractat:) iccirco
ingenuorum esse nequaquam iudicamus operis huius fun-
ctionem, sed mercenariorum hominum. Itaque euenit, ut
euadant artifices illiberales. finis enim, quem sibi proponunt,
& quem intuentur, malus est. Nam spectator, qui ineptus
& indoctus est, musicam mutare consuevit. Itaque etiam ar-
tifices, qui sese ad eum meditando componunt, tum ipsos cu-
iusdammodi efficit, tum eorum corpora propter motiones.

Quod ad harmonias autem & numeros, & disciplinam
pertinet, videndum est utrum omnibus harmoniis, omni-
busque numeris utendum sit, an aliqua adhibenda sit distin-

I γενικός
 al. ρομα-
 νικός mi-
 nus rectè.

Etio. Deinde ad eos, qui in institutione puerorum elaborant, utrum eandem definitionem accommodemus, an tertiam quandam aliam asserere oporteat, quoniam musicam in cantu, & numeris consistere videmus: horum autem utrumque quid ad institutionem & disciplinam puerilem valeat non est ignorandum: & utra musica sit optabilior, ea, quæ in cantu consistit, an quæ in numeris. Cùm igitur existimemus, nonnullos huius ætatis musicos, & quosdam philosophos, quicunque fortè ea doctrina, quæ ad musicam pertinet, eruditi sunt, multa his de rebus rectè disputata tradidisse, subtiliorem quidem & accuratiorem de singulis sermonem eos, qui plura cognoscere velint, ab illis petere sinemus: nunc autem generalitèr, rudi quadam duntaxat, & adumbrata descriptione exposita, de iis disseramus. Quoniam autem cantuum partitionem, quam philosophi quidam faciunt, probamus, qui cantus alios morales, alios ad actionem pertinentes, alios ad animos instinctu diuino concitandos valentes ponunt, & harmoniarum naturam ad unumquemque horum accommodatam aliam ad aliam partem faciunt: dicimus autem nõ unius utilitatis causa uti musica oportere: sed plurium: (institutionis enim, siue disciplinæ, & lustrationis, siue expiationis gratia, ea utèdum est: quid autem lustrationem, seu expiationem appellemus, nunc quidem simpliciter, aliàs autè in libris de arte poëtica planius exponemus) deinde verò ad ætatem traducendam, vitæque degendam: postremò ad remissionem animorum, & ad requiem ac recreationem à contentione & labore: quoniam igitur hæc ita sunt, perspicuum est, omnibus harmoniis utèdum esse, verùm non eodem modo omnibus utendum: sed ad institutionem quidem ac doctrinam, iis, quæ maximè sunt morales: ad eos

verò

verò audiendos, qui manus organis admovent, operèque musico funguntur, iis, quæ ad actionem, iisque, quæ ad animos afflatu diuino concitandos valent. Qui enim affectus in aliquibus animis exsistere solet valide & acriter, hic in omnibus inest: sed eò differt, quòd in aliis magis, in aliis minus inest: quod genus est, misericordia, & metus, & præterea mentis concitatio ex afflatu diuino. Etenim ex hac agitatione & permotione nonnulli concitati feruntur, sed hos videmus sacris cantibus tranquillari ac sedari, cum vtuntur musici cantibus animum furore leuantibus ac purgantibus, proinde quasi curationem, & purgationem consecuti sint. Hoc igitur idem accidere necesse est & misericordibus, & timidis, & omnino iis, qui alio aliquo affectu facile commouentur: ceteris autem quantum, talium motionum ad quenque attinet ac pèruenit: atque omnibus purgationem atque expiationem quandam contingere, omnèisque non sine voluptate leuari. Similiter verò & cantus ad purgandos atque expiandos animos valentes, letitiam afferunt hominibus damni & noxæ expertem. Quapropter in talibus harmoniis, talibusque modis & cantibus certatores ij spectandi sunt, qui musicam theatralem tractant. Quoniam autem spectator est duplex: alter liber & eruditus: alter indoctus & stolidus, ex illiberalibus, & mercenariis hominibus, & talibus alijs concretus & conflatus, danda sunt etiam iis, qui tales sunt, certamina & spectacula ad requiem & remissionem animorum. Quemadmodum autem eorum animi ex habitu naturæ consentaneo deprauati ac detorti sunt: sic & harmoniarum & cantuum quedam deprauationes sunt: eos cantus dico, qui nimis contenti sunt, & indecoris quasi coloribus infuscati. Afferunt autem unicuique voluptatem id, quod cu-


iusque naturæ accommodatum est. Quapropter permittenda
 iis, qui certant, licentia est ad talem spectatorem talis cuius-
 dam musicæ generis usurpandi: sed ad institutionem & di-
 sciplinam, quemadmodum dictum est, cantibus mores expri-
 mentibus, quos moraleis diximus appellari, utendum est,
 & talibus harmoniis. Talis autem est Doria, ut antè dixi-
 mus. Recipienda porro est & siquam aliam probent ij, qui
 nobiscum societate philosophiæ in vita degenda, & artis
 musicæ disciplinæ coniuncti sunt. Socrates autem in libris
 de rep. administranda non rectè Phrygiam harmoniam cum
 Doria relinquit, idque cùm ex omnibus organis musicis ti-
 biam improbarit. nam eandem vim habet in harmoniis har-
 monia Phrygia, quam in organis tibia. utrumque enim ad
 animos instinctu diuino concitandos, & ad affectus commo-
 uendos valet. quod poësis declarat. Omnis enim bacchatio,
 omnisque talis motus ex omnibus organis in tibiis est ma-
 ximè. ex omnibus verò harmoniis & cantibus, hæc organa
 cantibus Phrygiis maximè sunt decora. exempli causa, di-
 thyrambus sine controuersia Phrygius videtur esse. cuius
 rei cùm multa alia exempla commemorèt ij, qui huius scien-
 tiæ sunt intelligentes: tum hoc Philoxeni proferunt, qui in
 fabulis Doria harmonia dithyrambum facere conatus, non
 potuit: sed ab ipsa natura in Phrygiam récidit, conuenien-
 tem harmoniam. De Doria autem sic omnes uno ore sen-
 tiunt, eam esse maximè sedatam, & mores habere maximè
 virileis. Præterea verò quoniam quod medium est inter duo
 extrema, laudamus, & sequi dicimus oportere: Doria au-
 tem harmonia huius naturæ est cū aliis harmoniis compara-
 ta: perspicuum est, cantus Dorios discere magis, quàm ullos
 alios, pueros decere. Sunt autem duo spectanda, quod fieri

potest, & quod decet. Etenim ea, quæ fieri possunt, & quæ quemque decent, tractanda sunt potius. Definita porro sunt hæc quoque ætatibus, verbi causa iis, qui annis confecti & ætate defessi sunt, haud facile est contentas & acreis harmonias canere, sed remissas natura suggerit iis, qui id ætatis sunt. Quocirca rectè etiam hoc nomine Socratem reprehendunt nonnulli ex iis, qui in musica versantur, quod remissas harmonias in institutione ac disciplina puerorum improbarit, eas accipiens tanquam temulentas & ebrias, non ex vi & potestate ebrietatis, quasi ebrios item efficiant: (maiores enim vim habet ebrietas ad furorem Bacchicum incutendum:) sed tanquam languidas, fractas, ac defessas. Quare & ad ætatem futuram, grandiorum natu dico, oportet taleis harmonias, & taleis cantus adhibere. Præterea si qua talis harmonia est, quæ puerilem ætatem deceat, quia possit ornamentum simul & doctrinam afferre, qualis ex omnibus harmoniis Lydia maximè videtur: in promptu est treis sineis ac veluti terminos in institutione ac disciplina esse constitutos, quod medium est, quod fieri potest, quod decet.

Rr ij

FINE





R. SALVAREZZA
RESTAURANT
Via Val S. 100
Tel. 899.111

1987

